


Հանրային Արքան

ՀԱՅՐԱՊԵՏ





876

Հայաստանի Սրբազան

ՀԱՅՅՈՒ Ե ՈՐՈՒՒՄ

Հայաստանի
պատմության և հնագիտության
Հնգամյակը

Գրք. / ԳԻՊԸ



ՀԱՅԹԵՏԵՐԱՍ





Կազմը, հեղինակի պաշտոնը, տիտղոսագրքերը և Ֆրոնտիստպիսցիներ*
հիարիչ՝ ՀԹՎ. ՇԱՎԱՐՇԻ

АМАЯК СИРАС

Отец и сын

(На армянском языке)
Армгиз, Ереван, 1946 г.






ՀԱՅՐ ԵՎ ՈՐԴԻ

ՀԱՅՐ ԵՎ ՈՐԴԻ

ՀԱՅՐ ԵՎ ՈՐԴԻ



ՀԱՅՐ ԵՎ ՈՐԳԻՒ

ԳԼՈՒԽ Ա.Ռ.Ա.ՋԻՆ

Սենյակը, ուր բուժվում էր Սուրենը, գտնվում էր հիվանդանոցի երկրորդ հարկում: Սենյակում պառկած էին տասնևմեկ ծանր վիրավորներ: Մայիսյան առավոտ էր: Վիրավորներից ինն արդեն զարթնել էին. նրանցից ոմանք ծխում էին, ոմանք Վերթ էին կարդում, ոմանք սպասողական վիճակում նայում էին դեպի դուռը, իսկ մեկը, որի աջ թևն ամբողջովին գիպսի մեջ էր, ակնապիշ նայում էր առաստաղին. նա երբեմն ձախ ձեռքով շփում էր ճակատը և աշխատում էր շնայել վիրավոր թևին, որի անբնական դիրքին դեռ չէր վարժվել: Տասերորդ վիրավորը օրյուցի մի երեսնամյա սերժանտ էր, որի մեկ ոտքը երկու օր առաջ, մինչև ծունկը վիրահատել էին, և երեկ, բժիշկները քննելով նրա վիճակը, գտել էին, որ դրությունը ծանրացել է: Օրյուցին, հուսահատ, գլուխը միշտ վերմակի տակ էր պահում և հայտնի չէր, նա քնած է, թե քնած է ձևանում, որ իրեն ավելորդ հարցերով շանհանգստացնեն:

Իսկ Սուրենը տակավին քնած էր: Երեք օր շարունակ քաղաքում անձրև էր տեղացել: Այս առավոտ, թեև արևը մեկ-մեկ դուրս էր նայում ամպերի տակից, սակայն, ըստ երևույթին, եղանակը որևէ լավ բան չէր խոստանում:

Սենյակի դուռը բացվեց, ներս մտավ քույրը, ճերմակ խալաթը հագին, գլխանոցին կարմիր խաչ: Նա երեսունևհինգի մոտ մի կին էր, ժամանակից առաջ ճերմակած մազերով: Նրա աչքերի տակ արդեն գոյացել էին կնճիռներ,

սակայն նրա հեղահամբույր դեմքը, որը հաճախ ծածկվում էր ժպիտով, նրան հաճելի էր դարձնում իր շրջապատին: Նա ընդհանուր բարև տվեց բոլորին, ապա մեկ-մեկ հարցնելով վիրավորների որպիսությունը, հասավ այն վիրավորի մահճակալին, որի թևը գիպսի մեջ էր:

— Ալեքսեյ Վառլամովիչ,— դիմելով վիրավորին ասաց բույրը,— այս գիշեր ինչպե՞ս քնեցիք:

Ալեքսեյ Վառլամովիչը, գլուխը թեթև շարժեց ու ասաց.

— Մի հարցնի, Նատալյա Ֆիլիպովնա, ինքնակոչ հսկիչի դեր եմ կատարում, պալատում, մեկ-մեկ կարող եմ ասել, Վիե ով ինչքա՞ն է քնել, ե՞րբ է զարթնել, նույնիսկ ի՞նչ երազ է տեսել:

— Նույնիսկ, ինչ երա՞զ— ժպտաց բույրը:

— Այո, այո, մի զարմանաք, ես չեմ կարողանում աչք փակել. այս անպիտան գիպսը կարծես տաս փթանոց ծանրություն լինի, այնպես է ճնշում, որ քիչ է մնում վերցնեմ դեն շարտեմ, ինչ կլինի, թող լինի:

— Ի սերն աստ՞ու,— բացականչեց Նատալյա Ֆիլիպովնան,— զգուշ, մի քիչ համբերություն ունեցիր, դու առողջ օրգանիզմ ունես, շուտով ոսկորները կմիանան, կամբարպնդվեն և կազատվես գիպսից էլ, մեղանից էլ... եթե ձանձրացել ես մեղանից:

— Է՛, չգիտեմ, ինչից եմ ձանձրացել, բայց թեվիցս ձանձրացել եմ, ավելի լավ էր մի անգամից կտրեիք, պրծնեի:

— Երեխայի նման ես դատում... դու այդ թևով, Ալեքսեյ Վառլամովիչ, դեռ շատ բան ունես անելու:

— Ճառ մի ասիր, Նատալյա Ֆիլիպովնա, դու գիպսից հանիր թևս, ես գիտեմ ինչ կանեմ:

Նատալյա Ֆիլիպովնան ոչինչ չպատասխանեց, նա սովոր էր լսել վիրավորների ավելի ծանր կշտամբանքներ, ուստի կարծես թե չսեղծվ Ալեքսեյի վերջին խոսքերը, դեմքին տվեց զվարթ արտահայտություն և հարցրեց.

— Հապա, ասա տեսնենք, ի՞նչ երազ է տեսել հարևանդ:

— Սուրեհնը,— վրա բերեց Ալեքսեյը:

— Այո, Սուրեհնը, մեր հարավցին:

— Նա դեռ երազի մեջ է: Սուրեհն,— դառնալով դեպի կից մահճակալը պառկածին գոչեց Ալեքսեյը,— Սուրեհն... տեսնում ես, ձայն չի տալիս... քնած է... բայց կարող եմ ասել, թե ինչ երազ է տեսնում... նա տեսնում է արև ու...

— Ու էլ թե ինչ է տեսնում Սուրեհնը երազում, շփտեմ,— ասաց բարեհոգի ժպիտով Նատալյան,— բայց արև', այո', երեկ ինչքա՞ն էր բարկացած... երեք օր իրար ետևից անձրև, իրոք ձանձրալի է... Բայց արդեն նախաձաշի ժամանակ է... ո՛չ, ո՛չ, թող քնից կշտանա, երբ կզարթնի հետո...

— Ո՛չ,— ակներև ուրախ տոնով ասավ Ալեքսեյը,— ես չեմ թողնի Սուրեհնին այդքան քնի,— տե՛ս, Նատալյա, տե՛ս արևը դուրս եկավ: Խնդրում եմ լուսամուտի վարագույրը մի քիչ էլ հետ տար... այ, այդպե՛ս. հիմա շողերն ուղիղ ընկնում են Սուրեհնի վրա... զարթեցրու, չեմ ուզում նրան այդ բավականութունից զրկել, թող արև տեսնի... դու չե՞ս ուզում զարթեցնել... Սուրեհն:

Սուրեհնը, որ վերմակը քաշել էր աչքերին, ետ ավելց այն և, ծմրկտալով, աչքերը բացեց: Զգալով, որ արևը խոտոտում է աչքերը, նա, արագ շարժումով, նստեց անկողնում:

— Արև ջան, հոգուդ մատաղ,— բացականչեց նա հայերեն:

— Ի՞նչ ասիր,— մոտենալով նրան հարցրեց Նատալյան:

— Միևնույն է, ոչինչ չես հասկանա,— վրա բերեց Ալեքսեյը,— նա երբ ուրախանում է իր լեզվով է խոսում:

— Է, թող թարգմանի, մենք էլ ուրախանանք,— պնդեց Նատալյան:

— Ասում է թե ինչ-որ մեկ անգամ ասի, ասի... էլ չեմ կրկնի, համառն է:

Սուրեհնը՝ շփեց դեմքը, ապա նայելով մեկ Ալեքսեյին,

մեկ քույր Նատալյային, կես հանդիմանական, կես մտերմական տոնով, դարձավ Ալեքսեյին ուսերենով:

— Ինչ էս փաստաբանի դեր ստանձնել ու իմ փոխարեն պատասխանում: Այնպես ես խոսում, կարծես թե դու արևի տակ շեռ ծնվել: Ի՞նչ է Նատալյա, դու ուրախ չե՞ս, որ այսօր արև... արև... է՛հ, տեսնո՞ւմ ես Ալեքսեյ, քեզնից խոռովեց նորից ամպի տակ մտավ, ափսո՞ս:

— Լա՛վ շատ մի ձևացնի,— խոսեց Ալեքսեյն անտարբեր,— արև է, ամպի տակ էլ կմտնի, ամպի տակից դուրս էլ կգա, այ, կարևորն այն է, որ ոտքդ ու ձեռքդ տեղը մնան:

Սուրենը նայեց Ալեքսեյին, նրա դիպսավոր թևին, ապա մի հաշաքց նետեց օրյուլցու կողմը և լռեց: Մի պահ կարծես զղշաց, որ այնքան ոգևորվեց, երբ կողքին մարդիկ այդպիսի ծանր վիճակումն էին:

Ալեքսեյ Վառլամովիչ Սմիրնովի տրամադրությունը փոփոխակի էր, մուսլվում էր նայելով թևին, հիշելով տունն ու ընտանիքը, բայց ընկերների շրջապատում շուտով էլ զվարթանում էր: Սուրենի հետ արդեն մտերիմներ էին և լեզվակոխվը նրա հետ բավականութուն էր պատճառում նրան:

Քիչ հետո մատուցեցին նախաճաշը: Չնախաճաշեց միայն օրյուլցին, որին կոչում էին Դուդնիկ: Բոլոր վիրավորները միմյանց կոչում էին անունով: Դուդնիկը յոթերորդ օրն էր, որ բերվել էր հիվանդանոց և բացի բժշկից, քույր Նատալյայից ուրիշ ոչ մեկի հետ չէր խոսել, ուստի և ոչ ոք առիթ չէր ունեցել նրա անունը հարցնելու և ամենքը նրա մասին խոսելիս կոչում էին ազդանունով, իսկ նրա մասին խոսակցությունը կարճ էր:

— Դուդնիկը ճաշեց:

— Դուդնիկը դադարեց տնքտնքալուց... քնեց:

— Դուդնիկը դեղ ընդունեց:

Իրար մեջ փսփսում էին այս խոսքերը սենյակի վիրավորները, և ամենքը գիտեին, որ նա շատ էր տանջվում այն

քանից, որ զրկվել է մի ոտքից. իսկ վերքը դեռ բուժվելու նշաններ չէր ցույց տալիս:

Նկավ վիրաբուժը, զննեց վիրավորներին: Սմիրնովին սրտապնդեց, որ թևը մի քանի օրից կազատի գիպսից, իսկ Սուրենին ասաց, որ ձախ աղդրի վերքն արդեն լավանում է և շուտով նա ևս ոտքի կկանգնի:

Վիրաբուժին ամենից շատ մտահոգում էր Դուդնիկի վիճակը: Քույր Նատալյան հայտնեց, որ ջերմությունը չի իջնում: Վիրաբուժը, հիստման անց, գիրուկ դեմքով մի շիկահեր ոռւս, վիրավորին մանրազնին քննելուց հետո, գլուխը տարուրեքից և համապատասխան հրահանգներ տալով քույրին, դուրս գնաց:

— Նու, ի՞նչ է ասում,— տնքալով հարցրեց Դուդնիկը, նայելով քույր Նատալյա Ֆիլիպովնայի դեմքին,— ի՞նչ է ասում:

Նատալյան ձեռքը տարավ շփեց Դուդնիկի ճակատը և միայն ասաց.

— Համբերություն է պետք ընկեր Դուդնիկ, վերքը դանդաղ է բուժվում:

— Մի՞թե ուրիշ դեղ չունի բժշկությունը, բացի համբերությունից,— սրդողած խոսեց Դուդնիկը:

— Ե՛վ մեր դեղերը, և՛ ձեր համբերությունը...

— Է՛հ, հեքյաթներ ես ասում... նու, լավ, ծածկեք գլուխս:

— Մի բան ուտեիք ընկեր Դուդնիկ:

— Հետո, հետո:

— Միշտ ասում եք հետո, շուտ առողջանալու համար սնունդ է հարկավոր:

Սակայն Դուդնիկն այլևս չպատասխանեց, վերմակը քաշեց գլխին ու աչքերը փակեց:

Սենյակում մի պահ տիրեց ճնշող լռություն: Բոլոր վիրավորների վիճակը հետզհետե թեթևանում էր: Դուդնիկը բացառություն էր այդ սենյակում: Նրա թույլ օրգանիզմը չէր կարողանում դիմադրել ցավերին: Նա մեկ-մեկ սրտնե-

զում էր, բայց ընդհանրապես, լուռ, կրում էր իրեն բաժինը
ընկած խաշի ծանրությունը: Եվ այդ հանգամանքը հուզում
էր սենյակի մյուս վիրավորներին: Նրանք աշխատում էին
չանել այնպիսի բան, որ չլինի թե տհաճություն պատճա-
ռեն ծանր վիրավորին:

Սակայն Դուդնիկը, կարծես ոչինչ չէր զգում, կարծես
շրջապատը գոյություն չուներ նրա համար, լսելի էր միայն
նրա ծանր տնքոցը:

ԳԼՈՒԿՆ ԵՐԿՐՈՐԴ

— Սուրեն՛ն, ապա, փորձիր մենակ, առանց քույրերի
օգնության պատշգամբ գնալ. քո ուզած օրն է, արևոտ ու
պարզ երկինք... դնա, դնա գուցե ե... նորից Վերան, ո՛վ
գիտի...

Այսպես էր համոզում հետևյալ օրը, նախաճաշից հե-
տո, Մմիրնովը Սուրենին. Մմիրնովը հենված բարձերին,
կարծես այլևս չէր նեղվում գիպսավոր թևի անհարմար
դիրքից: Դուդնիկի ծանր վիճակի հանդեպ նա անհարմար էր
համարում գանգատվել իր ցավերից:

Սուրենը, հողաթափերը հագած, մի քանի անգամ սեն-
լակում ետ ու առաջ էր արել՝ հենված մահճակալների ճաղե-
րին, բայց դեռ վստահ չէր, որ կարող է մինչ պատշգամբ
հասնել: Սակայն, Մմիրնովից լսելով Վերայի անունը, մի
տեսակ գոտեպնդվեց: Այդ աղջիկը շաբաթը երկու անգամ
իր ընկերուհիների հետ այցի էր գալիս հիվանդանոց. նրան
բաժին էր ընկել սպասարկելու այն սենյակը, ուր պառկած
էր Սուրենը: Վերան բոլոր վիրավորներին մեկ-մեկ ճանա-
չում էր, գիտեր, թե ով որտեղացի է, ով ումն է թողել տանը,
մանավանդ որ շատերի համար նա նամակ էր գրել տնեցի-
ներին: Սուրենն ինքն էր ամեն անգամ նամակ գրում տունը:
Բայց Վերան այն էլ գիտեր, որ Սուրենը նամակները գրում
էր մորը, որն ապրում էր էջմիածնի շրջանի այգիներով հա-
րուսա մի գյուղում:

Երկու ամսից ավելի էր, ինչ Սուրենն ու Ալեքսեյ

Սմիրնովը պատկած էին այդ հիվանդանոցում կողք-կողքի: Շուտով կրանար Հայրենական պատերազմի մեկ տարին և այդ տարին միաժամանակ երկու ռազմիկների ծանոթության տարին էր: Բոլոր վիրավորները փոխադարձաբար միմյանց պատմել էին իրենց կյանքը, իրենց գլխից անցած-դարձածը և Սուրենն, այժմ, ուղղակի պահանջ էր դրում խոսել այլ նյութի մասին, խոսել այլ անձնավորության հետ:

Սուրենը, քսանհինգ տարեկան, ամբակազմ ու կայտասեր քառասարգ էր: Սմիրնովը, որ լավ գիտեր ընկերոջը, շատ էր պատմել վիրավոր ընկերներին Սուրենի մասին և ամենքը գիտեին, որ Սուրենը շոկատում եղած ժամանակ միշտ գրնում էր ամենավերջին շարքում, իբրև ամենակարճահասակը: Գիտեին, որ Սուրենի կարճ հասակը երբեմն կատակի առարկա էր դառնում ընկերների համար և շատերը նրա անունը չէին տալիս, այլ ասում էին «կոլոտ Սուրենը»: Սուրենն էլ չէր նեղանում, նա խոսքի տակ մնացող չէր, այդպիսի դեպքերում միշտ հիշում էր պապենական առածը, — «կոլոտի խելքը գլխումն ա, էրկենի խելքը շոքերումն ա»: Իսկ այժմ ամենքը գիտեին, որ Սուրենը մոր մինուձար զավակն է, դեռ պատերազմից առաջ եղել է բանակում, լավ գիտի զինվորական գործը, և սենյակի տասնևմեկ վիրավորներից միակն է, որ ամուսնացած չէ:

— Կնիկ, երեխա չունես, հոգսդ քիչ է, — ասում էր երբեմն Սմիրնովը Սուրենին, տեսնում էս, աղջիկներն էլ հենց որ գլխի են ընկնում, թե դու ազաբ տղա ես, քեզ մոտեմոտ են անում, իսկ մեր երեսին նայող չկա:

— Է՛հ, — լսելով Սմիրնովին բացականչում էր Սուրենը, սակայն ներքնապես նրան հաճելի էր լսել այն մասին, որ աղջիկները անտարբեր չեն դեպի ինքը:

Մինչ, Սուրենը, հետևելով Սմիրնովի խորհուրդին, պատրաստվում էր դուրս գալ պատշգամբ, սենյակի դուռը բացվեց և ծաղկեփունջը ձեռքին ներս մտավ մի աղջիկ. ճերմակ խալաթ էր հագած նա, սակայն գլուխը բաց էր ու

փարթամ մազերը ծփանքով թափվել էին նրա ուսերին: Նրա ճերմակ, սակայն այժմ քիչ շիկնած դեմքը փայլում էր ժպիտով. կապուտակ աչքերը առանձին գրավչություն էին տալիս նրան: Նա ծաղկեփունջը շտապով դրեց սեղանի վրա գտնվող ծաղկամանում և մեկ-մեկ մոտեցավ հիվանդներին, մեկին ծխախոտ տվեց, մյուսին՝ գրելու թուղթ, երրորդին մատիտ, մինչև հասավ Դուդնիկի մահճակալին: Դուդնիկի գլուխը հազիվ էր երևում վերմակի տակից: Աղջիկը մատը դրեց բերանին և նշանակալից նայեց Սմիրնովի և Սուրենի կողմը:

— Ձեռ մի տա, հազիվ լսելի ձայնով ասաց Սմիրնովը, — արի այստեղ. և երբ աղջիկը ոտի մատների ծայրերի վրա շարժեց դեպի Սմիրնովը, վերջինս ավելացրեց, — նրա վիճակը ծանր է, ոչ ոքի հետև չի ուզում խոսել. այսօր դեռ բժիշկը չի եկել, շուտով երևի կգա, տեսնենք ինչ կասի. դու նստիր, ահա՛ աթոռ... թերթը դիր այստեղ, բարձիս մոտ, այդպե՛ս:

Աղջիկը, վիրավորներին ծանոթ, Վերան էր. նա նստեց աթոռին: Սուրենը, որ նստած էր մահճակալին, ուղղվեց տեղում և հազիվ լսելի՝ բարևի նման ինչ որ բան շշնջաց, նայելով Վերային:

— Սուրեն՛ն, — դիմեց Սմիրնովը ընկերոջը, — հապա որ քեզ ասում էի պատշգամբ գնա. այնտեղ կհանդիպեիր Վերային և հետաքրքիր ժամանակ կանցկացնեիր:

Սուրենը գլուխը կախեց:

Վերան զննող հայացքով նայեց Սուրենին և անսքող հրճվանքով ասաց.

— Մի՞թե Սուրեն Սիանոսովիչ, ձեզ այդքան լավ երզգում, որ կարող եք պատշգամբ դուրս գալ, այո՞:

— Այո, ինձ լավ եմ զգում, բայց բժիշկը դեռ չի թողնում սենյակից դուրս գալ:

— Ինչքան ուրախ եմ, միայն թե լավ զգաք ձեզ, թող մի քանի օր էլ ավելի մնաք սենյակում:

— Է՛հ, Վերա, միևնույն է, ոչ մի տեղ չեմ թողնի, որ

Սուրենն առանց ինձ գնա: Միասին կովել ենք, վիրավորվել, միատեղ բուժվում ենք, ուրեմն պարտավոր ենք միաժամանակ էլ առողջանալ:

— Ուրիշ կերպ էլ չի կարող լինել,— հաստատեց Վերան,— լավ ընկերները այդպես էլ պիտի լինեն:

— Տեսնո՞ւմ ես Սուրեն: Ես որ քեզ ասում եմ, Վերան էլ այդ է հաստատում: Ես էլ կլավանամ, միասին կգնանք Նաստիաչիս ու ճուտիկներին կտեսնենք ու հետո մա՞րջ կասեմ և դեպի ռազմաճակատ:

— Ես, իհարկե, այդպես էլ ցանկանում եմ... ասաց Սուրենը և երևում էր, որ նա համարձակությունը կորցնում է: Նա ինքն էլ զարմանում էր, որ վերջերս Վերայի մոտ չի կարողանում շատ բացվել:

Այդպես շէր առաջին օրերը: Սկզբում երբ նա հիվանդանոց եկավ, և քանի դեռ թարմ ու ցավոտ էին վերքերը, նա, աչքերը փակած, խորասուզվում էր մտքերի մեջ և ոչ ոքի հետ չէր ուզում խոսել: Հետո երբ ցավերը մեղմացան և Վերան սկսեց այցելել հիվանդանոց, նա զրուցում էր նրա հետ ամեն ինչի մասին, Հայաստանի արևի ու խաղողների մասին, իր մոր ու հարևանների մասին, պատերազմում կրած դժվարությունների մասին: Բայց մեկ շաբաթ առաջ, երբ Սմիթնովը, հենց Վերայի ներկայությամբ, ակնարկ էր արել, որ Սուրենը երազում Վերային է տեսել, (իսկ Սուրենը հաստատ գիտեր, որ այդ գիշեր ինքը ոչ մի երազ չի տեսել), ահա՛ այդ օրից Սուրենը չգիտեր ինչու քաշվում էր ուղիղ նայել Վերայի աչքերի մեջ և այլևս չէր կարող առաջվա նման նրա հետ ամեն ինչի մասին ազատ կերպով խոսել:

Վերան կարծես այդ հասկանում էր և այժմ էլ նա հարցրեց.

— Սուրեն Սիանոսովիչ, ի՞նչ է գրում ձեր մայրը, ի՞նչ պես է նրա առողջությունը:

Դա Սուրենի ամենասիրելի խոսակցության նյութն էր. նրա դեմքը պայծառացավ և նա հաճույքով պատասխանեց.



— Չորս օր առաջ եմ նրանից նամակ ստացել,— և ապա մի քանի խոսքով պատմեց, որ մայրն իրեն լավ է զգում, միայն կարոտում է տղայի ողջ և առողջ վերադարձին:

— Գրե՛լ եք, որ վիրավորվել եք,— հարցրեց նորից Վերան:

— Ո՛չ, չեմ գրել, հիմա կգրեմ, որ վիրավորվել և լավացել եմ:

— Եվ լավ կանես Սուրեն— հարեց Սմիրնովը,— մայր է, կանհանգստանար, եթե միանգամից գրեիր, որ վիրավորվել ես. շմոռանաս, գրիր նաև, որ ինձ հետ ես պառկած:

— Նա գիտի, որ քեզ հետ ընկերներ ենք:

— Այդ շատ լավ է, այժմ գրիր որ միասին էլ բուժվում ենք և հետո գրիր, որ հիվանդանոցում նոր ընկեր ենք ճարել... Վերայի մասին, հա՛, շմոռանաս:

Սուրենն այս անգամ ավելի համարձակ նայեց Վերային և մեղմորեն ասաց.

— Այո, Վերան շատ հոգատար է դեպի մեզ:

— Ի՞նչ եք ասում,— բացականչեց Վերան:

— Այո, լավ ընկե՛ր. ուրիշ բան է լավ ընկերը. լավ ընկեր ունեցիր, գանձ մի ունեցիր. ի միջի այլոց Սուրեն, Վերային պատմե՛լ ես մեր Կոլոսովի մասին... ո՛չ... ասիսո՛ս. պիտի պատմեիր:

Մինչ Վերան նայում էր Սուրենին իմանալու համար, թե ինչ պատմության, ինչ Կոլոսովի մասին է խոսքը, քույր Նատալյան ներս մտավ և հայտարարեց որ բժիշկը գալիս է:

Վիրաբուժին, սենյակի մյուս տասը վիրավորները, այլևս մտահոգություն չէին պատճառում: Նրանց լիակատար ապաքինվելը ժամանակի խնդիր էր: Նա սենյակ մտավ հատկապես Գուդնիկի համար: Գուդնիկի դեմքը դալկացած էր, աչքերը փոս էին ընկել, շնչառությունն էլ կանոնավոր չէր:

Սուրենը, Սմիրնովը, Վերան,— լարված հետևում էին

վիրաբուծի շարժումներին: Նա ուշադիր զննեց վիրավորի ընդհանուր վիճակը, ապա ինչ որ կարգադրություն արավ:

Քիչ հետո պատգարակ բերին ու Դուդնիկին դուրս տարան սենյակից: Բոլոր վիրավորները նստեցին մահճակալներում և հայացքով ճանապարհ դրին օրյուցուն:

— Դուդնիկի բանը վատ է, շշնջաց մեկը:

Վերան ամբողջովին կորցրեց աշխուժությունը և զգուշավոր շարժումներով սենյակից դուրս գնաց Դուդնիկի պատգարակի ետևից:

Ո՛չ Սուրենը, ո՛չ Սմիրնովը և ո՛չ էլ վիրավորներից մեկ ուրիշը չհարցրին, թե ինչու դուրս տարան Դուդնիկին: Բոլորի տրամադրությունը վատացավ: Ամենքը սրտատրոփ սպասում էին, թե ինչ նոր լուր կստացվի վիրավորի մասին. ենթադրություններ չէին ուզում անել, բայց բոլորն էլ մի պահ մտածում էին, թե արդյոք, որևէ բանով հո ավելի չե՞ն վատացրել վիրավորի վիճակը:

Չանցավ տասը րոպե, Վերան վերադարձավ սենյակ բոլորովին գունաթափված և նստելով Սուրենի ու Սմիրնովի մահճակալների արանքում դրած աթոռին, ուզեց ինչ որ բան ասել, սակայն չկարողացավ և թաշկինակը սեղմելով աչքերին լացեց:

Բոլոր վիրավորները նայում էին Վերային և շատ բան արդեն հասկանում էին: Վերջում Սուրենը բռնեց Վերայի ձեռքը և ասաց մեղմիվ:

— Լավ, հանգստացիր, ասա, ինչպե՞ս է Դուդնիկի վիճակը:

— Գանգրենա է սկսվել, նրան տարան վիրահատության սենյակը: Այժմ նորից վիրահատում են:

— Իսկ կյանքին վտանգ չի՞ սպառնում:

— Եթե վիրահատությունը հաջող անցնի ոչ, միայն մի սուքը մինչև ազդրը...

Եվ Վերան այլևս չկարողացավ շարունակել ու նորից սկսեց լալ:

Վիրավորներից շատերը ծանր հառաչ արձակեցին:

Սուրենը նայեց Վերային, ուզեց մի հանգստացնող խոսք ասել, բայց բառ չգտավ:

Քիչ հետո, Վերայի ընկերուհիներին մեկը եկավ հայտնելու նրան, որ ժամանակն է վերադառնալու:

Վերան մի պահ նայեց Սմիրնովին, հետո Սուրենին և ապա, սրբելով թաց աչքերը, ասաց.

— Իսկ ես, այսօր, հիվանդանոցից ոչ մի տեղ չեմ ուզում գնալ:

Նրա խոսքերը լսեցին բոլորը:

Ուրիշ անգամ թերևս Սմիրնովն ուրիշ բացատրություն տար Վերայի այդ ցանկությանը բայց այժմ ոչինչ չասաց, միայն պիտով հավանություն տվեց: Իսկ Սուրենը հարցականով նայում էր նրան ու մի պահ շէր հասկանում, թե ինչու է նա այսօր ցանկանում մնալ հիվանդանոցում, երբ ուրիշ անգամներ նա, ինչպես մյուս այցելուները, միայն մեկ-երկու ժամով էր գալիս:

Վերայի ընկերուհիները գնացին, իսկ Վերան բժշկի թույլտվությամբ մնաց:

Նա ցանկություն էր հայտնել անձամբ խնամել Դուդնիկին և նրա այդ ցանկությունը, ինչքան հոգեկան բավականություն էր պատճառում իրեն, այնքան նրան հաճելի էր դարձնում մյուս վիրավորներին: Իսկ Սուրենը, որ Վերային վերաբերող ամեն բան տեսնում էր շափազանցված գույներով, Սմիրնովի ականջին ասաց.

— Այդ աղջիկը մի հրաշք է:

— Շրմ, սկսել ես հրաշքների հավատալ,— կատակեց

Սմիրնովը:

— Է՛հ, չհասկացար:

— Լավ, ասա, Սուրեն, մի՛տքդ ասա:

— Ասում եմ, թե դա սովորական աղջիկ չէ, դա վիրավորների համար հրեշտակ է:

— Հա՞, այդ մասին էիր ուրեմն՝ քիչ առաջ գրում նա՞ մակումդ, մո՞րդ էիր գրում, հա՞:

— Քեզ ինչ, թե ինչ էի գրում և ումն էի գրում:

— Օ՛յ, իմ բարկացկոտ հարավցի: Հենց որ խոսքը վերաջին է վերաբերում, ջերմաստիճանդ բարձրանում է:

Իսկ վերան ոչ մի բան չէր լսում և ամբողջ գիշերն ունկնդրում էր Դուդնիկի զառանցանքները: Նա ներքնապես շատ էր տառապում, որ Դուդնիկին օգնելու իր ջանքերն ապարդյուն են անցնում և որևէ բանով չի կարողանում մեղմել նրա ցավերը:

ԳԼՈՒԽ ԵՐՐՈՐԴ

Երկու շաբաթ անցավ: Արդեն հունիսն էր: Անձրևային օրերին հաջորդել էին պայծառ, արևոտ օրեր: Հիվանդանոցը գտնվում էր Ռուսաստանի մի փոքրիկ քաղաքի ծայրամասում և նրա շուրջ բոլորն աճում էր փարթամ բուսականություն, իսկ բարդենիներն իրենց վես հասակով առանձին հրապույր էին տալիս շրջապատին:

Սուրենի վերքն այնքան էր լավացել, որ նա այժմ ազատորեն պատշգամբ էր ելնում և ժամերով ներձձում էր արևի կազդուրիչ ճառագայթները:

Նա նայում էր հիվանդանոցի առջև փռված ընդարձակ տարածությանը, կապուտակ երկնքին և այդ շրջապատում ամեն ինչ թեև նոր, բայց կարծես վաղուցհետե ծանոթ էր թվում նրան: Եվ իրոք, ահա այդ հասունացող բույսերը, ինչո՞վ նրանք նման չէին այն բույսերին, որոնք աճում էին իր հայրենի Արարատյան դաշտում. նրանց բույրն ու տեսքը տարբեր էին, բայց և՛ այստեղ, և՛ այնտեղ նրանք սնունդ էին ստանում միևնույն մայր հողից, թեև նա շատ սրտնեղում էր, որ այստեղ արևն այդքան սակավ էր երևում, բայց ահա, այսօր, նա այնպես պայծառ է լուսավորում և այնքան ջերմ են նրա ճառագայթները, որ թվում է, թե նա փոխադրվել է հայրենի տնակի կտուրը և հրճվում է արևով:

Ու չնայած այդ ամենին նրան երբեմն համակում էր մեռնակության դգացումը, նա կուզեր լսել մի բառ, մի հրն-

չլուծւմ, որ իրենն հիշեցնէր իր մանկությունը, իր շրջապատը, ուր ծնվել ու սնվել էր ինքը: Այս բանը կարծես ըմբռնում էր Սմիթնովը, և այդ էր պատճառը, որ նա հաճախ Սուրենին պատմել էր տալիս հայրենի երկրի, մոր ու վաղեմի ընկերների և՛ այն ամենի մասին, ինչ ինքը լսել ու տեսել էր հայերի ու Հայաստանի վերաբերյալ: Այդ պահերին Սուրենի դեմքը պայծառանում էր, նա ամբողջովին դառնում էր եռանդ և պատրաստակամ այն ամենին, ինչ կպահանջէին նրանից:

Հիվանդանոցային կյանքն արդեն ձանձրալի էր դառնում իր միօրինակությամբ, մանավանդ որ Ինֆորմբյուրոն ոչ այնքան նպաստավոր լուրեր էր հաղորդում ռազմաճակատի վիճակի մասին: Ի՞նչ էր լինելու վաղը, ի՞նչ էր սպասում իրենն, Սմիթնովին ու մյուսներին, լիակատար ապաքինվելուց հետո: Նա արդեն կրել էր պատերազմի շատ դառնություններ, բայց այն ինչ նա կրել էր, միայն սկիզբն էր՝ երկանց և ինչ էր լինելու հետագայում, այդ ամենն առայժմ առեղծվածային էին նրա համար:

Նա մեկ-մեկ ուզում էր առանձնանալ Վերայի հետ և խոսել... թե ինչի մասին ինքն էլ չգիտեր, բայց՝ ենթադրում էր, որ նրա հետ կարող է ավելի հետաքրքիր լինել խոսակցությունը և օրն ավելի կկարճի, կամ կթեթևացնի հիվանդանոցում անցկացնելիք ժամանակը: Բայց՝ Վերան օր ընդմեջ գալիս էր, բոլորին ընդհանուր բարև տալիս, մի երկու խոսք, այն էլ (այդպես էր թվում Սուրենին) քաղաքավարությունից դրդված, երկու խոսք փոխանակում Սմիթնովի և իր հետ և ամբողջովին նվիրվում էր Դուզնիկի խնամքին: Եվ այսօր առավոտյան ինչքա՛ն մեծ եղավ Սուրենի ուրախությունը, երբ հայտնեցին, որ Դուզնիկի կինը և եղբայրը եկել են: Պարզվեց, որ Դուզնիկի եղբայրը պատասխանատու աշխատանք է կատարում ռազմական մի գործարանում, որը ընդամենը 150 կիլոմետրի վրա էր այն վայրից, ուր գտնվում էր հիվանդանոցը: Դուզնիկի ընտանիքը Օրյոլից փոխադրվել էր եղբոր մոտ, և ահա՛, այժմ, նրանք իմանալով

Դուզնիկի վիճակի մասին, եկել էին խնդրելու, որ թույլ տան նրան փոխադրելու այն բաղաբի հիվանդանոցը, որտեղ ապրում էին նրա հարազատները:

Առաջին օրը Վերայի գործը կրկնակի ծանրացավ: Դուզնիկի կողակիցը, քսանութամյա, ոսկրոտ կազմվածքով, ջղալին շարժումներով մի կին, հենց որ տեսավ ամուսնու վիճակը՝ ուշաթափվեց և եթե Վերան ժամանակին նրան չգրկեր, նա գլխով կզարնվեր սեղանին:

Բավական ժամանակ տեեց մինչև տիկին Մարֆա Դուզնիկին ուշքի բերին: Հետո մեղադրեցին հիվանդանոցի անփորձ քրոջը (այդ օրը քույր նատալյա Ֆիլիպովնան հանգստանում էր), որ չէր նախապատրաստել Մարֆային ամուսնու վիճակի մասին: Սակայն, Մարֆան, ուշքի գալով, չկարողացավ հանգստանալ. լալիս էր անընդհատ և ինչ որ անկապ բաներ ասում: Դուզնիկը, կնոջ ներկայութեամբ, ինչքան թույլ էր տալիս իր վիճակը, աշխատում էր հանդիստ ձևանալ. բայց ըստ երևույթին, նրա վրա վատ էր ազդում կնոջ լացը, ուստի չհամբերելով, մյուս վիրավորների համար անսովոր ձայնով խոսեց.

— Է՛խ, Մարֆա, Մա՛րֆա, եկել ես ինձ խնամելու, հա՛, դե հիմա դու ասա, ես ինչպե՛ս վարվեմ քեզ հետ. սատանան տանի, ոտքս են կտրել, որ գլուխս կտրեին ինչ կանեիր:

Վիրավորներից մի քանիսը տեղում շտկվեցին և նայեցին Դուզնիկին: Միթե այդ նա է խոսում, որ մինչ այդ բացի տնքոցից և հա ու չէից ոչինչ չէր ասել:

— Այ, ինչ եմ ասե՛լ, մութիկ է եղել, հա՛,— խոսեց Սմիրնովը դիմելով Սուրենին և մյուս կողմը պառկած՝ աջ ուսից վիրավորված բաշկիր Իլբուլատովին,— ինչ լավ խոսքը տեղ է բերում այդ Դուզնիկը, ես ու իմ աստվածը, դա լավ էլ կամք ունեցող կոմանդիր եղած կլինի:

— Այդ մեկը ճիշտ է,— ասաց Իլբուլատովը,— այսքան ժամանակ նա տղամարդավարի տարավ իր ցավերը: Լուռ էր և չէր գանգատվում: Իսկ դու Սմիրնով, հիշո՞ւմ ես, ա-

ուաջին օրը գանգատվում էիր, մըթմըթում, թե ինչ է Քևեզ գիպսի մեջ են դրել:

— Այո, այո, կարծես ամաշելով այդ հիշողութունից կամկմաց Սմիլնովը:

Վերջապես Մարֆան հանդարտվեց, Դուդնիկի եղբայրը հիվանդանոցի գլխավոր բժշկի հետ տեսնվելուց հետո, ամեն ինչ իմացավ եղբոր վիճակի մասին, ապա նա մի քանի խոսք փոխանակեց վիրավորների հետ: Վերայի մասին նրան շատ բան ասացին: Դուդնիկը նույնպես նայեց եղբորը, կնոջը, ապա ցույց տալով Վերային ասաց.

— Ահա, նա:

Այդ երկու բառը, արտասանված շատ հանդիսավոր ու խորհրդավոր, այնպես տպավորիչ էին Դուդնիկի եղբոր համար, որ նա վերկացավ տեղից, բռնեց Վերայի աջ ձեռքը, համբուրեց, և նայելով նրա շիկնած դեմքին, ասաց.

— Ասեմ շնորհակա՞լ եմ, դա շատ քիչ է:

— Բժշկին պիտի շնորհակալութուն հայտնեք, ես ինչ եմ հասկանում բժշկութունից, ես միայն...

— Ո՛չ, կտրեց նրա խոսքը Դուդնիկի եղբայրը, — բժշկից շատ շնորհակալ եմ. իսկ ձեզանից:

— Այո, այո, վրա բերեց Մարֆան դիմելով տագերը, — մի լավ նվեր պետք է առնել այս բարեծնունդ աղջկա համար:

Վերան խուսափուկ նայեց Մարֆային և նրա աչքերը լցվեցին արցունքով:

— Ախ դու Մարֆա, այս անգամ, հազիվ լսելի ձայնով ասաց Դուդնիկը, թեք դուրս հանելով վերմակի տակից, — մի՞թե այլ բան չէր անցնում մտքովդ, ինչո՞ւ ես վիրավորում աղջկան:

— Նու, դու իմ Դուդնիկ... մի՞թե ես...

— Այո, դու, մարդիկ այստեղ նվերի համար չեն աշխատում:

Մարֆան ոչինչ չպատասխանեց, բայց ակներև էր, որ նա մի տեսակ խանդի զգացումով էր նայում Վերային,

Թվաց, թե այդ հասկացալ վերան: Նա ևս մի քանի խոսք փոխանակեց Դուղնիկի և նրա եղբոր հետ, ապա փոխանակեցին հայացքները: Վերան մի պահ անվճռական կանգնեց, հետո անսալով մի ներքին ձայնի՝ կուացալ, համբուրեց Դուղնիկին և դուրս գնաց:

Հետևյալ օրը Դուղնիկին հանձնեցին եղբորը՝ փոխադրելու համար այն քաղաքի հիվանդանոցը, ուր բնակվում էին նրա հարազատները:

Սենյակում ամեն վիրավոր իր ցավով էր տառապում, բայց բոլորի համար մտահոգիչ էր Դուղնիկի վիճակը:

— Ասես այդ Դուղնիկը ոտքի կկանգնի՞, — մյուս առավոտ ֆոթացնելով կաթը, դիմեց Սմիրնովին բաշկիր Իլբուլատովը:

— Ոտքի՞... ո՛չ, ոտքի չի կանգնի, բայց հենափայտերի վրա կկանգնի, — հարեց Սմիրնովը:

— Ինչ մարդ ես տո՞՛, — բարկացալ Սուրենը, — մի՞թե կարելի է ծաղրել վիրավորին:

— Էլի բարկացա՞ր, Սուրեն, — խոսեց հանգիստ տոնով Սմիրնովը, — ես բոլորովին էլ ծաղրելու համար չասի:

— Չ՛է, չէ՛, այդպես չի կարելի խոսել, — պնդում էր Սուրենը:

Բայց զգացվում էր, որ բոլոր վիրավորներն իրենց ավելի թեթև էին զգում Դուղնիկին փոխադրելուց հետո: Միայն Սուրենը տրտմել էր և, թերևս, այդ էր պատճառը, որ ամեն մի սուր խոսք նրան բարկացնում էր: Բայց Սմիրնովը լավ էր հասկանում Սուրենի տրտմության պատճառը, նա Սուրենի կշտամբանքները լսում էր հանդարտ, և թվում էր թե նույնիսկ բավականութամբ, և այդ պատճառով էլ մի երկուրոպե անց նա համարձակ շշնջաց Սուրենին:

— Այդ աղջիկը... Վերան, սիրում է զբաղվել ծանր վիրավորներով, բայց առողջացողներին էլ չի մոռանում:

— Կարծո՞ւմ ես, — անսպասելի ուրախ տոնով հարցրեց Սուրենը:

— Այ, կտեսնես:

Հիվանդանոցի երկրորդ հարկի պատշգամբի ճաղերին արժունկները հենած, գլուխն ամբարի մեջ առած, մտքերի մեջ խորասուզվել էր Սուրենը: Նա նայում էր հեռու, բաց տարածությունը, սակայն այսօր ոչ մի բանի վրա չէր կարողանում կենտրոնանալ:

Քիչ առաջ նա լսել էր ինֆորմացիա. թշնամին առաջանում էր, ուժեղ կոխվներ էին գնում Սևաստոպոլում և Կուրսկու ուղղությամբ: Սկսվում էր 1942 թվականի թեժամառը: Շուտով Սուրենը և Սմիրնովը թողնելու էին հիվանդանոցը: Վերջին մի քանի օրս Սմիրնովն ևս շատ հուզված էր: Գերմանացիք մոտենում էին Ստարի-Օսկոլին, իսկ այդ քաղաքում բնակվում էր նրա ընտանիքը:

Ինչ էր սպասում Սմիրնովի ընտանիքին, այդ այժմ մտահոգում էր և՛ իրեն՝ Սմիրնովին, և՛ Սուրենին, որովհետև նրանք արդեն սովորել էին ապրել միմյանց հոգսով: Սմիրնովը, որ շատ էր ցանկանում Սուրենին ուրախ տեսնել, աշխատում էր կատակի տալով, մի կերպ մեղմել իր հոգեվիճակը և նույնիսկ երեկ, քույրերի միջոցով Վերային կանչել էր հիվանդանոց, գիտենալով, որ այդ հաճելի է Սուրենին:

Պարզվել էր, որ Վերան մի քանի օրով գործուղված է եղել գյուղ, այդ պատճառով էլ նա չէր հաճախում հիվանդանոց: Եվ ահա, այժմ, Սուրենը սպասում էր Վերային. Սուրենը մեկ-մեկ պատշգամբից հետ էր գալիս միջանցքը, ստուգում ժամանակը: Արդեն կես ժամ անցել էր պայմանավորված ժամանակից և դեռ Վերան չկար:

Հիվանդանոցի առջև փռված պուրակում բարդիների հպարտ կատարները օրորվում էին քամու սոսափյունից: Սուրենը նայում էր դողացող ճյուղերին ու դիտի շարժումով մի տեսակ շափ էր տալիս նրանց սոսափյունին: Հանկարծ նրա դեմքին ժպիտ փայլեց. բարդիների արանքից ծաղիկների փունջը ձեռքին գալիս էր Վերան: Սուրենը ձեռները

պարզեց առաջ և ուզեց ինչ որ բացականշել, սակայն իսկույն զսպեց իրեն. Վերան շտապում էր դեպի դուռը: Սուրենը խալաթն ուղղեց վրան և տեղում մի քանի քայլ ետ ու առաջ գնալ-գալուց հետո, անցավ միջանցքը. Վերային հանդիպեց աստիճանների վրա: Ուզեց մի հանդիսավոր բան ասել, բայց միայն կարողացավ ասել:

— Եկա՛ր:

— Ինչպես տեսնում ես:

Ապա Վերան հարց ու փորձելով վիրավորների մասին, միաժամանակ ծաղկեփնջից առանձնացրեց մի նորաբաց կոկոն, տվեց Սուրենին, իսկ մյուսները տարավ հիվանդների սենյակը:

Սուրենը մի պահ, առանց աչք թարթելու, նայեց Վերայի ետևից և ինքն իրան կմկմաց—«ախր ես ուզում եմ խոսել նրա հետ... մի՞թե նա խուսափում է ինձանից»: Այս մտորումի մեջ էր նա, երբ Վերան դուրս եկավ սենյակից, մոտեցով Սուրենին և ասաց.

— Այդպես ուրեմն, Սուրեն Սիանոսովիչ, շուտով մեզ թողնելու եք:

— Այսինքն,— չիմացավ միանգամից ինչ պատասխանել Սուրենը,— այսինքն հիվանդանոցը, իհարկե պետք է թողնենք, բայց ձեզ... ավելի լավ է Վերա, մի տեղ նստեինք... Բայց ներողություն, գուցե դուք ուզում եք զբաղվել վիրավորներով:

— Այդ իհարկե, բայց չէ որ դուք էլ եք վիրավոր:

— Շնորհակալ եմ:

Նրանք անցան հյուրասենյակը. այնտեղ ձախ անկյունում դրված էր մի կլոր սեղան՝ այդ սեղանի շուրջը, փափուկ աթոռներին, նստեցին երկուսով:

Սուրենը ուշադիր նայում էր Վերային. թվում էր, թե առաջին անգամն էր տեսնում. մինչ այդ, ասենք, նա նրա վրա նայում էր իբրև խնամատարի, սակայն այժմ կուզեր այլ հայացքով նայել, կուզեր նրա մեջ տեսնել մի մտերիմ, հոգեկից ընկերոջ, և ինչքան նայում էր, այնքան ավելի

հրապուրիչ էին երևում նրան Վերայի դիմագծերը, և Սուրենը մի անսովոր պահանջ զգաց խոսել Վերայի հետ, խոսել իրեն հուզող բոլոր հարցերի մասին: Վերան, լուռ նայում էր նրան, շրթունքները հագուցում իրար, որից նրա դեմքի ողջ արտահայտությունն ավելի հաճելի էր դառնում: Վերան էլ շատ բան կուզեր լսել Սուրենից, նա արդեն գիտեր, որ Սուրենը հորից զրկվել է մանուկ հասակում, որ նրա մայրն ապրում է Հայաստանում և մինուձար որդու կարոտն է քաշում:

Սուրենը, միջնակարգն ավարտելուց հետո, աշխատել էր Մեքենա-տրակտորային կայանում, երկու տարի եղել էր բանակում, որից հետո մտադրվել էր շարունակել ուսումը, երբ սկսվել էր Հայրենական մեծ պատերազմը: Հայաստանի կոմերիտմիությունը անմիջապես երիտասարդություն միտինգներ էր կազմակերպել ռազմաճակատին օգնելու համար: Սուրենը առաջինն էր, որ քաղաքային միտինգում բեմ բարձրացավ, կոչ արեց ամեն ինչ նվիրաբերել Հայրենիքի պաշտպանությունը և պատրաստակամություն հայտնեց, իբրև կամավոր ռազմաճակատ մեկնել:

Նրա խնդիրը հարգեցին և նրան ու նրա օրինակին հետևողներին բարի ցանկություններով ձանապարհ դրին:

— Այո, քանի որ ես զինվորական գործը մի քիչ գիտեի, իմ խնդրի համաձայն ընկա այնպիսի զորամաս, որը շուտով պիտի մասնակցեր ռազմական գործողություններին:

Այսպես սկսեց Սուրենն իր պատմությունը և սկսեց ոչ այնքան Վերային պատմելու իր գլխով անցածը, այլ որպեսզի մի անգամ ևս վերապրի կրած դժվարությունները, քանի որ շուտով նորից պիտի սկսեր իր ռազմական կյանքը:

— Ես ուզում եմ,— կամացուկ ասաց Սուրենը,— երբ նորից պատերազմի դաշտ մեկնեմ,— ուզում եմ լինի մեկը, որ մտածի իմ մասին...

— Ի՞նչ ես ասում, Սուրեն, քեզ համար այնքան մտածողներ, մայրդ, ընկերներդ,— հարեց Վերան:

— Մա՛յրս, այո՛, քաղցր բան է մայրը... բայց չէ՞ որ ամեն մարդ իր հոգում, բացի մորից ունի նաև մի այլ հարազատի պատկեր... ես կուզեի, որ այդ պատկերը լիներ նաև իմ հոգում և հաստատ գիտենալ, որ այդ հարազատ անձնավորությունն էլ իմ պատկերն ունի իր հոգում:

— Ի՞նչ գեղեցիկ ես խոսում, Սուրեն Սիանոսովիչ:

— Վերա, ջան:

— Ի՞նչ ասիր:

— Ասում եմ, Վերա ջան, խնդրում եմ ինձ միայն Սուրեն ասա, ահանջս սովոր չէ լսել Սիանոսովիչը:

— Բայց... դա շատ անհարմար կլինի ինձ համար,— ասաց Վերան և ձեռքը թեթևակի դրեց Սուրենի ձեռքին:

Սուրենը ողևորվեց այդ բանից և ավելի համարձակ ասաց.

— Իսկ ինձ համար շատ հարմար է:

— Դե լավ, ասա՛, ասա՛:

Սուրենը մի պահ լռեց, էլ ի՞նչ ասեր. նա աչքերը խոնարհեց և ընկավ մտածմունքի մեջ, իսկ Վերան ինչ որ բան վերհիշելով ասաց.

— Դու խոստացել ես ինձ պատմել Կոլոսովի մասին, այնօր Սմիրնովն էլ հիշեցրեց, դա ի՞նչ պատմություն է, դուք, Սմիրնովի հետ հաճախ էիք խոսում նրա մասին, այդ ի՞նչ մարդ է, ինչո՞ւ այդքան հաճախ հիշում եք նրա անունը:

Սուրենը մի խոր շունչ քաշեց, այս անգամ համարձակորեն ձեռքի մեջ առավ Վերայի սիրունիկ, ճերմակ ձեռքը և յուրովի շնչաց.— «Այ թե ինչից էի ուզում սկսել ու չէի գտնում»:

— Ի՞նչ, ի՞նչ ասիր, բարձր խոսիր,— ստիպեց Վերան:

— Այո, Կոլոսովը, ա՛յ, դա պատմելու բան է, Վերա ջան,— սկսեց Սուրենը և ուրախացավ, որ խոսելու նյութ ունի, գուցե սա օգներ իրեն մի կերպ նորից անդրադառնալ իր սիրած նյութին,— Վերա, արդեն գիտես, որ մի քանի օրից ուղմաճակատ եմ մեկնելու:

— Այո, ա՛խ, այո՛... Թշնամին առաջանում է հայրենի՛ք, ազատութիւն՛ն...

— Այո, հայրենիքի համար, ազատութեան համար... երաժշտական ձայնով ասաց Սուրենը,— բայց թանկագինս, այդ ամենն արդեն ինձ էլ, քեզ էլ շատ լավ հասկանալի է, բայց մի բան կա իմ մեջ, որ չեմ կարող բացատրել, հենց դրա համար էլ ուզում էի առանձին խոսել քեզ հետ... կնոջ սիրտն, ասում են, այս դեպքում, ավելի հեշտ է լուծումը գտնում:

— Այդ ինչ դժվար հարց է:

— Եթե կուզես բոլորովին էլ դժվար չէ, բայց չգիտեմ ինչու, երբ ուզում եմ այդ մասին խոսել, թվում է թե ավելի հասարակ կստացվի, քան մտածում եմ:

— Դե, ասա վերջապես, ի՞նչ ես մտածում:

— Այ թե ինչ, ես հայ եմ,— ասաց Սուրենը մի տեսակ հանդիսավորութեամբ,— իմ հայրենիքն ունի քսանհինգ դարու պատմություն: Շատ փորձանքներ ենք տեսել մենք: Շատ մեծ մարդիկ ենք տվել: Ու այդ մեծանուն մարդկանց գործերի մեջ, ինձ միշտ գրավել է մի բան, հրապուրել է այդ մարդկանց բնավորութեան մի գիծը, որը դարձել է մեր ժողովրդի և ամեն մի հայ մարդու բնավորութեան գիծը:

— Այդ ո՞ր գիծն է:

— Այդ այն է, որ երբեք պարտքի տակ չմնալ: Եթե մեկը մեզ մի որևէ լավութուն է արել, այդ լավութունը փոխարինել լավ գործով, մի այնպիսի գործ անել այդ մարդու համար, որ կ' քեզ բարձրացնի կ' քեզ լավութուն անողին: Եվ քանի չի արված այդ գործը, կյանքը չի կարող հաճելի լինել:

— Է՛հ, դա բնավորութեան շատ լավ գիծ է, էլ ի՞նչ էիր ասում, թե դժվարանում ես միտքդ հայտնել:

— Այ, դու ասում ես լավ է ստացվում իմ ասածը, բայց ինձ թվում է թե այդպես չէ, դեռ շարունակութունն էլ լսիր, այդ, ինչ ասում եմ, կապվում է իմ անձնականի, իմ հետագամ գործողութունների հետ:

— Այդ արդեն շատ հետաքրքիր է,— դուրեկան ժպիտով ասաց Վերան և Սուրենի խալաթը հարդարեց:

— Ես քեզ չե՞մ պատմել, թե ինչպես վիրավորվեցի:

— Ոչ:

— Այո, բախտս բերեց, ես պրծա վիրավորվելով, մինչդեռ կարող էի սպանված լինել:

— Ո՛հ,— բացականչեց Վերան:

— Այո՛, սպանված, բայց միայն վիրավորվեցի: Ինձ փրկեց մեր գնդի կոմիսար Կոլոսովը:

— Ա՛խ, այդ Կո՛լոսովը: Վերջապես ո՞վ է այդ մարդը, դե, պատմիր, այդ ի՞նչպես եղավ:

ԳԼՈՒԽ ՀԻՆԳԵՐՈՐԴ

— Ահա՛, թե ինչպես,— սկսեց Սուրենը հարմար տեղավորվելով բազկաթոռում,— փետրվար ամիսն էր. ցուրտ, սառնամանիք: Դերմանացիք առաջին անգամ փորձով համոզվում էին, որ իրենք՝ ամենազոր շեն. նրանք մեր առջևից փախչում էին, բայց թե մի՛ տեղ էլ կանգնում էին, սատանայի նման համառում, մնում էին: Նրանց դուրս մղելու համար քրտինք ու արյուն էինք թափում: Մի գյուղում նրանք ամբողջյուններ էին կառուցել և նրանց տեղից շարժել չէր լինում: Եվ ահա մեր վաշտը հրաման ստացավ, ինչ գնով էլ լինի գերմանացիներին դուրս շարտել այդ գյուղից և առաջ շարժվել դեպի մոտակա քաղաքը:

Սուրենը մի պահ լռեց, ապա տեսնելով, որ Վերան ուշադիր իր խոսքին է սպասում, հազաց, տրորեց ճակատը, կարծես վերհիշելու համար իր պատմության համար անհրաժեշտ ուսերեն բառերը և շարունակեց.

— Մեր վաշտում լավ տղերք կային. հենց մեկը այս մեր Սմիրնովը. մի քիչ շատախոս է, բայց ի՞նչ կովող է. մի կովում նա հինգ գերմանացու սվինահար արեց, իսկ իրա

քիթն էլ շարնոտվեց: Բայց ամենից շատ ինձ դուր եկավ մեր գնդի կոմիսար Կոլոսովը:

— Այո, այո, — մի ձեռքը դնելով կրծքին կմկմաց վերան:

— Կոլոսովը հաճախ էր այցելում մեր վաշտը. մեզանում մեծ մասամբ ուսաներ էին. կային նաև այլազգիներ, իսկ հայ՝ մենակ ես էի: Կոլոսովը, մեր վաշտի ղինվորներից մեծ մասին անձնապես ճանաչում էր. ասում էին, որ նա այդպես անվանական ճանաչում էր նաև գնդի ղինվորներից շատերին: Նա սիրում էր ամեն մի ղինվորի հետ խոսել առանձին, հարցնում էր տանից-տեղից, ընկերներից ու բարեկամներից: Եվ ահա, ինչքան մեծ եղավ իմ ուրախությունը, երբ իմացա, որ նա ծանոթ է հայերին ու Հայաստանին, ժամանակին եղել է Հայաստանում և բավական լավ գիտի մեր ժողովրդի սովորությունները: Նա սրտալի մարդ էր, բայց գործի ժամանակ շատ էլ խիստ էր, իսկական ղինվորականի տիպ էր, է՛... ինչ կուզես ասա, Վերաջան, կարոտել եմ այդ մարդուն... հա, ինչ ասեմ, գլուխ գովալ չիների, բայց մեր զորամասում ինձ հավանում էին, ասում էին, որ էնպես, — և, ուռերեն՝ բառը չգտնելով, ասաց հայերեն, — աչքաբաց մարդ եմ:

— Ինչպե՞ս, ինչպե՞ս, — հարցրեց Վերան:

— Դրա միտքն այն է, որ ասում էին, թե ես մի բանի պետք կգամ... Եվ ահա գնդի հարձակման նախօրյակին մեր վաշտը եկավ Կոլոսովը, հավաքեց բոլորիս, բացատրեց մարտական խնդիրը, ասաց թե ամեն մի դասակը, ամեն մի ջոկը ինչ կարող է և ինչ պետք է անի, ապա սկսեց մեկ-մեկ խոսել, թե ղինվորներից յուրաքանչյուրն ինչ կարող է անել. խոսեց մի քանիսի մասին. մեկ էլ լսում եմ իմ անունը, ազգանունը, — ահա՛, ասում է նա, — ահա ձեզ Սուրենն Նահապետյանը, նա ազգությամբ հայ է, ինքն էլ կոմերիտական: Մեր այս վաշտում նա մի տեսակ ներկայացուցիչ է հանդիսանում. նա ներկայացնում է Հայաստանը: Մինչև հիմա մենք առավելապես սովորել ենք, Սուրենը լավ է սովոր-

րել ռազմական գործը: Կարո՞ղ է հիմա նա վատ կովել,
իհարկե ոչ, Հայաստանը չի ների այդ բանը նրան: Այնտե-
ղից նրան կգրեն, թե դու, Սուրեն, այդ ինչպես ես ներկա-
յացնում մեր ժողովուրդը քո գործամասում: Բայց դե, հա-
վատացած ենք, որ Սուրենը երբեք այդ օրին չի ընկնի, որ
Հայաստանից վատ խոսք լսի...

Սուրենը նորից լռեց ու այլևս չէր նայում Վերային,
մտքով պատկերացնում էր ռազմադաշտը, ընկերներին, Կո-
լոսովին և մարմնով մի տեսակ սարսուռ էր անցնում:

— Այո՛, սիրելի Վերա, մինչև հիմա էլ, դուցե երբեք
էլ չմոռանամ այդ խոսքերը: Նա, Կոլոսովը ինձ համարեց
Հայաստանի, իմ ժողովրդի ներկայացուցիչը այդ վաշտում:
Շատ դուրեկան էր լսել այդ, բայց դա շատ ծանր պարտա-
վորություն դրեց ինձ վրա և ես ոչ մի կերպ չեմ կարողա-
նում այդ պարտքի տակից դուրս գալ: ավելին, նոր ու նոր
պարտքեր են ծանրացել հոգուս վրա... մտածում եմ, թե
ի՞նչ եմ արել մինչև հիմի... համարյա ոչինչ:

— Նու, ինձ այնքան էլ անփորձ մի համարիր, չի կա-
րող պատահել... միշտ այդ կովողներդ նույնն եք կրկնում,
թե մի առանձին բան չենք արել, — միջամտեց Վերան, —
ապա մի պահ լռելուց հետո, ընկճված ձայնով ավելաց-
րեց —, ասենք դուցե և ճիշտ ես ասում, երևի ոչինչ շանե-
լուց է, որ գերմանացիք էլի սկսել են առաջ գալ:

— Ո՛չ, ինչքան էլ առաջ գան, իրենց դարձի ճամբեն
են երկարացնում, — կարծես միրավորված Վերայի այդ
խոսքերից բացականչեց Սուրենը, — ուզում եմ ասել, քանի
դեռ թշնամին կոխկրտում է մեր հողը, նշանակում է քիչ
քան ենք արել:

— Այ, այդ մտքին համաձայն եմ:

— Այո, Վերա, պատկերացնո՞ւմ ես իմ մի՞ճակը, ես,
իհարկե, կոմիսարին պատասխանեցի, թե պատրաստ եմ
ժառայել հայրենիքին, բայց այնուհետև որ կողմը դառնում
էի, ինձ թվում էր, թե ընկերներս այլ հայացքով են նա-
յում ինձ. մինչ այդ, ինձ միայն Սուրեն էին ասում, կամ

Նահապետյան, կամ մեկ-մեկ էլ ձեռք առնում, ասում էին՝ «Կոլոտ Սուրեն», բայց Կոլոտովի այդ խոսքերից հետո շատերն ինձ տեսնելով ասում էին—հայր, Հայաստանի ներկայացուցիչը: Այնուհետև ես գործում, խոսում էի, կովում ոչ միայն իբրև Սուրեն Նահապետյան, այլ իբրև մի մարդ, որի վրա նայում են իբրև մի ժողովրդի ներկայացուցիչի:

Եվ ահա հետևյալ օրը լուսադեմին մենք շարժվեցինք դեպի թշնամին, Կոլոտովը նորից մի քանի ազդու խոսք ասաց. «Դե, ձեզ տեսնեմ, քաջեր, լավ իմացեք, հերոսի կուրծքը աստղեր կզարդարեն, վախկոտի գլուխը որդերը կուտեն. խիզախեցե՛ք»: Մեր գումարտակին տրված էր ամենապատասխանատու խնդիրը—գրոհով վերցնել 617 բարձունքը: Կես դիշերին անաղմուկ առաջ շարժվեցինք, գրավելու ելման դիրքերը: Հետո իմացանք, որ հրամանատարութունը, Կոլոտովին հանձնարարել էր այդ կովում անձամբ ղեկավարել մեր գումարտակի գործողութունները:

Նա մեզ հետ էր և նրա ներկայութունը ոգևորեց բոլորիս: Չյունը բավական խորն էր, խրվում էինք մինչև ծրնկներս, բարձրանում և էլի առաջանում... Ինչ երկարացնեմ, վերջապես հասանք նշանակված վայրը և, հարմար դիրքեր գրավելով, սպասում էինք գրոհի ազդանշանին. հիշում եմ ոնց այսօրվա դեպքը. Կոլոտովը գումարտակի հրամանատարի հետ, եկավ, ստուգեց թե մեզանից ով ինչպես է դիրքավորվել, ինչպես են դասավորված կրակային կետերը. երբ ինձ մոտեցավ հարցրեց: «Սուրեն, դիմանո՞ւմ ես այստեղի ցրտին»,— «այո,— պատասխանեցի ես,— վարժվել եմ, Հայաստանի լեռնային մասերումն էլ ձմեռը խիստ է»: Եվ ինձ ու ինձ մտածում եմ, թե ինչ տեսակ մարդ է սա, կանգնած է թոփի բերան, մահն է աչքի առաջ, սակայն հարցնում է՝ չե՞ս մրսում: Թե մրսես էլ, այդպիսի խոսակցութունը քեզ տաքացնում է: Հա, սկսվեց մեր թնդանոթային նախապատրաստութունը, գերմանացիք նույնպես պատասխանեցին թնդանոթային կրակով, բայց մեր թնդանոթային կրակն ուժեղ էր գերմանացիներից: Չեմ հիշում ինչքան տե-

վեց թնդանոթաձգությունը, մեկ էլ մենք հրաման ստացանք փորսող առաջ շարժվել դեպի գերմանական դիրքերը:

— Դժվա՛ր է հա, այդ փորսող տալը,— ցավակցա-
կան տոնով հարցրեց Վերան:

— Չյան մեջ շատ դժվար է,— հաստատեց Սուրենը,—
ձեռքդ պցում ես՝ բռնելու տեղ չկա, ձյունն էլ մի փուխը է՝
ուզում ես հենարան ստեղծել, մեկ ոտքդ է խրվում, մեկ
արմունկդ, մեկ հրացանի կոթը. մի խոսքով ամեն դժվա-
րություն աշխատում ես մոռանալ, քանի որ թշնամին կրակ
է թափում գլխիդ, իսկ դու գիտես, որ այդ ամենը վերջ
կունենա միայն այն ժամանակ, երբ հասնես թշնամուն,
նրան դուրս շարտես իր դիրքից, առաջադրանքը կատա-
րես և նոր միայն մտածես ազատ շունչ քաշելու մասին:
Չգիտեմ, ինչքան փորսող գնացիներ, մեկ էլ էն գիտեմ, որ
նախ մեր նռնակները նետեցինք գերմանական կրակային
կետերի ու խրամատավորված զինվորների վրա, ապա
ինքներս էլ նետվեցինք դեպի խրամատները, որ ժամանակ
չտանք հակառակորդին շունչ քաշելու: Բայց ամեն ինչ քո
ուզածի պես չի լինում: Բավական գերմանացիք էին ընկել
խրամատներում, բայց շատերն էլ դուրս եկան խրամատ-
ներից և սկավեց սվինամարտը:

— Օ՛յ,— բացականչեց Վերան ատամները սեղմելով
իրար:

— Այո՛, Վերա, դա կուլի թերևս ամենադաժան ձևն է,
աչքերդ արնակալում են, հազիվ ես որոշում քո զինակցին
ու քո թշնամուն, խփում ես... այ, մեր Սմիլոնովը, երկուսին,
թե երեքին պառկեցրեց... ես էլ, դե ինչ ասեմ. ես էլ ընկա
կուլի տաք տեղը...

Սուրենը լռեց: Թերևս զգաց, որ այդ այլևս չէր համա-
պատասխանում նրան, ինչ ասաց քիչ առաջ, թե համարյա
ոչինչ չի արել. նա կլանվել էր հիշողություններով, հուզ-
վել էր, այլևս շատ բան չէր կարող ասել, քանի որ ուրիշ
վկա չկար, իսկ երիտասարդ շիկահներ աղջիկը, որ այդպես
համաշտակված հետաքրքրությամբ լսում էր իրեն, կարող էր

մտքով անցկացնել, թե ինքը արդեն սկսում է ինքնագո-
վությամբ զբաղվել, մանավանդ որ այժմ դժվարանում էր
ճշտությամբ վերապատմել տեսածն ու ապրածը:

Սակայն վերան անհամբերությամբ կրկնում էր.

— Հետո, հետո:

— Այնուհետև ծանր մոմենտ եղավ... միայն այսքանը
ասաց Սուրենը և դարձյալ լռեց:

Մտքերը հավաքելով նա մի քանի խոսքով պատմեց,
որ 617 բարձունքի համար մղվող կռիվն ավարտվեց հաջո-
ղությամբ, միայն Սմիլնովը թևից վիրավորվեց: Սակայն
վերան անբավական էր. նրա համար դեռ պարզ չէր, թե
ինչ նեղ վիճակից էր Սուրենին ազատել Կոլոսովը, որի
անունը նա այնպիսի երախտագիտությամբ էր արտասա-
նում: Եվ երբ նա մի քանի ստիպողական հարցեր տվեց,
Սուրենը կրկին խոսեց:

— Դեպքը տեղի ունեցավ բարձունքը գրավելու հե-
տևյալ օրը. ես գումարտակի հրամանատարի մի հանձ-
նարարությունը կատարելու համար, հրացանը ուսս առած,
գնացել էի դիվիզիայի շտաբը, որը գտնվում էր մերձակա
գյուղում: Երբ վերադառնում էի մուխն էր արդեն. հազիվ
երկու հարյուր քայլ էր մնացել այն բնակավայրին, ուր
տեղավորված էր մեր գունդն իր ստորաբաժանումներով.
տեսա, որ դեպի ինձ են առաջանում երեք զինվորականներ.
չիմացա, թե որտեղից հայտնվեցին, բայց սիրտս կասկած
ընկավ. ասի պետք է պատրաստ լինել: Մոտեցան. գնդի բո-
լոր զինվորներին շես ճանաչի, բայց համոզված էի, որ դը-
րանք մեր գնդից չէին. նրանք ինձ հարցրին, թե ինչպես պետք
է գնալ դիվիզիայի շտաբը, պատասխանեցի թե չգիտեմ. էդ
ասելս գիտեի, մեկ էլ տեսնեմ, նրանցից մեկն անցավ ետևս
և, ինչքան կարողացա նկատել, մի պարկ ուզում էր գցել
գլխովս. պարզ էր արդեն, որ զգեստափոխված գերմանա-
ցիներ էին: Ուզում էին մարդ որսալ, տեղեկություններ ըս-
տանալ: Թափով մի կողմ անցա ու սկսեցի պաշտպանվել.
քանի որ նրանք ուզում էին ինձ ողջ բռնել, այդ պատճառ-

ոով էլ ձգտում էին այնպիսի հարված տալ, որ հրացանը ձեռքիցս ընկնի: Ատրճանակ էլ չէին գործածում, որ ձայն չլսվի: Ինչպես եղավ, ես սվինահարեցի մեկին, որ ամենից բարձրահասակն էր. դա էլ քիչ մնաց իմ կործանման պատճառը դառնար: Հենց որ ուզեցի սվինս հետ քաշեմ, մեկը մի հարված տվեց գլխիս ու ես գետին ընկա. հրացանը ձեռքիցս դնաց. անզեն՝ ոտքով, ձեռքով հարվածում եմ մնացած երկուսին, որոնք բոլոր միջոցներով ուզում էին ինձ քաշ տալ իրենց հետ...

— Ո՛ւֆ,— քրտմնջում էր Վերան:

— Դժվարանում եմ ասել, թե ինչքան տեղեց այդ քաշ-քըշուկը. ըստ երևույթին գերմանացիք համոզվեցին, որ դժվար է ինձ ողջ տեղ հասցնել, մեկ էլ այն տեսա, որ մի դաշույն պսպղաց աչքերիս դիմաց...

— Ա՛խ,— բացականչեց կրկին Վերան:

— Այո, գնա՛ց ջահել կյանքս, այն էլ այսպես հիմար ձեռով,— անցավ մտքովս:

— Մի՛թե,— շփտեց ինչ ասեր Վերան:

— Եվ այդ ըոպեին հանկարծ լսեցի ատրճանակի պայթյուն և դաշունավորը թավալվեց կողքիս. ես վեր թռա. ետ դառնամ, ի՛նչ տեսնեմ, մեր Կոլոսովը, զնդի կոմիսարն է կրակողը:

— Այ քեզ բա՛խտ,— ժպտաց Վերան:

— Այո, նա էր. մի բանի ավտոմատավոր հետն առած, նա, ըստ երևույթին, ելել էր գումարտակների գործերն ըստուգելու և հանդիպել էր մեզ... ես այս ենթադրությունների մեջ էի, թե ինչպե՞ս պատահեց, որ նա այսպես ժամանակին վրա հասավ, երբ մի սուր ցավ զգացի ազդրիս վրա ու հավասարակշռությունս կորցնելով վայր ընկա:

— Ա՛խ, այն երրորդը այո:

— Ճիշտ գուշակեցիք, երրորդ գերմանացին տեսնելով, որ իրենց բռնած գործը գլո՛ւխ չի գալիս, իր բանն էլ բուրդ է, որոշել էր թանձր ծախել իր կյանքը և կրակեց ինձ վրա: Ինձ փոխադրեցին մոտիկ տունը:

— Քույրերը, բժիշկը շո՞ւտ վրա հասան,— տազնապում էր Վերան:

Իսկ Սուրենը, կարծես նոր միայն ազատված նկարագրված փորձանքից, շարունակեց:

— Բայ եմ անում աչքերս և նորից տեսնում եմ Կոլոսովին: Ի՞նչ կարող էի ասել. նա այդ բոպեին ինձ համար, ի՞նչ ասեմ, որ հարմար լինի... այո, նա նոր շունչ փչեց իմ մեջ... մահը... դե, որ պատերազմումն ես, մահդ աչքդ ես առնում, բայց այդ ձևով չէի ուզում մեռնել: Կոլոսովը մի քանի հարցեր տվեց ինձ դեպքի մասին. ես պատմեցի, ինչքան կարող էի: Եվ երբ կարգադրեց ինձ բուժ-սան գումարտակ փոխադրել, շհամբերեցի ու դառնալով նրան ասացի,— ընկեր կոմիսար, իմ կյանքին վտանգ էր սպառնում, երբ ես երեք-չորս տարեկան էի. այն ժամանակ մի բարի մարդ փրկել է իմ և իմ մոր կյանքը. մայրս ասում էր, թե երկրորդ անգամ ծնվեցի, այսօր, երբ ստույգ մահն էր իմ առաջ, դուք փրկեցիք ինձ և ես ծնվեցի երրորդ անգամ: Վա՛վ, լավ, Սուրեն,— ասաց նա բարի ժպիտով,— գնա բուժվիր, կոխվ է ամեն ինչ կպատահի, մենք բոլորս նորից կծնվենք, երբ այլևս թշնամի չի լինի մեր հողում»: Այո՛, միայն այսքանն ասաց: Այժմ Վերա, դու հասկանո՞ւմ ես ինձ, թե ինչո՞ւ է ինձ այդքան թանկ այդ Կոլոսով անունը:

— Այո,— բացականչեց Վերան,— այժմ ես պատկերացնում եմ այդ քո Կոլոսովին...

Սուրենն այլևս չէր խոսում, Վերան էլ այլևս հարցեր չէր տալիս նրան: Լուսթյան մեջ նրանք վերապրում էին այդ անցածը և այն, ինչ չէր կարելի արտահայտել բառերով, լրացնում էր երևակայությունը:

Հյուրասենյակում մարդիկ էին մտնում, դուրս գալիս բայց ոչ Սուրենը, ոչ էլ Վերան նրանց չէին նայում: Լուսթյունը խզեց ժամացույցի հատու զարկը. ժամի տասնմե-

Վից անց էր կես: Նախաճաշին մնացել էր կես ժամ: Մեկ ժամից ավելի նրանք խոսում էին: Առաջինը Վերան սթափ-վեց մտապատկերներից և ուզեց վեր կենալ տեղից. Սուրենն այդ նկատելով մոռչվեց, նա այնպիսի հայացքով նայեց Վերային, որ վերջինս հասկացավ, թե շատ անհաճելի կլինի Սուրենին, այժմ նրանից հեռանալը, մանավանդ, որ Վերան հասկացավ, որ Սուրենը դեռ ասելիք ունի:

— Եվ այդպես Վերա,— խոսեց հանդարտ ձայնով Սուրենը,— նորից ուզում եմ անդրադառնալ այն խնդրին, ինչի մասին ուզում էի, որ քեզնից որևէ խոսք լսեմ... Շուտով Սմիրնովի հետ գնում ենք ռազմաճակատ: Մի քանի օր առաջ տեղեկացանք ինչ որ պետքն էր, գիտենք ուր է կանգնած մեր դիվիզիան, Կոլոսովը դարձյալ գնդի Կոմիսարն է և մեզ թերևս նորից մեր գունդը ուղարկեն: Եվ իմ մեջ փոթորկվում է մի միտք, թե ի՞նչպես անել, ի՞նչպես վարվել, չէ՞ որ կյանքովս պարտական եմ Կոլոսովին: Այդ դեպքը ինձ համար սովորական էպիզոդ չէ: Ինչքան հիշում եմ աչքիս դիմաց պսպղացող դաշույնը, ապա Կոլոսովին, որ իր ձեռքով ինձ փրկեց կործանումից, դա ինձ հանգիստ չի տալիս, իսկ ե՞ս, մտածում եմ, ես ի՞նչ պիտի անեմ դրա փոխարեն:

— Սուրեն,— ընդհատեց նրա խոսքը Վերան,— հիմա քեզ հասկանում եմ, հասկանում եմ նաև այն ինչ ասացիր հայ ժողովրդի բնավորության գծի մասին. լավ գործի դիմաց այնպիսի բան անել, որ և՛ քեզ բարձրացնի, և՛ քեզ լավություն անողին,— կարծեմ այսպես ասիր դու քիչ առաջ, այո՞:

— Այո՛, այո՛:

— Դե, հիմա ամենալավ գործը, դա լավ կովելն է:

— Այդ ճիշտ է, բայց մեկ-մեկ մտածելով Կոլոսովի մասին, ինձ թվում է, թե ես կռիվ եմ գնում բացառապես նրան մի լավ գործով փոխհատուցելու համար, և սա ինձ հանգիստ չի տալիս, ինձ թվում է, թե այսպես մտածելով վիրավորում եմ այդ մարդուն. չէ՞ որ ես կռվում եմ ընդհանուր գործի համար, հանկարծ վախենում եմ չհամբերեմ և

նրա մոտ այնպես ցույց տամ, որ ես ուզում եմ նրան փոխ-
հատուցել, իսկ նա՞, նա ի՞նչ կմտածի իմ մասին... մի
խոսքով, Վերա, բարդ է այս պատերազմը: Առաջ կարծում
էիր, թե այս է, գնացիր, քաջություն ցույց տվիր, հետո
ամեն ինչ լավ կգնա: Բայց տեսնում ես, որ յայդպես չէ,
ամեն օր հոգիդ ու սիրտդ լցվում են նոր հարցերով, նոր,
երբեմն շատ հասարակ թվացող, բայց արդեն բարդացած
խնդիրներով:

— Ինչ ասեմ, Սուրեն, — դու կոխվ ես գնում, — ես էլ
բառ չեմ գտնում ասելու, այո, կոխվ ես գնում հարուստ
հոգով: Ես քեզ ոչ մի խորհուրդ չեմ կարող տալ, ես միայն
մի բան գիտեմ, երբ մարդիկ միմյանց վստահանում են,
ապա նրանց գործը հաջող կգնա: Ես էլ իբրև ոուս աղջիկ
շատ դո՞հ եմ, որ մի հայ մարդ այնքան է վստահանում
ինձ, որ իր հոգու բոլոր գաղտնիքները, իր բոլոր մտքերը
ասում է ինձ: Իսկ այդ ամենը, ինչ դու ասում ես, ինձ շա՞տ
է դուր գալիս:

— Հոգու բոլոր գաղտնիքները, — բացականչեց Սու-
րենը:

Վերան ոչինչ չպատասխանեց և միայն աջ ձեռքով հար-
դարեց գլխի մազերը:

— Ոչ, ես հոգուս բոլոր գաղտնիքները չեմ ասել և, առ-
հասարակ, չի էլ կարելի ասել այն ամենը, ինչ կա մարդու
հոգում, հոգին դատարկություն չի սիրում, միշտ այնտեղ մի
բան պիտի մնա:

— Շատ դուրեկան է լսել քեզ Սուրեն, ես մի տեղ կար-
դացել եմ հայերի մասին, այնտեղ ասված է, որ հայերը
բանաստեղծական ժողովուրդ են և դու քո խոսքերով հաս-
տատում ես այդ, բայց խնդրեմ ավելի պարզ ասա, ես ու-
զում եմ քեզ ճիշտ հասկանալ:

— Մի՞թե մինչև այժմ չհասկացար... ա՛խ, ուրեմն ես
ավելորդ, դատարկ բաներ եմ ասում և դու ոչինչ չես հաս-
կանում:

— Ներողություն, ես ձեզ կարծեմ, որևէ վիրավորական

բան շասի Սուրեն Սիանոսովիչ, ես ամբողջ հոգով համա-
կըրում եմ ձեզ, ես ձեզ շատ լավ հասկացա, որ դուք կոլո-
սովին ուզում եք փոխհատուցել, ձեր կյանքը փրկելու հա-
մար, հասկացա որ դուք վաշտում համարվում եք Հայաստա-
նի ներկայացուցիչ և ուզում եք, որ բարձր պահեք ձեր ժո-
ղովրդի անունը, հասկացա, որ...

— Կամ վերա, ներեցեք ես խոմ ձեզանից քննություն
չեմ պահանջում,— ասաց սրտնեղած Սուրենը:

— Ախ, ես ի՞նչ արի, ի՞նչ ասի, որ դուք, այդպես... հա-
գուցե ձեր հոգու գաղտնիքները...

Վերջին բառերը վերան արտասանեց համարյա յուրովի,
ապա աշխատեց նայել Սուրենի աչքերի խորքը: Սակայն
Սուրենը գլուխը կախել էր և թվում էր, թե ծանր մտատան-
ջության մեջ է: Գուցե գալիք դժվարությունները նրան մի
պահ մտահոգել էին, վերան ոչինչ չէր կարող գուշակել: Ան-
ցավ ևս երկու լուռ բոսի, հանկարծ Սուրենը խլեց վերայի:
ձեռքը, առավ երկու ափերի մեջ, նայեց նրա ոսկեգույն
մազերին, քնքուշ դեմքին, ապա թափանցիկ հայացքով նա-
յեց նրա ծավի աչքերի խորքը և շշնջաց:

— Վերա՛:

— Ասա՛, — սրտի տրոփյունով, մեղմաձայն արձագան-
քեց վերան և լարված հետաքրքրությամբ սպասում էր Սու-
րենի հաջորդ խոսքին:

— Վերա, սիրելիս... ես այնպես, մեր զրույցի սկզբում,
գեղեցիկ խոսքի համար շասի հարազատի պատկերի մասին:

— Ա՛խ, այո, ինչ հիշաշարն ես, բայց ես դա գեղե-
ցիկ խոսք համարեցի լավ իմաստով:

— Մի միջամտի՛ր.

— Ներողություն, օ՛յ ինչ բարկացկոտն ես:

— Վերա՛, սիրելիս, կովի թունդ պահեցին, ինչպես
ասեմ, որ հասկանալի լինի, միայն գեղեցիկ խոսք չլինի...
այո կովի թունդ պահեցին, հանկարծ սիրտս սիրո՞ կարիք
է՞ զգում... սերը միշտ մարդու ուղեկիցն է կյանքում... բայց
այն բոսին երբ ոռնում են թնդանոթները, երբ վերևից

սումբերի են թափվում գլխիդ, երբ թվում է, թե ահա պիտի հոգիդ փչես, այո, ինձ համար, դոնե այդպես է, այդ բուսաներին, ուզում եմ մեկն ունենալ, որ մտածի իմ մասին, այո, հատկապես իմ մասին— հոգի շունեցողը կարող է միայն սա էգորդմ համարել,— ուզում եմ, որ այդ մեկը երազում տեսնի ինձ, որ ես էլ երազումս տեսնեմ նրան ու գոնե հեռվից հոգամ նրա մասին: Ուզում եմ նրանից խոսք լսեմ, ուզում եմ որ որևէ շրջապատում նա խոսի իմ մասին, որ ես էլ նրան խոսք ասեմ, հոգուա, սրտիս խորքից բխող խոսքեր գրեմ անշունչ թղթին, հաղորդեմ նրան և ամենքն իմանան, որ ես ապրում եմ ու գործում եմ նաև նրա, այդ էակի համար:

— Այո, այո,— կմկմում էր Վերան:

— Թույլ տուր, սիրելի Վերա,— շշուկով ասաց Սուրենը և Վերայի ձեռքը սեղմեց ավերի մեջ,— Թույլ տուր... ռազմաճակատից քեզ գրել, ես քեզ նույնպես պարտական մնացի, դու լավ հետևեցիր, լավ խնամեցիր ինձ...

— Չարժե, չարժե այդ մասին:

— Սպասիր, մի ընդհատիր Վերա, դու մտար իմ հոգու մեջ,— և այս ասելով, Սուրենը հանգստացավ ու խորը շնչեց:

Վերան լուռ էր, ոչնչով չէր արտահայտում իր զգացածը, բայց թվում էր, թե նա կուզեր, որ Սուրենը շարունակեր խոսել:

— Վերա,— շշուկաց դարձյալ Սուրենը և կրկնեց քիչ առաջվա ասածը,— Վերա, դու մտար իմ հոգու մեջ:

— Սուրեն,— շափազանցում ես,— շիկնելով ասաց Վերան:

— Ոչ, ոչ, Վերա, ես ավելի քիչն եմ ասում, քան ներքնապես ապրում եմ:

— Այո,— ասաց Վերան և ցանկացավ ձեռքն ազատել Սուրենի ձեռքերից:

— Մի շտապիր, Վերա, մի խոսք ասա.

Սակայն Վերան լուռ էր:

Այն ժամանակ Սուրենը նորից խլեց Վերայի ձեռքը, ուղեց մոտեցնել շրթունքներին, բայց Վերան փութով բարձրացավ տեղից և ինչ որ բան շնչալով դուրս գնաց հյուրասենյակից:

Հնչեց նախաճաշի դանգը:

Սուրենը ոտքի ելավ և փոխանակ ճաշարան գնալու, փնտռեց Վերային, սակայն ոչ մի տեղ չգտավ նրան: Եվ թվաց, թե այն, ինչ խոսեց նրա հետ՝ երազի մեջ էր, իսկ Վերան էլ մի տեսիլք էր, որ եկավ, շողք սփռեց ու անհայտացավ, թողնելով միայն արբեցուցիչ բուրմունքը:

ԳԼՈՒԽ ՎԵՅԵՐՈՐԴ

Երբորդ օրն էր, ինչ Սուրենն նահապետյանը և Ալեքսեյ Սմիրնովը գնացքով ճանապարհ էին ընկել դեպի Վորոնեժի ռազմաճակատը, ուր գտնվում էր նրանց զորամասը: Նրանք աբողջովին ապաքինվել էին: Երկուսով տեղավորվել էին մարդատար գնացքի մի կոշտ վագոնում, վագոնը ծայրե ի ծայր լիքն էր բազմատեսակ ճամբորդներով, ոմանք Սուրենի և Սմիրնովի նման վերադառնում էին զորամասերը, ոմանք գնում էին իրենց հարազատներին փնտռելու ռազմաճակատին մերձակա վայրերում, ոմանք էլ, հատկապես Արևմտյան մասերից գաղթածները, բունը կորցրած թռչունների պես ճամբորդում էին, ավելի հարմար բնակության վայր գտնելու հույսով: Ամեն մեկն իրեն հարմար ընկեր էր ճարել ու խոսում, վիճում էին բարձրաձայն, այդ ժխորի մեջ դժվար էր որոշել որևէ կապակցված խոսակցություն, բայց ով ինչի մասին էլ խոսում էր, դարձյալ անդրադառնում էր երկրում ստեղծված դժվար կացությանը:

Հուլիսյան շոգերն սկսվել էին, ծանր օդ էր կանգնած վագոնում, բաց լուսամուտներից փոշին անընդհատ ներս էր լցվում և տարածվելով մարդկանց դեմքերին, բաց պարա-

նոցներին, խառնվում էր քրտինքի հետ և ավելի անհաճելի դարձնում ճամբորդությունը:

Սմիրնովը տխուր էր. նա մեկ-մեկ թաշկինակով սրբում էր ճակատը, քրթմնջում և տրամադրություն շուներ խոսելու: Այս առավոտ ինչ որ խոշոր կայարանով անցնելիս, նրանք տեղեկացել էին, որ մերոնք թողել էին Ստարի-Օսկովը: Թե ուր էր նրա ընտանիքը, կինը՝ Նաստյան, վեցամյա աղջիկն ու շորսամյա տղան, գաղթել էին, թե՛ մնացել իրենց բնակավայրում, նա ոչինչ չգիտեր:

Սուրենին հայտնի էին Սմիրնովի մտորումները, ընկերոջ վիշտը շատ էր մտահոգել նրան: Սմիրնովին ոչ մի բան չէր հանգստացնում, ինքն էլ սրտում շատ բան ուներ և բացի Սմիրնովից չկար մի ուրիշը, որի մոտ կարողանար սիրտը բանալ, Սուրենը չէր կարող ուրախ լինել, մանավանդ այն պատճառով, որ չէր կարողանում իրենձ հաշիվ տալ, թե ինչ տեղի ունեցավ վերջին օրերին հիվանդանոցում, իսկ Սմիրնովը որ այժմ նրա միակ խորհրդատուն էր, — նա էլ մռայլվել էր:

— Գնալ, գնալ, — մեկ մեկ յուրովի մրթմրթում էր Սուրենը, — գնալ հասնել զորամաս, այնտեղ լավ է, գիտես որ կռվի է, պիտի կռվել, — կամ մեռնես, կամ ապրես, էլ զանազան հարցեր չեն տանջի ուղեղդ:

Ասուպի նման այս մտքերն անցնում էին նրա գլխով և նա հանկարծ սթափվելով նայում էր Սմիրնովին, չլինի՞, թե ինքը բարձրաձայն որևէ բան ասեց. բայց մի՞թե մի որևէ ծանր բան է պատահել, որ ինքը չի կարողանում պարզ ուղեղով մտածել:

Երրորդ օրվա երեկոյան գնացքը կանգ առավ մի կայարանում, հայտնեցին, որ այլևս առաջ չի գնա, ուղամաճակատ մեկնող զինվորականներին տրամադրվեց հատուկ գնացք: Այդ ամենից շատ ուրախացրեց Սմիրնովին ու Սուրենին, և երբ մի քանի ժամ հետո, նրանք նստեցին նոր գնացքը, որտեղ բացառապես կարմիրբանակայիններ էին, թվում էր թե ընկան նոր աշխարհ, անմիջապես ճարեցին

նոր ընկերներ, իսկ Սմիրնովի համար ամենամխիթարականն այն էր, որ մի բանակային հայտնեց, թե Վորոնեժի շրջակայքում շատ կան Ստարի-Օսկոլից գաղթածներ և հավանական է, որ Սմիրնովը գտներ իր կնոջն ու երեխաներին:

— Ա՛յ, Սուրեն, — խփելով Սուրենի ծնկանը, զվարթացած բացականչեց Սմիրնովը, — հրաշալի բան կլինի, հա՛, մի նաստյայիս ողջ և առողջ տեսնեմ, կատյայիս ու Միշայիս մի՛ գիրկս առնեմ... շատ եմ ուզում Սուրեն, որ դու էլ տեսնես կնկանս, ոսկի է, ոսկի:

Սուրենը վերջին օրերում այդպիսի զվարթ տրամադրություն մեջ չէր տեսել Սմիրնովին: Բարով հանդիպելինք այս բանակայիններին, — մտածում էր նա, — մի երկու հուսատու խոսքով ինչպես բացվեց ընկերոջ տրամադրությունը: Յանկանալով մի հաճելի բան ասել Սմիրնովին, Սուրենը վրա բերեց.

— Ալեքսեյ, հասնենք զորամաս, ապա մի քանի օրով թույլտվություն ստանանք, գնանք որոնելու քո նաստյային, գուցե գտնենք, ճանապարհենք մի ապահով վայր ու հանդիստ սրտով գործի կաշենք:

— Այդ այնտեղ կտեսնենք, — մտածկոտ ասավ Սմիրնովը ու անմիջապես վրա բերեց, — ասում ես թույլտվություն խնդրենք, նախ երկուսիս շեն թողնի այդպիսի գործի համար, երկրորդն էլ, գիտե՞ս ինչ կա, Սուրեն, հիմա որ մի հույս կա թե՛ նաստյաս այս կողմն է անցել, դե՛ դա էլ մի բան է. ավելի լավ է գնալ զորամաս ու այնուհետև առաջ, առաջ, հիմա այս է իմ ուղեղում. թե չէ այսօր այս ինչ պատճառով ես ու դու հետ մնացինք, վաղը մի վաշտ հետ կմնա, մյուս օրը մի դունդ, իսկ գերմանացին հա առաջ կգա, — և ինքն իր մտքից ողևորվելով հատու շեշտով գոչեց, — էլ ո՛ւր գա, մինչև ո՛րտեղ գա, այ, նրանք մոտենում են Կովկասին: Չէ, Սուրեն, իմ նաստյան հասկացող կին է, նեղություն կդիմանա:

Սուրենը ոչինչ չգտավ պատասխանելու: Ավելին, նա

մոռացվեց ու յուրովի ասաց, — «ինչ հիմար բաներ եմ մտածում ես, ինչ այդ հիվանդանոցում պառկեցի, ինչ այդ վերային տեսա, գլխիցս դուրս բաներ եմ ասում. ո՞վ է իմացել, առաջին օրը դնալ զորամաս և հետո թուլյալություն խնդրել ուրիշ գործով զբաղվելու, երբ թշնամին հա առաջ է գալիս»: Եվ այնպես անտեղի ու անմիտ թվաց իր քիչ առաջվա խոսքերը, որ ամոթի զգացումը պատեց նրան ու նա շիկնեց:

Սմիրնովը կարծես հասկացալ Սուրենի վիճակը, նա լավ գիտեր, թե ինչն էր զբաղեցնում նրան հիվանդանոցում, երբ նա արդեն ապաքինվում էր, ուստի ավելի զվարթ ձայնով ասաց.

— Էհ, Սուրեն՛ն, կպատահի, ամեն ինչ կարող է անցնել մարդու մտքով, շատ մի մտածիր... դու հիշո՞ւմ ես քո մասին ինչ ասաց Կոլոտովը, — դու մեզ մոտ Հայաստանի ներկայացուցիչն ես, ա՛յ կերթանք, կասենք, եկել ենք որ շնորհներ գերմանացին Հայաստան հասնի:

Սուրենը նայեց ընկերոջ դեմքին, նայեց նրա աչքերի խորքը և հանդարտվեց. անցան ևս մի քանի րոպեներ, արևը թեքվել էր դեպի արևմուտք ու Սուրենին թվում էր թե այստեղ արևը ավելի մեծ է երևում քան Հայաստանում. Սուրենը զմայլված նայում էր վերջալույսի շողերով շիկնած հորիզոնին և բնության այդ հիասքանչ տեսարանի առջև, նա թվում էր թե դառնում է ամենակարող և ոչինչ չի կարող կասեցնել իրեն կատարելու այն ամենը, ինչ ինքը համարում է կարևոր այս աշխարհում ապրելու համար:

Այս միտքը նրան բավական աշխուժացրեց և նա այսօր սովորականից ավելի ախորժակով ընթրեց:

— Սուրեն — դիմեց Սմիրնովն ընկերոջը, — վաղը տեղ ենք հասնում, — տեսնենք ովքե՞ր են մնացել մեր գործամասում:

— Կերթանք, կիմանանք, գուշակություն անելը դժվար է, — վրա բերեց Սուրենը:

— Այ, դա ճիշտ խոսք է, — հարեց Սմիրնովը, ապա

նայելով Սուրենի աչքերի խորքը, ավելացրեց, — այդպես էլ չպատմեցիր, թե ինչ խոսեցիք Վերայի հետ. գաղտանպահ ես դարձել, Սուրեն:

Սմիրնովը, լավ գիտեր, որ որևէ գաղտնիք չէր թաքցված իրենից, և ինքն էլ առհասարակ հետամուտ չէր սիրահարական գաղտնիքներ իմանալու, բայց մի բան լավ գիտեր, որ Սուրենին հաճույք էր պատճառում խոսել Վերայի մասին, մանավանդ որ մի ինչ որ բան իրեն անհասկանալի էր մնացել նրանց փոխհարաբերությունների մեջ և այդ պատճառով էլ, Սմիրնովը, հենց դրանից էլ սկսեց:

— Ինձ այնպես է թվում, — ասաց նա, — որ այդ Վե՛րան նեղացրեց քեզ, հա՛, Սուրեն:

Սուրենի համար աննկատելի անցավ Վերայի հետ բացատրվելուց հետո անցած վերջին ութը օրերը: Դրա համար էլ նա որոշակի ոչինչ չէր կարող ասել Սմիրնովին, միայն նրան անսահմանորեն դուր էր գալիս Սմիրնովի հարցապնդումը, թվում էր, թե նորից ինքը ապրում է երանական ժամեր:

— Նա ինձ նեղացրե՛ց, հարցնում ես, ո՛չ, այդպիսի բան չեմ կարող ասել, բայց ինչ որ մի բան մնաց անհասկանալի:

— Կանանց միանդամից չի կարելի հասկանալ, — հաստատեց Սմիրնովը:

— Ինձ թվում էր թե այդ աղջիկը շատ պարզ աղջիկ է, պարզ էր նա, երբ այդպես հոգատարությունամբ խնամում էր մեզ, պարզ էր նա, երբ գիշեր ցերեկ Դուդնիկի տնքոցներն էր լսում, անսահման պարզ էր նա, երբ նույն այդ Դուդնիկի խանդոտ կնոջ ներկայությամբ համբուրեց Դուդնիկին, բայց հենց որ նրա հետ առանձին խոսեցի, նա ինձ հանելուկային թվաց:

— Դու այդ պատմել ես ինձ, Սուրեն, ոչ մի հանելուկային բան չկա այդտեղ, դու խոսել ես, սեր ես բացատրելովել, իսկ նա ամաչել, թողել փախել է. այդ լավ է. այդ

նշանակում է նա թեթևամիտ աղջիկ չէ, սերը նրա համար
թանկ, նվիրական բան է:

— Նվիրական, այո, բայց դիտես, թե նա ինչքան տան-
ջեց ինձ, երբ իմ բացատրությունից հետո նա հինգ օր չե-
րևաց հիվանդանոցում:

— Ո՞նց շղիտեմ, այդ անմիջապես կարելի էր իմա-
նալ նայելով քո թթված դեմքին:

— Դե լավ, անցած զնացած բան է, Ալեքսեյ, հա, մտա-
ծում էի թե ահա ևս մի շորս-հինգ օր և ես էլ, դու էլ հիվանդա-
նոցից դուրս ենք գրվելու, հապա ինչպես կլինի, հեռանալ
այդպես անորոշ... և ինչքա՞ն էի ինքս ինձ մեղադրում,
ասում էի ինչ հիմարն եմ ես, որ այդքան բան պատմեցի
նրան, այդպես սիրտս բաց արի նրա առաջ, փուհ, ասում
էի, հիմի տե՛ս, նա ո՞ր անկյունում նստած, ինչ մեղքս
թաքցնեմ, նույնիսկ մտածում էի թե տես, հիմա ինչ տղայի
մոտ նստած ծաղրում է ինձ... այդպիսի դեպքում ի՞նչ ցըն-
դաբանություն չի անցնում մարդու մտքով: Եվ ահա, ինչ
մեծ եղավ նախ զարմանքս, ապա նաև ուրախությունս, երբ
նա վեցերորդ օրը եկավ մեզ այցի:

— Այդ էլ եմ հիշում,— դու կարծեմ պատրաստ էիր
ուրախությունից պարել,— ժպտաց Սմիրնովը:

— Լա՛վ, էլ ինչ ասեմ, մյուս օրը թուլտվություն
խնդրեցի ու զնացի նրա մոտ՝ տունը:

— Տեսնո՞ւմ ես, դեռ ասում ես հանելուկ է, կարգին
աղջիկ է եղել, տուն է հրավիրել:

— Հա, ներս եմ մտնում, նա, Վերան ինձ դիմավորում
է միջանցքում, առաջնորդում երկու սենյակից բաղկացած մի
կոկիկ բնակարան, ծանոթացնում է իր բաբուշկայի հետ:
Ծս իհարկե, ոչ մի բանի չէի նայում, ուշք ու միտքս ինքն
է— Վերան, տեսնես ինչո՞ւ է կանչել, ինչ ունի ասելու: Քիչ
հետո ես ու նա մենակ ենք մնում:

Սուրենը լռեց, ուզում էր կապակցված պատմել, բայց
ոչինչ չէր դուրս գալիս, միայն այսքան իմացավ Սմիրնովը
նրա հետագա խոսքերից: Վերան սովորում էր տեղական

մանկավարժական ինստիտուտի վերջին կուրսում: Իր խընդ-
րանքով նրան ամրացրել էին հիվանդանոցին... նրա աշխա-
տանքի այդ մասը ծանոթ էր նրանց. նա համաձայն էր Սու-
րենի հետ նամակագրություն ունենալ, նա, Վերան, այդպես
էլ ասել էր, անտարբեր չէ դեպի Սուրենը, բայց դրանից
ավելին չի կարող ասել, իրենք ծանոթացել են այնպիսի
պայմաններում, երբ Սուրենը վիրավոր էր, խնամքի կարոտ,
իսկ ինքը Վերան, խնամատար, գուցե, այն զգացումն ինչ
առաջացել էր Սուրենի մեջ դեպի Վերան սեր չէր, այլ
երախտագիտական զգացում է միայն, թող Սուրենը այն-
տեղ, ռազմաճակատում, լավ կշռի, դատի, ինքն էլ, Վերան
էլ այստեղ լավ կկշռի, կդատի, ապա այն ժամանակ միայն
նորից կխոսեն, թեկուզ նամակով, իրենց սիրո մասին:

— Այո, Ալեքսեյ, բացականչեց խոսքի վերջում Սու-
րենը, — նա վերամբարձ խոսքեր չասաց, բայց ինձ թվում էր,
թե նա ասում էր, թե դու, Սուրեն, շատ խոսեցիր պարտքը
կատարելու, հայ ժողովրդի արժանավոր զավակ լինելու և
այլնի մասին, զնա այդ բաներն ապացուցիր նոր գործով,
հետո կիմանանք թե ինչ պտուղ ես: Հա, Սմիրնով ասա՛,
այս չէ՞ր նշանակում նրա վարձուներ:

— Ազնիվ խոսք, եթե նա այդ մասին ոչինչ չի ասել և
նրա վարձուներից դու այդ ես հասկացել, ապա իրոք նա
շատ ավելի ազնիվ աղջիկ է, քան մենք պատկերացնում
ենք, Սուրեն: Առաջներս կոհիվ կա, ահագին ճանապարհ
կա... մի վհատվիր, նա քեզ չի մոռանա:

— Կարծո՞ւմ ես...

— Չէ, չէ, չի կարող մոռանալ և ոչ միայն մոռանալ,
ինչ ասեմ, ժամանակ է, կանցնի կտեսնենք: Տեսա՞ր աղջիկը
մինչև անգամ կայարան եկավ քեզ ճանապարհ դնելու:

— Մենակ ես հո չէի՞ մեկնողը, — ասաց Սուրենը:

— Բայց նա մեզ ամենքիս հետ իբրև պարտականու-
թյուն համբուրվեց, իսկ քեզ հետ ուրիշ կերպ, Սուրեն, ուրիշ
կերպ համբուրվեց, այն էլ մի քանի անգամ... իմ աչքը

փորձված աչք է: Ես գիտեմ նաև, որ նա քեզ թաշկինակ էլ է նվիրել, իր անունը վրան գրված:

— Է՛հ, հիմա բոլոր աղջիկներն էլ նվեր են ուղարկում ռազմաճակատ:

Սուրենն ասում էր այդ բոլորը ոչ թե հակաճառելու համար, այլ նա կուզեր Սմիրնովից լսել իր մտածածը հաստատող խոսքեր և ուրախությամբ լսեց, երբ Սմիրնովը վրա բերեց:

— Բոլորն են այո, նվեր ուղարկում, Վերան կարող է ուրիշներին էլ նվեր ուղարկել, բայց... Ի՞նչ ես այդքան կասկածոտ դարձել ու ամեն տեղ հանելուկ տեսնում... բավական է, քնի՛ր, ասա, այնտեղ, ռազմաճակատում լավ գնան գործերս. Վերան այն ժամանակ հոգին էլ կտա: Դե բարի զիշեր...

Սուրենը պառկեց մեջքին, գնացքը դղրդոցով առաջ էր ընթանում: Սուրենը տարված մտքերով հետևում էր անխիչների ձայնին՝ թիք-թաք, թիք-թաք, որը սակայն այժմ նրա ականջին հասնում էր իբրև Վերա, Վերա:

ԳԼՈՒԽ ՅՈՓԵՐՈՒՄ

Սուրենն ու Սմիրնովը միանգամից շքեղան իրենց զորամասը: Ռազմաճակատի շտաբի համապատասխան բաժինը նրանց երկու շաբաթով ուղարկեց վերապատրաստվելու: Նրանք ծանոթացան նոր տեսակի ավտոմատ զենքին, յուրացրին թշնամու հետևակի ու տանկերի դեմ կռվելու մի քանի նոր ձևեր, և ապա, նոր միայն թույլտվություն ստացան մեկնել իրենց զորամասը:

Նրանց գունդը տեղավորված էր Վորոնեժի Հյուսիս-Արևմտյան կողմի վրա սփռված անտառներում և օրե-օր սպասում էր դիվիզիայի շտաբի հրամանին, մյուս գնդերի հետ միասին առաջ շարժվելու: Երբ երկուսով մտան գնդի սահմանը, առաջին մարդուն՝ որին հանդիպեցին, դա մի

բարձրահասակ զինվորական էր, որը խոր անտառից դուրս էր գալիս՝ գիմնաստյորկայի փեշը գոգնոցի նման վեր բարձրացրած, այնպես, որ միշտ պարունակութունը չթափվի:

Սուրենը ուշադիր նայեց իրենց մոտեցող զինվորականին և բրդելով Սմիրնովին բացականչեց.

— Պա՛հ, սա հո մեր Պետրովն է:

— Նու, իհարկե, նա ինքը—հաստատեց Սմիրնովը:

Պետրով կոչվածը մի պահ կանգնեց, ապա ճանաչելով եկողներին, իր երկայն սրունքներով լոք տալով, հասավ, մի ձեռքն ազատեց փեշից—գրկեց ու համբուրվեց Սմիրնովի, ապա Սուրենի հետ:

— Նու, և եկա՛ք,—միայն կարողացավ ասել նա,— ապա ցույց տալով փեշում եղածի պարունակութունը ասաց,—մալինա կերեք:

Պետրովն իրենց վաշտի զինվորներից էր, որի հետ նրանք շատ լավ ու վատ օրեր էին անցկացրել: Նրանք ուզեցին Պետրովից իմանալ, թե ինչ վիճակի մեջ է վաշտը, սակայն Պետրովն ինքն էր հարցեր տալիս հիվանդանոցի, թիկունքի կյանքի մասին և տրամադիր չէր որևէ բան ասել:

— Իսկ ի՞նչպես է Կոլոսովը,—հարցրեց Սուրենը, գոնե մի բան իմանալու համար:

— Լա՛վ, հիմի գունդը հրամանատար շունի, Կոլոսովն է հրամանատարութուն անում:

— Իսկ ո՞ւր է հրամանատարը:

— Ինչ ասեմ, վերջին կովում գործերն այնքան էլ լավ չգնացին, տարան ուրիշ տեղ, դե, Կոլոսովը գործն իմացող կոմիսար էր, երևի նա էլ մնա հրամանատար... ասենք դա նաչալատովոյի գործն է:

— Վաղո՞ւց է, ինչ կովից դուրս եք եկել,—հարցրեց Սմիրնովը:

— Մի քսան օր կլինի, կարգի ենք բերում մեզ, լրացում ենք ստանում, դե այս է, դուք էլ եկաք, լրանանք, տեսնենք այս նոր կազմը ինչքան կդիմանա... զոռում են,

հա՛, պի՛նդ են զոռում այդ գերմանացիք: Վորոնե՞ծին են սպանում:

— Իսկ գունդը ե՛րբ է նորից կռվի մեջ մտնելու, — հարցրեց Սուրենը:

— Ե՛րբ... կմկմաց Պետրովը, — ապա փեշը բարձրացնելով ասաց, — մալինա կերեք, անտառի խորքից եմ բերել, տեղն ու տեղը վիտամին է...

— Դու այն ասա, — պնդեց Սուրենը, երբ ենք կռվի մեջ մտնելու:

— Քեզ ասում եմ, ընկեր Հայաստանի ներկայացուցիչ, մալինա կեր, դա ռազմական գաղտնիք է, դուք դեռ իսկի զորամասի հրամանատարին էլ չեք ներկայացել, ի՞նչ կարող եմ ասել ձեզ:

— Իրան մտիկ, վիրավորվեց Սմիրնովը, — նախ դու ոչինչ չգիտես Պետրով, երկրորդը, թե ուզում ես ռազմական ուստավով շարժվել, պիտի այն էլ շասեիր, թե քսան օր է կռվից դուրս եք եկել, գնդի կազմն եք լրացնում, թե չէ այնպես ես ձևացնում, կարծես թե մի գաղտնիք գիտես:

— Լավ, լավ էլի էն մեծախոս Սմիրնովն ես. վիրավորվեցիր էլ, գոսպիտալում էլ պառկեցիր, քաղաքավարի մարդկանց հետ էլ շփվեցիր, էլի ոնց որ կաղնու կոճղը: Այ, գնանք էսպես, ձեզ ցույց կտամ հրամանատարական կետը, հետո իրենք ձեզ կասեն թե ոնց պիտի գաք մեր վաշտը:

— Իսկ դո՞ւ չե՞ս ասի, թե ուր է վաշտը:

— Չեմ ասի, դա հո ռազմական գաղտնիք է, դա հո միայն ես գիտեմ, — խոսեց Պետրովն արագ-արագ ու նորից լոբ-լոբ տալով՝ ընկերներին առաջնորդեց դեպի շտաբը:

Շտաբը տեղավորված էր մի գետնափորում՝ ծածկված ծառերի տերևներով: Պահակը ստուգելով Սուրենի և Սմիրնովի փաստաթղթերը, նրանց ներս թողեց, նրանց երկար սպասեցնել շտվին. կոլոսովն ինքն անձամբ էր ընդունում նոր լրացումը: Երբ երկուսով ներս մտան, անմիջապես զինվորական բարե տվին և առաջինը Սմիրնովը զեկուցեց.

— Ընկեր հրամանատար, կարմիրբանակային Սմիր-
նովը բուժվել և վերադարձել է զորամաս:

Նրանից հետո նույնպես հատու կրկնեց Սուրենը.

— Ընկեր հրամանատար, կարմիրբանակային Նահա-
պետյանը բուժվել և վերադարձել է զորամաս:

Կոլոսովը, քառասունհինգն անց, շիկահեր, ամուր թի-
կունքով, ուժեղ թևերով մի տղամարդ, որ նստած էր քա-
ռակուտի բլինդաժի անկյունին դրված սեղանի մոտ՝ շտապ
սարքավորված մի անհենակ աթոռի վրա, վեր ելավ տեղից,
մոտեցավ և, առանց որևէ բան ասելու, փոփոխակի նայեց
մեկ Սուրենին, մեկ Սմիրնովին, ապա հանգիստ ասաց.

— Ձեռքներդ իջեցրեք:

Ե՛վ Սուրենը, և՛ Սմիրնովը անմիջապես ձեռները վար
բերին և զգաստ վիճակով կանգնած նայում էին Կոլոսովի
աչքերին:

— Նստեցե՛ք,— ասաց Կոլոսովը հետ գնալով դեպի սե-
ղանը և ցույց տալով անկյունին դրված երկար նստարանը,
— նու, պատմեցեք, ի՞նչպես էր հիվանդանոցային կյանքը,
— հարցրեց Կոլոսովը, երբ արդեն նրանք նստել էին:

Սուրենն ու Սմիրնովը փոփոխակի պատմեցին թե հի-
վանդանոցում իրենց շատ խնամքով վերաբերվեցին, պատ-
մեցին, թե ինչ վիրավորների հետ էին պառկած և որ ար-
դեն այնտեղ ձանձրալի էր դառնում կյանքը և իրենք ձըգ-
տում էին զորամաս գալ:

Սուրենը նայում էր Կոլոսովին և նրան թվում էր, թե
վերջին մի քանի ամիսների ընթացքում հրամանատարն ա-
վելի ծերացել է, բայց նրա դեմքի վրա, աչքերի մեջ նա
կարդում էր ինչ որ հարազատ բան և նա կուզեր նրա հետ
մի՛ պահ, գոնե մի պահ խոսել իբրև մտերիմ մարդու հետ.
բայց ինչպես սկսեր, հա՞, գուցե Կոլոսովն ինքը առիթ
տար:

Կոլոսովը, սակայն նախ և առաջ բացատրեց, թե ինչ
անելիքներ ունեն Սմիրնովն ու Սուրենը.

— Այ, — ասաց նա — կերթաք ձեր վեցերորդ վաշտը,

աշնտեղ հներից քշերն են մնացել. Սմիրնով, դու նկատի
ունեցիր, որ շուտով քեզ դասակի հրամանատար եմ նշա-
նակելու, իսկ դու, Սուրեն, ջոկի հրամանատար պիտի լի-
նես, երկուսդ էլ նոր կոչում կստանաք, դուք արդեն կովի
փորձ ունեք, նորեկներին կսովորեցնեք, ինքներդ էլ հրա-
տացեք ձեր գործի մեջ... կովի ձևերը բարդանում են,
պիտի սովորեք կովել ոչ միայն դաշտում, անտառում,
այլև քաղաքների փողոցներում, բնակելի վայրերում: Շատ
ետեկանք, հիմա պիտի բոլորդ լավ յուրացնեք և ուրիշնե-
րին էլ սովորեցնեք այս պատվերը—այլևս ո՛չ մի քայլ հա:
— Լսում եմ ընկեր հրամանատար,—կրկնում էր շուտ-
շուտ Սուրենը:

— Ա՛յ, Սուրեն, գերմանացիք սպառնում են Կովկա-
սը կտրել մեզնից:

Սուրենը գլուխը կախեց և կարծես հարմար գտավ ա-
սելու, գոնե մի խոսքով ասելու այն, ինչ մտածում էր,
ուստի և շտապ վրա բերեց:

— Այն օրվանից, երբ դուք, ընկեր Կոլոսով, փրկեցիք
իմ կյանքը...

Կոլոսովը ձեռքը տարավ ճակատին, ինչ որ բան վեր-
հիշելու համար, դա Սուրենին ոգևորեց և նա վրա բերեց.

— Ուրիշ իմաստ չեմ գտնում իմ կյանքում, քան...

Եվ շկարողացավ շարունակել, վախենում էր, որ չըս-
տացվի այն, ինչ ինքը կցանկանար, բայց Կոլոսովը կար-
ծես տարված իր մտքերով, չսեց նրա այդ խոսքերը:

Կոլոսովը ձեռքը հետ տարավ ճակատից և ի պատաս-
խան Սուրենի, ասաց.

— Ահա՛, մորիցդ նամակ եմ ստացել:

— Իմ մո՞րից,—վեր թռավ տեղից Սուրենը:

— Այո՛, դա իմ նամակի պատասխանն է, ես նրան
հաղորդել էի, որ դու լավ կովեցիր 617 բարձունքում, գրե-
ցի, որ ուրախանա: Քեզ նամակ է գրել, առաջին մասն ինձ
է հասցեագրված, մյուս երեք էջը քեզ է գրել, այստեղ մի
հայ հրամանատար եկավ անցյալները, նա ինձ համար

կարդաց, լավ բաներ է գրել, կտանես վաշտումն էլ կկարգաս... նրանցից նոր նամակ ունե՞ս:

— Այո, գոսպիտալում ստանում էի:

— Լավ... Իսկ գոսպիտալում ուրիշ ինչ ծանոթութիւն ստեղծեցիր, այնտեղ քաղաքից լավ աղջիկներ են գալիս... մեր տղաներից շատերը նամակագրութիւն ունեն... հա՞, կարմրում ես, լավ, լավ, դա քո անձնական գործն է:

— Այո, ընկեր հրամանատար, միշտմտեց Սմիրնովը այնտեղ մի Վերա կար:

— Նու, Սմիրնով, — հանդիմանական նայեց ընկերոջը Սուրենը:

Կոլոսովն ըմբռնելով Սուրենի վիճակը, դիմեց Սմիրնովին:

— Իսկ դու Սմիրնով, ընտանիքիցդ լուր ունե՞ս:

— Վատ լուրեր ունեմ, ընկեր հրամանատար, — հոգոց հանելով ասաց Սմիրնովը.

— Ի՞նչպես:

— Դե, Ստարի-Օսկոլը թողել ենք, իսկ թե մերոնք այնտեղից ինչ ուղղութիւնով են գնացել, չգիտեմ:

— Այո՞, — մտահոգ բացականչեց Կոլոսովը, մաժեց ճակատը, ապա ասաց. — շատերը միախել են այս կողմերը, թաքնվել են անտառներում. հաճախ խմբերով անցնում են մեր կողմ... պետք է հարցնել, տեղեկանալ: — Եվ ապա կարծես պարզելով մտքերը վրա բերեց, — իսկ ամենից առաջ մտածել առաջ շարժվելու մասին. ուղղամակատի դժից այն կողմ մեզ շատերն են սպասում: — Ազատ եք, — ասաց վերջում Կոլոսովը և մոր նամակը հանձնելով Սուրենին, սեղմեց նրա ձեռքը:

Սուրենը նայում էր Կոլոսովին, և ինչքան շատ էր նայում, այնքան ավելի հարազատ էին դառնում իրեն այդ մարդու դիմագծերը:

Սուրենը, և՛ նույն, և՛ հետևյալ օրը, մի քանի անգամ կարդաց մորից ստացած նամակը: Մայրը, վաթսուհամյա Նազանին, շնորհակալություն էր հայտնում կոլոսովին, ու նա գնահատել է իր որդու ծառայությունը զորամասում և, մայրական շթաքնված հպարտությամբ, գրել էր տվել, — «Ես հայության համար որդի եմ բերել, որ իր հոր հիշատակը պայծառ պահի, մոր երեսն էլ ճերմակ պահի»: Իսկ Սուրենին հաղորդելով իր վիճակը, ր ինքը մի միայնակ գլուխ է, ոնց էլ լինի Կապրի, ավելացրել էր նամակի վերջում, — «Մենակ թե՛, ազիզ բալա ջան, դու սաղ-սալամաթի նամուսով հետ գաս, արևովդ մխիթարվեմ, տուն ու տեղ դնեմ, սուրբ պսակին արժանացնեմ, որ ես էլ ցամաք աչքով հողը մտնեմ»:

Նա արդեն անգիր էր արել մոր այդ խոսքերը և այլևս թվում էր, թե նա լսում է մորը և նա է իր ականջին շշնջում այդ բառերը հաճելի երաժշտությամբ: Եվ ինչքան մտածում էր մոր մասին, իր երևակայության մեջ, Վերան էլ գալիս կանգնում էր մոր կողքին և նա զգում էր, որ այլևս չէր կարող անջատել նրանց միմյանցից: Եվ հենց այդ հանգամանքը նրան ավելի ևս նվիրական էր դարձնում այն բոպեններն ու ժամերը, երբ նա հանդիպել էր Վերային: Նա հենց առաջին օրը նամակներ էր գրել և՛ մորը, և՛ Վերային: Վերայից ավելի շուտ էր պատասխան սպասում, քանի որ նրա բնակավայրն ավելի մոտ էր իրեն:

Եվ ինչքան շատ էր մտածում մոր և Վերայի մասին, այնքան ավելի եռանդով էր լծվում գործի: Ե՛րբ, ե՛րբ վերջապես պիտի գա նորից կովի մեջ մտնելու օրը: Նա այդ օրվան սպասում էր անհամբերությամբ, և երբ այդ մասին խոսում էր ընկերների հետ, ոչ թե՛ կրկնում էր սերտած բառեր իր պարտականության, հանդեպ Հայրենիքն ունեցած սիրո և այլ նման բարձր խոսքեր, այլ միայն կարճ կերպով ասում էր՝ ձուկ բռնողը չպիտի վախենա ջուրը

մտնել, թշնամուն հաղթել ցանկացող զինվորն էլ շփտի վախենա կույի մեջ մտնել: Ե՛վ այն, ինչի մասին ինքն այնպես ոգևորված խոսեց Վերայի հետ,— և՛ այն միտքը, որ ինքն իրենց վաշտում հանդիսանում է Հայաստանի ներկայացուցիչը, և՛ այն երախտագիտական զգացումը, որ ինքն ունի դեպի Կոլոսովը, և՛ վերջապես այն գիտակցութունը, որ կույի մեջ մտնելով միայն կարելի է իրեն արդեն սըրտակից ընկեր դարձած Սմիրնովի ընտանիքը փրկել,— այդ բոլորն այժմ՝ արտահայտվում էին իր մեջ մի ցանկությամբ՝ օր առաջ ճակատամարտի մասնակիցը դառնալ, որովհետև այնտեղ կվճռվեին բոլորի հարցերը, այդ ահռելի բոցերի միջից կարելի էր փրկել այն, ինչ կոչվում է կյանք: Եվ առավել ևս նա ձգտում էր կույին, որովհետև կարծում էր, թե ունենալով արդեն փորձ, այս անգամ ինքն ավելի քիչ տագնապաներ կունենա, քան նախորդ կռիվներում:

Մի քանի օր անց, Կոլոսովը, ստուգելով վաշտերի մարտունակութունը կատարեց նոր նշանակումներ: Վեցերորդ վաշտում, որի հրամանատարն էր թավ բեխերավոր մի ուկրաինացի Բուրավչենկո ազգանունով՝ Սմիրնովն արդեն դասակի հրամանատար էր նշանակված և նույն դասակում հրաձիգ ջոկերից մեկի հրամանատարն էլ Սուրենն էր կարգված:

Ամբողջ օրը անտառի բացատներում վաշտերը ռազմական վարժություններ էին կատարում: Սուրենը քափ-քրտինքի մեջ մտած, սովորեցնում էր ջոկի զինվորներին այն ամենը, ինչ ինքը յուրացրել էր և երբ Կոլոսովն այցելում էր ստուգելու ռազմիկների մարտունակութունը, Սուրենը լիափով առաջ էր գալիս, ձգվում, բարևի առնում և հատու շեշտով զեկուցում էր.

— Գնդի ընկեր հրամանատար, ջոկը այսօր զբաղվեց, ջոկի անելիքները բնակելի վայրում մարտական խնդրի լուծումով, այժմ ուսումնասիրում է պե-պե-շա ավտոմատը և

պե-տե-եռը*), պատրաստ է մարտական գործողութիւններին: Զեկուցում է ջոկի հրամանատար սերժանտ Սուրեն Նահապետյանը:

Կոլոսովը ողջունում էր բոլորին, ապա մեկ-մեկ ստուգում էր, թե որ մարտիկն ինչպես է յուրացրել առաջադրված խնդիրները և զենքի տեխնիկան:

Այդ պահերին Սուրենն ուշադրութեամբ նայում էր Կոլոսովին. երբեմն թվում էր, թե նա շատ պաշտոնական է, նույնիսկ խիստ, և ցավում էր, որ չի կարող այլ բաների մասին խոսել նրա հետ, բայց երբ Կոլոսովն ստուգումն ավարտում էր, նորից Սուրենը նրա աչքերում կարդում էր այն զգացումը, ինչ որ իրեն հարազատ էր ու հասկանալի:

Հուլիան արդեն իր վախճանին էր մոտենում, Սուրենի արևախանձ դեմքը ստացել էր ցորենի գույն և նա զգում էր, որ պարապմունքներում ավելի է կազդուրվում: Այսօր էլ, երբ վաշտը վերադարձավ պարապմունքից հրամանատար Բուրավչենկոյին կանչեցին հեռախոսի մոտ և հայտնեցին, որ գունդը թիկունքից նվերներ է ստացել:

— Ա՛յ, սա արդեն գործ է, հա,—բացականչեց Պետրովը, որը նույնպես ջոկի հրամանատար էր Սմիրնովի դասակում:

Գնդի տնտեսական մասից անմիջապես բերել տվին վաշտին բաժին ընկած նվերները: Բուրավչենկոն վաշտի առաջ մի ազդու ճառ ասեց թիկունքի օժանդակութան մասին և հույս հայտնեց, որ վաշտը պատվով կիրագործի իր առջև դրված խնդիրները:

Սմիրնովն իր դասակի զինվորներին բաժանելով նվերների փաթեթները, Սուրենի, Պետրովի և իր դասակի երրորդ ջոկի հրամանատար Կոզլովի հետ մտավ գետնափորը: Նրանց ևս բաժին էր ընկել թիկունքի նվերներից մի արկղ: Պետրովն իր ահագին ձեռներով շուռ ու մուռ տվեց արկղը, ապա սվինի ծայրով կափարիչը գամերի հետ միասին բա-

*) Հակատանկային զենք:

ժաննեց, դեն նետեց. դեռ հայտնի չէր թե ինչ կար արկղում,
քանի որ երեսից պատած էր թղթով:

— Դե, մոտ եկեք,—ասաց Պետրովը դիմելով ընկերներին,
ահա՛ թուղթը, վերցրեք, պետք կգա մախորկա փաթա-
թելու: Հիմի սկսվում է ամենահետաքրքիր մասը, տեսնե՛նք
ի՞նչ բարիք են արժան համարել մեզ, այդ թիկունքի քաջե-
րը:

— Մի շատախոսի Պետրով,—ասաց մեղմ տոնով
Սմիրնովը, նվերը լավ բան է, բայց այդքան մի տարվիր և
մի կարծիր, թե քաջը միայն դու ես: Դու գիտե՞ս, որ այսօր
հերթապահելու ես վաշտում:

— Հիմա, հիմա, ընկեր Սմիրնով ասաց Պետրովը, և
արկղի պարունակութունը՝ ծխախոտներ, շոկոլադներ, մի
քանի ձեռք ճերմակեղեն, հավասարապես բաժանեց չորս
ընկերների միջև:

— Իսկ այս թաշկինակն ինձ,—ասաց Պետրովը հըրճ-
վանքով, գտնելով թղթի մեջ խնամքով փաթաթված մի ա-
սեղնագործ թաշկինակ,—հապա, տեսնենք, սա ի՞նչ է,
հետն էլ նամա՞կ, ազնիվ խոսք շատ լավ է:

Սուրենը վերցրեց միայն շոկոլադ և մի ձեռք սպիտա-
կեղեն. նա չէր ծխում. տեղավորելով սպիտակեղենը իր
զինվորական տոպրակում, նա մոտեցավ Պետրովին, որն
այդ պահին թաշկինակը բացել ու դիտում էր.

— Աստված վկա ճաշակով աղջիկ է եղել,—բացականչ-
եց Պետրովը,—տե՛ս, ինչ լավ է նախշել չորս կողմը. դեռ
իր անունն էլ է ասեղնագործել:

Սուրենի սիրտը տրոփեց. նա ևս նայում էր թաշկինա-
կին. նա ակամա ձեռքը տարավ ծոցագրպանը և շոշափեց-
այո՛, այնտեղ էր վերայի տված թաշկինակը, նուրբ ու
քնքույշ. սակայն սա ևս ճիշտ և ճիշտ նման էր այն թաշ-
կինակին, որ վերան՝ ընծայել էր իրեն, և նա այլայլվեց,
երբ Պետրովը հանդիսավոր կարգաց թաշկինակի վրա ա-
սեղնագործած անունը:

— Վերա՛. այ, թե ի՞նչ. հապա, տեսնենք, ի՞նչ է գրել մեր վերան:

Եվ մինչ նա նամակն էր բացում, Սուրենի դիմքից բխում էր հոսում էր. նա գնաց, նստեց Սմիրնովի կողքը ու նշանակալից նայեց նրան. Սմիրնովը ակնարկով հասկացրեց Սուրենին, որ հանգիստ մնա:

Իսկ Պետրովը բարձրաձայն կարդում էր նամակը:

«Միրելի ռազմիկ.

Զգիտեմ, ո՞վ ես դու, թանկագին ընկեր, բայց դիտեմ, որ մեր սրբազան Հայրենիքի պաշտպանն ես: Ուղարկում եմ քեզ իմ համեստ նվերը: Դու, և՛ ինձ համար, և՛ բոլորի համար սիրելի կլինես՝ եթե անողոք լինես թշնամու հանդեպ: Միլիոնավոր մայրեր, քույրեր, կանայք ու երեխաներ ձեր գործին, ձեր հաղթանակին են սպասում: Դու, սիրելի ռազմիկ, խիզախության լավագույն օրինակը տուր, որ բոլորս հպարտությամբ հիշենք քո անունը: Ամբողջ հոգով քեզ հետ եմ:

Օդային համբույրներով՝ Վերա»:

— Ազնիվ խոսք ոչ միայն ճաշակով, այլև կրակոտ աղջիկ է. ես սրան այսօր ևեթ կպատասխանեմ,—ասաց ինքնաբավական ժպիտով Պետրովը և բացելով նվեր ստացած «Կազբեկ» ծխախոտի տուփը, վառեց մի գլանակ և ծուխը ոռնգներից դուրս թողնելով դիմեց Սմիրնովին,— հավանություն տալի՞ս ես ընկեր Սմիրնով մի քիչ լիրիկայով դբաղվել...

— Զբաղվիր, բայց տե՛ս, պատշաճ բան գրես, դու մի քիչ սիրում ես խոսքերի մեջ քեզ ազատություն տալ: Այդ աղջկան ես ճանաչում եմ:

— Մի՞թե,— քիչ շփոթված հարցրեց Պետրովը:

— Հապա, կարդա հասցեն:

Պետրովը մեխանիկորեն կարդաց քաղաքի անունը:

— Այո, մենք այդ քաղաքի գոսպիտալումն էինք պառ-

կած,— աշխուժացավ Սմիրնովը: Ի՞նչ պատահականություններ չի լինում կյանքում. ո՞վ կմտածեր, որ Վերայի նվերը կհասնի մեր գունդը, կընկնի մեր դասակը և այն գետնափորը, ուր այդ աղջիկն ունի երկու ծանոթ:

— Իսկ մյուս ծանոթը... ավելի շփոթված հարցրեց Պետրովը:

— Սուրենն է,— հարեց Սմիրնովը և ավելացրեց,— ապա, Սուրեն, ցույց տուր Վերայի տված թաշկինակը:

Սուրենը դժկամակությամբ հանեց թաշկինակը գրպանից և տվեց Սմիրնովին: Երբ Պետրովը համոզվեց, որ նվիրատուն միևնույն աղջիկն է, ինչ որ քրթմնշաց ինքն իրեն և ասաց.

— Միևնույն է, ես կգրեմ այդ աղջկան, որ ստացել եմ իր նվերը և շատ եմ ուզում հանդիպել իրեն:

— Կգրես,— ասավ Սմիրնովը միանգամայն լուրջ,— որ դու Սուրենն նահապետյանի հետ ծառայում ես միևնույն վաշտում, հետո կգրես, որ Սուրենը մեր լավ ռազմիկներից է և անտք է թանգ գնահատել այդպիսի մարդուն:

— Այդ արդեն, Ալեքսեյ, դու թող. դա իմ անձնական գործն է, ես գիտեմ, թե ինչ կգրեմ:

— Ինչքան շատ բան գիտենաս, միևնույն է, սովորելը վատ չէ:

Սուրենը լուռ էր և չգիտեր, թե ինչով պիտի վերջանար այդ խոսակցությունը, որը նրան այնքան էլ հաճույք չէր պատճառում. նա իր մտքում բարկացած էր Վերայի վրա. ո՞չ, ո՞չ, նա անկեղծ չէր դեպի իրեն, այլապես սա ի՞նչ է. իրենից բաժանվել է, թե չէ... բայց այստեղ էլ կանգ էր առնում նրա միտքը. ի՞նչ, մի՞թե վատ բան է արել Վերան, որ իր նամակներով քաջալերում է կովոզներին. նա դեռ իր այս մտածածի պատասխանը չէր գտել, երբ երրորդ ջոկի հրամանատար Կոզլովը, մի սիրունատես, պատանեկական դեմքով երիտասարդ, որը հետևել էր Սմիրնովի ու Պետրովի վեճին, առանձին բավականությամբ ասաց.

— Երևի այդ Վերան սիրուն շիկահեր, բուս աղջիկ է, իսկ Սուրենը, հո սևահեր հայ է. ո՞նց թունդ սիրահարված կլինեն միմյանց:

Պետրովին այդ դուր շեկավ, և կարծես Սուրենին զայրացնելու համար, առանց երկար մտածելու վրա բերեց.

— Միևնույն է, Վերան Սուրենին չի առնի, Սուրենը կոլոտ է:

Պետրովի այդ խոսքերը դիպան Սուրենի սրտին. նա ուղղվեց տեղում և մի քիչ տաքացած ասաց.

— Հայկական առածն ասում է, երկենը ախմախ կլինի, կոլոտը շախմախ, էնպես որ, ընկեր Պետրով, հաշիվդ վերցրու ու էս խոսքերն օղ արա ականջիդ:

Այս նախադասությունն ասելիս նա դժվարությամբ էր գտնում ուռերեն բառերը, բայց ձեռքի այնպիսի շարժումներ արավ իր և Պետրովի հասակի վերաբերյալ, ապա մատն այնպես կլորածև շարժեց օդի մեջ Պետրովի ականջի ուղղությամբ, որ և՛ նա, և՛ մյուսները լիովին հասկացան նրա միտքը:

Սմիրնովը անհանգստության նշաններ էր ցույց տալիս. Կոզլովը վատ զգաց իրեն, որ իր միջամտությունն այդպիսի արդյունք ունեցավ. սակայն, Պետրովը ի ուրախություն Սմիրնովի և Կոզլովի միայն ժպտաց Սուրենի շարժումների վրա և ասաց.

— Օ՛յ, խանդո՛տ կովկասցի:

— Ինչ գործ ունի այստեղ խանդը,— դարձյալ միջամրտեց Սմիրնովը,— ինչո՞ւ ես հիմարություններ դուրս տալիս:

— Նու, Սմիրնով,— հանկարծ ընկճված տոն ընդունելով խոսեց Պետրովը,— մի՞թե դու այդ կարծիքին ես իմ մասին,— ապա երկու խոշոր քայլ անելով դեպի Սուրենը, այնպիսի քայլ, ինչպիսին նա անում էր մարզադաշտում նորեկներին սվինամարտի գործը սովորեցնելիս, ասաց,— ահա՛, Սուրեն Սիանոսովիչ, ահա՛ քեզ, և՛ Վերայի նամակը,

և՛ վերայի թաշկինակը. թող դու երկու Մաշկինակ ունենաս. ամբողջ սրտով այդ աղջիկը քեզ...

Ու գնաց նստեց թախտին:

Տիրեց խորհրդավոր լուսթյուն:

Սմիրնովն ու Կողովը նայեցին միմյանց, բայց ոչ մի բառ չփոխանակեցին:

Սուրենի քրտինքը սառեց ճակատին. «Ինչ անհարմար բան ստեղծվեց», մտածեց նա և, վայրկենական որոշումով, վեր թռավ տեղից, մոտեցավ Պետրովին, վերադարձրեց թաշկինակը և ասաց.

— Ո՛չ, այս քեզ է պատկանում. ահա՛ և նամակը, ինչ կուզես գրիր այդ աղջկան:

— Նու, իմ սիրելի հայ, լավ, որպեսզի չնեղանաս, թաշկինակը կվերցնեմ, բայց նամակը թող մնա քեզ մոտ. ես չնորհր չունեմ ջահել աղջիկներին նամակ գրելու, իմ գործը պրյամոյ է... դե, վերցրու նամակը:

Սուրենը զգում էր, որ հակաճառելն ավելորդ է, ուստի և վերցրեց նամակը: Իսկ Պետրովը, զգալով, որ լավ կլինի այժմ հեռանալ գետնափորից, կարգի բերեց իրեն և պատվի առնելով զեկուցեց Սմիրնովին.

— Ընկեր դասակի հրամանատար, թույլ տվեք անցնե՛հերթապահությանը:

— Թույլատրում եմ, — ասաց Սմիրնովը:

Քիչ հետո, երբ Կողովն էլ դուրս էր գնացել գետնափորից, Սուրենը նորից մոտեցավ Սմիրնովին, համարյա փարվեց նրան և ընկճված տոնով ասաց.

— Ալեքսեյ...

Եվ ուրիշ ոչինչ չկարողացավ ասել:

Նա ուզում էր ասել, որ ինքն ամաչում է, որ այդքան մանրացավ, որ այդպես անտեղի, թեկուզ ի պատասխան Պետրովի խոսքերի, վիրավորեց նրան... ինքը մեծ խնդիրներ ունի իր հոգում, բայց դրանցից ոչ մեկն էլ չասեց:

Սմիրնովն, արդեն, սովորել էր կարդալ Սուրենի հոգին, ուստի ինքն էլ ոչինչ չխոսեց. թերևս նրան այդ պահին ար-

դեն ուրիշ միտք էր տանջում. գալիք մարտերը և կնոջ ու երեխաների վիճակը. Սուրենը կուզեր փոխել նյութը և խոսել հենց այդ հարցերի մասին, սակայն այնուամենայնիվ ուզում էր որևէ արդարացուցիչ բացատրություն տալ իր արարքին, ուստի և նա խոսեց.

— Ալեքսեյ, բարկացա, որովհետև, ինչպես ասեմ, այժմ, երբ մտածում եմ Վերայի մասին՝ նա ինձ իմ մոր նման հարազատ ու քաղցր է պատկերանում: Չեմ կարող հաշտվել այն մտքի հետ, որ նա կարող է ինձ լքել:

— Սուրեն,— վեր կացավ տեղից Սմիրնովը, որ մինչ այդ նստած էր թախտին,— այդ լավ ասացիր, ազնիվ խոսք, ոչ ոք այդպիսի իմաստուն խոսք չէր ասի. մայրը մարդու համար ամենասիրելին ու հարազատն է, և եթե կի՛նն էլ այդպես սիրելի ու հարազատ է դառնում, արժե, որ մարդ նրա հետ կապի իր կյանքը... ա՛յ, Սուրեն, ինչ ասեմ, քո Վերան ինձ էլ դուր եկավ, և ինչքան դու խոսում ես նրա մասին, ես էլ հիշում եմ իմ նաստայային. ուրիշ կնիկ է նա... ինչքան էլ գործից ուշ տուն գալի, միևնույն է, տեսնում եմ նա նստած կամ երեխաների շորերն է կարգի բերում, կամ տանը մի այլ գործով է զբաղված, կամ գիրք է կարդում. առանց ինձ ոչ կընթրեր, ոչ էլ կքներ: Ո՞նց են ասել հնում, հա, ոնց որ նրա հետ երկուսով մի մարմին էինք դարձել. մեկ-մեկ բարկանում էի վրան, թե ինձ մի սպասի, քնիր, հանգստացիր. բա՛ն չունես, էլի իրանն էր շարունակում: Էիս, ո՞ւր է հիմա, ի՞նչ է անում:

Սուրենը բառ չէր գտնում պատասխանելու: Միայն մի ձգտում փոթորկում էր նրա սիրտը. կգա՞ արդյոք այն երջանիկ օրը, երբ իրենք կգտնեն Սմիրնովի կնոջն ու երեխաներին: Իսկ Սմիրնովը շարունակում էր խոսել.

— Պետրովին մի մեղադրիր: Գեշ կնիկը սատանայից էլ գեշ է. նրա կի՛նը, դավաճանել է նրան և նա մեկ-մեկ խելքը թոցնում է. մարդ է, կյանք է:

— Մի՞թե այդպիսի բան է պատահել Պետրովի հետ,— ավելի ևս ընկճված հարցրեց Սուրենը:

— Այո՛, նրան այդ մասին գրել էր հղբայրը. նրա հղած-չեղածը հիմա մի յոթը տարեկան աղջիկ է. հղբայրը, աղջկան վերցրել է իր խնամքին: Հապա, այդպիսի կանայք էլ կան:

— Ախր ցաւն այն է, որ ես դեռ լավ չգիտեմ, թե ինչպիսին է վերան, ու շեմ էլ կարող հանգիստ սրտով մտածել նրա մասին: Երբեմն ուզում եմ բոլորովին շմտածել. այստեղ այնքան գո՛րծ... բայց չի լինում:

Սմիրնովը նորից միքանի սրտապնդիչ խոսքեր ասաց, և երբ նրանք պատրաստվում էին գետնափորից դուրս գալ, հնչեց հեռախոսի զանգը: Սմիրնովը վերցրեց լսափողը, լսեց. երբ լսափողը վար դրեց, դարձավ Սուրենին:

— Վերջապե՛ս... Կոլոսովն է եկել. հրամայված է վաշտը հավաքել:

Ապա Սմիրնովը, Սուրենի հետ դուրս գալով գետնափորից, մի քանի շտապ կարգադրություններ արավ և, քիչ հետո, դասակի գլուխն անցած շարժվեց դեպի վաշտի հավաքավայրը:

ԳԼՈՒԽ ԻՆՆԵՐՈՐԴ

Ամառային երկարատև օրն իր վախճանին էր հասնում: Թռչուններն արդեն հավաքվում էին ծառերի կատարներին ու անլուելի ճովողյունով, կարծես, հրաժեշտ էին տալիս տեսողությունից հետզհետե չբացող արևի հրաշեկ գնդին:

Վեցերորդ վաշտը, ինչպես նաև մյուս հրաձիգ վաշտերի ու զենքի մյուս ստորարաժանումների ներկայացուցիչները, որոնք մտնում էին երկրորդ գումարտակի կազմի մեջ, նշանակված ժամին հավաքվեցին անտառի ընդարձակ բացատում: Բացատի մի կողմում սարքված էր բեմի նման մի բան, որտեղ կարմիրբանակայինների ինքնագործ խմբակները մերթ-մերթ երաժշտության, պարի ու երգիծանքի երեկոներ էին կազմակերպում: Այդ բեմից էլ կարդացվել էին շատ զեկուցումներ միջազգային դրության մասին:

Սակայն, այսօր, թե՛ հրամանատարները, և թե՛ զինվորները նախազգում էին, որ հավաքույթը սովորական չէր քեմի վրա ո՛չ կարմիր կտորով ծածկված սեղան կար, ո՛չ էլ որևէ աթոռ: Հավաքույթի ոչ սովորական բնույթն առանձնապես զգում էր Սուրենը: Նա քիփ հագնված, զինված ավտոմատով հետևում էր, որ իր ջոկի զինվորները որևէ բանով վատ չերևան մյուսներից:

Կավեց գումարտակի հրամանատարի ազդու ձայնը:

— Զգա՛ստ:

Ամբողջ գումարտակը լուսթյուն դարձած արձանացավ տեղում: Կոլոսովը, շրջապատված մի քանի սպաներով, մոտենում էր հավաքավայրին. գումարտակի հրամանատարը ընդառաջ վազեց և պատվի առնելով զեկուցեց Կոլոսովին.

— Ձեր հրամանի համաձայն երկրորդ գումարտակը հավաքվել է լսելու ձեր հաղորդումը:

Կոլոսովը դարձավ դեպի գումարտակի շարքերը և բարևեց:

— Բարև,— որոտաց գումարտակի ռազմիկների հնչեղ ձայնը, որը խլացրեց թռչունների ճավոզյունը:

Բայց Սուրենը բարևի հետ միաժամանակ կանգնեց ոտքերի մատների ծայրերին, որպեսզի ավելի լավ տեսնի Կոլոսովի դեմքը, որը վերջալույսի աղոտ լույսի տակ խորհրդավոր ու մի տեսակ հանդիսավոր արտահայտություն ուներ:

Կոլոսովը բեմ շելավ, այլ բարձրացավ մի կոճղի վրա, որտեղից նրան տեսնում էին բոլորը, և իր թավ ու հանդարտ ձայնով խոսեց Հայրենիքի զլխին կախված վտանգի մասին:

— Դրուժյունը ծանր է,— ասաց նա, և մի պահ շոյելով իր մկանոտ դեմքը շարունակեց,— քիչ առաջ Սովինֆորմբյուրոն ռազիոյով հաղորդեց, որ մեր զորքերը համառ կռիվներից հետո թողել են Ռոստովը և Նովոչերկասկը: Թշնամին մոտեցել է Վորոնեժին: Ահա եռեսունհինգ օր է, որ մեր գունդը դուրս է եկել կովից: Մենք ստացանք նոր

լրացում: Մենք էլի առաջվա լիարժեք 1017 գունդն ենք դարձել: Մենք հիմա ունենք կովի փորձ, ունենք նոր տեսակի գնեքեր և այժմ, ամեն մի վաշտի, ամեն մի դասակի ու ջոկի, ամեն մի մարտիկի առաջ խնդիր է դրված այլևս չՊույլ շտալ թշնամուն առաջ գալու: Ոչ մի քայլ հետ, կանգնեցնել թշնամուն, կանգնեցնել և հետ շարտել: Այս է պահանջում մեզանից մեր Հայրենիքը և սրանից բարձր խնդիր չկա այսօր: Մեր ժողովուրդը, մեր հարազատները մեզ անարգանքի սյունին կգամեն, եթե մենք չկարողանանք այս պատվերը կատարել: Մենք բոլոր հնարավորություններն ունենք այս պատվերը կատարելու:

Կոլոսովը հետզհետե ոգևորվում էր և ավելի էր բարձրացնում ձայնը: Թուշունների ճովողյունը թեև չէր դադարել, սակայն մարտիկներն այնպես էին լարված լսում իրենց հրամանատարին, որ այդ բոլորին ոչ մի կողմնակի ձայն չէր գրավում նրանց ուշադրությունը:

Կոլոսովը այնուհետև խոսեց այն մասին, որ գունդը նախորդ կռիվներում, ճիշտ է, լավ է դիմադրել թշնամուն, սակայն նա գլխավորապես մղել է պաշտպանողական մարտեր:

Ապա նա շեշտեց այն սպաների և ռազմիկների անունները, որոնք նախորդ կռիվներում աչքի էին ընկել իրենց խիզախությամբ. նա մի քանի անուններ տալուց հետո, հատկապես շեշտեց Սմիրնովի անունը, տվեց ևս մի քանի անուններ և երբ հնչեց նաև Սուրեն Նահապետյան անունը, Սուրենը տեղում նորից անհանգիստ շարժվեց, բայց իսկույն էլ զսպեց իրեն. նա դեռևս ամաչում էր գովասանքներ լսել: Կոլոսովն իր ճառը, եզրափակեց այսպես.

— Դե, իմ քաջեր, Հայրենիքը ձեզ տվել է ամենաթանգ բանը՝ իր սերն ու վսահույթյունը. ձեզ զինել է առանակարգ զենքով. մեր գնդի հանգիստը վերջացավ. սկսվում է կռիվների, դաժան փորձությունների շրջանը: Արժանի՞ եղեք հայրենիքի սիրուն ու վստահությանը: Արժանի՞ եղեք ստալինյան բանակի զինվորի բարձր կոչմանը:

Թնդաց ուժգին ուռան, որին հետևեց զինվորական նվազախմբի ազդու մարշը: Թռչունները ծառերի կատարներից թռան ու մի շրջան կազմելով ճախրեցին բացատի վերևում: Սուրենն զմայլված նայում էր վերև և նրան թվում էր, թե այդ թռչուններն էլ են մասնակցում այս հավաքույթին և իրենց գեղգեղանքով ավելի հանդիսավորութուն են տալիս նրան: Նորից ու նորից մտքերը պաշարել էին նրան. ա՛խ, հնար լինե՞ր, գոնե մի վայրկյան, մի պահ, նորից տեսնել մորը և... Վերային: Այո, դա արդեն անբռնադատելի պահանջ էր: Բայց նա երկար չկարողացավ անձնատուր լինել իր մտքերին. նրան մոտեցավ Սմիրնովը.

— Սուրեն, դու պետք է երեք րոպեանոց մի ճառ ասես:

— Նու, ամբողջ գումարտակի առաջ:

— Այո, Բուրավչենկոն կարգադրեց:

Այդ պահին խոսում էր ականանետային դասակի մի զինվոր, հետո խոսեց մի ավտոմատավոր: Սուրենը պատրաստ չէր խոսելու, բայց այդ պահին նա իր հոգում զգում էր մի հաճելի պայծառութուն, ուստի և նա կայտառ շարժումներով գնաց ու բարձրացավ այն կոճղի վրա, որի վրա կանգնած խոսեցին Կոլոսովը և մյուսները:

— Իմ զենքի ընկերներ,— ցանկանալով յուրահատուկ արտահայտութուն տալ իր խոսքի սկզբին ասաց նա,— մենք սպասում էինք այս օրվան, որ նորից կուլի մեջ մըրտնենք: Իմ ջոկի զինվորներից երկուսն են եղել կռիվներում, մյուսները նոր են մտնելու կուլի մեջ. ես վստահ եմ նրանց վրա. նրանց հետ միասին ես կկատարեմ ինձ տրված մարտական խնդիրները: Ես դրա համար կյանքս չեմ խնայի: Ես... Հայաստանից եմ եկել այս զորամասը. գերմանացիք հասել են Կովկաս. մայրս իր նամակում ինձ գրել է՝ նամուսով հետ գաս: Հայ ժողովուրդը,— վերջապես նա հասավ այն մտքին, քանի որ ինքը որակված է իբրև հայ ժողովրդի ներկայացուցիչ պետք է այդ մասին որևէ բան ասի,— հայ ժողովուրդը, հին ազատասեր ժողովուրդ է. զենքի բարեկամութունը հարգում է. բարեկամութան,

եղբայրութեան պատիվը գիտե: Մեր ժողովուրդն էլ միութեան մեծ ժողովուրդների ընտանիքում, ղենք է ձեռք առել հայրենիքի պաշտպանութեան համար: Ուրեմն, երբ նա ղենքը ձեռք է առել՝ ըստ իր պապենական ավանդութեան այդ ղենքը ցած կղնի միայն այն ժամանակ, երբ թշնամին ընկնի մեր ոտքերի տակ: Ես խոսք եմ տալիս մեր գնդի հրամանատար ընկեր Կոլոսովի... Կոլոսովի, որի համար թանգ է իր ղինվորի կյանքը... Կոլոսովի հրամանատարութեամբ բարձր պահել մեր գնդի պատիվը...

Նա ուզում էր որևէ կերպ հիշեցնել, որ ինքն իր կյանքով պարտական է Կոլոսովին, այդ միտքն ամբողջ ճառի ժամանակ հանգիստ չէր տալիս նրան և նա չգիտեր, թե արդյոք բոլորն հասկացան իրեն, բայց որ Կոլոսովն հասկացավ իրեն, այդ նա ըմբռնեց այն ժամանակ, երբ կոճղից վայր իջավ և մի հայացք նետեց հրամանատարի վրա: Կոլոսովն էլ մի հայացք նետեց Սուրենի վրա և Սուրենին թվաց, որ գալիք գործի պատասխանատվության զգացումով ծանրաբեռնված հրամանատարը, այնուամենայնիվ վերապրեց հիշատակելի մենամարտի երեկոն և նրա դեմքին ժպտտի նման մի բան փայլեց:

...Չանցավ տասնևհինգ րոպե, երբ արդեն գումարտակի ռազմիկները վերադարձել էին իրենց գետնափորերը ու պատրաստվում էին վայելել վերջին հանգիստը:

Արդեն ժամի քսանևմեկն էր: Սուրենը հավաքեց իր ջոկի ղինվորներին, մեկ-մեկ ստուգեց բոլորի ղենքերը և ամեն մեկին մի ջերմ խոսք ասաց. նրանցից մեկը մի շեշտ դեմքով ղինվոր էր՝ Վոլկով ազգանունով. նա համարվում էր գերազանց հրաձիգ, այդ Վոլկովն էր, որ արդեն կոփվներին մասնակցել էր, և Սուրենը, նրան իբրև կարգապահ ղինվորի, միշտ օրինակ էր բերում մյուսներին: Մյուսը՝ բարձրահասակ մի ուկրայնացի — Օլեյչուկը՝ նշանառուն էր. նա ևս եղել էր կոփվների մեջ, իսկ նշան

նառուի օգնականը մի ուղբեկ էր, որին Տուկունբայ էին կոչում: Այս ուղբեկը հասակով ավելի ցածր էր, քան Սուրենը, բայց ջլուտ մարմին ուներ և ամենից լավն էր փորսող տալիս ամբողջ դասակի զինվորների մեջ:

Սուրենը քաջ գիտեր, որ ինքը պատասխանատու է դառնում նրանց կյանքի համար. այժմ ոչ միայն ինքն է հրամաններ ստանում կատարելու, այլև ինքն է իրավունք ստացել հրամաններ տալու. թող իր ենթակաները լինեն փոքրաքանակ, բայց միևնույն է, այդ նրա սիրտը լցնում էր տագնապով:

— Կարևորն այն է, — եղբայրակեց Սուրենն իր զրույցը մարտիկների հետ, — որ ամեն մեկդ գործեք ինքնավրստահ և նեղ բուպեին օգնեք միմյանց. երբ մարդ հավատում է, որ զենքի ընկերն իրեն օգնում է, մարդ կարող է հրաշքներ գործել: Երբ տեսար թշնամուն, էլ մի ասիր, թե սրան ընկերս կոչնչացնի. հենց ինքդ նրան տեղն ու տեղը ոչնչացրու, դրանով, թե ընկերոջդ օգնած կլինես և թե հուսահատության կմատնես թշնամու ուժերին:

Երբ ջուկի զինվորները պառկեցին քնելու, Սուրենը դեռ չէր կարողանում ինքն իրեն դտնել այսօրվա տպավորություններից հետո: Նա ակամա ձեռքը տարավ գրպանը և այնտեղ շոշափեց նամակը: Չնայած մի քանի ժամ առաջ էր, ինչ ինքն այնպես անիմաստ կերպով վեճի էր բռնվել Պետրովի հետ, բայց կարծես թե շատ ժամանակ էր անցել: Կովի գնալու լուրը ամեն ինչ փոքրացրել, ամեն այլ զգացում հետ էր մղել: Բայց այժմ, երբ Սուրենը մենակ էր մնացել իր խոհերի հետ և կարող էր մի քանի ժամ հանգստանալ, նորից հիշում էր Պետրովի հետ եղած միջադեպը և նա չէր հանգստանում. ախր ինչո՞ւ, ինչո՞ւ եղավ այդ, և եղավ հենց այս օրը, երբ արդեն բոլորովին նոր կյանք էր սկսվելու իրենց համար, և այս մտքերով տարված նա չէր ցանկանում գրպանից նամակն հանել՝ վախենալով, որ դա ավելի կբորբոքի իր զայրույթն իր դեմ:

Հայտնի չէր, թե նա ինչքան պիտի տանջվեր իր մըտ-

քերով, երբ ներս մտավ կապավոր զինվորը և կամացուկ ասավ.

— Սուրեն Նահապետյան, դեռ չե՞ս քնել:

— Ի՞նչ կա, — վեր թռավ տեղից Սուրենը մի լավ նա՞խազգացումով:

— Նամակ ունես:

— Տուր, — միայն կարողացավ արտասանել Սուրենը և համարյա թե խլելով զինվորից ծրարն, առանց նայելու ծրարի վրա գրված հետադարձ հասցեին բացեց. մի փոքրիկ թերթի երկու էջին՝ գեղեցիկ, դյուրընթեռնելի ձեռագրով, ուռեերեն լեզվով գրված նամակ էր դա. Սուրենը նախ նայեց ստորագրությանը՝ Վերա, — հրձվանքով նա մի քանի անգամ բացականչեց՝ Վե՛րա, Վե՛րա, ապա մոմի լույսի տակ կարդաց մեկ անգամ, երկու անգամ և հետո ինքն իրեն մտքում թարգմանեց հայերեն:

«Թանկագին Սուրեն.

Այսօր, մեր ինստիտուտի աղջիկներս, որոշեցինք նվերներ ուղարկել ուզմաճակատ, հետն էլ նամակներ: Իմ ընկերուհի Կլավան գրեց ուղիղ տասներկու նամակ՝ զանազան դաշտային պոստերի հասցեներով. ես հազիվ կարողացա հինգ հատ գրել. չորսն ուղարկեցի ուրիշ հասցեներով, իսկ մեկը քո դաշտային պոստի համարով. տեսնես ո՞ւմ ձեռքը կընկնի. շատ գոհ կլինեմ, եթե դա, թեկուզ մի փոքր չափով, ուրախացնի ստացող ուզմիկին:

Ստացա նամակդ, իմացա, որ տեղ ես հասել ու տեսել քո սիրելի մարդուն — Կոլոսովին: Թե հարմար համարես իմ կողմից բարևի՛ր նրան: Ի՞նչ գրեմ, թանկագին ընկեր, ասեմ, որ հոգով հանգիստ եմ, ո՛չ, դա հանցանք կլինի իմ զգացումների հանդեպ. այժմ զգում եմ քո բացակայությունը, զգում եմ, որ մենք իրարու համար մի քիչ ավելին էինք, քան դու վիրավոր և ես քեզ խնամող: Ամբողջ հոգով ցանկանում եմ քեզ հաջողություն, ցանկանում եմ, որ Կո-

լոսովին լավ, այնպես, ինչպես քո ժողովրդի տրա-
դիցիան է թեևադրում, հատուցես քո կյանքը փրկե-
լու համար: Այդ կնշանակե, որ դու ավելի խիզախ
կկո՞վես հայրենիքի թշնամու դեմ: Ամբողջ հրգով քեզ
հետ եմ: Ուղարկիր ինձ քո նկարը, հետևյալ նամա-
կով ես իմը կուղարկեմ քեզ: Նկարդ թող լինի սե-
ղանիս վրա, աչքիս առաջ: Կարող ես հավատալ, որ
քեզ կսպասեմ... միայն թե շուտ, ինչքան կարելի է
շուտ կանգնեցրե՞ք այդ գարշելի թշնամուն. ախր
մինչև ե՞րբ, հո մեր քաղաքին էլ շեն հասնի:

Բարևում եմ, համբուրում եմ՝ վերա»:

Սուրենը մի քանի անգամ հետ ու առաջ գնաց հողա-
փոր տնակում. մոմի աղոտ լույսի տակ երևում էր, որ
նրա դեմքը շիկնել էր, իսկ սիրտն հուզմունքից անհան-
գիստ ելեէջում էր. նա նորից, ակամա, ձեռքը տարավ
գրպանը և հանեց մյուս նամակը. նայեց թվերը. Պետրովի
ձեռքն ընկած նամակը գրված էր երկու օր առաջ: Ուրեմն,
վերան իրեն չէր մոռացել. բացի Պետրովից, այդպիսի նա-
մակներ ստացել էին նաև ուրիշ զորամասերի շորս այլ
ռազմիկներ... Իսկ Պետրովն ինչու պետք է զրկվեր այդ բա-
վականությունից... ինչո՞ւ ինքն այդքան մանրացավ: Եվ
իր դեմ եղած զայրույթի զգացումը խառնվեց իր ուրա-
խությանը: Նա անսալով ինչ որ մտքի, դուրս վազեց գետ-
նափորից, մտավ հարևան գետնափորը, ուր զետեղված էր
Պետրովի ջուկը: Նա Պետրովին դուրս կանչեց: Պետրովը
ենթադրելով, թե ինչ որ արտակարգ բան է պատահել,
հարցրեց.

— Ի՞նչ է, տագնա՞լ է հայտարարված:

— Ո՛չ, դեռ ո՛չ, Պետրով,— հեալով ասաց Սուրենը,
երբ նրանք արդեն դրսում, շնչում էին անտառի թարմ
օդը,— Պետրով շեմ կարողանում հանգստանալ. ներիք ինձ,
որ նորից անդրադառնում եմ անցած խնդրին: Այս գիշեր
առաջ ենք շարժվելու, նորից կռիվ ենք գնում, շեմ ուզում

ո՛չ իմ, և ո՛չ էլ, մանավանդ, քո սրտում մրուր մնա. առ
Վերայի նամակը և պատասխանիր նրան:

— Նու, Սուրեն, ի՛նչ բանի հետևից ես ընկել: Դա, ախր
դատարկ բան է. ես այնպես... Ոնց էիր դու այն անգամ էջ
հանաքով տեղին դիպցրել, թե երկայն մարդու խելքը չոքե-
րումն է. լավ առած է ազնիվ խոսք. մի՞թե դու դրան կա-
րևորություն ես տալիս:

— Ո՛չ, ո՛չ, այդպես մի խոսիր, Պետրով, իմ Սաշա...
այ, հայերիս մոտ այսպիսի սովորություն կա. մեծ տոնե-
րից, մեծ դեպքերից առաջ, մարդիկ, եթե իրար հետ խոռով
են, նրանք միմյանց ներում են, միմյանց հետ հաշտվում
են և մաքուր սրտով են դիմավորում տոնին, կամ մեծ դեպ-
քին: Այս գիշերվանից մեզ համար սկսվում է մեծ դեպք.
ա՛՛ռ մի մերժիր, լա՛՛ռ և պատասխանիր այդ աղջկան:

— Դա՛,— բացականչեց Պետրովը,— այ, թե դու ինչ-
պիսին ես, Սուրեն, ամեն բանում ուզում ես... և միտքը
չլրացնելով, մի պահ նայեց աստղազարդ երկնքին, լսեց
թռչունների ծկլթոցը և վրա՛ բերեց,— շնայած մեր մեջ ոչինչ
վատ բան չի եղել, բայց եթե այդ բանը քեզ հանդստացնում
է, չեմ կարող հակառակել, թող քո ասածը լինի, տուր այդ
նամակը, բայց ասել եմ արդեն, գրելում վարժ չեմ, գուցե
բացիկի վրա մի երկու տողով շնորհակալություն հայտնեմ:

— Այ, շնորհակա՛լ եմ,— բացականչեց Սուրենը և
փարվեց Պետրովին:

Մի րոպեի շափ նրանք գրկած միմյանց՝ ողջագուր-
վեցին:

Քիչ անց, Սուրենն արդեն շապկանց, քնած էր իր ջոկի
զինվորների մոտ:

Կոլոսովը, իր տեղակալին և գնդի շտաբի պատասխա-
նատու աշխատողներին ուղարկել էր մյուս գումարտակները
նախապատրաստելու առաջխաղացումը: Ինքն ընտրել էր
ահա, այս երկրորդ գումարտակը: Միտինգից հետո նա եր-
կար խոսել էր գումարտակի հրամանատար Կոլոմեյեցի հետ,

ապա անցել էր վաշտերը. գալով վեցերորդ վաշտը, վաշտի հրամանատար Բուրավչենկոյի հետ նա ուզում էր անձամբ ստուգել, թե ինչպես են հանգստանում ռազմիկները: Նա քայլում էր զգուշ, անաղմուկ, որպեսզի ոչ ոքի չզարթեցնի: Երբ նա մտավ Սուրենի ջոկի գետնափորը, Սուրենն արդեն թեթև խումփացնում էր: Կոլոսովը ձեռքի լապտերով լուսավորեց շրջապատը, և յուրովի շշնջաց՝ լա՛վ են հանգստանում. ապա նա կանգ առավ Սուրենի մոտ. ով գիտե, թե Սուրենի ուղեղում ինչ պատկերների էին վերածվել այսօրվա դեպքերը: Կոլոսովը նայեց Սուրենին, և զգում էր, որ ինչ որ բան, իրեն էլ անհայտ, այդ ռազմիկին առանձնապես հարազատ էր դարձնում իրեն: Նրա համա՛ր արդյոք, որ ինքը փրկել էր նրա կյանքը: Նա այդպես չէր ուզում մտածել. բայց իր զգացածը դեպի Սուրենը իր կյանքի այն երևույթներից էր, որ նա չէր կարողանում բառերով բացատրել: Մի թեթև քամի շարժում էր Սուրենի շապիկը. Կոլոսովը հուսալիկ և Սուրենի կողքին դրված գիմնաստյորկայով ծածկեց նրա կիսաբաց մեջքը ու իր մտքերի մեջ խորասուզված վերադարձավ գնդի շտաբը:

ԳԼՈՒԽ ՏՍՍԵՐՈՐԴ

Ամեն, ամեն ինչ կարծես, թե նոր էր սկսվում Սուրենի համար: Կարծես թե նա ոչ մանկություն էր անցուցել, ոչ պատանեկություն, և ոչ էլ մտքին էր գալիս հիվանդանոցում իր անցկացրած օրերը, իր ապրումները, իր վերան: Այս ամենը երազի նման էին. այժմ միայն իրական էր սկսված դաժան առօրյան. եթե տարվում էր մտքերով, ապա միայն հիշում էր այն դեպքերը, որոնք կապված էին իր ռազմական կյանքի հետ. — նախորդ մարտերը, ծանր կռիվը բարձունքում, գերմանական բարձրահասակ սպան, ապա Կոլոսովը: Մնացած բոլոր հուշերը թաքնվել էին սրտի մի անկյունում. և ինչպես անթեղված կրակն էր ջերմություն

տալիս հայրենի թոնդրին, այնպես էլ Սուրենը, կռվի դա-
ժան օրերին, մղումն էր ստանում իր սրտում անթեղված
այդ նվիրական հուզերից: Զարմանալի էր, դրա հակառակ
զգացումն ուներ նա վերայի հետ խոսելիս, թվում էր, թե
այն ամենն, ինչ տեղի էր ունեցել մինչ այդ, երազ էր և
միայն այդ շիկահեր աղջիկն էր իրականություն:

Եվ կարծես թե գոհ էր, որ այդ այդպես էր. ամեն ան-
գամ ընկնելով նոր միջավայր նա կարողանում էր գտնել
այն կարևորը, որ դառնում էր նրա գործունեության կիզա-
կետը, և թերևս, այդ էր պատճառը, որ նա հախուռն ու
անկեղծ էր և՛ այն պահին, երբ սեր էր բացատրվում, և՛
այն պահին, երբ վիճում կամ հաշտվում էր ընկերների
հետ. և ահա՛, այսօր, այս պահին, երբ նա կանգնած էր
թշնամուն դեմ հանդիման, նույնպես այլ մտածում չուներ.
Քան այն, որ կարողանա որևէ չափով օգնել հաղթահարելու
այդ բիրտ ուժը:

Գունդը, երկու օրվա ընթացքում կտրեց անցավ յոթա-
նասուն կիլոմետր ճանապարհ: Մի քանի ժամվա հանգստից
հետո նա կռվի մեջ մտավ. երեք օրվա համառ մարտերից
հետո, գունդը կարողացավ իր համար նպաստավոր դիր-
քեր գրավել: Գնդին հանձնարարված էր, ինչ գնով լինե՞ր
պաշտպանել մի խոշոր բնակավայր, որն ընկած էր դիվի-
զիայի պաշտպանության աջ թևում. հանձնել այդ բնակա-
վայրը թշնամուն, կնշանակե՞ր ճեղքվածք առաջացնել դիվի-
զիայի պաշտպանության գծի մեջ: Գիշերը, կարճատև դա-
դարի ժամանակ, Կոլոսովը, նորից ագիտատորներ էր ու-
ղարկել վաշտերն ու դասակները բացատրելու, որ եթե, այս
ռազմաճակատում կասեցնեն ու հետ մղեն թշնամուն, ապա
եւ այլևս չի կարող առաջանալ ոչ Ստալինգրադի, ոչ էլ
Կովկասի ուղղություններով: Այս ընդհանուր խնդրի հետ
ծանոթացնելուց հետո ագիտատորները բացատրել էին գրն-
դի և ամեն մի վաշտի ու դասակի մասնավոր խնդիրը—
այն էր՝ մեռնել, բայց այլևս ոչ մի քայլ հետ չնահանջել
գրաված դիրքերից, ավելին, այդ կարևոր բնակավայրը դարձ-
նել հենակետ ապագա հարձակման համար:

Գնդի շտաբը տեղավորված էր բնակավայրի հարավ-արևելյան մասում: Կոլոսովը ամեն մի գումարտակին տվել էր հարկ եղած մարտական խնդիրը և իր սովորության համաձայն, ոչ միայն գնդի շտաբից էր ղեկավարում կռիվը, այլ հաճախ գումարտակից գումարտակ էր անցնում տեղում վերահասու լինելու իրական վիճակին, և հարկ եղած հրահանգները տալու:

Երկրորդ գումարտակը պաշտպանում էր կենտրոնը. վեցերորդ վաշտը գումարտակի աջ թևն էր բռնել: Երեկ հակառակորդը ճնշումը թուլացրել էր և ինչպես ամբողջ գումարտակը, այնպես և վեցերորդ վաշտը կարողացել էր հարմար կերպով խրամատավորվել ու ամրացնել իր դիրքերը. դիմացը, անտառ էր և գերմանացիք այն օգտագործում էին իբրև հարմար ծածկույթ իրենց հարձակման նախապատրաստման համար: Կոլոսովը տեղեկացել էր, որ հենու ձգվող անտառում կային առանձին պարտիզանական խմբեր, ինչպես նաև զանազան բնակավայրերից փախած բնակչություն, կանայք և նույնիսկ երեխաներ. իսկ նրա մեջ բուռն ցանկություն կար, ոչ միայն բնակավայրը շտապերմանացոց ձեռքը, այլև նրանց հետ շարտելով, թերևս կարողանար փրկել անտառում թափառող ազգաբնակչությանը:

Ամառային կարճ գիշերն իր վախճանին էր մոտենում: Սմիրնովը, վաշտի հրամանատար Բուրավչենկոյից, իր դասակի մարտական խնդիրն ստանալով՝ արավ հարկ եղած կարգադրությունները. վաշտին բավական ծանր խնդիր էր տրված. պետք էր ամեն կերպ աշխատել թույլ չտալ թշնամուն թևանցում կատարել: Հենց այս մասին էլ Սմիրնովը խոսեց Սուրենի հետ.

— Ըստ երևույթին, — ասաց նա, — հակառակորդը թարմացրել է իր գումարտակները: Լույսը բացվում է, թե՛ կռիվ ենք ունենալու, Սուրեն:

Սուրենը, որ մինչ այդ խրամատի հատակին փոված

խոտի վրա թեք ընկած քիչ հանգստացել էր, տրորեց քնակալած աչքերն ու միայն ասաց.

— Կկուվենք: Ասիսոս, առաջի օրը երկու հրաձիգս շարքից դուրս եկան:

— Իսկ դու գիտե՞ս, որ Պետրովը չորս մարդ է կորցրել, — հարեց Սմիրնովը:

Սուրենը ոչինչ չպատասխանեց: Նա հասկացավ, որ Սմիրնովի խոսքերը նշանակում են, թե մյուսներն այնպես պիտի կուվեն, որ փոխարինեն նաև շարքից դուրս եկածներին: Ապա Սմիրնովը խորազնին նայեց Սուրենին և նկատելով, որ նա դեռ տրորում է աչքերը, մեղմ ժպիտով ասաց.

— Ինչպե՞ս ես զգում քեզ հիվանդանոցի փափուկ մահճակալից հետո:

— Այնպես, ինչպես դու. այնտեղ ավելի հարմար էր իհարկե, քան այս նամ փոսը, բայց, դե, սա էլ նույնքան անհրաժեշտություն է հիմա, ինչպես այն ժամանակ փափուկ ներքնակով մահճակալը:

Սմիրնովը, որ սկսել էր ծխել, կուլ տվեց մախորկայի թուղ դուխր և ցույց տալով դիմացի անտառն ասաց.

— Եթե այդ գերմանացիներին հարկադրենք անտառը փախչել, այնտեղ նրանք երկար չեն դիմանա. ասում են այնտեղ, խորքում պարտիզաններ կան, և հետո, գիտե՞ս ինչ, Սուրեն, իմ նաստյան վախկոտ կնիկ չէ, եթե նա այս կողմերն է փախել... կարող է և անտառում... հա՛, սատանան տանի... լավ, լավ, տարվեցինք խոսքով, — ու հրամայական տոնով վրա բերեց, — ես իմ հրամանատարական կետումն եմ. հիշի՛ր, ո՛չ մի քայլ հետ:

— Լսում եմ, ընկեր դասակի հրամանատար, — ասաց Սուրենը, և Սմիրնովի գնալուց անմիջապես հետո կուզեկուզ գնաց, ստուգեց իր ջոկի զինվորների դիրքավորումն ու տրամադրությունը. երբ նա Օլեյչուկի դիրքից նայում էր դեպի հակառակորդը, հանկարծ ինչպես ամպ որոտա, սկսեցին գործել հակառակորդի թնդանոթներն ու ականա-

նետները: Նույն րոպեին պատասխան կրակ բացին մեր
զնդի թնդանոթածիզները:

— Դե ստացիր, — բացականչեց Օլեյշուկը՝ նկատելով
թշնամու դիրքերում ու կրակային կետերում միմյանց հտե-
վից բարձրացող ծխի քուլաները, որոնք առաջանում էին
մերոնց արկերի, ապա նաև ականների դիպուկ կրակոց-
ներից առաջացած պայթույթներից հետո:

— Յախշի՛, յախշի՛, — կրկնում էր ուղբեկ Տուլկուն-
բայը:

Սակայն, 1942 թվականի ամառվա հաջողություններից
երես առած հակառակորդը, ըստ երևույթին, շատ էր կա-
տաղել, որ երրորդ օրն է չի կարողանում գրավել այդ
բնակավայրը: Նա հետզհետե ավելի էր ուժեղացնում հրա-
նոթային ու ականանետային կրակը: Թշնամու արկերն ու
ականները ընկնում էին առաջավոր գծի վրա, քանդում
խրամատները. այնուհետև զնդացիրներից ու ավտոմատնե-
րից զնդակների տարափն այնպիսի սաստիկությամբ էր
տեղում, որ անհնար էր գլուխ բարձրացնել, իսկ խոսք մի-
մյանց կարելի էր հասկացնել միայն գոռալով:

Քիչ անց օդում երևաց մի սավառնակ:

— Էլի այդ նենդ «ռաման» դուրս եկավ, — բարկա-
ցած խոսեց հրաձիգ Վոլկովը:

«Ռաման» գերմանական սավառնակների մի տեսակն
էր. նրա նենգութունը, ըստ Վոլկովի, այն էր, որ նա գա-
լիս էր իբրև հետախույզ, սակայն մեկ էլ տեսար, մի քա-
նի ռումբ կնետի ու կիփախի: «Ռաման» թռչում էր շատ
բարձր և գերազանց հրաձիգը ոչինչ չէր կարող անել նրա
դեմ. բայց երբ նա հասավ բնակավայրի վերևը, սկսեցին
գործել մեր զենիթային թնդանոթները: «Ռաման» չհամար-
ձակվեց ավելի ցածր թռչել և մի պտույտ կատարելով հետ
գնաց:

Բայց հենց որ «ռաման» հասավ գերմանական դիրքե-
րին, նրանք, չթուլացնելով հրետանային ու ականանետա-

յին կրակը, առաջ մղեցին վեց տանկ և զինվորներն էլ դուրս թռան դիրքերից և մերթ վազեվազքով, մերթ փորսող տալով սկսեցին առաջանալ դեպի մերոնց դիրքերը:

— Գործի դնել բոլոր կրակային միջոցները, — այս հրամանը ստացավ ամբողջ գումարտակը, և Սմիրնովը, ինչպես բոլոր ջոկի հրամանատարներին, նույնպես և Սուրենին հրամայեց՝ շթուացող եռանդով կրակ տեղալ թշնամու վրա:

Սուրենը իր ջոկի զինվորների հետ միասին կրակում էր կրքով ու կատաղի. այլևս նա իր առջև տեսնում էր միայն այդ սև զանգվածը, որ մոլուցքով ու գոռոզաբար առաջ էր շարժվում, և միայն մի բան էր պտտվում իր ուղեղում, այն է, այնպես հարվածել, որ այդ զանգվածն այլևս չառաջանա: Այդ պահին ականներից մեկը պայթեց խրամատում բավական մոտիկ. Սուրենը դեմքի վրա ինչ որ ծանր բան զգաց և ձախ աչքը փակեց. նա ռեֆլեքսորեն՝ ձեռքը տարավ դեպի աչքը, որը ծեփվել էր հողի բարակ շերտով. մաքրեց, ապա նայեց ձեռքին:

— Արյուն չկա, — բացականչեց նա յուրովի, և դա անշափ ուրախացրեց նրան. ամենասարսափելին այդ պահին նրա համար, այդպես շուտ շարքից դուրս գալն էր: Աչքը կսկծում էր. նա անմիջապես ծոցից հանեց բինտը, փաթաթեց և նորից սկսեց կրակել: Բայց քիչ հետո նկատեց, որ Օլեյշոուկի ձեռքի գնդացիքը չի գործում:

— Օլեյշոուկ, համարձակ եղիր. կրակ. այ, չորս հոգի դեպի քեզ են առաջանում, հապա, համազարկ:

Բայց Օլեյշոուկն այլևս չէր կարող կրակել. Տուկուճբայը հայտնեց, որ խրամատում պայթած ականից նա վիրավորվել է, իսկ ինքը դեռ չի կարողացել սարքի գցել գնդացիքը: Սուրենը արագորեն մոտեցավ գնդացրին և շտկելով այն, սկսեց կրակել առաջացող գերմանացիների վրա: Նրանցից մեկն արդեն ընկել էր Վոլկովի գնդակից, բայց մյուսներն համառորեն առաջանում էին և, ըստ երևույթին, ենթադրելով, որ Օլեյշոուկի կրակային կետն արդեն ոչնչացված է՝

այդ տեղից ուզում էին իբրև առաջինները գրոհել խրամատները: Նրանք արդեն պատրաստել էին իրենց նոնակները, երբ Սուրենը գոռաց.

— Այդ բավականութունը չեմ պատճառի ձեզ:

Նվ նոր սկավառակ դնելով գնդացրի վրա, այնպիսի համությամբ կրակ շաղ տվեց առաջացողների վրա, որ նրանք երեքն էլ գետին ընկան: Գերմանացիք, ամբողջ գումարտակի խրամատներից հանդիպելով այդպիսի կրակային պատենելի հետ քաշվեցին: Իսկ նրանցից շատերը մնացին ընկած, այլևս երբեք վեր չկենալու համար: Հակատանկային թնդանոթով տանկերից երկուսը շարքից դուրս ընկան, իսկ մյուսները այլևս չառաջացան:

Առաջին գրոհը հետ էր մղված:

Սուրենի համար ծանր էր զրկվել իր հմուտ գնդացրորդից. նա այդ մասին զեկուցեց Սմիրնովին:

— Սկսվում է նոր գրոհ,—ասաց միայն Սմիրնովը:

Այդ արդեն գերմանացոց սովորութունն էր՝ գրոհել իրար ետևից, ժամանակ չտալ շոունչ քաշելու: Երկրորդ գրոհն էլ հետ մղվեց, այս անգամ Սուրենի ջոկը կորուստ չունեցավ:

Երկրորդ գրոհից հետո համեմատական հանդիստը տեղեց կես ժամ:

Սմիրնովն այդ ժամանակ գալով Սուրենի մոտ, նկատելով նրա կապած աչքը տազնապով հարցրեց:

— Սուրեն, — վիրավորվե՞լ ես:

— Չէ, միայն հող լցվեց, — ասաց Սուրենը և պահանջ զգաց ավելի մոտ լինելու ընկերոջը: Ամեն անգամ այդպիսի թեժ կովից հետո, թվում էր, թե նոր է ծնվում և պահանջ էր զգում տեսնել մտերիմ ընկերոջը. նա մի պահ իրեն հիշեցնում էր, որ կա այլ կյանք և ինքը այս բոլոր դժվարութունները կրում է այդ կյանքի համար: Նա կարգի բերեց աչքին փաթաթված բինտը ու դիմելով Սմիրնովին ասաց.

— Ալեքսեյ, բայց և այնպես քաղցր է կյանքը. սատա-

նան տանի, մարդ համ ուզում է կովի, քաշուկուն ցույց տալ, համ էլ շմեռնել:

— Կյա՛նք, — խորհրդավոր բացականչեց Սմիրնովը, — այո՛, մեռելները հարուժյուն չեն առնում. բայց կովիլը պետք է, քանի դեռ աշխարհում կան մարդիկ, որոնք ուզում են ուրիշի տան մեջ տիրություն անել:

— Այո, դրանից հաճելի բան չկա, երբ մարդը իր տան, իր հայրենի հողի տերն է:

— Բայց, Սուրեն, լսո՛ւմ ես, ձախ թևում թնդանոթների ձայնն ուժեղանում է: Տեսնենք, սա ի՞նչ է նշանակում:

Այս ասելով Սմիրնովը գնաց իր հրամանատարական կետը:

Եվ նորից սկսվեց տագնապը: Նույն ուժգնությունը որոտացին թնդանոթները: Բայց այս անգամ բավական երկար ժամանակ գերմանացիք չէին բարձրանում իրենց դիրքերից:

Այն ինչ յուրովի նախազգացել էր Սմիրնովը ճշտվեց.

— Գերմանացիք ճեղքել են ձախ թևը պաշտպանող առաջին գումարտակի պաշտպանությունից՝ և առաջանում են դեպի գնդի շտաբը:

Երբ այս լուրն հասավ Սմիրնովին, նա, թեև իրեն շփոթեցրեց, բայց պահանջ զգաց գոնե մի խոսք փոխանակելու Սուրենի հետ:

— Նու, Սուրեն, մինչ հիմա ինչ որ արինք այսօր, դա միայն նախապատրաստություն էր, կաշան նոր է սկսվում. բայց ափսո՛ս, անտառը մնում է նրանց ձեռքը:

Եվ մի պահ, միայն մի պահ, Սմիրնովը նայեց դեպի անտառը, և Սուրենին թվաց, թե Սմիրնովը հոգոց հանեց. Սուրենը գիտեր, որ սպասվող նոր թեժ մարտը չէր, որ առիթ տվեց ընկերոջն հոգոց քաշելու, այլ այն, որ Սմիրնովը երևի մի պահ ապրում է իր երևակայությամբ, թե ահա նրա նաստյան թափառում է անտառում և սպասում է իրեն՝ Սմիրնովին:

Սուրենը ոչինչ չպատասխանեց ընկերոջը. գերմանացիք

առաջանում են դեպի գնդի շտաբը: Այս միտքը թունդ հանեց նրա հոգին, ուրեմն վտանգը սպառնում է ամբողջ գրնդին, բնակավայրին, անձամբ իրեն Կոլոսովին:

— Իսկ ի՞նչ ենք անելու:

— Պահել այս դիրքերը մինչև նոր հրաման կստանանք: Հակառակորդը շէր ուզում հաշտվել այն մտքի հետ, որ այսօր էլ շախտի կարողանա տիրանալ այդ բնակավայրին: Եվ ահա նա կենտրոնացնելով նոր ուժեր, ճեղքելով առաջին գումարտակի պաշտպանության դիժը, հանդուգն միտք էր հղացել, այն է, թևանցիկ շարժումով մոտենալ, եթե հաջողվի գերի վերցնել ամբողջ շտաբը, իսկ եթե ոչ, ոչընչացնել այն ու ջլատելով գնդի ուժերը ձեռք գցել բնակավայրը:

Կոլոսովը ժամանակին ըմբռնեց թշնամու մտադրությունը: Նա հրամայեց երկրորդ գումարտակի վեցերորդ վաշտին օգնության հասնել նեղն ընկած առաջին գումարտակին և հետ շարտել դեպի գնդի հրամանատարական կետն առաջացող թշնամուն: Կոլոսովը, թշնամու մտադրությունը վերջնականապես ի դերև հանելու և իր մարտական խնդիրն իրագործելու համար, գործի դրեց նաև պահեստի ավտոմատավորների դասակը և մի քանի նոր գնդացիներ:

Երբ Սուրենը իմացավ նոր հրամանը, երբ ըմբռնեց, որ իրենց վաշտը կարող է բավական վճռական դեր կատարել գնդի պատիվը փրկելու, Կոլոսովի հրամանատարական կետին սպառնացող վտանգը վերացնելու գործում, կարծես թե թևավորվեց, այլևս շէր զգում աչքի ցավը: Սմիրնովը նրան տվեց նոր գնդացրորդ և դա ավելի ամրացրեց Սուրենի ինքնավստահությունը:

Քիչ անց վեցերորդ վաշտն իր դիրքերը հանձնելով մյուս վաշտերի պաշտպանությանը ինքը շարժվեց նոր ուղղությամբ:

Առաջին գումարտակի երկրորդ վաշտը կտրվել էր իր գումարտակից և ընկած շրջապատման մեջ մահու և կենաց

կռիվ էր մղում գերմանացոց դեմ: Իսկ թշնամու երկու գու-
մարտակ համառորեն առաջանում էին դեպի գնդի շտաբը:

Երբ վեցերորդ վաշտն հասավ նշանակված վայրը, ան-
միջապես կռվի մեջ մտավ. կատաղի հրաձգությունից հետո,
երկու կողմից վազեվազքով նետվում էին դեպի միմյանց:
Ընտրելով հարմար դիրք մի պահ ուժեղացնում էին միմ-
յանց ուղղությամբ ավտոմատների, հրացանների կրակը և
դարձյալ առաջ նետվում: Հակառակորդն արդեն բավական
առաջացել էր, առաջին գումարտակին դուրս էր մղել դիր-
քերից, և եթե որևէ նոր ուժ չկանգնեցներ նրան, ապա
ոչինչ չէր փրկի գնդի շտաբը:

Այդ բանը շատ լավ ըմբռնեցին և՛ Սմիրնովը, և՛ Սուրենը,
և՛ մյուս բոլորը, որոնք անմիջապես ձեռնամերձ կռվի մեջ
մտան: Գործի դրվեցին սվիններ, հրացանի կոթեր, նույնիսկ
բահեր:

Սմիրնովը, ոչ միայն հրամաններ էր տալիս, այլ ըն-
կած մի մարտիկից սվինավոր հրացանը վերցնելով խրվեց
թշնամու շարքերը, սվինահարեց մեկին և ուշաթափ արավ
մի կապուտաշյա գերմանացու, որն ուզում էր մեր զինվորնե-
րից մեկին հարվածել թիկունքից:

Սուրենը, որ անբաժան էր Սմիրնովից, պրկված բա-
զուկներով շարժում էր հրացանը, և այդ արնակալած աչ-
քերի, այդ ծամածուվող դեմքերի, այդ խելվող գանգերի
միջից մի պահ իբրև սլացիկ ասուլ տեսնում էր իր տունը,
մորը և իր վերային, բայց այդ միայն մի անցողիկ վայր-
կյան. նորից նույն գոռոցները... դանդեր, միս, արյուն,
արյուն, արյուն:

Քիչ անց Սուրենն զգաց, որ իրենք ավելի հեռ են քաշ-
վել. թե ինչ էր կատարվում մյուս տեղամասերում հայտնի
չէր. բայց Սուրենի ահանջին հանկարծ հասավ մի հնչեղ,
ծանոթ ձայն.

— Առաջ, իմ արծիվներ, փառքով պսակենք մեր գնդի
դրոշը:

Կոլտսովն էր:

Հինց այն հանգամանքը, որ Կոլոսսովը ինքն անձամբ էր մտել կովի մեջ, ավելի ահավոր էր դարձնում բոպեն. նշանակում էր շատ ավելի ծանր էր դրուժյունը, քան իրենք պատկերացնում էին: Քիչ հեռու լավեց ավտոմատների ու գեղացիների ճարճատյուն: Այդ մերոնք էին: Կոլոսսովը, պահեստի ուժերից դնդացրորդներ դնելով թաքստոցներում, հրամայել էր նրանց, թույլ չտալ թշնամու օգնական ուժերին առաջանալու:

Գերմանացիք, ըստ երևույթին, դեռ չէին հրաժարվում գնդի շտաբը գրավելու մտքից, այդ պատճառով էլ շնայած գոհերին առաջ էին մղվում:

Սմիրնովը, որ գետին էր թավալել ևս միքանի հակառակորդի, երբ լսեց Կոլոսսովի ձայնը, ավելի ոգևորվեց և բացականչեց.

— Սուրեն, տե՛ս... ինքը հրամանատարը. շտաբը թշնամու ձեռքը չպիտի տալ:

Դեռ Սուրենը չէր պատասխանել նրան, երբ Սմիրնովը, ինչ որ մի բան նկատելով վայրկենական որոշումով առաջ նետվեց: Գերմանացիք տեսնելով, որ Կոլոսսովի բերած նոր օգնական ուժերն արդեն փոխում են մարտի ելքը՝ ավելի զազազեցին: Թշնամու մի օբեր-լեյտենանտ իր ատրճանակից նշան առավ Կոլոսսովին: Այդ պահին ահա՛, Սմիրնովը, վազրի մի ոստյունով, թռավ կանգնեց Կոլոսսովի առջև և բարձրացնելով հրացանը ուզում էր իջեցնել օբեր-լեյտենանտի գլխին, բայց թշնամին կանխեց նրան. ատրճանակը պայթեց և Սմիրնովը՝ կրծքից խոցված, վայր ընկավ:

Սուրենը, որ նկատել էր Սմիրնովի թոխքը՝ մի պահ նայել էր նրա հտեկից. բայց այն ինչ եղավ, այնպես արագ կատարվեց, որ նա այլևս չկարողացավ իրեն հաշիվ տալ տեղի ունեցածի մասին. մեկ էլ այն տեսավ, որ Սմիրնովի կրծքից արյուն է հոսում: Կոլոսսովին շրջապատող մարտիկներն առաջ նետվեցին և կովի բռնվեցին գերմանացոց գինվորների հետ, որոնք նույնպես պաշտպանում էին իրենց օբեր-լեյտենանտին: Իսկ նա, այդ լեյտենանտը, այդպես

թվաց Սուրենին, հռհռում է, որ վերջ տվեց Սուրենի մտերիմ
 ընկերոջ կյանքին և այժմ, ատրճանակը նորից շարժում է
 կոլոսովի ուղղությամբ: Այս արդեն գազազեցրեց նրան:
 Ամբողջ ռազմի դաշտում Սուրենին, այդ պահին, ամենից
 պարզորոշ երևում էր օբեր-լեյտենանտը: Սուրենը դեն նե-
 տեց աչքին կապած բինտը, կարծես ավելի թեթեւացավ և
 առաջ նետվելով շեշտակի գրոհեց դեպի սպան. սպան կրա-
 կեց, բայց Սուրենն անվթար մնալով՝ մի թոխչքով մոտեցավ
 և դայրույթի գազաթնակետին հասած՝ հարվածում էր
 գերմանացուն հրացանով, բռնեցքներով, ոտքերով, գլխով:
 Բայց սպան, ըստ երևույթին դիմացկուն էր. գուցե նա էլ
 էր հարվածում Սուրենին, բայց Սուրենն այդ չէր զգում. նա
 ավելի էր գազազում, որ գերմանացին դեռ կանգնած է.
 վերջապես նա, կովկասյան ըմբշամարտի եղանակով, աջ
 ոտքը պեց օբեր-լեյտենանտի ոտքերի արանքը և նրան
 գետին տապալեց: Ապա, վայրկյան իսկ չկորցնելով, ընկավ
 սպայի վրա, երկու ձեռքով բռնեց նրա կոկորդից և եղունգ-
 ներով սեղմեց ու սեղմեց: Օբեր-լեյտենանտը խռոաց,
 թափահարեց ոտքերն ու ձեռքերը, բայց այլևս նրան վի-
 ճակված չէր գետնից վեր բարձրանալ:

Գ. Լ. ՈՒՆ ՏՆՍՆՄԵԿԵՐՈՐԴ

Սուրենը չէր կարող հանգամանորեն վերհիշել, թե այ-
 նուհետև ինչքան տեկց մարտը, ինքն ինչպես նոր դենք
 ձեռք բերեց, էլի քանի հակառակորդ գետին թավալեց...
 Միայն նա կարող էր ասել, որ երբեք իբր գիտակցությունն
 այնքան պարզ չէր գործել, ինչպես այդ օրը, երբ նա վեր
 թռչելով դիակնացած օբեր-լեյտենանտի վրայից, ինչքան
 ուժ կար կոկորդում գոռաց.

— Դասա՛կ, լսի՛ր իմ հրամանը:

Նա փոխարինեց Սմիրնովին. հարմար մոմենտ ընտրե-
 լով Տուկունբայի միջոցով հայտնեց վաշտի հրամանատար

Բուրավշենկոյին, որ Սմիլնովը շարքից գուրս է եկել և ինքը դասակի հրամանատարութիւնը վերցրել է իր վրա:

Չեռնամերձ կռիվը վերջացավ գերմանական երկու գումարտակի համարյա գլխովին ոչնչացումով: Ավտոմատավորները օգնութեան հասան շրջապատման մեջ ընկած առաջին գումարտակի երկրորդ վաշտին: Օգտվելով իր դիմաց կանգնած թշնամու մյուս զորամասերի շարքերում առաջացած խուճապից Կոլոսովը հրամայեց երրորդ գումարտակին և երկրորդ գումարտակի շրջրորդ և հինգերորդ վաշտերին հետապնդել թշնամուն:

Կոլոսովը խնդիրն իրագործել էր. նա ոչ միայն բնակավայրն էր իր ձեռքը պահել, այլև հակառակորդին պարտութեան մատնելով այդ տեղամասում, հնարավորութիւն էր տվել դիվիզիայի մյուս գնդերին առաջ շարժվել:

Առաջին գումարտակը և երկրորդ գումարտակի վեցերորդ վաշտը հանձնարարութիւն ստացան կարգի բերել իրենց և հասնել թշնամուն հետապնդող զորքերին: Կոլոսովն ինքը, առանց մի րոպե կորցնելու գնաց դեպի առաջ շարժվող գումարտակները:

Քիչ առաջվա մարտադաշտում տիրեց համեմատական լուսթիւն. թշնամուն հետապնդողներն արդեն բավականին հեռացել էին. Սուրենը նայում էր շորս կողմը. դիակներ ու դիակներ: Առաջին պահ, թվում էր, թե բոլորը մեռած են, որովհետև ականջներն այնքան էին վարժվել նախ թնդանոթների, ավտոմատների ու հրացանների կրակոցներին, ապա ձեռնամարտի ժամանակ բարձրացած անսովոր գոռոցներին և աղմուկներին, որ կարծես, թե այլևս ոչինչ, ոչ մի կողմնակի ձայն չէր լսվում շրջապատում: Բայց այդ միայն մի պահ, որովհետև ուղղադաշտում կային բավականին շատ վիրավորներ, որոնք տնքում էին: Սանիտարները, արագ կերպով նրանց փոխադրում էին դաշտային գոսպիտալի վրանը: Սուրենը նոր միայն զգաց, թե ինչ ծանր բան է պատահել իր հետ: Սմիլնովը... և միայն այս անուռը

բացականչելով նրա սիրտը ճմլվեց. այդ ինչպե՞ս պատահեց. ինքն այնքա՞ն խոսում էր նրա հետ, թե ինքը պարտական է Կոլոսովին, և ահա՛, այդ պարտքն հատուցում է Սմիրնովը, հատուցում է իր կյանքով: Քիչ հետ դալով նա տեսավ օրեր-լեյտենանտի դիակը. կանգնեց մի պահ, նայեց նրա այլանդակված դեմքին, ապա ձեռքերին, որոնք այժմ թուլացած ընկած էին գետնին. ահա նրա աջ ձեռքը, Սուրենը մի պահ պատկերացրեց այդ ձեռքը վեր բարձրացած, ահարկու, ատրճանակը սեղմած ափամեջ. նա կրճրտացրեց ատամները և նայեց վերև, բարձր կապուտակ երկընքին, ապա հեռվում տարածված բուրումնավետ անտառին: Եվ մտքերը պաշարեցին նրան,—երբ աշխարհում այսպիսի մաքուր, վեհ բաներ կան, ապա ինչո՞ւ է մարդն հարկադրված զբաղվել այնպիսի գործերով, որոնք խամրում են այդ մաքուրն ու վեհը: Եվ այս մտածելով ավելի էր կատաղում այդ օրեր-լեյտենանտի դեմ, որ թողած իր աշխարհը հեռուներում՝ եկել հասել էր այս վայրերը, ուր նրան ոչ ոք չէր սպասում:

Իր մտքերից նա սթափվեց այն ժամանակ, երբ նրա դեմ ելավ Պետրովը, իր վիթխարի հասակով:

Սուրենը նայեց նրան ու ոչ մի բառ չկարողացավ արտասանել: Պետրովին լավ հայտնի էր Սուրենի և Սմիրնովի մտերմությունը. նա գիտեր, թե ինչպես էր Սուրենը վրիժառու եղել ընկերոջ համար. ինքն էլ ոչնչացրել էր ութը հակառակորդի, բայց նա հասկանում էր, որ այժմ Սուրենի միտքն ամբողջովին կլանված է Սմիրնովի վիճակով: Եվ այդ այդպես էր.

— Պետրով,— վերջապես հարցրեց Սուրենը,— Սմիրնովը... ես նրան եմ փնտռում:

— Այո՛, ընկեր նահապետյան, ես նրան սանիտարի հետ փոխադրեցի սանիտարական մասը. ես էլ ձեզ էի փնտռում:

— Ուրեմն նա չի՞ սպանվել:

— Բժիշկն ասում է, թե սիրտը դեռ բարխում է:

Սուրենն աչլես առանց վայրկյան սպասելու վազելով հասավ սան-մասը:

Քաղաքամերձ պուրակում, մի ընդարձակ վրանի տակ, թախտերի վրա պառկած էին քսանից ավելի վիրավորներ. իսկ կից վրանում բժիշկը վիրահատումներ էր կատարում, մյուսում արյուն էին ներարկում: Սուրենը հասավ այն թախտին, ուր շապկանց պառկած էր Սմիրնովը. նրա վերքին փաթաթված բինտը կարմրել էր. Սմիրնովի աչքերը փակ էին. դեմքը սպրտնել էր.

— Ալեքսե՛յ,—բացականչեց Սուրենը ու դեմքը մոտեցրեց նրա բերանին. բայց ոչինչ չկարողացավ որոշել՝ շնչո՞ւմ է նա, թե՞ ոչ: Այդ բուսկին եկավ քուչրը, ասաց, որ սրսկում է կատարել, բայց ուշքի չի գալիս:

— Իսկ հույս կա՞, որ ուշքի գա,— շտապ հարցրեց Սուրենը, և զգում էր, որ ձայնը խզվում է կոկորդում,—իսկ ինչպե՞ս անել, որ ապրի...

Քուչրը նորից սրսկում կատարեց: Սուրենը մոտեցավ փարվեց վիրավորին:

— Ալեքսե՛յ, ի՞նչ եմ, Սուրենը. մերոնք հասել են անտառին:

Ահա, ահա, Սուրենի սիրտն ավելի արագ է բաբախում, հրաշքը պիտի կատարվի: Սմիրնովը կենդանություն նշաններ է ցույց տալիս. նա բացեց աչքերը: Սուրենը պատրաստ էր ձշալ, բայց միայն մեղմ ձայնով շնջաց.

— Ալեքսե՛յ, ի՞նչ Ալեքսեյ:

Եվ սրտատրոփ սպասում էր մի խոսքի, մի հատիկ բառի: Եվ ահա, կարծես, թե նա շարժում է շրթունքները.

— Սուրե՛ն,—մրմնջաց նա, ապա ձախ ձեռքով ինչ որ շարժում արեց, բայց ոչ ոք այդ շարժումի իմաստը չհասկացավ և վիրավորն էլ կարծես զգալով, որ ոչ ոք իրեն չի հասկանում, նորից շարժեց շրթունքները, բայց այս անգամ կցկտուր հազիվ կարողացավ շնջալ.

— Նա... աս... տյա...

Նա փակեց աչքերը, փակեց առհավետ:

Սուրենն այս անգամ չկարողացավ զսպել հեկեկոցը և փարվելով Սմիրնովի սառչող դեմքին համբուրեց նրա շըրթունքները...

...Մթնում էր: Մարտական օրն իր վախճանին հասավ: Սուրենն իր դասակի գլուխն անցած քայլում էր դեպի գնդի նոր դիրքերը: Նա գնում էր գլխիկոր, այսօր նա կորցրել էր մի մարդու, որի հետ ահա տասնչորս ամիս զենքի անբաժան ընկեր էր եղել. խորին կսկիծով էր լցված նրա հոգին. նա չէր բավարարվել վերջ տալով օբեր-լեյտենանտի կյանքին: Ոչ մի բան չէր կարող հատուցել կորցրածը. նա Սմիրնովի բաց գերեզմանի առաջ ճառ ասաց՝ նրա ազնվության, նրա քաջության, հայրենիքին նվիրված լինելու մասին, ապա ասաց, որ ինքը Սմիրնովի փոխարեն ընդունելով դասակի հրամանատարությունը վրիժառու կլինի նրա կյանքի համար և մինչև իր արյան վերջին կաթիլը կկռվի հանուն Հայրենիքի, բայց կուզեր, որ այլ ելք ունենար այսօրվա թեժ կռիվը: Ամենից շատ նրան մտահոգում էր, թե ինքն ի՞նչ պիտի ասեր Սմիրնովի կնոջը, նաստյային, եթե հանկարծ, որեւէ կերպ հանդիպեր նրան. իսկ այժմ նրան հանդիպելը, դառնում էր Սուրենի կյանքի նպատակներից մեկը: Նրան հուզում էր այն հանգամանքը, որ Սմիրնովը զոհվել էր հատկապես Կոլոսովին փրկելու համար, մի բան, որ ինքն էր պարտավոր անել... սակայն այս մտքի վրա էլ երկար կանգ չէր առնում. պատերազմ է, խելացին այն է, գործել այնպես, ինչպես թելադրում են ստեղծված նոր պայմանները. բայց այս մտածումը միայն ինքնահանգրստացման համար էր. ամեն օր, իհարկե, կառաջանային նոր պայմաններ, իսկ Սմիրնովն այլևս անվերադարձ էր:

Այնուհետև գունդը մեկ ամբողջ շաբաթ կռիվներով բավական առաջ շարժվեց: Երբ մի բնակավայրում գունդը հրաման ստացավ մեկ օրով հանգստանալ, Կոլոսովը այցելեց բոլոր գումարտակները: Նա առանձին բավականություններ ուղմիկների համար կարդում էր Սովինֆորմբյուրոյի հաղորդագրությունները իրենց ուզմանակատի մա-

սին: Այդ կարճ, բայց շատ նշանակալից պաշտոնական խոսքերը, որոնք հաղորդվում էին ի լուր ամբողջ աշխարհի, ասում էին. «Վորոնեժի շրջանում առանձին հատվածներում նախաձեռնությունն անցավ սովետական զորամասերի կողմը. դրաված են մի շարք բնակավայրեր»: Կարդալով այս, Կոլոսովը բոլոր գումարտակներում կրկնում էր միևնույն միտքը, որ թշնամին, այնուամենայնիվ, դեռ զորեղ է, և որ նա Ստալինգրադի և Կովկասի ուղղություններում դեռ շարունակում է առաջանալ:

— Կգա, շուտով կգա այն օրը,— հատկապես շեշտում էր Կոլոսովը,— որ բոլոր ռազմաճակատներում նախաձեռնությունը կանցնի մերոնց ձեռքը:

Վեցերորդ վաշտում հայտնելով այս միտքը, նա ընդգծեց այդ վաշտի բոլոր ռազմիկների խիզախությունը, որոնք դժվար պահին իրենց սխրագործություններով օժանդակեցին գնդին դուրս գալու ստեղծված ծանր միջակից:

— Ռազմի գործը,— ասաց նա,— նման է սրտի աշխատանքի. եթե մի պահ կանգնեց կամ թուլացավ սրտի աշխատանքը, ամբողջ օրգանիզմը դադարում է ապրելուց: Այդպես էլ պատերազմն է, ամեն բոլոր պիտի մտածել թշնամուն հարվածելու, ու նոր եռանդով առաջ շարժվելու մասին, հենց որ ռզևորվեցիր տարած մասնակի հաղթանակով ու թուլացրիր հարվածը՝ պատերազմը տանուկ կտաս:

Սուրենի համար, այժմ Կոլոսովը կրկնակի թանգ էր, որովհետև նա փրկված էր իր ամենասիրելի ընկերոջ Սմիրնովի կյանքի գնով. նա կուզեր մի բառով, մի որևէ բանով այդ հասկացնել Կոլոսովին. նա չգիտեր, թե ինչպես կարելի է այդ անել, բայց ահա Կոլոսովը մոտեցավ նրան ու ասաց.

— Սուրեն, դու վարվեցիր իբրև իսկական ռազմիկ. դժվար պահին փոխարինեցիր Սմիրնովին. դու բարձր ես պահում Հայաստանի պատիվը. շնորհակալություն եմ հայտնում Լազնիվ, խիզախ ծառայության համար:

Սուրենը ըմբռնեց, որ այդ խոսքերն ասելով Կոլոսովը հասկացել է, թե ինչ է մտածում ինքը, ուստի և նա այլևս չկարողացավ անմիջապես ասել նման դեպքերում պատշաճ խոսքերը, — այն է «պատրաստ եմ ծառայելու հայրենիքին», այլ դրա փոխարեն միայն շշնջաց.

— Սմիրնովը, Սմիրնովը...

...Մեկ օր տևող հանգստի ընթացքում Սուրենը, դասակում կատարելով հարկ եղած աշխատանքը, Պետրովին նշանակեց իրեն փոխարինող և իր հետ վերցնելով մի ավտոմատավոր գնաց շրջելու նոր վերագրաված բնակավայրը. այդտեղ կային բավական թվով էվակուացիայի ենթարկվածներ: Սուրենն անընդհատ հարցնում էր, թե ով ո՞րտեղացի էր, ե՞րբ, ի՞նչ պայմաններում էր գաղթել և հուզմունքով դիմում էր մեկին կամ մյուսին.

— Ո՞վ է ձեզնից Ստարի-Օսկոլցի:

— Նրանք մեզնից հետո են դուրս եկել, — պատասխանում էին մի քանիսը:

Բայց տեղեկություններն հակասական էին. մյուսներն ասում էին, թե նրանք չեն կարողացել ժամանակին դուրս գալ բնակավայրից, որովհետև գերմանացիք ուժակոծումներով կտրել են նրանց դադթի ճամբան, ուրիշներն էլ ասում էին, թե հեռուն փովող անտառում կան թագնվածներ, որոնց մեջ շատ Ստարի-Օսկոլցիներ էլ կան: Հետո Սուրենն հարցնում էր անուն, ազգանունով, թե իրենց շրջապատում չկա Անաստասյա (Նաստյա) Սմիրնովա անուն ազգանունով կին վեց տարեկան աղջկա և չորս տարեկան տղայի հետ: Ստանալով բացասական պատասխան նա մռայլվում էր և ամբողջ հույսը դրել էր դիպվածի վրա:

Մյուս օրը գունդը նորից կռվի մեջ մտավ և երկու կիլոմետր առաջ շարժվեց, սակայն երեկոյան դեմ, մի բնակավայրում, երբ հակառակորդը վերջին ճիգերն էր գործադրում բնակավայրն իր ձեռքը պահելու, պայթած արկի բեկորից Կոլոսովը վիրավորվեց ձախ թևից ու ձախ սրունքից: Հրամանատարութունը ստանձնեց գնդի շտաբի պետը:

Կոլոսովին փոխադրեցին մերձակա քաղաքի հիվանդանոցը:

ԳԼՈՒԽ ՏՅ.ՄՆԵՐԿՈՒՆԵՐՈՐԴ

Հետևյալ օրը լուսադեմին նորից բռնկվեց անխուսափելի մարտը. գերմանացոց դուր չէր գալիս, որ այս ռազմաճակատում իրենց դործերն այնպես չէին գնում, ինչպես իրենք նախազօծել էին. մինչդեռ որոշ ռազմաբեմերում մերոնք պաշտպանողական կոիվներ էին մղում և համարյա ամեն օր հետ էին նահանջում, այս ռազմաճակատի մասին ի լուր աշխարհի հայտարարվում էր, որ սովետական զորքերը թշնամուն հետ են մղում: Այս բանն ինչքան կատաղեցնում էր հակառակորդին, այնքան ոգևորում էր ռազմաճակատի ռազմիկներին: Եվ ահա, երբ նորից սկսեց կանոնադան, երբ նորից սկսեցին ձարձատել գնդացիներն ու ավտոմատները, Սուրենը կրկին մտավ իր տարերքի մեջ: Այժմ նա իրեն հատկապես մոտիկ մարդ էր համարում Պետրովին, որի հետ ոչ միայն խորհրդակցում էր դասակի անելիքների մասին, այլև գիտեր, որ դա այն անձնավորությունն էր, որի հետ կարո՞ւ էր խոսել իր սրտին նվիրական հարցերի մասին:

Հակառակորդի արկերն ու ականները բավական մոտիկ էին պայթում խրամատներին, սակայն մեր հրանոթները շատակի հարվածներով, թշնամու մի քանի կրակային կետեր իրար ետևից ոչնչացրին:

Եվ ահա ստացվեց հրաման.

— Գրոհել թշնամու խրամատները:

Սուրենը ուժերը հավաքեց ու գոռաց.

— Դասակ, առաջ, դեպի թշնամի՞ն:

Բոլոր ռազմիկները դուրս ցատկեցին խրամատներից ու առաջ շարժվեցին: Պետրովը, որ Սուրենի հրամանը լսելով նույնպես դուրս էր ցատկել խրամատից և իր ջոկի գնդավորների ուղղությունն էր որոշում, հանկարծ նկատեց, որ

Սուրենը ճիգ է գործ դնում, բայց չի կարողանում խրամատից դուրս գալ:

Նա հետ ցատկեց խրամատը:

— Սուրեն, ի՞նչ է պատահել քեզ... Սուրեն թեզ արշուհափած է,— բացականչեց Պետրովը:

Նվ իրոր, Սուրենը ձախ թևից վիրավորված էր. առաջին պահ, քանի դեռ վերքը տաք էր նա ոչինչ չէր զգացել, բայց երբ ուզել էր թևը հենակ դարձնել ու դուրս թռչել խրամատից, սուր ցավ զգալով մնացել էր տեղում կանգնած: Նա չէր ուզում հավատար, թե ինքը վիրավորված է, այնքան անպատեհ էր դոնում այժմ այդ դեպքը, ուստի նորից փորձեց դուրս գալ, բայց ապարդյուն:

— Սուրեն՛ն, վերջրու մի մարտիկ և գնա սան-մաս:

— Պետրով, — բացականչեց Սուրենը, — անմիջապես առաջ անցիր. դասակի հրամանատարութունը քեզ եմ հանձնում:

— Լսում եմ. բայց թող վոլիովը քեզ հետ դա, մինչև սանիտարները հասնեն:

— Պետրով, կատարիր իմ հրամանը. հասիր դասակին. ես առանց օգնականի կարող եմ տեղ հասնել:

— Есть, — ասավ միայն Պետրովը և դուրս թռչելով խրամատից դասակի հետ շարժվեց առաջ:

Սուրենը տխրամած աչքերով նայեց առաջ շարժվող զինվորներին. սակայն թևի ցավը սաստկանում էր և նա աչքես դժվարանում էր որոշել, թե ինչ է կատարվում այնտեղ, առաջամասում: Քիչ անց վրա հասավ մի սանիտար և առաջին օգնութունը ցույց տվեց նրան: Երբ արյունահոսութունը դադարեց նա բավական ուժ զգաց իր մեջ և թաքստոցներով հետ գնաց դեպի թիկունք:

Օգոստոսյան ցերեկ էր. նա հասավ անտառի եզրին. մեկ երկու կիլոմետրի չափ արդեն հեռացել էր առաջավոր գծից. ահա նորից սկսվեց թնդանոթների որոտը. երևի առաջին գրոհը հաջողութուն չունեցավ մտածում էր նա, մերձնք նորից ուժեղացրին թնդանոթների կրակը: Անցավ ևս տաս

րոպե. ձայներն հեռանում էին. այդ լավ է, լավ, կրահն ա-
վելի առաջ են փոխադրում. այդպես, թեկուզ հարյուր քալ,
թեկուզ տաս քալ, թեկուզ մի քալ, բայց առաջ... Ոգևոր-
վելով իր մտքից նա մեկ-մեկ մոռանում էր ցավը, բայց երբ
վերքն իրան զգալ էր տալիս նա ջղայնացած բացականչում
էր. — «Մի՛ թե ժամանակն էր, մի՛ թե հենց ինձ հետ պիտի
պատահեր»: Դեռ մտքերը չէր հավաքել մտածելու այլ բա-
ների մասին, երբ նկատեց թշնամու օդանավերի մի խումբ,
որոնք երևացին ռազմաճակատի դժի վրա:

Հավեցին խուլ զզրոյուններ. օդանավերն էին ուռմբեր
տեղում: Մի հինգ րոպեից հետո, երբ երևացին նաև մեր օդա-
նավերը, թշնամու ռբակոծիչները մի շրջան կատարեցին,
անցան անտառի վրայով, նետեցին ևս մի քանի ուռմբեր և
ապա հետ դնացին. մերոնք սկսեցին հետապնդել նրանց,
բայց կարողացան հասնել, թե չէ, Սուրենը այդ շտեսալ:

Դիվիզիայի բուժ-սան գումարտակին հասնելու հա-
մար Սուրենը դեռևս պիտի անցներ շորս-հինգ կիլոմետր
ճամբա: Եվ ահա անտառից լսելի դարձան ինչ որ ձայներ.
Նա քայլում էր անտառի եզրով. կանգնեց. եռեսունի շափ
կանայք ու երեխաներ, խմբված, բարձրաձայն խոսում էին.
Երբ Սուրենը մոտեցավ, տեսավ նաև մի քանի տղամարդ-
կանց պարտիզանի հագուստներով: Անմիջապես նա հիշեց
այն լուրերը, որ ինքն ու Սմիրնովը լսել էին դեռ հիվան-
դանոցից ռազմաճակատ դալիս, անտառի պարտիզանների և
դադթած բնակչության մասին: Դեռ նախ քան խմբին հաս-
նելը նա հանդիպեց շեշոտ դեմքով մի կնոջ. նրա հյուսված
դեմքին կենդանություն էին տալիս միայն կապույտ աչքերը:
Նա երկու խոսքով Սուրենին պատմեց, որ ամսից ավել իրենք
զանազան տեղերից հավաքվել, թաքնվել են այդ անտառ-
ներում. նրանց բոլորի հարազատները լինելով պարտի-
զանական խմբերում կամ Կարմիր Բանակում իրենք վա-
խենում էին գերմանացիներից: Երկու օր առաջ այս վայ-
րերն ազատվել էին գերմանացոց ձեռքից և նրանք դեռ
չգիտեին, թե ուր պիտի գնան:

— Դե, խմառ է,— ավելացրեց շեշտ կինը,— անտա-
ռում ուտելու բան կգտնես: Մարդիկ են գնացել այս մո-
տիկ գյուղերը, սպասում ենք, գան, տեսնենք որտեղ է
հարմար բնակվել, մինչև տեսնենք ինչ կլինի մեր վերջը:

— Իսկ ի՞նչ են աղմկում այնտեղ,— հարցրեց Սու-
րենը ցույց տալով կանանց խումբը:

— Սովորական բան... Ծմիդից*) լիմոնչիկ**) պե-
ցին առավոտը. երկուան իսկույն մեռան. մեկը վիրավոր-
վել էր, քիչ առաջ նա էլ մեռավ:

Չեշտ կինը խոսում էր հանգիստ: Այնքան էր նա
վարժվել այդ Ծմիդներին ու լիմոնչիկներին, որ նրա զայ-
րույն, ըստ երևույթին, չէր բավարարում ամեն անգամ
արտահայտելու այն, ինչ ինքն զգում էր ներքնապես:

Սուրենը, մոռացած թևի վերքի ցավը, մոտեցավ կա-
նանց խմբին:

Կանայք հետ քաշվեցին: Անտառի փոքրիկ բացա-
տում, շորացած խոտերի վրա ընկած էր մի լիին. նրա մա-
զերն արյունոտված էին: Քիչ հեռու ճշում էր մի երեխա,
և ամեն կերպ ուզում էր մոտենալ մեռած կնոջը. կանան-
ցից մեկը ուզում էր հանգստացնել երեխային, մերթ փա-
ղաքչելով, մերթ ինչ որ խոսքեր ասելով, սակայն ոչինչ չէր
օգնում:

Սուրենը երկար-երկար նայեց գետնին ընկած կնո-
ջը, ինչքան կարելի էր դատել նա բավակլան երիտասարդ
էր: Սուրենը ուզում էր նորից զբաղվել իր հարց ու փոր-
ձով, ինչպես առաջին օրը այն բնակավայրում, բայց սիրտ
չէր անում. միայն չէր կարողանում հայացքը կտրել այդ
կնոջից. շրջավառողներից էլ ոչ ոք ոչինչ չէր ասում. մի-
այն, երբ երեխան սկսեց ավելի ևս աղիողորմ ճշալ, կի-
նը, որ ձգտում էր նրան հանգստացնել մոտեցավ Սու-
րենին և ասաց.

*) Ուզում է ասել Մեսսերշմիտից — գերմանական օդանավ:

**) Գերմանական օդանավերից նեղամ ռումբերին, պատերազմի
օրերին, շատերը արհամարհանքով լիմոն էին ասում:

— Այ, պապան, Միշա, սա պապա է:

Սուրենը, պատերազմի ընթացքում, շատ էր լսել այդպիսի խոսքեր. մայրերը ցույց տալով զինվորներին, ասում էին՝ «այ, սա պապայի նման է հագնվելը», «այ, սա պապայի մոտ է գնում», «այ, սա պապայի մոտից է գալիս», կամ ուղղակի ասում էին, ինչպես չայս անգամ, թե «սա պապա է»:

Ոչ մի անգամ Սուրենն այնպես կսկիծով չէր լսել այդ խոսքերն, ինչպես այս անգամ, և ոչ մի անգամ էլ այդ խոսքերն այնպիսի մոգական ազդեցություն չէին ունեցել երեխայի վրա, ինչպես այժմ ազդեցին Միշայի վրա: Երեխան լռեց և նայեց Սուրենին: Սուրենն էլ նայեց նրան և զգաց, որ Միշան ձգտում է դեպի իրեն. նա առողջ ձեռքով գրկեց նրան, ապա դարձավ այն կնոջը, որից ընդունեց երեխային:

— Կարծեմ, Միշա խոսացիր:

— Այո՛, իսկ և իսկ Միշա:

Սուրենը կրկին նայեց կնոջ դիակին և վախենում էր նոր հարցեր տալ. վախենում էր, թե արդարանան իր նախազգացումները: Այդ բոպեին շեշտ կինը նույնպես մոտեցավ խմբին և, Միշային տեսնելով Սուրենի գրկում, բացական շեց

— Ա՛խ, Նաստյա, Նաստյա... գիշեր-ցերեկ ասի ու վախ էր անում իր Ալեքսեյի համար, հիմի էլ էս օրին բնկավ,— և կարծես, նոր զայրույթի պաշար հավաքած, դռաց.

— Թող ծծումբ թափվի էդ Շմիդի գլխին...

Բայց Սուրենն այլևս չէր լսում պառավին. Նաստյա՛,— այս անունն էր հնչում նրա ականջում. նա նստեց մի կոնդի, Միշային դրեց ծնկան և հարցրեց.

— Ասացեք, ի սերն աստծու, ո՞վ է սպանված կինը, ի՞նչ է նրա ազգանունը:

— Սմիրնովա,— պատասխանեցին մի քանիսը նրան միանգամից:

— Ո՞ր տեղացի է:

— Ստարի-Օսկոլից:

— Իսկ Ալեքսեյն ո՞ւր է:

— Տղամարդն ո՞ւր կլինի հիմա, — հարեց շեշոտ կինը, — բանակո՛ւմ, իսկ թե ո՞ր տեղ է հիմա, ի՞նչ է ա՜նում՝ այդ էլ աստված գիտի:

Սուրենի համար ամեն ինչ պարզ էր. նա շուգեց ուշինչ հայտնել Սմիրնովի մասին, միայն վերջնականապես հավաստիանալու համար, հարցրեց.

— Միայն այս մի երեխան ուներ նաստյան:

— Է՛հ, մի լավ էլ աղջիկ ուներ. Կատյան, նա էլ, հենց Ստարի-Օսկոլով, կլարմրովից մեռավ:

Սուրենը զգում էր, որ արցունքները խեղդում են կողորդը:

Անցան մի քանի լուռ ըոպեներ:

Տղամարդկանցից երեքը անտառում գերեզման էին փորել. նաստյայի դին ամփոփեցին այնտեղ:

... Երեկո էր. անտառի բնակիչներից մեծ մասը փոխադրվեցին մոտակա բնակավայրերը, շեշոտ կինը ընկերացավ Սուրենին մինչև սան-բուժ գումարտակը: Սուրենը խնդրել էր նրան ընկերակցել իրեն, օգնել Միշային հասցրնելու մինչև հիվանդանոց, ուր հնարավոր կլիներ պարզել, թե ինչպես պետք էր տնօրինել երեխայի վիճակը:

Եվ ահա, շեշոտ կինը՝ Կատերինան, շալակն առած Միշային, Սուրենի հետ կողք կողքի գնում էին փոշոտված գյուղական ճանապարհով:

Միշան, որ առաջին պահին Սուրենին պապայի տեղ ընդունելով հանդարտվել էր, այժմ նորից սկսել էր հեկեկալ և մորն էր կանչում: Սուրենը ուզում էր մի բանով հանգստացնել երեխային, բայց ոչինչ չէր ստացվում. քիչ լանց նա երևի հոգնեց լալուց և հենց Կատերինայի շալակին էլ քնեց: Երբ մեկ ժամից հետո նրանք մոտենում էին բնակավայրին, երեխան զարթնեց, նայեց Սուրենին, նրա արևախանձ դեմքին և խտուտացնելով աչքերը, կարծես,

Թե դեռ ինչ որ երազից լիովին չսթափված՝ ժպտաց և բացականչեց.

— Պապա՛, պապա՛:

ԳԼՈՒԽ 85. ՍԵՐԵՒԵՐՈՐԴ

Բուժ-սանիտարական գումարտակում հարկ եղած բուժօգնութիւնը ցույց տվին Սուրենին և հենց հետևյալ օրն էլ նրան ուղարկեցին մերձակա հիվանդանոցը, ուր հատուկ սենյակում պառկած էր նաև Կոլոսովը:

Գիշերը Սուրենն իրեն վատ զգաց. ջերմութիւնը բարձրացավ. վերքը, չնայած, վտանգավոր չէր, ոսկորը չէր վնասվել, բայց Սուրենը ջղային վիճակ էր ապրում. նորից հիվանդանոց, նորից մահճակալ. ճիշտ է, ցերեկին բժիշկն ասել էր, որ այս անգամ նա ավելի կարճ կպառկի հիվանդանոցում, բայց այդ նրան չէր հանգստացնում. պառկած մեջքին. նա թեև աչքերը փակել էր, բայց չէր կարողանում քնել: Կես գիշերն անց էր. նորից բազմաթիվ մտքերը պաշարել էին նրան: Եվ ամենից խռաջ նա մտածում էր Սմիրնովի և նրա ընտանիքի ողբերգութեան մասին: Այդպես ուրեմն, նրա ընտանիքից մնաց միայն այդ շորսամյա Միշան խնամքի կարոտ, հարազատի կարոտ. ի՞նչ անել: Ինչո՞ւ այդպես վատ դասավորվեց գործը, ինչո՞ւ հատկապես Սմիրնովը զոհվեց. պե՞տք էր փրկել Կոլոսովին. անշուշտ. դա ամեն մի ռազմիկի պարտքն էր և առուջին հերթին իր պարտքը: Ճիշտ է, իրեն լավ խոսքեր ասացին, որ ինքը ազնվորեն է կատարում իր գործը, բայց նա, թերևս երիտասարդական անհամբերութեամբ, ջղայնանում էր, որ ամեն ինչ այնպես չի ստացվում, ինչպես ինքն է ցանկանում: Եվ ահա այժմ այդ Միշան, այդ անմեղ արարածը մնացել է անպաշտպան. գոնե նրա նկատմամբ թող ստացվի այնպես, ինչպես ինքն է ցանկանում. Կատերինան կարո՞ղ էր ապահովել նրա գոյութիւնը, նրա դաստիարակու-

թյունը. ոչ, ոչ, դա իր պարտականությունն էր. Սմիրնովը նրան ոչինչ չէր ասել, բայց չէ՞ որ նրա վերջին բառերն էին՝ Սուրեն, ապա Նաստյա. դուցե ճակատագրական մի բան կար այդտեղ, որ անձնագոհ ընկերը, վերջին պահին միայն այդ երկու անունը տվեց. Սմիրնովը Նաստյային հանձնում էր իր խնամքին, այժմ չկար նաև Նաստյան. մնացել էր Միշան. բայց ինչպե՞ս տնօրինել նրա վիճակը: «ուրիշ կերպ չի կարող լինել,— շնչաց նա յուրովի,— միայն ու միայն ինձ մոտ, իմ խնամքի տակ. բայց ինչպե՞ս»: Նրա համար այժմ մխիթարիչ էր լայն հանգամանքը, որ ինքը Կոլոսովի հետ միևնույն հիվանդանոցումն է, և թերևս կարողանա նրա հետ լավելի մոտից խոսել, նրա խորհուրդն հարցնել: Նա նստեց անկողնում. սենյակում կային ևս վեց վիրավորներ. նրանք բոլորն էլ թեթև վիրավորներ էին և հանգիստ քնած էին: Սուրենը նայում էր դեպի դուռը. ինչ լավ կլիներ, որ հանկարծ դուռը բացվեր և ներս մտներ նա, իր անձկալին՝ վերան: Եվ Սուրենը հոգու ամբողջ թափով կարոտեց նրան: Կովի մեջ մտնելու նախօրյակին, Պետրովի հետ բացատրվելուց հետո, նա վերային նյամակ էր գրել, բայց դեռ նրանից պատասխան չէր ստացել, այժմ այնպես էին բոցավառվել նրա զգացումները, որ նա չէր կարող քնել, եթե ըստ անուշ իր մտքերը նամակով չհաղորդեր վերային, ուստի նա հարմար տեղավորվեց միահավալին, բարձի տակից հանեց թուղթ ու մատիտ, թուղթը դրեց գրքի վրա և փորձեց գրել: Առաջին հերթին անհարմարություն էր զգում, որովհետև ձախ ձեռքով թուղթը չէր կարողանում պահել, սակայն մի կերպ վարժվեց աջ ձեռքով այնպես անել, որ թուղթը շասհի գրքի վրայից, և սկսեց գրել.

«Թանկագին վերջա.

Մանր կռիվներ ունեցանք: Մեր Կոլոսովը հրաշալի վարեց մարտը. ամենամխիթարական բանը, որ կարող եմ հայտնել քեզ, այդ այն է, որ մենք, մեր ճակատամասում առաջ շարժվեցինք: Բայց մեր ժո-

զովրդական առածն ասում է՝ երկու լավ բանը մեկտեղ չի լինում: Մի դաժան օր, իմ ազնիվ Ալեքսեյը, մեր երկուսի սիրելի Սմիրնովը... բերանս չի բռնում, որ ասեմ, ձեռքս չի զորում, որ գրեմ... մեր Սմիրնովը հերոսաբար զոհվեց: Իր կյանքի գնով նա փրկեց մեր հրամանատարին, Կոլոսովին... Կոլոսովն էլ այժմ վիրավորված է և պառկած է այս միևնույն հիվանդանոցում: Հույս ունեմ նրա հետ տեսնվել: Բայց, թանկագին Վերա, կատարվեց ամենասարսափելին. գտա Սմիրնովի կնոջը. ի՞նչ վիճակում. զոհված օդանավի ուժակոծումից: Սմիրնովի ընտանիքից միայն նրա որդին, շորամայա Միշան է մնացել. նա ինձ մոտ է, հիվանդանոցում. այժմ քույրերն են խնամում նրան և նա, լայդ Միշան, սիրելի Վերա, ինձ անվանում է պապա. հոգիս մղկտում է նրա ձայնը լսելիս. ո՞րքան վստահություն, ո՞րքան հավատ կա նրա երաժշտական երկվանկանի բլառի մեջ... ի՞նչ անեմ, Վերա ջան, հազարավոր վերստերով հեռու եմ մորիցս. իմ բնակարանը խրամատն է և իմ տան լուսամուտը երկինքն է՝ այնքան ժամանակ, ինչքան մեր հողը կոխկրտում է թշնամու ոտքը. ի՞նչ անեմ. ես այս անգամ երկար չեմ մնա հիվանդանոցում. խոստանում են շուտ բաց թողնել. կուզեի, որ Միշան մի ապահով տեղ լիներ, մի խնամքոտ ձեռք հետևեր նրան, որպեսզի նա որբություն չզգար. Վերա, ծանր է որբության զգացումը. ես ապրել եմ լայդ զգացումը: Սմիրնովի հիշատակի համար ես Միշայից չեմ կարող բաժանվել: Անգին Վերա, լայս բոլորը գրեցի քեզ, որովհետև չէի կարող չգրել, հիմա կուզեի որ ինձ մոտ լինեիր, խոսեի, բացատրեի իմ զգացածը. այո՛, մտերիմի խոսքի ու զրույցի եմ կարոտ և հատկապես քո խոսքին ու զրույցին: Ես

ցանկանում եմ լսել քո խորհուրդը Միշայի մասին, ինչպե՞ս տնօրինել նրա վիճակը»:

Այստեղ Սուրենը կանգ առավ, մի քիչ մտածեց. ուզում էր գրել, թե ես իմ ապագա կյանքը պատկերացնում եմ այսպե՞ս՝ շեննալ սիրող մի կին, որը համաձայնի ինձ հետ միասին որդեգրել ու խնամել Միշային: Սակայն մատիտը մի քանի անգամ աննպատակ տարավ-բերեց թղթի վրա և գտավ, որ հարկ չկար այդ գրելու. ընկերոջ ընտանիքի թարմ շիրիմի հանդեպ նա գտնում էր, որ վաղաժամ է խոսել իր կյանքը տնօրինելու մասին, երբ առաջիկայում դեռ էլի այնքան դործեր կային, ուստի և առանց նոր բան ավելացնելու միայն գրեց՝ «չերձ բարեներով քո Սուրեն»:

Այնուհետև միայն նա կարողացավ քնել:

Առավոտյան զարթնելով նա նախ խնդրեց քրոջը, որ իր նվամակը փոստը պցեն, ապա տեղեկանալով, որ Միշան իրեն լավ է զգում, սրտապնդվեց և, երբ հերթապահ բժիշկն եկավ, խնդրեց, որ իրեն թույլ տա Կոլոսովին այցելության գնալու:

Կոլոսովի դրուժյունը դեռ ծանր էր և բժիշկը նրա մոտ դժվարությամբ էր լայցելուներ թողնում, սակայն տեղեկանալով, որ Սուրենը նրա զնդի ուղղմիկներին է, նա զիջեց, նախապես, իհարկե քրոջ միջոցով տեղեկանալով, որ Կոլոսովը չի առարկում ընդունելու Սուրենին:

...Եվ ահա Սուրենը նստած է Կոլոսովի մահճի մոտ. Կոլոսովը մեջքով թիկն էր տվել բարձերին ու նայում էր Սուրենին. նրա դեմքը դալկացել էր, երևում էր, որ շատ արյուն էր կորցրել և այս անգամ, իրոք, նա բավականին ծեր երևաց Սուրենին: Տեսնելով Սուրենին Կոլոսովի դեմքը շառագունեց մի ժպիտ, աչքերը փայլ ստացան և առաջին պահին միայն կարողացավ հարցնել:

— Այդ ինչպե՞ս, Սուրեն, դու նորի՞ց վիրավորվեցիր:

— Այո, ընկեր հրամանատար:

— Դու այստեղ ինձ կարող ես ասել Ալեքսանդր Միխայլովիչ:

Սուրենը մի քանի խոսքով պատմեց, թե ինչ հանգամանքներում է ինքը վիրավորվել, ապա խոսեց գնդի հետագա գործողությունների մասին և ավելացրեց.

— Շատ վատ ժամանակ վիրավորվեցի. հենց այն մոմենտին, երբ դասակը պիտի գրոհի տանի:

— Ո՞վ փոխարինեց քեզ:

— Պետրովը:

— Գիտե՞մ նրան... հիմա ինչպե՞ս ես զգում քեզ, Սուրեն, — հարցրեց Կոլոսովը հոգատար մի հայացքով նայելով իր վիրավոր ռազմիկին:

— Շատ վատ, ընկեր հրամա... Ալեքսանդր Միխայլովիչ:

— Մի՞թե վերքդ նեղում է, հապա ինչո՞ւ ես վեր կացել. դե, շուտ, գնա պառկիր տեղդ:

— Ո՞չ, խնդրում եմ չստիպել գնալու. վերքս չի նեղում:

Կոլոսովը մի լքիչ թեքվեց առաջ, շեշտակի նայեց Սուրենի աչքերին, ապա մեղմ տոնով հարցրեց.

— Ի՞նչ կա, խոսի՛ր:

— Ի՞նչ խոսեմ, — կմկմաց Սուրենը, — և բառ չգտավ իր զգացածը արտահայտելու:

— Խոսի՛ր, — ներշնչող տոնով ասաց Կոլոսովը, — մի բան կա սրտիդ խորքում, խոսի՛ր, սրտաբաց գրույցը թեթևացնում է մարդուն:

Սուրենը սրտապնդվեց:

— Ինձ համար շատ ծանր է, — ասաց նա, — որ Սմիրնովը զոհ գնաց:

— Այո, — համաձայնեց Կոլոսովը, — հերոս էր, իսկական հերոս... բայց Սուրեն, կոխվր դաժան բան է, իսկ հաղթության գործը զոհ է պահանջում:

— Բայց... բայց, — էլի կմկմաց Սուրենը, ապա հազիվ լսելի ձայնով շարունակեց, — ես չկարողացա ժամանակին նկատել, ես պիտի անեի այն ինչ արավ Սմիրնովը...

Եվ այլևս չկարողացավ շարունակել. զգաց, որ հետա-

դա խոսքերն ավելորդ են. նույնիսկ այն, ինչ ասաց, այն էլ պետք չէր ասել. չէ՞ որ ճիշտ էր մտածել, թե ինքը հոկոխի չի գնում Կոլոսովին հատուցելու համար, բայց թե ինչու այդ միտքն իր ուղեղից չէր հեռանում, նա չէր կարող բացթառել: Եվ այժմ ամսոսում էր, որ Վերային էլ այդքան մանրամասն պատմել էր Կոլոսովի մասին:

Սակայն Կոլոսովը դիտելով Սուրենի անհամարձակ շարժումները, որևէ հարցով չէր ուզում շփոթեցնել նրան: Փորձված զինվորականը լավ էր ըմբռնում երիտասարդ հայաստանցու հոգեբանությունը. նա մի պահ հիշեց բոլոր այն պահերը, երբ ինքը հանդիպել էր Սուրենին և հատկապես հիշեց այն ըրպեն, երբ ինքը փրկեց Սուրենի կյանքը: Գիտեի, որ Սուրենն հենց այդ մասին էլ ուզում է խոսել, բայց և հասկանում էր, որ Սուրենը չգիտե, թե ինչ խոսքերով արտահայտի իր զգացածը:

— Սուրեն, — հանդարտ տոնով ասաց Կոլոսովը, — քեզ տանջում է Սմիրնովի մահը, և հատկապես տանջում է նրա համար, որ նա ավելի շուտ հասավ ինձ օգնության, քան դու: Այդպես չէ՞:

Սուրենը լուռ էր:

— Ոչ, Սուրեն, ճիշտ չես մտածում. եթե դու վախկոտի նման գլուխդ թփերի մեջ պահեիր, դու հիմա իրավունք չէիր ունենա իմ կողքին նստելու: Սմիրնովին ես էլ եմ շատ ամսոսում, բայց երբ ըրպեն պահանջում է, բոլորս էլ պիտի նրա պես գործենք: Ես կովին հետևում էի, դու քո տեղումն էիր... Իսկ նրբ կովի թեժ պահին ուղմիկն իր տեղումն է, դա ամենամեծ գովասանքն է ուղմիկի հասցեին:

— Իր տեղում, — անլսելի մրմնջում էր Սուրենը:

— Այո, Սուրեն, շկա բարձր ու ցածր գործ, ամեն գործ բարձր է դառնում, երբ մարդ այն կատարում է ազնվորեն, երբ դու լավ ես կովում, գրանով դու ոչ միայն ինձ ես հատուցում, այլև հատուցում ես քո պարտքն ավելի մեծ միասշտաբով, հատուցում ես քո պարտքը հայրե-

նիքիդ հանդեպ, որը քեզ սնել է, մեծացրել է, կյանք ու հոգի է տվել:

Կոլոսովի աչքերն առանձին փայլ ստացան. նա մի պահ նայեց լուսամուտից դուրս, դեպի ընդարձակ հորիզոնը, դեպի հայրենի դաշտերը, իսկ լուսամուտից այնպիսի հրապույրով էր զգացվում ամառնավերջի բուրմունքը:

Սուրենը կարծես հանգստացավ Կոլոսովի խոսքերից: Նա աշխուժացավ և պահանջ զգաց ավելի մանրամասն պատմելու այն բոլորը ինչ անցավ իր գլխով՝ վիրավորվելուց հետո: Եվ նա հանգամանորեն պատմեց մահամերձ Սմիրնովի հետ իր վերջին հանդիպումը, անտառի դեպքը: Նաստյայի, ապա նաև Միշայի մասին:

— Այո,— լսելով Սմիրնովի ընտանիքի յղբերգական պատմությունը քրթմնջաց Կոլոսովը, տրորեց ճակատը, ապա երկար լուսթյունից հետո հարցրեց,— իսկ ո՞ւր է այդ Միշան:

— Քույրերի մոտ. կուղե՞ք, բերեմ տեսք,— շտապով վրա բերեց Սուրենը:

— Հետաքրքիր է տեսնել նրան,— ասաց Կոլոսովը: Սուրենը դուրս գնաց և մի քանի բոպե լանց վերադարձավ Միշայի ձեռքից բռնած:

— Այ, ապրե՛ս... հրաշալի երեխա է,— ասաց զվարթացած Կոլոսովը և շոյեց երեխայի այտերը, ապա դարակից հանեց մի խնձոր և տալով երեխային դարձա՛վ Սուրենին:

— Հորը նման է:

Միշային քույրերը լողացրել, մաքրել էին. մեկը նվիրել էր մի նախշած վերնաշապիկ. երեխան բոլորովին առողջ տեսք էր ստացել:

— Այո,— հաստատեց Սուրենը,— հորը նման է և դիտեք, Ալեքսանդր Միխայլովիչ, սիրտս մղկտում է, երբ երեխան ինձ պսպա է ասում: Եվ դա ստիպում է ինձ...

— Ասա՛, ասա՛:

— Մխալ եմ ասում, ոչ թե ստիպում, այլ ես հենց առաջին բողոքից տեսնելով երեխային, որոշեցի որդեգրել:

— Որդեգրե՞լ,— բացականչեց Կոլոսովը:

— Այո, միայն թե պայմաններս... այ եթե... և շրայրեց խոսքը:

— Եթե, ինչ,— շտապ հարցրեց Կոլոսովը:

— Եթե,— կմկմաց Սուրենը և ճիգ գործադրելով ասաց,— եթե Վերան համաձայնի:

Թվաց, թե սրտից մի ծանրութուն վայր ընկավ. նա ուզում էր անպայման խոսք բաց անել այդ աղջկա մասին և ահա վերջապես առիթը եկավ:

— Իսկ ո՞վ է այդ Վերան,— հետաքրքրված հարցրեց Կոլոսովը:

Սուրենն զգաց, որ այլևս նահանջել չի կարելի, պետք էր խոսել սրտաբաց, ուստի և ի պատասխան Կոլոսովի հետաքրքրության ասաց:

— Այդ Վերան մի ուսանողուհի է, որին ծանոթացա՛ն. քաղաքի հիվանդանոցում, ուր բուժվում էի: Նա բավական խնամեց ինձ:

— Ուրեմն բավական լավ ժամանակ ես անցկացրել հիվանդանոցում:

Սուրենը կարմրեց. նա գողունի նայեց Կոլոսովին և տեսավ, որ նա բարեհոգի ժպտում է: Սակայն Կոլոսովը նկատելով, որ Սուրենն այլևս չի խոսում, ինքն սկսեց.

— Հիմա ի՞նչ է միտքդ. ուզում ես Միշային որդեգրե՞լ. լա՛վ. ուզում ես, որ Վերա՞ն էլ մասնակից լինի դրան. այդ նշանակում է, որ ցանկանում ես, ավելի հիմնավոր կապեր ստեղծել Վերայի հետ. այո՞, պարզ ասա. աղջիկը, քեզ, ըստ երևույթին շատ է դուր եկել:

— Չեմ ծածկում, Ալեքսանդր Միխայլովիչ, այո՞, ես նրան սիրում եմ:

— Գիտես ինչ,— ասաց Կոլոսովը շոյելով իր կողքը նստած Միշայի գլուխը,— կյանքը իրենը պահանջում է. սիրելու իրավունքը բոլորին է տրված. դա բնության մեծ

պարզին է մարդուն: Այ, ասում ես սիրում ես այդ Վերային: Ես ճանաչում եմ ուս աղջկան, եթե նա սիրեց, ապա պինդ կսիրի... Աննա Կարենինյան դա մենակ ումանի հերոսուհի չէ, Ակսինյան դա միայն Շոլոխովի երևակայության արդյունքը չէ. կյանքում այդպիսիներին հաճախ կարելի է հանդիպել: Իսկ եթե սեր չէ, այլ ժամանակավոր հրապուրանք, բոպեական հափշտակություն, ապա բան չի դուրս գա: Իմանալով քո բնավորությունը, չէի ցանկանա, որ հիասթափվեիր:

— Ինձ թվում է, — ասաց լամոթխածությամբ Սուրենը, — որ Վերան լուրջ է մոտենում սիրո հարցերին:

— Այ, հենց այդ կուզեի, որ դու ասեիր... գրիր, գրիր նրան, այդ քո Վերային մանրամասն գրիր, պարզորեն խոսիր ամեն ինչի մասին: Եվ լավ ես մտածել. այդ Ն. քաղաքն այնքան էլ հեռու չէ այստեղից. Վերան նույնիսկ կարող է գալ այստեղ և վերցնել երեխային:

— Ի՞նչ եք ասում, Ալեքսանդր Միխայլովիչ, — ուրախությամբ տեղից բարձրացավ Սուրենը:

— Անհնարին բքան չկա:

Հետո Կոլոսովը նկատելով, որ Միշան արդեն խնձորը կերել-վերջացրել է, թաշկինակով սրբեց նրա ձեռքերը ու այս անգամ նրան կոնֆետ տվեց. մինչ Միշան ձեռքում շուտ ու մուռ էր տալիս կոնֆետը և կարծես ափսոսում էր ուտել, Կոլոսովը դարձավ Սուրենին:

— Նայում եմ այս փոքրիկին ու վերհիշում եմ մի դեպք. վերհիշում եմ, թե ինչպես փրկեցի այսպիսի մի երեխայի կյանքը:

— Ո՞րտեղ, ինչպե՞ս, — հարցրեց Սուրենը:

— Բավական հին պատմություն է. այդ պատահեց այսպես, — սկսեց Կոլոսովը, — 1918 թվականի հունվարին ես տաճկական ռազմաճակատից վերադառնում էի տուն: Սառնամանիք էր. Հայաստանի մի լեռնանցքով անցնելիս բուք բարձրացավ. և ձմռան այդ դաժան պահին բազմաթիվ հալ գաղթականներ շտապում էին որևէ տեղ օթևան գտնել:

Ճանապարհին ամեն քայլափոխում հանդիպում էինք քաղցից թուլացած և ցրտից սառած կանանց ու երեխաների դիակներին: Ծանր էր տեսնել այդ մղձավանջային պատկերը. բութը սաստկանում էր, մենք, զինվորներս անգամ դժվարությամբ էինք ճամբա բացում մեզ համար: Եվ ահա՛, մի ձորում, այժմյան Լենինականի մոտերքը հանդիպեցի մի հայ կնոջ. այ, մեր Միշայի պես փոքրիկ մի երեխա գրկին:

Միշան, որ սովորել էր լուռ լսել մեծահասակների խոսակցությունը, լսելով «Միշա» և «փոքրիկ» բառերը, մի անհանգիստ շարժումն արավ և այտերն ուռցնելով միշամըտեց.

— Չէ, ես փոքր չեմ... մաման ասում էր, Միշա, դու մեծ ես... դու լաց չպիտի լինես:

Կոլոսովը ընդհատեց իր պատմությունը և սրտնեղած Միշային հանգստացնելու համար ասաց.

— Ա՛յ, իհարկե, Միշա, դու մեծ ես և այդ փոքրը ուրիշ Միշա է:

— Ուրիշ Միշա՞, իսկ ո՞ւր է նա:

— Միշա, մի խանգարի,— անհանգստացած խոսեց Սուրենը, որովհետև նրան անչափ հետաքրքրել էր Կոլոսովի պատմությունը:

Չնայած Կոլոսովին դուր չեկավ Սուրենի հանդիմանությունը երեխային, բայց ըմբռնելով Սուրենի հոգեվիճակը, նորից շոյեց Միշայի գլուխը և շարունակեց.

— Այո, հանդիպեցի հայ կնոջը. նա երեխային գրկած ցանկանում էր նրան պաշտպանել սաստկացող բութից, բայց երևում էր, որ արդեն ինքն էլ է կորցնում ուժերը:

— Ասում եք այժմյան Լենինականի մոտերքը,— հարցրեց Սուրենը և սկսեց արագ-արագ տրորել ճակատը, կարծես ցանկանալով կենդանացնել գլխում դաջված հիշողությունները:

— Այո, ես մոտեցա նրանց. և՛ մայրը, և՛ երեխան ցրտից կապտել, դալկացել էին. երևում էր, որ երկար ժամանակ նրանք բան չէին կերել:

— Հետո, հետո, — շտապեցնում էր Սուրենը:

— Հետո ինչ. դրու՞թյունն ինքը թելագրում էր, թե ինչ պետք էր անել. նախ մի-մի կտոր հաց տվի մորն ու տղային. կերան. ես գրկեցի երեխային, մայրն էլ կախ ընկավ միջկասիցս ու այդպես, կնոջն էլ հետս, համարյա քաշ տալով բերի հասցրի Ալեքսանդրապոլ. ամերիկացիներն այն ժամանակ այնտեղ որբանոց ունեին, հանձնեցի նրանց խնամքին և...

— Եվ... երազկոտ բացականչեց Սուրենը:

— Եվ ինչ... Սուրեն, դու ինչ որ տարօրինակ ես այսօր, — ասաց Կոլոսովը նկատելով Սուրենի արտակարգ հուզումը, և մի պահ Սուրենին ուշադիր դիտելուց հետո, ավելացրեց, — և կարծեմ գիմնաստյորկաս տվի մորը, որ երեխային մի բան սարքի, հագցնի:

— Ախր, ընկեր... Կոլոսով, — տեղից վեր թռավ Սուրենը, — մայրս ինձ ճիշտ այդպիսի մի պատմություն է պատմել. ես էլ այդ ձևով եմ փրկված... և ապա մի պահ սուզվելով մտքերի մեջ, ինքնաբերաբար բացականչեց. — հա՛յր...

— Հանգստացի՛ր, Սուրեն, երբ երկու ժողովրդի զավակները դառնում են զենքի բարեկամներ, հնարավոր են այդպիսի բաներ... իսկ ինչ վերաբերում է հորը... հա՛յր ես ասում ինձ. լա՛վ, բայց դու քո՛ հոր որդին ես. ես այն ժամանակ, ոուս-թուրքական պատերազմում, շատ զինակից հայեր ունեի, որոնք ազնիվ կերպով կոչվում էին և երբ պատահում էր, որ թշնամու գնդակը մահացու հարվածում էր նրանց... հիշում եմ, մի երկուսն իմ ձեռքերի վրա մեռան...

— Այո, արցունքակալած աչքերով խոսեց Սուրենը, — հայրս իբրև այդպիսին էլ հայտնի էր իր շրջապատում, մայրըս էր պատմում... նա զոհվել էր իբրև հայրենիքի ազատության զինվոր:

— Ուրեմն քո պարտքն է վառ պահել քո հոր հիշատակը: Ես շատ ուրախ եմ, որ դու այս նոր շրջապատում քեզ

զգում ես այնպես, ինչպես թե հարազատ միջավայրում. իմ ցանկութիւնն է, որ դու հպարտ ճակատով տուն վերագանաս... դե, շատ խոսեցինք: Միշտային լավ տիրութիւն արա. այդ Վերային էլ գրիր, գրիր:

Սուրենը չէր ուզում տեղից բարձրանալ. նա լուռ էր ու նայում էր Կոլոսովին. վերջում միայն նա համարձակութիւն ստացավ և բարձրանալով տեղից փաթաթվեց Կոլոսովի վզով: Նրանք համբուրվեցին և կարծես դրանով նվիրագործեցին իրենց բարեկամութիւնը:

Վ.ՈՒՆ ՏՍՍՆՁՈՐՍԵՐՈՐՆ

Սուրենը, երբ դուրս եկավ Կոլոսովի մոտից, դեռ երկար ժամանակ չէր կարողանում հաշիվ տալ իրեն այն բոլորի մասին, ինչի մասին, որ ինքը խոսեց նրա հետ: Եվ այն նոր հանգամանքը, Կոլոսովի կենսագրութեան այդ նոր գիծը, որ նա հայ ժողովրդի կյանքի այն դաժան օրերին փրկել է մի երեխա, այնպիսի անպատմելի հրճվանքով էր լցնում Սուրենի հոգին, որ նա բոլորովին մոռանում էր թեի ցավը: Եվ զգում էր, որ ինքն ավելի ու ավելի է կապվում ու ձգտում Վերային, իրեն ավելի հարազատ է դառնում փոքրիկ Միշան, ինքն ավելի է կարոտում մորը, և կարծես թե աշխարհում ավելի բարձր զգացում չկար, քան ապրելն ու գործելը այդ էակներին համար:

Եվ նա շապասեղով Վերայի պատասխանին, չհաղթահարելով հարավցու իր անհամբերութիւնը՝ նրան նոր նամակ գրեց. երկար ժամանակ նա գրում ու ջնջում էր, ուզում էր մանրամասն գրել իր խոսակցութիւնը Կոլոսովի հետ, բայց վերջը որոշեց թողնել բոլոր կողմնակի բաները և գրել հիմնական խնդրի մասին. գրածն այսպես ստացվեց.

«Թանկագինս, իմ չքնաղ Վերա:

Անցյալ նամակով քեզ բավական գրեցի Միշայի մասին: Խնդիրն ինձ համար պարզ է. ես նրան որ-

դեղրել եմ: Իմ հայրենիքում սովորութիւնն էր, որ երբ երկու սիրող սրտեր ուզում են միանալ, մեկը նրանց համար միջնորդ է հանդիսանում և գնում հարազատներից աղջկա ձեռքը խնդրում է տղայի համար: Ես քեզ սիրում եմ. ես շուտով նորից մեկնելու եմ ուղամաճակատ. ես կուզեի, որ մեր մեջ միջնորդ հանդիսանար այս երեխան, Միշան. թող այդպես լինի, դեռ շամուսնացած թող ունենանք մի որդի: Ներիր, որ այսքան պարզ եմ դնում խնդիրները. եթե համաձայն չես ինձ հետ հանդիպել, իբրև քո ապագա ամուսնու, ապա, հանուն մեր բարեկամութեան, խնդրում եմ գաս վերցնես Միշային և հարմար պահին ուղարկես Հայաստան իմ մոր մոտ. նա կխնամի նրան, մինչև տեսնենք, թե ճակատագիրն ինձ ինչպես դուրս կբերի այս պատերազմից: Անհամբեր սպասում ենք քեզ, սպասում ենք ես և Միշան»:

Գրածը մի քանի անգամ կարդաց և ինքն իրեն կրկնեց.

— «Լավ է, լավ, սրանից պարզ չէր կարելի գրել», ուտի և ավելացնելով մի քանի սիրագեղ խոսքեր, ստորագրեց նամակը և հանձնեց պոստին:

Այնուհետև նա մի քանի անհանգիստ օր անցկացրեց, մինչև վերայից ստացաւ իր առաջին նամակի պատասխանը: Վերան գրում էր.

«Թանկագին Սուրեն.

Քո զնալուց հետո առաջին մխիթարութիւնս էր քեզնից նամակ ստանալը. ստացա և պատասխանեցի: Ես քեզ գրեցի, որ զգում եմ քո բացակայութիւնը, որ կսպասեմ քեզ: Եվ իմ խոսքերը դարձան ինձ համար կապանք, ես կասեի թանկագին կապանք: Մինչ այդ ես լազատ էի, կարող էի ամենքին գրել, բայց այդպէս գրել—առաջին անգամ քեզ էի գրում: Սուրեն, երբ հիվանդանոց գնալիս այլևս քեզ չէի տեսնում, մի պահ թվում էր, թե կորավ ամեն հետաքրքրութիւն և կյանքը ձանձրալի է դառնում:

Ինչի՞ եմ պետք, մտածում էի ինքս ինձ, երբ իմ մտերիմ մարդուն շեմ կարող օգտակար լինել: Աշխատում էի իբրև պարտականութուն՝ առանց նախկին հաճույքի: Ի՞նչ զարմանալի բան է մարդը, երբ մի շաբաթ հետո մեր ինստիտուտում ինձ հայտնեցին, թե ես արժանացել եմ գովապահքի նախ լավ ուսանելու, ապա հիվանդանոցում վիրավորներին լավ խնամելու համար, կարծես, թե ես վերստին գտա ինքս ինձ: Նորից եռանդով սկսեցի այցելել նույն հիվանդանոցը, ծաղիկներ էի տանում, խնամում էի նոր վիրավորներին, նրանց համար նվամակներ էի գրում և ամենքից հարցնում էի քո մասին. դժբախտաբար ոչ ոք քեզ ծանոթ դուրս չեկավ:

Եվ ահա ստացա նոր նամակդ: Սմիրնովը, Նատյան... Անհնար է ինձ պատկերացնել, որ այլևս Սմիրնովը չի շնչում: Գրում ես, թե Միշան, նրանց միակ փրկված ժառանգը, քեզ մոտ է և դու քեզ հա՞յր ես համարում: Անկեղծ ասած, ես մայր դառնալու զգացումով շեմ ապրել: Բայց այդ Միշան, այժմ այնպես հարազատ է թվում ինձ և ես այնպես կուզեմ, որ դու լայդ քո Կոլոսովի և քո... երեխայի հետ ինձ մոտ լինես, որ մեկ-մեկ գիշերները վեր եմ թռչում տեղից և թվում է, թե ահա դուռը ծեծում են և դուք, ուր որ է պետք է ներս մտնեք: Մտածիր, սիրելիս, թե ինչ միջոցով Միշային կարող ես ինձ մոտ ուղարկել, և հավատացած եղիր, որ ես նրան կխնամեմ այնպես, որ քեզ հաճելի կլինի:

Էլ ինչ գրեմ, Սուրեն, ուզում եմ քո բոլոր ցանկությունները կատարված լինեն: Այսօր տատս եկավ եկեղեցուց և ասաց, որ աղոթել եմ քո Սուրենի համար. ես արտասովեցի ու համբուրեցի նրա ձեռքտատս նույնպես համբուրեց ինձ և ժպտալով ասաց. Վերա, դու չար աղջիկ էիր, բայց ինչ ծանոթացել ես լայդ Սուրենին, հաճելի աղջիկ ես դարձել: Զգիտեմ,

Կեղծավորութիւնն է անում, թե իրոք այդպես է:
Համբուրում եմ՝ քո Վերա»:

Կարգալուց հետո, Սուրենը, մահճակալում, մեջքին պառկած, միակ աչքերով մտածում էր. նա կարծես փոխադրվել էր մի նոր աշխարհ, այնքան հաճելի զգացումներ էր առաջացրել նրա մեջ Վերայի նամակը: Նա կցանկանար, որ Վերան երկրորդ նամակն ստացած շլիններ, որովհետև նա լիովին հասկացել էր իրեն հենց իր թուաջին նամակի ակնարկներից և այդ հանգամանքը Վերային ավելի սիրելի էր դարձնում նրան:

Նա նստեց անկողնում: Վիրավորները պատրաստվում էին դնալ ճաշելու, իսկ մի երկուսին ճաշը բերում էին սենյակ: Սուրենը պահանջ էր զգում մեկն ու մեկի հետ բացատրվել Վերայի նամակից ստացած տպավորությունների մասին: Եվ միակ մարդը, որի հետ նա կարող էր խոսել, Կոլոսովն էր: Սուրենը շտապով ճաշեց և առանց որևէ մեկից թուլտվութիւն խնդրելու զողունի գնաց Կոլոսովի մոտ: Կոլոսովի տրամադրութիւնը բարձր էր. թվում էր, թե նա կազդուրվում է և դեմքը շուններ նախորդ օրվա դալկութիւնը: Սուրենը բավական լուռ նստեց իր հրամանատարի կողքին, հետո երբ երկու խոսքով պատմեց Վերայից ստացած նամակի մասին, Կոլոսովը հանդարտ նայեց Սուրենի աչքերի խորքը և ասաց.

— Այո, Սուրեն, հիմա ես էլ եմ համոզվում, որ Վերան լուրջ է մոտենում սիրո հարցերին,— հաստատեց նա Սուրենի նախորդ օրն ասած խոսքերը:

— Իմ հայր... կարողացավ բացականչել միայն Սուրենը:

— Բարեմաղթում եմ հաջողութիւն,— ասաց Կոլոսովը, հասկանալով, որ Սուրենն իր բացականչութեամբ ձգտում է և՛ իր Վերային, և՛ անսահման գոհ է, որ ունի Կոլոսովի նման մտերիմ մարդ:

— Ես էլ քեզ նորութիւն ունեմ հաղորդելու,— քիչ հետո ասաց Կոլոսովը,— և բարձի տակից հանելով մեքենա-

գրած մի Վերթիկ ավելացրեց,— նոր բերին ինձ, Սովին-
Փորմբյուրոյի հաղորդագրութիւնն է:

— Հապա, հապա,— բացականչեց Սուրենը:

Կոլոսովը կարդաց.— «Արեւմտյան և Կալիֆորնի ռազ-
մաճակատներում մեր զորքերն անցան հարձակման և ճեղ-
քեցին հակառակորդի պաշտպանութիւնը: Գերմանական զոր-
քերը հետ են շարտված 40—50 կիլոմետր»:

— Այլևս այստեղ, հիվանդանոցում մարդ չի կարող
հանգիստ պանկել,— խոսեց Կոլոսովն աշխուժությամբ ու
առանձին հաճույքով ավելացրեց,— մեր ռազմաճակատն էլ
հետ չի մնում. տե՛ս, և թերթիկը տվեց Սուրենին:

Սուրենը, մի քանի անգամ վերից վար զննեց թերթիկը,
իսկ Կոլոսովը վրա բերեց.

— Բայց դրութիւնը դեռ ծանր է. Ստալինգրադում և
Կովկասում նրանք դեռ առաջանում են. այ, վաղն սկսվում
է սեպտեմբերը և այդ ռազմաճակատներում բեկում չի նըշ-
մարվում:

— Բայց կլինի չէ՞, Ալեքսանդր Միխայլովիչ, յայդ ռազ-
մաճակատներումն էլ բեկում կլինի,— խոսեց Սուրենը:

— Գերմանացոց ուժերն անսպառ չեն,— ասաց Կոլո-
սովը և քիչ խորհելուց հետո շարունակեց,— երբ այնտեղ,
գործի մեջ ես, ավելի հեշտ ես գլխի ընկնում, թե ինչպես
կընթանա գործը. դե, Սուրեն,— ժպտով ավելացրեց Կոլո-
սովը,— այժմ քեզ մարտական խնդիր եմ տալիս՝ շո՛ւտ ա-
ռողջանալ. այն ժամանակ երբ զենքը նորից ձեռքդ կառ-
նես, ինքդ էլ լավ կիմանաս, թե երբ ու որտեղ է սկսվում
բեկումը:

— Այո, անպայման,— անորոշությամբ ասաց Սուրե-
նը, բայց սրտանց կուզեր, որ այդ պահին խոսքը նորից
դառնար իրեն հուզող հարցերի մասին:

Կոլոսովը երկար նայեց Սուրենին ու մեղմ տոնով ա-
սաց.

— Սուրեն կյանքը գուցե մեզ էլի հեռացնի միմյանցից.
դա իրա, կյանքի օրենքն է, ոչինչ չես անի: Ես այժմ ուրախ

եմ, որ դու քո սրտի նվիրական գաղտնիքների մասին ինձ հետ ես խոսում. դիտես, այդ լսելով, ես էլ եմ մի տեսակ ջահելանում. չնայած սատանան տանի, ես այնքան էլ ծեբ չեմ. բայց մեր սերնդի կյանքը... լավ այդ մասին չխոսենք. այդպես, Վերան քեզ մխիթարել է. դե, իհարկե արժե կռվել այդպիսի աղջիկների համար, արժե, արժե:

— Այո, այո, — միայն կարողանում էր ասել Սուրենը: Եվ Սուրենը շփտեր ինչու և ծիծաղում էր, և միաժամանակ կարծես ուզում էր լալ, ճիշտ այն երեխայի նման, որ ինչ որ մի բանից ցավ է զգում, և ինչ որ մի հաճելի բան նրա ցավը մեղմացնում է և հարկադրում է ժպտալ:

Չորս օր անց Սուրենը հեռագիր ստացավ Վերայից. նա հաղորդում էր, որ գալիս է երեխային վերցնելու:

Սուրենն այլևս չէր կարողանում պառկած մնալ. անընդհատ վեր էր կենում տեղից, դնում միջանցքը, պատշգամբը, բակը, այնպես, որ նույնիսկ արժանանում էր նկատողության, բայց ոչինչ չէր հանգստացնում նրան: Ե՞րբ պետք էր գար այդ ըղձալի բոպեն. ևս մի երկու օր և ինքը նորից պիտի տեսներ իր Վերային. ի՞նչ անմեկնելի երջանկություն էր դա իր համար այդ հեռավորության մեջ:

Մյուս օրը նա մի նամակ գրեց մորը, հաղորդեց իր գլխովն անցածը և մանրամասն գրեց Միշայի և Վերայի մասին. կարծում էր, որ ժամանակն է արդեն, որ մայրն ամեն ինչ իմանա:

Երեկոյան նա բժշկից տեղեկացավ, որ մեկ շաբաթից հետո, ինքը նորից կարող էր վերադառնալ ուղղամաճակատ: Այդպես ուրեմն, հաշված օրեր էին մնում. վաղը Վերան տեղ պիտի հասներ, ինքը ևս հինգ-վեց օր պիտի մնար և այնուհետև նորից այնտեղ, նորից կրակի ու արհավիրքների մեջ, սակայն այս անգամ ավելի մեծ պարտականություններով. և ինչքան ավելանում էր նրա սրտին մոտիկ մարդկանց թիվը, այնքան նրան թվում էր, որ ինքն ավելի եռանդով կկարողանա գործել:

Նա Միշայի ձեռքից բռնած դնաց հիվանդանոցի դիմացի պարտեզը. նստեց մի նստարանի վրա: Ամառն իր տեղը զիջում էր վաղահաս աշնանը. ծառերն այլևս չունեին նախկին թարմությունը, սակայն հովը մեղմ էր և հաճելի բուրմունքով շոյում էր նրա դեմքը: Միշան վազվզում էր շորացած խոտերի վրա, ընկնում, բարձրանում, և անընդհատ դիմելով Սուրենին մերթ տերևներն էր ցույց տալիս, մերթ ծառերը, մելք՝ կոճղերը և հարցնում. «Այս ի՞նչ է, այս ի՞նչ է»:

Սուրենը թեև պատասխանում էր նրան, բայց միտքը սավառնում էր հեռու, դեպի հայրենի տունը, դեպի մայրը, դեպի Վերան, որն այժմ գնացքում նստած, ո՞վ գիտե ինչ խոհերով էր տարված և արդյոք ի՞նչ էր մտածում իր մասին:

Նա չգիտեր, թե ինչքան մնաց այդտեղ, երբ Միշան ևս խաղալուց հոգնելով բարձրացավ ու նստեց իր ծնկներին: Սուրենը նրա գլուխը դրեց իր կրծքին և, հայացքը հառած ծառերի արանքից երևացող կապուտակ երկնքին, կիսախուփ աչքերով անձնատուր եղավ իր ապրումներին... ինչքա՞ն բան ենք մեք կորցնում պատերազմում,— մտածում էր նա,— բայց և ինչքան նոր բան է ստեղծվում մեզ համար: Նրան թվում էր, թե երկրորդ անգամ մասնակցելով կռվին, շատ բան արդեն կատարել էր իր պարտքից: Բայց այժմ տեսնում էր, որ կյանքը նոր ու նոր պարտականություններ էր դնում իր վրա: Այժմ, այո՛, արժեր ապրել ու կռվել և՛ այդ Կոլոսովի հետ ստեղծած բարեկամության համար, չէ՞ որ նա տարիներ առաջ մի բարի գործ էր կատարել և այժմ մանկան պես հրճվում էր դրա համար: Արժեր ապրել իր կյանքի վերջին տարիներն ապրող մոր համար, չէ՞ որ նա աչքը ճամբին իրեն էր սպասում: Արժեր ապրել այդ Վերայի համար, ինչքա՞ն էր անհրաժեշտ իրեն նրա մտերմությունը. և չէ՞ որ այդ մտերմությունը պետք էր նաև Միշայի համար, իր սիրեցյալ ընկեր Սմիրնովի որդու համար...

Եվ այն գիտակցությունը, որ այդ ամենի անունը

միատեղ առած, այժմ այլ կերպ շէր կարող անվանել, քան Հայրենիք,— այդ լցնում էր նրա սիրտը հպարտությամբ և նա ներքնապես բավարարվում էր այն զգացումով, որ ինքն այժմ պետք է ապրի ոչ միայն իր անձնականի, այլև այդ ամենի համար:

Սուրենը տարված այս խոհերով մեկ-մեկ էլ խոսում էր յուրովի, իսկ մանկիկը հենված նրան, լսում էր նրա փրսփսոցը: Սուրենը նայեց երեխային և աչքերը լցվեցին. նա իրեն շմատնելու համար նորից նայեց վերև և մեղմիկ, հազիվ լսելի ձայնով երգեց հին մի օրոք, որը նա լսել էր մորից... երգեց մեկ տուն, երկու տուն և երբ քիչ հետո նայեց երեխային, նա արդեն մուշ-մուշ քնել էր՝ հենված իր առողջ թևին:

14 մարտի, 1916 թ.

Մոսկվա—Երևան

ԵՐԳԸ

Փետրվարյան մի առավոտ մենք մտանք Օդեր գետի արևելյան ափին ընկած մի բնակավայր: Ընդամենը երկու ժամ առաջ այդտեղ բավականին տաք կոփվ էր տեղի ունեցել, բայց հակառակորդն զգալով, որ դիմադրելն այլևս միտք չուներ—կոփով նահանջում էր. մի զորամաս հետապնդում էր նահանջողներին, իսկ այն զորամասը, որի հետ և ես մտա բնակավայրը, բավական ժամանակ կոփվների մեջ էր եղել, և այժմ, հրաման էր ստացել այդ օրն հանդատանալ ու կարգի բերել իրեն:

Բնակավայրը, որը կոչվում էր Բրյունեն, մասամբ քանդված էր հրանոթային դուելի հետևանքով: Մի քանի տներ էլ այրվում էին և բոցեղեն լեզուները վեր սլանալով այդ տներից, կարծես մաքառում էին վաղորդյան մշուշի դեմ, որն հետզհետե փարատվում էր:

Հետախուզության տվյալներից գիտեինք, որ Բրյունենում ապրում էին և՛ գերմանացիք, և՛ լեհեր: Առաջին ժամին տեղական բնակիչներից ոչ ոք չերևաց փողոցներում: Թերևս դրա պատճառն այն էր, որ նոր էր լրանում, իսկ մարդիկ, անհանգիստ գիշերից հետո, տակավին չգիտեին, թե ով է քաղաքում դրության տերը:

Սակայն նոր նշանակված պարետը, քսանհինգամյա մի ավագ-լեյտենանտ, բավական եռանդ ու տակտ ցուցաբերեց. այդ երևաց նրանից, որ հետևյալ ժամին արդեն մարդիկ երևացին փողոցներում. ոմանք ելան փողոցների ծորակներից ջուր վերցնելու, ոմանք զբաղվեցին իրենց բաղը կարգավորելով և անասուններին կերակրելով, իսկ մի

շարք տների ծխնելուղներուց սկսեց ծուխ բարձրանալ: Զորամասի զինվորներն ու հրամանատարները տեղավորվեցին զանազան տներում, իսկ մի խումբ զինվորներ և տեղական ազգաբնակիչներուց հիսունի շափ տղամարդիկ ու կանայք գնացին բոցավառվող տների կողմը, որպեսզի թույլ չտան հրդեհը ծավալվի:

Զորամասի շտաբը տեղավորվեց մի երկհարկանի շենքում: Ես, երկօրյա անքնությունից հոգնած, թիկն տվի սեղանին և, այդ պահին, միակ ցանկությունս էր գոնե մեկերկու ժամով քնել:

Զգացի, որ մեկը թեթև դիպավ ուսիս: Դա ամրակազմ մի հայ երիտասարդ սպա էր, որի հետ ծանոթացել էի երկու տարի առաջ, հազար իննը հարյուր քառասուներեք թվականի փետրվարին, Խարկովի շրջանում տեղի ունեցող կոհիվների ժամանակ, երբ մեր մի քանի զորամասերի համար բավական ծանր կացություն ստեղծվեց: Այժմ, երկու տարի անց, նա հասել էր Գերմանիա. նախորդ օրը նա ինձ համառոտ պատմել էր իր անցած մարտական ճանապարհի մասին, և նրա կենսագրությունն ինձ բավական ծանոթ էր:

— Գնա՛նք, — ասաց ինձ երիտասարդ սպան՝ Սուրեն Նահապետյանը, — այսպես էին կոչում նրան:

— Ո՛ւր, — հարցրի ես մեխանիկորեն:

— Գնա՛նք, քանի ժամանակ ունենք, հանգստանանք, մաքրվենք, — ասաց Սուրենը և, թևը գցելով մեջքովս, ուզում էր օգնել ինձ բարձրանալու:

— Թո՛ղ, թո՛ղ, — ասի ես, — ի՞նչ է, կարծում ես այդքան սպառվե՞լ են ուժերս:

— Չէ՛, այդպես չեմ կարծում... բայց դե, ինչքան լիքնի դու գրող մարդ ես... մերն ուրիշ, մենք սովորել ենք անքուն գիշերներ անցկացնել:

Սուրենը ինձ առաջնորդեց այն տունը, ուր մենք պիտի անցկացնեինք այդ օրը: Ներս մտանք մի բնակարան, որը բաղկացած էր երկու սենյակից և մի ընդարձակ խո-

հանոցից, ուր բացի շուգունն լճաբանից, կար նաև մի մեծ ճաշասեղան:

Տանտիրուհին, որը իրան ժողեֆինա անվանեց, կարճ-լիկ, գիրուկ, հիսունն անց մի լեհուհի էր: Նա իր հասակին անհամեմատ աշխուժ շարժումներով, ընդառաջեց մեզ և ցույց տալով սենյակներից մեկն ասաց.

— Պան օֆիցերների համար է. հանգստացե՛ք:

Նա խոսում էր կոտորոված ուռեբենով. անմիջապես հայտնեց, որ աղջիկ ժամանակն ապրել է Վարշավայում, երբ Լեհաստանը դեռ Ռուսաստանի մի մասն էր կազմում և ինքն այն ժամանակվանից գիտե ուռեբեն:

Բացի ինձանից ու Սուրենից այդտեղ եկան նաև շորս այլ սպաներ—երեք ուռս և մեկ ուկրայնացի: Սպաներից մեկը, ամենից ավագը, որին կոչում էին Բասնին, մյուս երեք սպաներին հրահանգներ տվեց, որ նրանք հարկ եղած միջոցները ձեռք առնեն, արպեսզի զինվորները կարողանան հիմնավորապես հանգստանալ, լավ սնվել և ռազմական տեխնիկան կարգի բերել: Սպաները լսելով այս և նման մի քանի այլ հրահանգներ դուրս գնացին:

Սուրենը դարձավ ինձ.

— Այսպես է մեր Բասնինը. հացի չի նստի, մինչև չիմանա, որ իր վերջին զինվորը կշտացել է: Դե, դուք հանգրստացեք, ես էլ կհոգամ մեր սպայական այս խմբի պետքերի մասին:

Ես անմիջապես անցա մեզ հատկացված սենյակն ու շորերս հանելով պառկեցի մահճակալներից մեկի վրա ու քնեցի: Երբ զարթնեցի արդեն ցերեկվա ժամի տասերկուսն էր: Տեղեկացա, որ մյուսներն էլ են հանգստացել. նրանք արդեն սափրվել, լվացվել և «փեսացուներ» էին դարձել, ինչպես ասաց Բասնինը կատակով: Երբ ես էլ սափրվեցի, լվացվեցի, բոլորս հավաքվեցինք խոհանոցի սեղանի շուրջը ու սկսեցինք նախաճաշել:

— Դենի՛ս,— դարձավ Սուրենը մեզ սպասարկող մի կարմիրբանակայինի,— այս նախաճաշը մի կերպ, փորը

խաբելու համար էր, տե՛ս, որ ճաշի համար լավ բաներ բերես, իսկականը, իր բոլոր պարագաներով:

Եվ պատվեր տվեց, թե ինչքան ու ինչ անհրաժեշտ բաներ պիտի բերի տնտեսական մասից:

Ժողեֆինան, որ դբադված էր վառարանում ածուխ ավելացնելով, լսելով Սուրենի խոսքերը ճաշի նախապատրաստության մասին, դարձավ դեպի մեզ և մի քիչ էլ կոկետություն անելով, ասաց.

— Է՛խ, պաներ, ախր չէ՞ որ դուք հյուր եք, ե՛ս եմ պարտավոր ձեզ հյուրասիրել: Բայց այս անիրավ պատերազմը... և առանց խոսքն ավարտելու, բարձրացրեց գոգնոցը ու փեշով սրբեց աչքերը:

— Մենք, — ասաց Սուրենը, դիմելով ժողեֆինային, — մենք ամեն ինչ ունենք մեզ հետ. սովորաբար ճաշում ենք մեր զինվորական խոհանոցից, բայց այսօր, ընկերներով, ուզում ենք մի փոքր տնային պայմաններում ճաշել... ներեցեք, որ ձեզ անհանգստություն պիտի պատճառեմ. ճաշը պիտի պատրաստեք իմ խորհուրդներով, ուզում եմ հայկական ճաշ պատրաստել:

Ժողեֆինան նայեց Սուրենի դեմքին, նրա կենսախինդ աչքերին ու միայն կրկնեց.

— Հայկական ճա՛շ, — ասլա ավելացրեց, — դուք հա՛ջ եք:

— Այո՛. լսե՛լ եք այդպիսի ժողովրդի մասին:

— Լսե՛լ, շատերի մասին եմ լսել, բայց, այ, հիմա տեսնում եմ:

— Դե՛, լավ տեսեք, — ասաց Սուրենը ժպիտով և նըստելով սեղանի մոտ, աթոռին՝ սկսեց մտմտալ, թե ինչպես անի, որ իր ծրագրած հայկական ճաշը զուլխ բերի:

Բերին բանակային թերթի նոր համարները: Ես ու Բասնինը մի-մի համար վերցնելով անցանք սենյակը: Իսկ Սուրենը ինչ որ կարևոր գործով զնաց շտաբ:

Մեկ ժամ անց, մեզ սպասարկող զինվորն, արդեն բերել էր ճաշի համար անհրաժեշտ պարագաները: Սենյակում

ցուրտ էր: Ես ու Բասնինը նորից անցանք խոհանոց տա-
րանալու:

Ես նայեցի դեպի լուսամուտը: Դրսում, մանրիկ փա-
թիլներով, հանդարտորեն ձյուն էր տեղում: Լուսամուտի
մոտ, մեջքը դեպի մեզ, արձանի նման անշարժ, նստած էր
մի աղջիկ:

— Ո՞վ է այս աղջիկը, ե՞րբ եկավ նա, — անմիջապես
հարցրի ես Ժողեֆինային, — և ինչո՞ւ է նա մեջքով դեպի
մեզ դարձել:

— Ա՛խ, — հոգոց հանելով բացականչեց Ժողեֆինան
և կամացուկ ավելացրեց, — դա իմ թոռն է, Գերարուզը,
քիչ առաջ եկավ հարևանի տնից: Այնտեղ զինվորներ են
տեղավորվել:

Այդ պահին Սուրենն էլ վերադարձավ շտաբից. նկա-
տելով աղջկան, նրա տարօրինակ դիրքը, և լսելով մեր խո-
սակցությունը, անհամբեր շեշտով միջամտեց.

— Բայց ինչո՞ւ է նա մեջքը մեզ դարձրել:

Ժողեֆինան բուրբուրով կորցրեց իր աշխուժությունը և
նորից ծանրորեն հոգոց հանելով՝ աննպատակ կերպով
ձեռքն սկսեց տարուբերել սեղանի վրա:

Ինձ մի քիչ առեղծվածային թվացին և Ժողեֆինայի
հոգոցները, և մանավանդ դեռատի աղջկա այդ դիրքը: Իսկ
Սուրենը դարձավ Բասնինին.

— Դու մեզնից առաջ ես եկել այստեղ, չգիտե՞ս ի՞նչ
է պատահել աղջկան:

Բասնինը ոչինչ չգիտեր, առավոտը, երբ նա եկել էր
տեսնելու բնակարանը, միայն Ժողեֆինային էր հանդիպել:
Աղջկա այդ դիրքն ընդհանուր հետաքրքրություն չարժեց:

Ես ու Սուրենը մոտեցանք աղջկան: Մանրիկ ձյունը
շարունակում էր թափվել, դժվար թե նա այդքան տարված
լիներ բուրջան այդ տեսարանով: Ես փորձեցի նայել նրա
դեմքին: Դե՛մքը, հազիվ տասնևմեկ-տասներկու տարեկան
այդ աղջկա դեմքը դալուկ էր, ինչպես մեղրամոմ. միայն նրա
երկար արտևանունքները առանձին գրավչություն էին տա-

չիս նրան. սակայն հոգեկան խորին տազնապով, նա շարունակում էր սառած հայացքով նայել մի կետի: Երբ ես ու Սուրենը մոտեցանք, զգացինք, որ նա դողում է:

— Գերտրո՛ւդ, — կամացուկ ձայնեց Սուրենը:

Աղջիկը մի թույլ շարժումն արավ և նրա դողոցը սաստկացավ:

Ես աչքով նշան արի Սուրենին հեռանալ աղջկանից. Սուրենը դժկամակությամբ գնաց դեպի սեղանը. Ժողեֆինան մոտեցավ ինձ և, կարծես իբրև խոստովանություն, շնչաց.

— Նա ռուսերեն չի հասկանում:

— Բայց ես նրան դեռ ոչինչ չեմ ասել:

— Այո՛, պան... կուզեի ասել, բացի գերմաներենից նա ուրիշ լեզու չգիտի:

— Այ, նրան հենց գերմաներեն լեզվով էլ ասեք, որ մենք ցանկանում ենք, որ նա մեզ հետ Ճաշի այսօր:

Ժողեֆինան, ձեռքը դնելով աղջկա ուսին, իմ խոսքերը, գերմաներենով ասաց նրան:

Սակայն աղջիկն իր դիրքը չփոխեց:

Մկատելով, որ երեխան անհանգստանում է և չի դադարում դողալուց, ես բարվոք համարեցի հեռանալ և Սուրենին ու Բասնինին էլ խորհուրդ տվի շմոտենալ նրան, մինչև պարզեի պատճառը հոգեկան այն ծանր վիճակի, որի մեջ ընկել էր դեռատի աղջիկը:

Ես և Սուրենը մտանք սենյակ. Ժողեֆինային էլ կանչեցինք մեզ մոտ:

— Ասացե՛ք, իրո՞ք այդ աղջիկը ձեր թոռն է:

— Ի՛նչ եք ասում, պա՛ն, իհարկե իմ թոռն է:

Եվ մի քանի խոսքով պատմեց, որ իր դուստրը, Զոսիան ամուսնացել էր գերմանացու հետ. նրա ժառանգը այդ միակ աղջիկն էր: Զոսիան թոքերի բորբոքումից մահացել էր երկու տարի առաջ, իսկ փեսային, Հանսին, 1941 թվականին, բանակ էին կանչել և արդեն մեկ տարի է, որ նրանից լուր չկա:

— Այնպես որ,— ավարտեց իր խոսքը նա,— թոու մոր կողմից լեհուհի է, իսկ հոր կողմից գերմանուհի: Դե, այստեղ էլ խոսակցական լեզուն գերմաներեն է, Գերտրուդը միայն գերմաներեն է խոսում... բայց,— առանձին շեշտով ավելացրեց նա,— թոունիկա դաստիարակված է իբրև կաթոլիկ աղջիկ, և նա կարդում է կաթոլիկների աղոթագիրքը լեհերեն լեզվով:

Եվ նա ցույց տվեց ինձ փոքրիկ աղոթարանը, որ դրված էր տուալետի սեղանին:

— Բայց, եթե աղջիկը չի հասկանում լեհերեն, ի՞նչպես է կարդում:

— Կարգալը սովորել է. մեր կսենձը նրան սովորեցրել է լեհերեն կարդալ: Նա կարդում է, իսկ ես նրան բացատրում եմ սուրբ աղոթքների միտքը:

— Այդ ամենը շատ լավ,— ասի ես,— բայց ի՞նչ է պատահել աղջկան, ինչո՞ւ է նա այդպես դողում:

— Հա, ի՞նչ է պատահել,— միշամտեց Սուրենը, որին ըստ երևույթին այնքան էլ չէր հետաքրքրում աղջկա ծագումը:

Ժողեֆինան նորից հոգոց հանեց և ասաց.

— Վախեցած է:

— Ինչի՞ց, ե՞րբ, ի՞նչ պայմաններում,— իրար ետևից հարցնում էր Սուրենը:

— Երբ հիշում եմ, ես էլ եմ սարսափում, ուր մնաց երեխան,— խոսեց Ժողեֆինան, և կարծես ուզում էր բացվել:

Մենք, մինչև այդ, ոտքի վրա էինք. Սուրենը մի աթոռ տվեց Ժողեֆինային. նա նստեց, զոգնոցով սրբեց ճակատը և երբ մենք էլ նստեցինք նա պատմեց:

— Դեպքը տեղի ունեցավ երեք օր առաջ. հարևաններով իրար մեջ խոսում էինք, որ Ֆաշիստների բանը պրծած է. շուտով Կարմիր Բանակը մեր բնակավայրն էլ կգրավի: Գերմանացիներից շատերը փախչում էին երկրի խորքերը. գերմանական աստիճանավորները մտնում էին տնե տուն և մեզ էլ

համոզում էին փախչել, դե, ո՞ւր փախչես և ինչու փախչել: Աստիճանավորներին դուր չէր դալիս, որ լեհացիները չէին ուզում տեղից շարժվել. բարկանում էին, հայհույում... բայց այդ մասին չէ, որ ուզում եմ պատմել: Մեր հարևան տանը ապրում էին երկու քույրեր՝ Ռոզան ու Կլարան. է՛հ, հիմա էլ աչքիս առաջ են նրանց պատկերները, ջահել, աշխուժ. անհրաժեշտ լինի այս պատերազմը հորինողը, աղջիկները տնետուն էին անցնում, ինչ որ բաներ էին խոսում:

— Իսկ ի՞նչ էին խոսում, չե՞ք հիշում,— հարցրինք ես ու Սուրենը համարյա միաբերան:

— Ասում էին, թե խոսում են Հիտլերի՝ իշխանության մասին, խոսում են պատերազմի մասին:

— Կա՞վ, թե՞ վատ բաներ էին ասում,— միջամտեց Սուրենը:

— Ո՞վ իմանա,— տրորելով դողնոցի փեշը շարունակեց ժողեֆինան,— փոլիտիկայից էին խոսում. իսկ ես, դե, ինչ աղջկանս ամուսնացրի, խոհանոցից բացի, այլ բանի մասին հասկացողություն չունեմ: Ասում էին, թե այնպիսի բաներ են խոսում, որ իշխանություններն սկսել են նրանց վրա վատ աչքով նայել... այ, հիշեցի, ասում էին, որ Ռոզան ու Կլարան անտիֆաշիստներ են:

— Պարզ է,— վրա բերեց Սուրենը:

— Ի՞նչն է պարզ, պան օֆիցեր, բոլորովին էլ պարզ չէ,— կարծես նեղացած Սուրենի միջամտությունից խոսեց ժողեֆինան,— վերջին օրերում թնդանոթների որոտն ալկանջ էր խլացնում. թե այդ խառնակ ժամանակն ինչ եղավ, ինչ դարձավ մեր Բրյուններում, ոչինչ չեմ կարող ասել. միայն այսքանն եմ իմացել, որ երկու օր առաջ, գիշերը, ինչ որ մեկն աղջիկների բնակարանի մոտովն անցնելիս լսել է աղմուկ, ապա ողբալի ձայներ. թե ո՞վ է եղել սենյակում, ինչո՞ւ էին նրանք աղմկում և ինչո՞ւ էր նրանց ձայնը ողբալի, այդ մասին ոչինչ չեմ կարող ասել: Առավոտը, երբ զարթնեցինք, նորից թնդանոթների ձայնն

ախանջ էր խլացնում և շգիտեինք թե ում կհանդիպենք՝ էլի գերմանացիներին, թե ռուսներն արդեն մտել են բնակավայրը. չէ՛, իմացանք, որ դեռ գերմանացիք են. այդ երեկ առավոտ էր, իսկ այսօր արդեն դուք եք... ռուսներ, հայեր...

— Բայց ի՞նչ եղան Ռոզան ու Կլարան, — հարցրեց Սուրենը:

— Ինչ եղա՞ն. հեշտ է հարցնել. այո՛, երեկ առավոտ էր այդ, բայց թվում է թե հիմա, և ամեն բոպե տեսնում եմ այդ տեսարանը, և ամբողջ կյանքումս պիտի տեսնեմ. ո՞հ, թող Աստված թույլ շտա, որ մեկ էլ այդպիսի բան կրկնվի:

Նա լռեց, սրբեց արցունքակալած աչքերը; ապա շարունակեց.

— Ես, երկու այլ կին և կսենձը, ներս մտանք աղջիկների բնակարանը. դուռը ջարդված էր. սենյակում ամեն ինչ տակնուվրա էր արված... երկու քույրերն իրար կողքի ընկած էին մահճակալին. երկուսն էլ մեռած. մեռած տանջանքով: Այդ անմիջապես կարելի էր նկատել: Աղջիկներից մեկը բոլորովին մերկ էր, մյուսը միայն մի շապկով. նրանց մարմինը կապտած էր, ծեծկված. ի՞նչ ասեմ. անհնար է վերապատմել: Երբ ես մի վերմակ վերցրի աղջիկների մերկությունը ծածկելու, հանկարծ լսեցի մի սուր ճիշ. վերմակը ձեռքիցս վայր ընկավ. հետ դարձա, ի՞նչ տեսնեմ, Գերտրուդա անշունչ փռված է հատակին: Երեխան ետևիցս եկել էր. նա հաճախ էր լինում Ռոզայի ու Կլարայի մոտ, և ինչ... մինչ այդ նա դնում էր այնտեղ և քույրերը նրան գուրգուրում էին, նրա համար անուշ երգեր էին երգում... իսկ այժմ, մի՞թե երեխան կարող էր դիմանալ այդպիսի տեսարանի: Ես ու կսենձը աղջկան մեր ձեռքերի վրա տուն հասցրինք, հազիվ հազ ուշքի բերինք... երեկ ամբողջ օրը նա պառկած էր. եկան ընկերուհիները. նա քրթմնջում էր և հարցնում — «ո՞վ արեց, ո՞վ արեց»: Չգիտեմ, որ ընկերուհին ասաց, թե «չար մարդիկ, զինվորի շորերով մարդիկ»: Եվ ահա՛, Գերտրուդա երեկվանից վախե-

նում է զինվորական զգեստով մարդկանցից. այլևս չի տարբերում, թե ով է եկողը: Իսկ երեկ գիշեր նա ամբողջ ժամանակ ինձ պինդ գրկել ու բացականչում էր, — «ի՞նձ էլ, հա՛, տատիկ, ի՞նձ էլ այդպես կանեն»: Այնպես որ այլևս ինչ ասեմ, պաներ, աղջիկը խիստ վախեցած է:

Նա լռեց. մենք էլ լուռ էինք:

Սուրենը ձեռքն առավ երեխայի աղոթագիրքը, թերթեց և երևում էր, որ շատ էր մտահոգված ժողեֆինայի պատմածով:

— Ուրեմն, մեզնի՞ց ևս վախենում է, — կարծես յուրովի խոսեց նա:

Ապա ժողեֆինայն մեզ պատմեց, որ առավոտը, երբ Գերտրուդն իմացել է, որ զինվորականներ պիտի գան իրենց տունը, գնացել է ընկերուհու մոտ: Հիմա այնտեղ էլ զինվորականներ են եկել և աղջիկը կմկմացել է, թե պիտի գնամ տատիկի մոտ:

— Եվ ահա նա եկել է, — ասաց ժողեֆինայն ու գնաց խոհանոց:

Մենք ևս դուրս եկանք սենյակից: Գերտրուդը միևնույն դիրքով նստած էր. դրսում ձյունն արդեն դադարել էր. դիմացից երևում էր բակը, ծածկված ձյունի սպիտակ սալանով:

Սուրենը մի երկու խոսքով Բասնինին հաղորդեց ժողեֆինայի պատմածը. Բասնինը ցավակցականորեն գլուխը տարուրբերեց, ապա դարձավ Սուրենին.

— Ապա երիտասարդ, որքան ինձ հայտնի է՝ դու վարվել դիտես երեխաների հետ, տե՛ս, լավ հիշատակ թողնես այս տանը:

Սուրենը մտածմունքի մեջ էր. նա ոչինչ չպատասխանեց. նա վառարանի վրա շորացնում էր թաշկինակը. ապա մի ասեղ ու թել վերցրեց և սկսավ շխնչի պոկված կոճակներն ամրացնել:

— Պան արմենին, — դիմեց քիչ հետո Սուրենին ժողե-

Ֆինանս,— ջուրն արդեն եռում է. ի՞նչ խորհուրդ կտայիք ճաշի մասին:

— Ի՞նչ ճաշ,— անտարբեր հարցրեց Սուրենը:

— Չէ՞ որ դուք ասիք, որ ձեր խորհրդով պատրաստեմ հայկական ճաշ էիք ուզում:

— Այո՛ Սուրեն,— խոսեց մի ուրիշ սպա, Պետրովը, որը նոր էր ներս մտել,— դու խոստացել ես, հենց որ մի օրով մի տեղ կանգնենք հայկական ճաշ պատրաստել:

Սուրենը նախ նայեց ժողեֆինային, ապա Պետրովին, իր վաղեմի մարտական ընկերոջը և, կարծես նեղացած, վրա բերեց.

— Ո՛չ, ես ավելի կարևոր գործով եմ զբաղված. մահամ ժողեֆինա, լեհական ճաշ պատրաստեցեք:

Ժողեֆինան ժպտաց և կարծես ուրախացած, որ իր խոհանոցային գործերին խառնվող չի լինի, ասաց.

— Իհարկե, ճաշ եփելը կնոջ գործ է...

Սուրենը նայում էր Գերտրուդի կողմը. այդ էր նրա կարևոր գործը: Իսկ ես նայում էի Սուրենին. մարտերում կոշտացած նրա դեմքը, որ նայողի վրա առաջին հերթին թողնում էր խստասիրտ մարդու տպավորություն, այդ պահին կարծես քնքշացել էր. նրա աչքերում նույնիսկ թախիծ կար. ինչի՞ց էր այդ. անցած կյանքի վերհուշից, թե Գերտրուդի ցավալի վիճակից. դուցե և՛ մեկը, և՛ մյուսը:

Մեզնից յուրաքանչյուրն զբաղված էր մի բանով: Ես Միցկևիչի «Հատընտիրն» էի թերթում, որն 1943 թվին լույս էր տեսել Մոսկվայում. Բասնինը և Պետրովը զորամասում տարվելիք քաղաքական աշխատանքի պլանն էին կազմում. Սուրենը դիմեց ինձ.

— Մի երկու տող կարդա այդ Միցկևիչից:

Ես ավարտում էի մի բալլադի ընթերցումը, բարձրաձայն կարդացի վերջին տողերը և թարգմանեցի նրան հայերեն— «սի՛րտ ունեցիր— և սրտից էլ սովորի՛ր»:

— Սիրտ ունեցի՛ր,— բացականչեց Սուրենը,— այ, զարմանալի բան է մարդու ներզգայությունը. հաճախ ան-

կախ նրանից, լեզուն գործում է, թե ոչ, խոսում ես այդ մարդու հետ, թե չէ, սակայն ներքուստ զգում ես, թե ինչ է կատարվում մյուս մարդու ուղեղում. ազնիվ խոսք, ես էլ մտածում էի մարդու սրտի մասին. ասում են, թե սիրտը վատ խորհրդատու է, բայց այդ ասում են այնպիսի մարդիկ, որոնց մեջ խաթարված է մարդկայինը. ես մտածում էի, թե ինչքա՞ն լավ կերթային աշխարհի գործերը, եթե այդ գործերին մասնակցեին նաև ազնիվ մարդկանց, մայրերի, երեխաների սրտերը:

Ես շարունակեցի մտքիս մեջ կարդալ: Քիչ հետո դարձա Սուրենին.

— Հը, ի՞նչ մտածեցիր, սիրտդ ի՞նչ է թելադրում Գերտրուդի մասին:

— Շատ բան եմ մտածել, ոչ մեկն էլ խելքի մոտիկ բան չի:

— Օրինակ:

— Ասում եմ զնամ տնտեսական մասից մի քանի պրլիտկա շոկոլադ բերեմ, երեխա է, քաղցր կսիրի, բայց մեկ էլ մտածում եմ, թե այդ մի՞ճակում, վայ թե չընդունի: Ասում եմ զնամ սան-բուժ դումարտակից Մարուսիային խնդրեմ դա, նա լավ գերմաներեն դիտի, իրա լեզվովը հետը խոսի, գուցե ընտելանա մեզ, բայց մեկ էլ մտածում եմ, բա ես, Սուրեն Նահապետյանս, ինչացո՞ւ եմ, որ ուրիշի օգնությանը դիմեմ:

— Էլ ի՞նչ ես մտածել:

— Է՛հ, էլ չգիտեմ. դեռ վճիռ չեմ կայացրել:

— Սուրեն, հիշում ես ինչ պատմեց ժողեֆինան. նա ասում էր, թե Գերտրուդը գնում էր այդ Ռոզալյի և Կլարայի մոտ և նրանք նրա համար երգեր էին երգում:

Սուրենը մի պահ մտածեց և, կարծես ինչ որ գյուտ աբած, բացականչեց.

— Այ, հոյակապ միտք. եթե ես իմանայի, թե նրանք ինչ երգեր են երգել Գերտրուդի համար, ես այդ երգն էլ կերգեի, բայց, — մի պահ լռելուց հետո շարունակեց, —

չէ՞ որ մենք, հայերս էլ, լավ երգեր ունենք. մենք Կոմիտաս ունենք. — և դառնալով Բասնինին ու Պետրովին ասաց.

— Ես ուզում եմ երգել:

— Դա քո երկրորդ արհեստն է, — ասաց Պետրովը:

— Ձեզ չե՞մ խանգարի:

— Երեխային նվաճելու պլանն ես մշակել, — ասաց Բասնինը՝ հասկանալով թե ինչու է ուզում երգել Սուրենը, — արա՛ ինչ ուզում ես:

Սուրենը կոկորդը մաքրեց, նայեց Գերտրուդի կողմը և, մեղմիկ ձայնով, փոխելով հանրաժանոթ երգի խոսքերը. երգեց.

Խոսի, խոսի բերնիդ մեռնեմ.

Քո սիրունիկ ձենիդ մեռնեմ,

Սիրավոր լորիկ,

Վիրավոր լորիկ,

Լորիկ ջա՛ն:

Դժվար էր երևակայել, թե կռիվներում կոպտացած երիտասարդն է երգում այդ սրտալի երգը. նրա ձայնը թեև անհամաչափ, սակայն դուրալի ելևէջներով տարածվում էր սենյակում և ամենքը լուռ ունկնդրում էին նրան:

Երբ ավարտեց երգելը՝ նայեց ինձ ու գլխով ինչ որ շարժումն արավ, որով ուզում էր ասել, թե արդյոք Գերտրուդը որևէ վերաբերմունք ցույց տվեց, թե չէ:

Բասնինին ու Պետրովին էլ դուր էր եկել Սուրենի երգը. մենք խորհուրդ տվինք, որ մի երգ էլ երգի. Սուրենը երգեց — «Մաճկալ ես, բեզարած ես», և միաժամանակ մեզ հետ միասին դիտում էր Գերտրուդին: Սուրենը, երգելով մյուս քառյակը, սեղմեց իմ ձեռքը. այո՛, Գերտրուդը կարծես կենդանության նշաններ էր ցույց տալիս. նա շարժվեց տեղում, և ահա՛, ահա՛ նա բարձրացրեց այժմ ձեռքը դեպի գլուխը ու մազերը հետ տարավ ականջներից:

Սուրենն ավարտեց երգն ու բացականչեց .

— Լսո՛ւմ է. երբ աղջիկն ականջից կտ է տանում մազերը նշանակում է, ուզում է ասել, թե այնքան էլ անհաճելի չէ երգը:

Եվ այս մտքից ոգևորված նա երգեց ևս մի երգ ու տեղից վեր ելավ, գնաց դեպի Գերտրուդը, աղջիկը, զգալով Սուրենի մոտիկությունը, կիսով չափ դարձավ դեպի մեզ. երևում էր նրա պրոֆիլը, երկայն արտևանունքները թարթում էր, իսկ մատներով տրորում էր շրջազգեստի կոճակը: Սուրենը մի քիչ կռացավ դեպի նա ու մեղմ, համարյա երգեցիկ տոնով հարցրեց.

— Գերտրուդ, դու երգել դիտես, չէ՞:

Ժողեֆինան անմիջապես մոտեցավ ու թարգմանեց Սուրենի ասածը, իր կողմից էլ ինչ որ բաներ ավելացրեց: Սակայն Գերտրուդը ձեռքը թափ տվեց և նորից ընդունեց իր նախկին դիրքը:

Սուրենը ետ եկավ. երևում էր, որ նա անբավական էր գործի ելքից. Ժողեֆինան շոյեց աղջկա գլուխը, էլի ինչ որ բաներ ասեց ու եկավ դեպի վառարանը:

Սուրենը անհանգիստ շարժումներով մի քանի անգամ գնաց եկավ խոհանոցում, ապա ամենքին լսելի ձայնով, բայց չփոխելով իր մեղմ տոնը ասաց.

— Ուրեմն, պատերազմի այս շորս տարիներում իզո՞ւր եմ ես երեք հազար կիլոմետր ճանապարհ անցել. ո՛չ, — պատասխանեց ինքն իրեն, — ո՛չ, նա պիտի Մոսի, Բասնինը լավ է ասում, պետք է լավ հիշատակ թողնել այս տանը: Երեխան վախեցել է զինվորի զգեստով մարդկանց արարքից, բայց մեզնից չպիտի վախենա. այդպես չէ՞, այդպես չէ՞, — դիմում էր նա մեզնից յուրաքանչյուրին առանձին-առանձին, — միայն թե պիտի գտնել նրա սրտի ճամբան. այդ ճամբան արդեն կիլոմետրերով չի կարելի հաշվել:

Այդ պահին Պետրովը, որ դիմնաստյորկայի օձիքն էր

փոխում, լսելով Սուրենի վերջին խոսքերն ասաց բարեհոգի
ժպիտով.

— Դու Սուրեն, ճամբաների վարպետ ես:

Ինչ էր ակնարկում Պետրովը՝ այդ վիթխարի կազմ-
վածքով սպան, դժվար էր ասել. դրա համար պետք էր
լսել նրա պատմութունը Սուրենի հետ անցկացրած համա-
տեղ ուղևորական կյանքի մասին:

Բայց այդ պահին բոլորիս ուշադրությունը գրավեց մի
շխկոց. Ժողեֆինան պահարանից ինչ որ բան էր ուզում
վերցնել, բայց շփոթված կանգնել էր. ապա նա արագ շար-
ժումներով փորձեց ինչ որ բան տեղավորել, բայց, ըստ
երևույթին, չէր հաջողվում, նա յուրովի, մեղ համար ան-
հասկանալի, խոսքեր էր մրմնջում. շխկոցը կրկնվեց. ապա-
կու ջարդոցի ձայն էր. Սուրենը գնաց դեպի Ժողեֆինան,
ցանկանալով օգնել նրան, սակայն նա անիմաստ կրկնում
էր.

— Ո՛չ, ո՛չ, կարիք չկա:

Բայց երբ Սուրենը մոտեցավ, նա հտ դարձավ ու մե-
ղապարտի հայացքով նայելով նրան՝ պահարանից հանեց
ըրջանակի մեջ դրված մի նկար, որի ապակին իր անզգուշ
շարժումից ջարդվել էր:

Սուրենը մի պահ դիտեց նկարը. անպակու փշուրներն
զգուշությամբ հտ տարավ, որ նկարը չքերծվի և հարցա-
կանով ասաց.

— Ինչո՞ւ եք նկարը պահում դարակում. չէ՞ որ նա
պատին պետք է փակցված լինի:

Ժողեֆինան նորից մի հոգոց հանեց և համարյա կի-
սաձայն պատմեց.

— Վերջին օրերում, չորս կողմից, այնպիսի որոտ ու
թնդյուն էր լսվում, որ տան պատերը դղրդում էին. շատ
տների ապակիները փշրվեցին. մեր մի լուսամուտի ապա-
կին էլ է փշրվել... մտածեցի, ասի հանկարծ այս նկարն
էլ վայր ընկնի, փշրվի... Իսկ սա Գերտրուդիս ամենասի-
րելի նկարն է... հիմար միտք էլ անցավ գլխովս, ասի նկա-

րը պահեմ, մինչև ժամանակները խաղաղվեն... դե, հիմա էլ իմ անզգուշությամբ ապակին շարդեցի...

Սուրենը մոտեցավ մեզ, նկարը դրեց սեղանին, ուշադիր զննեց, ապա իր մոտ կանչելով ժողեֆինային՝ ասաց.

— Այս պատկերը, հազար յոթը հարյուր տարի, ծանոթ է մեզ:

— Ա՛խ, ի՛նչ եք ասում. դո՛ւք. այո՛, այո՛, ասիք որ հայ եք, ուրեմն... նա շգիտեր, ինչ ասեր:

Նկարը պատկերացնում էր Մարիամ Աստվածածինը մանուկ Հիսուսի հետ:

Սուրենն ուզում էր ասել, թե քրիստոնեությունը հազար յոթ հարյուր տարի առաջ էր մուտք գործել Հայաստան. հասկացա՞վ այդ բանը ժողեֆինան, թե չէ, հայտնի չէր, բայց Սուրենի խոսքերը նրան շատ դուր եկան. նրա դեմքին փայլեց մի մեղրածոր ժպիտ և նա այնպես էր նայում Գերտրուդին, կարծես ցանկանում էր իր զգացածն հաղորդել նրան:

Իսկ Գերտրուդն, այժմ արդեն համարյա թեքվել էր դեպի մեզ և նայում էր Սուրենին: Սուրենը դրանից բավական ուրախացավ և, անմիջապես, կանչելով մի կարմիրբանակային, նկարն հանեց շրջանակից և, շրջանակը տալով նրան, ասաց.

— Կտանես պարետի մոտ և կիսնդրես, որ մի ապակի սարքել տա այս շրջանակին. խիստ կարևոր է. ա՛յ, Բասնինն էլ մի գրություն կտա:

Երբ ժողեֆինային էլ բացատրեց, թե ինչ կարգադրություն արավ, վերջինս արդեն ավելի աշխուժացավ և եռանդով կպավ ճաշ պատրաստելու գործին:

Մինչ բանակայինի վերադառնալը Սուրենը նստեց սեղանի մոտ և մի թերթ մասերի բաժանելով՝ մի քանի ան-

գամ որոշ ձևով ծալեց, ապա մկրատով ինչ որ շափ ու ձև անելով կտրեց և իրար ետևից մի բանի թղթե աղավնիներ սարքեց:

Քսան ընկերից վերադարձավ կարմիրբանակայինը, բերեց սարքված շրջանակը: Սուրենը, զգուշությամբ նկարը տեղավորեց ապակու ետևը, ապա վերցնելով շրջանակավորված նկարը, մոտեցավ Գերարուդին: Առաջին բանը, որ նկատեց Սուրենը, այն էր, որ աղջիկն ալլես չէր դողում. նա ակնապիշ, ճիշտ այնպիսի հայացքով, ինչպիսի հայացքով քիչ առաջ նայում էր դուրսը, այժմ նայում էր Սուրենին. Սուրենը մի ձեռքում պահելով նկարը, մյուսում բռնեց Գերարուդի ձեռքը. աղջիկը շքնդդիմադրեց.

— Ցույց տուր, ո՞րտեղ էր փակցված նկարը:

Ժողեֆինան պատասխանեց աղջկա փոխարեն. Սուրենը Գերարուդի հետ մտավ սենյակը. Սուրենը, առանձին խնամքով, նկարը փակցրեց աղջկա մահճակալի վերևում, ուր փակցված էր եղել առաջ:

Ապա Գերարուդի ձեռքից բռնած բերեց սեղանի մոտ, աթոռ առաջարկեց նրան. աղջիկը նստեց. Սուրենը իր սարքած աղավնիները ցույց տալով նրան՝ ասաց.

— Այ, ուզո՞ւմ ես քեզ սովորեցնեմ, թե ինչպես են սարքում թղթե աղավնիներ:

Գերարուդը նայեց մեզ բոլորիս, ապա Սուրենին, ապա աղավնիներին ու ժպիտի պես մի բան փայլեց նրա դեմքին:

— Ծիծաղի՛ է՛, հոգուդ մատաղ, ծիծաղի՛. երեխայի ծիծաղի եմ կարոտել,— բացականչեց Սուրենը հայերեն:

Ե՛վ ժողեֆինան, և՛ Բասնինը, և՛ Պետրովը ինձ նայեցին. ցանկանում էին իմանա՛լ, թե ինչ է ասում Սուրենը. ես թարգմանեցի:

— Այդպես էլ սպասում էի,— ասաց Պետրովը,— ոչ մի երեխա չի կարող շքնտելանալ Սուրենին:

Քայց Սուրենը իր դործը դեռ ավարտած չէր համարում. նա թեքվեց դեպի՛ Գերարուդն ու ասաց.

—Մանթանա՛նք. իմ անունը Սուրենն է, հապա ասա՛ Սուրեն, տեսնեմ քո լեզվով ո՞նց է դուրս գալիս Սուրեն:

Ժողեֆինան իր կլորիկ մարմնով գնդակի նման դառնում էր սեղանի շուրջը. մերթ դնում էր դեպի վառարանը, նայում կերակուրներին, և միաժամանակ թարգմանում էր Գերտրուդին ուղղված բոլոր խոսքերը:

Գերտրուդն ի պատասխան Սուրենի ոչինչ չասաց. միայն մեկ էլ ոտից գլուխ չափեց նրան. իսկ Սուրենը շարունակում էր սարքել նոր ու նոր աղավնիներ: Ժողեֆինան մոտեցավ, հենվեց Գերտրուդի աթոռի թիկնակին և հարցրեց Սուրենին.

— Դուք երեխա ունե՞ք:

— Ունեմ,— պատասխանեց Սուրենը:

— Ձեր կինն, անշուշտ, իրեն շատ բախտավոր կզգա:

— Ես դեռ ամուսնացած չեմ:

— Ինչպե՞ս,— զարմացած բացականչեց ժողեֆինան,— ներեցե՛ք, ես մի քիչ չեմ հասկանում ձեզ: Որդի ունեք, բայց դեռ ամուսնացած չեք:

Սուրենը հոգոց հանեց. Պետրովը, որ ուշադիր լսում էր այդ հարց ու փորձը, պատասխանեց ընկերոջ փոխարեն:

— Մաղամ ժողեֆինա, Սուրենը որդեգրել է իր զոհված ընկերոջ Սմիլնովի որդուն. այնպես որ, որդի ունի, իսկ հարսնացուն. դա իմ հայրենակցուհին է. մի լավ աղջիկ. անունն էլ Վերա. այ, Բեռլին էլ հասնենք, հետո արդեն Սուրենի հարսանիքը կանենք:

Ժողեֆինան միայն ժպտում էր ու ժպտով էլ սեղանն էր բացում:

— Դե,— երբ արդեն հացը մանրել էր, ասաց նա,— պան օֆիցերը չկարողացավ հայկականը պատրաստել, Գերտրուդը խանդարեց, այսօր լեհականը կերեք...

Մի բազկաթոռ դրինք մեջտեղը. Առաքելը բռնելով Գերտրուդի ձեռքն ասաց.

— Դու այսօր մեր հյուրն ես. մեր սեղանի մեծը, օբեքը:

— Մե՛ծը... առաջին խոսքն արտասանեց աղջիկը և այս անգամ ծիծաղեց:

Բայց թվում էր, թե նա դեռ լրիվ չէր ըմբռնում, թե ինչ էր կատարվում իր շուրջը. վեր ելավ, մոտեցավ Ժողեֆինային, նրա հետ մտավ այն սենյակը, ուր քիչ առաջ Սուրենը պատին փակեցրեց նրա սիրած նկարը. երբ վերադարձավ՝ նրա դեմքի մոայլը փարատվել էր և այտերն սկսում էին կարմրել. բայց աշխատում էր ոչ մի բանի, մանավանդ մեր իրերին չդիպչել:

Սուրենը, ինչպես նաև մենք բոլորս, նորից նրան առաջարկեցինք մեզ հետ ճաշել, նա ուզում էր նստել անկյունի ափսոսին, բայց Սուրենը նրան հարկադրեց նստել բազկաթոռին. նա միշտ նայում էր տատին, տեսնելով, որ նա էլ ընդունեց մեր առաջարկը և սեղան նստեց, նա գդալը ձեռքն առավ և դանդաղ շարժումներով սկսեց բրնձի սուպն ուտել...

Ճաշը վերջացավ... Սուրենը նորից սկսեց աղավնիներ սարքել: Այս անգամ Գերտրուդն էլ փորձեց սարքել, բայց չստացվեց. սակայն Սուրենին ամենից շատ գրավում էր այն ժպիտը, որ հաճախ շառագունում էր մանկամարդ աղջկա դեմքը: Սուրենն այս անգամ մկրատով մի քիչ այլ ձև տվեց աղավնիներին և ասաց.

— Այ, սա էլ Դաքավ ստացվեց: Լա՛վն է, հավանո՞ւմ ես:

Ժողեֆինան այլևս չէր թարգմանում Սուրենի ասածները, բայց թվում էր, թե Գերտրուդն հասկանում է նրան. այդ երևում էր նրանից, որ նա Սուրենի խոսքերին հավանության նշան էր տալիս գլուխը դրականորեն շարժելով:

— Այ, փոքր ժամանակ ես դպրոցում շատ եմ երգել կաթավի երգը. կուզե՞ս երգեմ:

Գերտրուդը գլուխը նորից դրականորեն շարժեց. Սուրենը երգեց.

Արև բացվեց թուխ ամպերեն,
Կաքավ թռավ կանաչ սարեն,
Կանաչ սարեն՝ սարի ծերեն,
Բարև բերավ ծաղիկներեն:
Սիրունիկ, սիրունիկ,
Սիրունիկ, նախշուն կաքավիկ:

Գերտրուզն ամբողջովին ուշադրություն դարձած լսում էր Սուրենին. նրա աչքերում փայլ երևաց: Նա ևս քթի տակ սկսեց մոլտալ, ապա վերցրեց մի աղավնի, և երբ արդեն Սուրենը դադարել էր երգելուց, մոտեցրեց նրա դեմքին ու այտերն ուռցնելով.

— Պ՛՛՛՛՛՛՛, պո՛՛՛՛՛՛՛, — արավ:

Սուրենը հոգեկան խորին բավականությամբ ձևացրեց, թե վախենում է. այդ դուր եկավ Գերտրուզին և նա կրկնեց իր խաղը:

Ժողեֆինան կանգնած վառարանի մոտ ամաններն էր վլանում և թվում էր, թե աղոթք է մրմնջում:

Պետրովն ու Բասնինը ծիծաղում էին Սուրենի կոմիկ շարժումների վրա, որ անում էր նա ամեն անգամ, երբ Գերտրուզն ավելի ոգևորվելով «պո՛՛՛՛՛՛՛» էր անում: Երբ Սուրենն այս անգամ գլուխն առավ ափերի մեջ, Գերտրուզը թզթե աղավնին խրեց նրա օձիքից ներս ու լիաթոք ծիծաղելով, ծիծաղի միջից ասաց.

— Ո՛՛՛՛՛՛՛, պան օֆիցերը վախենում է թղթե աղավնուց:

Եվ նրա զրնգուն, մանկական ծիծաղով լցվեց շրջապատը:

1915—1916

Կրայցբուրգ—Երևան

ԿՅԱՆՔԻ ԿԱՐՈՏԸ



ԵՌԱՅՈՂ ԿԱԹՍԱՆ

Ս.

Թխպոտ երկնքից բարակ անձրև էր մաղում:

Չորս բեռնակիրներ, գործարանի պահեստից Ֆուրգոն էին փոխադրում առաքվող ապրանքների ծանր հակերը: Անձրևը ցողում էր նրանց դեմքն ու զգեստները փայլուն, թափանցիկ շիթերով: Բեռնակիրներից մեկը, միջահասակ, երեսունն անց մի տղամարդ, որ իր տարիքից ավելի մեծ էր երևում, արդեն տասնվեցերորդ հակն էր փոխադրում. նա հագած էր մի բարակ վերնազգեստ, որը տեղ-տեղ այնքան էր մաշվել, որ ցուցահանում էր զոլավոր շապիկը: Վերջին հակը վար դնելիս, նա խոր փնջնցով մեջքն ուղղեց ու նրա հոգնած կրծքի խորքից բարձրացավ մի տաք գոլորշի, իսկ անձրևի կաթիլներն անընդհատ թափվում էին, խառնվում նրա ծոծրակի, ճակատի ու դեմքի քրտինքին և կայակ-կայակ թափվում լայրժուն սալահատակին: Հոգնությունից շշմել էր և, կարծես, այլևս ցանկություն չունեք դնալ դեպի պահեստը: Ողնաշարը ցավից նվում էր, որից կնճռվում էր նրա դեմքը: Այժմ այդ ցավին ավելանում էր այն սարսուռը, որ բերում էր նրա վրա խոնավ եղանակը: Նա ահամայրոհն ավելի մոտեցավ այն հակերին, որ ինքը դարսել էր Ֆուրգոնի վրա և մի անխնամ փաթաթված հակի բացվացքից աչքին ընկան գույնզգույն մանուֆակտուրայի պայթակղիչ փաթեթները. նա նայեց իր խոնացած զգեստներին, մի վայրկյան նույնիսկ աչքերը փակեց, ինչ որ բան վերհիշելու համար, ու ապա կարոտով ձեռքը քսեց փաթեթներին... և նրան թվաց, թե տաքացավ:

Գանդաղ քաչլերով մոտեցավ գործարանի վերակացուն- նա մի քանի դիտողություններ արավ հարկերը դասավորե- լու մասին, — ապա նկատելով բեռնակիրին, որին Հարութ էին կոչում, ասաց.

— Թամաշի ժամանակ չէ. տեսնում ես հակը քանդվել է, հետ տար, թող կապերն ամրացնեն:

Հարութը, նայեց վերակացուի խոժոռ դեմքին, սթափ- վեց և հապճեպ ուսն առնելով անխնամ փաթաթված հակը տարավ պահեստ, ապա այնտեղից դարձյալ նոր հակեր փոխադրեց:

Մի քանի ժամ հետո նա հոգնած, ջարդված մարմնով դուրս եկավ գործարանից դեպի լայն փողոցը ու մեջքը հե- նելով մի պատի կանգնեց և անիմաստ հայացքով նայում էր մայթով անցնող մարդկանց, որոնք հետ ու առաջ էին դնում, առանց փոքր իսկ ուշադրություն դարձնելու իր վրա: Անձրևն արդեն դադարել էր և ամպերի ճեղքվածքներից դուրս էին թափանցել արևի մի քանի ճառագայթներ, որոնց սրտատրոսի սպասում էր ցրտից կուշ եկած Հարութը:

Նա ղգաստացած նայեց դիմացի մայթը և այնտեղ կծկված տեսավ մի կին՝ երեխան գրկին: Փողոցը բավական լայն էր և Հարութը չէր կարող որոշել, թե ով է դիմացինը. միայն շատ խղճահարվեց, երբ նկատեց, որ կինն ամեն անցնողին ձեռք է պարզում օգնության խնդրելու, իսկ ան- ցորդներից շատերն արհամարհանքով շուռ էին տալիս ի- րենց դեմքը, մանավանդ մի փափկասուն կին, այնպես ար- ագացրեց քաչլերը ողորմություն հայցող կնոջ մոտով անցնելիս, կարծես վախենում էր, թե նա ու երեխան որևէ բանով կարող են արատավորել իր պճնանքը: Հարութը ձեռքը տարավ գրպանները, քրքրեց, բայց ավա՛ղ, նրանք երեկվանից դատարկ էին. նա ոչնչով չէր կարող օգնել: Իսկ այնպե՛ս բուռն էր, մանավանդ, երեխային օգնելու ցան- կությունը: Նա հուզվեց և մտասուզվեց իրեն ասանջող ամե- նաբյա խոհերում: Նրան պատկերացավ իր կյանքի վերջին շրջանը:

Նա լավ է հիշում այն օրը, երբ դեռ լույսը չբացված
ինքն անկողնից ելավ, շտապով հագավ շորերը, կապեց
տրեխի թելերը և մի հայացք գցելով շուրջը, մոտեցավ օ-
րորոցին, ուր մուշ-մուշ քնած էր երեսան: Մանկիկն այդ
պահին նման էր նորաբաց կոկոնի, այնքա՛ն նուրբ ու բո-
սոր էին նրա այտերը, այնքա՛ն խարտյաշ էին գլուխը
պարուրող փափուկ մազերը:

Հարուժի աչքերը բևեռվեցին մանկան դեմքին և նա
երկար ու անթարթ դիտում էր նրան՝ կարծես մանկիկի
դեմքին կպած լինեք այն կախարդական հայելին, ուր նա
կցանկար տեսնել, թե ինչ է սպասում իրեն:

— Չէ՛, վճռված է, — ասեց այն ժամանակ նա յուրովի
ու, կռանալով, մի քանի անգամ համբուրեց երեսային: Ա-
պա հրաժեշտ տվեց կնոջը, որն իրենից շուտ էր զարթնել
ու զբաղված էր տնային գործերով և դուրս ելավ տնից:

Առավոտյան զեփյուռից ծառերի տերևները մեղմորեն
ավլում էին ու թռչունները կշկշալով ծառից ծառ էին թռ-
չում, կարծես պատրաստվում էին դիմավորելու արևի ծա-
գումը, որ արդեն դիմացի սարից իր ճառագայթները դուրս
էր սփռել:

Այդ բոլորը գեղեցիկ էին զարմանալի ու հրաշալի:

Բայց դրանցից և ոչ մեկը չէր գրավում Հարուժին. հա-
յացքն ակամա կանգ էր առնում մերթ թռչունների երամին,
մերթ քամուց երերվող ծառերին. նա այնքան էր խորա-
սուզված իր մտքերում, որ կարծես չէր էլ գիտակցում, թե
ինչ էր կատարվում իր շուրջը:

Նա մտախոհ շարունակեց իր ճամբան մինչև գյուղի
ստորոտի առվակը, ուր լվացվեց պարզ ու զովացուցիչ
ջրով: Հետո մի կարոտալի հայացք գցեց շորս կողմը, նա-
յեց գյուղին, դաշտերին և մի վերջին հուսահատական
շարժումն անելով քայլերն ուղղեց դեպի քաղաք:

Քսան քայլի վրա նորից կանգ առավ, հետ նայեց ու
հայացքով որոնեց իր անշուք տնակը: Արդյոք ի՞նչ պիտի
անի Սաթիկը, ո՞նց պիտի ապրի իր Սուրիկը... ուզեց վե-

բաղանալ, առաջ գցեց մի ոտքը, սակայն երկրորդի վրա — Չէ', վճռված է, — կրկնեց նա ու ետ դարձավ. և այս անգամ, այլևս ետ չնայեց, մինչև քաղաք հասավ: Հարութն առաջին անգամը չէր, որ մտնում էր այդ աղմկու- լից քաղաքը, ուր այժմ նա մերթ-մերթ կանգնում էր փո- ղոցի մեջտեղում ու երկար-երկար նայում հոյակապ տնե- րին, սուրացող տրամվայներին ու կառքերին, որոնցում բազմած մարդիկ անհոգ անցնում էին, հայացքի անգամ չարժանացնելով Հարութին:

Ճնշվում էր Հարութի հոգին. նա չէր կարողանում հաշիվ տալ իրեն իր դրության մասին: Ի՞նչ է ներկայացնում ինքն հիմա, ինչպե՞տ է և ինչի՞ է պետք: Եվ նրա մտքերը կըր- կին ու կրկին սավառնում էին դեպի տուն. — «ա՛խ, երանի մի իմանամ, — ասաց նա հառաչելով, — թե ի՞նչ դրության մեջ է Սուրիկը. արդյոք նա, այդ երկամյա երեխան չի՞ տխրի զգալով հոր բացակայությունը. Սաթիկը ո՞նց պիտի պահի նրան, եթե ինքը շուտով նրանց օգնության չհասնի»: Սուզված մտորումների այս հորձանքում, նա կրկին առաջ շարժվեց ու սկսեց շափշփել քաղաքի լայն ու երկար փո- ղոցները, առանց իմանալու, թե ուր է գնում:

Եվ վերջապես դտնելով մի քանի ծանոթներ, նրանց խորհուրդով դիմեց այդ գործարանն աշխատանքի: Աշխա- տանքի ընդունվելիս նա գործարանատիրոջը պատմեց իր թշվառ կյանքի մասին, պատմեց թե ինչպես իրենց գյու- ղում տառապեց արորի, մաճի ու հողի վրա, որից սակայն մի բարեբեր հասկ չծնավ իր համար, որ վերջում արորն էլ ու մի կտոր հողն էլ հարկադրված էր թողնել պարտա- տիրոջ ձեռքը և քաղաք գալ: Իր կյանքի՝ թշվառությունը նկարագրելով նա ցանկանում էր գուժ գտնել և լավ վիճակի արժանանալ, սակայն նրա ասածները շատ ձանձրությամբ լսեցին և ստուգելով իր առողջությունն ու ուժը նշանակե- ցին ահա՛ այն աշխատանքին, որից նա վաստակած, այժմ նայում էր այդ աղմկոտ փողոցին:

Այսօր վերջանում էր շաբաթը: Նա սպասում էր, որ

Գա աշխատավարձն ստանալու ժամը: Նախորդ շաբաթներին ստացածն ուղարկել էր ընտանիքին, վճարել էր մանր-մունրը պարտքեր և այժմ անձկությամբ սպասում էր այն վայրկյանին, երբ նորից իր ձեռքը պետք է դրամ ունենա, կնոջը՝ Սաթիկին ու որդուն՝ Սուրիկին օգնելու համար:

Օրն արդեն իր վախճանին էր մոտենում, երբ նա գործատան գրասենյակը մտավ, ստացավ իր շաբաթական աշխատավարձը՝ ընդամենը շորս ուրբլի ութսուն կոպեկ: Իրամն ամուր պահած բոլի մեջ, նա փողոց ելավ և սկսավ ինչ որ հաշիվներ անել: Էս մի մանեթը պարտք, էս մի մանեթն իմ էս շաբաթվա ծախսը, էս երկու մանեթ ութսուն կոպեկն էլ Սաթիկին ու Սուրիկին, — մտածեց նա, ապա, կարծես սխալ համարելով հաշիվը, նորից սկսեց, — չէ՛, լավ է դուզ երեք մանեթը Սաթիկին ու Սուրիկին, մի մանեթը պարտք, ութսուն կոպեկն էլ իմ ծախսը:

Այդպես կարծես ավելի լավ էր հաշիվը: Նա ահամա նորից նայեց դիմացի մայթը, ուր դեռ նստած էին աղքատ կիներն ու երեխան. նա նույնիսկ ցանկացավ աչքերը փակել ու անցնել, շտեմնելու համար աղքատ մորն ու երեխային, բայց մի քայլից ավելի չկարողացավ անել:

— Է՛հ, ջհաննամը, — բացականչեց նա յուրովի, — էս շաբաթում ութսուն կոպեկ չեմ ծախսի, յաթանասուն կըծախսեմ, — և տաս կոպեկ անշատելով, մնացած դրամը տեղավորեց գրպանը ու առաջացավ դիմացի մայթը:

Կարծես աղքատ կիներն ու երեխան էլ նրան նկատեցին, քանի որ կիներն ուղղվեց տեղում և սկսավ ուշադրությամբ Հարութին նայել: Հարութը ինչքան մոտենում էր մայթին, այնքան արագ էր բարախում սիրտը: Աղքատ կնոջ դեմքն ավելի պարզորոշ է երևում. ահա՛ նրա խարտյաշ մազերի հյուսկենը, ահա՛ նրա նշաձև աչքերը: Հապա երեխան, ահա նա՛ ձեռքը բարձրացրեց, տարավ դեպի այտը, ժրպտաց մեղմիկ. այդ բոլորը, բոլորը այնքան մոտիկ, այնքան ծանոթ էին Հարութին. այդ ողբալի վիճակին հասած կիներն ու երեխան այնքա՛ն հարազատ էին երևում նրան, որ նա

մի պահ փակեց աչքերը նրանց այդ վիճակում շտեմնելու համար. հենց այդ պահին նրա ափանջին հասավ.

— Հարութ... —

Աղքատ կիներ նրան իր անունով է կոչում.. այո՛, այլևս կասկած չկար: Հարութը բացեց աչքերը: Նրա առջև կանգնած էին իր կիներ՝ Սաթիկը, իր որդուն՝ Սուրիկին գրկած:

Բ.

Հարութը, ծանր ապրումներով տաս կոպեկանոցը տրորեց թուլացած մատների արանքում. դրամը ձեռքից վար ընկավ, բայց նա սիրտ չարավ կռանալ վերցնել: Նա ուզեց համբուրել կնոջը, գգվել երեխային, սակայն ամոթի զգացումից շիկնել էր և չգիտեր ինչ խոսեր: Նա նույնիսկ չէր համարձակվում նայել կնոջ աչքերին, այնքան իրավացի նախատինք էր գուշակում կարգալ այնտեղ:

Վերջ ի վերջո Հարութը հաղթահարեց ամոթի զգացումը և Սուրիկին գիրկն առնելով՝ կնոջն առաջնորդեց դեպի տուն, այն քողտիկը, որ նա ստացել էր գործարանատիրոջ բախում՝ դոնապանի տան կողքին:

Ճամբին, երկար ժամանակ, նա սիրտ չէր անում որևէ բան հարցնել կնոջից, և ի՞նչ հարցներ, երբ կնոջ վիճակն ինքնըստինքյան ամեն ինչ ասում էր. սակայն Սաթիկը նախապես սրդողեց և ապա միայն մի քանի խոսքով բացատրեց, որ Հարութի ուղարկած մի քանի ուրբին, գյուղի տանուտերը, որ իրենց պարտատեր Մելքոնի բարեկամն էր, ամբողջովին Մելքոնին էր հանձնել և իր ձեռքը կոպեկ չէր ընկել. ինքն հարկադրված էր եղել Սուրիկին գիրկն առնել և հանդիպելով բարի սալվորների՝ համեմատաբար հեշտությամբ քաղաք չէր հասել, և չգիտեր, թե այդ մեծ քաղաքում, ինչպես պետք է փնտռեր ու գտներ ամուսնուն, եթե այս պատահական հանդիպումը չլիներ. ողորմություն հարկադրված էր եղել խնդրել, որովհետև երեկվանից բան չէին կերել, իսկ երեխան անընդհատ ուտելիք էր պահանջում:

Հարութի, առանց այդ էլ, ցրտահար մարմինն ավելի էր սրթսրթում կնոջ պատմածներից. նա մտքում կշտամբում էր իրեն, որ շի կարողացել ժամանակին նախագուշակել վաշխառու Մեկքոնի արարքը՝ սակայն նա ի՞նչ կարող էր անել. ինչ եղել, անցել էր. պետք էր մտածել գալիքի մասին: Այժմ նա տեղավորված է գործարանատիրոջ տան բակի այդ քողտիկում. աշխատանքին հետզհետե վարժվում է, այսուհետև ավելի ջանասեր կլինի, գուցե խազեինը օրավարձն ավելացնի և ապահովի իր, Սաթիկի ու Սուրիկի ապրուստը:

Նրանք տուն հասան. և այն է պատրաստվում էին դուռը բացել, երբ գործարանատիրոջ ավագ որդին, մի բարձրահասակ երիտասարդ, որ բակումն էր, մոտեցավ Հարութին ու ասավ.

— Ե՛կ իմ ետևից:

— Ախր, կինս, երեխես, նոր են եկել, տանեմ, տեղավորեմ,— ուզեց ասել նա, բայց տիրոջ տոնն այնքան հրամայական էր, որ Հարութը չիմացավ, թե ինչպես կնոջն ու երեխային մի կերպ տունը տարավ, ստացած դրամը հանձնեց կնոջը, և զնաց տիրոջ մոտ:

Սաթիկը նույնպես ցանկացել էր ինչ որ բան ասել, բայց զգացել էր, որ իր լեզուն հասկանալի բառեր չունի այդ արտասովոր շքեղ հագուստների մեջ պարուրված մարդու համար, ուստի միայն զարմացական նայեց ամուսնու ետևից ու թախծոտ, համարյա արտասվալից աչքերով, Սուրիկին քնացրեց ու սկսավ քողտիկը կարգի բերել:

Տերը Հարութի հետ բարձրացավ վերին հարկը և նոր միայն նկատեց Հարութի մաշված վերնաշապիկը, գույնը կորցրած շալվարը և ծակծկված շտեբրը. նա հուսախաբ գլուխը տարուբերեց, բայց գործն շտապողական էր, ուստի հայհոյալից մի քանի բառ շարտեց իր բացակա ծառայի հասցեին և մի ճամպրուկ ցույց տալով Հարութին, կրկնեց.

— Ե՛կ իմ ետևից:

Հարութը տիրոջ հետ դուրս եկավ փողոց, ուր տերը

նստեց մի առանձին կառք, իսկ ինքն էլ ճամպրուկն առած նստեց մի ուրիշ կառք՝ հետևելով տիրոջը մինչև նշանակված վայրը, ուր ինքը ճամպրուկն առնելով վար իջավ սպասելով նոր կարգադրության:

Տերը կառքերի վարձը վճարելով ճամբու դրեց նրանց, ապա փողկապն ուղղեց և առանց նայելու Հարութին ասաց, որ իրեն սպասի փողոցում մինչև ինքը կկանչի, և շտապով վեր ելավ դիմացի հոյակապ շենքի աստիճաններով:

Հարութը մնաց տիրոջ ետևից նայելով:

Օրն արդեն մթնել էր: Ամպերը դարձյալ կուտակվել էին երկնքում ու մութը ծանրությամբ իջել էր երկրի վրա: Փողոցի լապտերների մի մասն այսօր չէր վառվում, իսկ մյուս մասն էլ այնքան աղոտ էր առկայծում, որ դժվար էր որևէ բան որոշել: Փշում էր դառնաշունչ քամի:

Անցավ առաջին ժամը, ապա երկրորդը և տակավին ոչ ոք չէր երևում դիմացի դռնից: Որևէ ձայն լսելիս, Հարութը շուտ էր դալիս և, սակայն, հիասթափված, նորից կծկվում էր տեղում:

Մի պահ նա փորձեց նայել խորհրդավոր լուսամուտներին, ուր ենթադրում էր, թե կարող է երևալ իր տերը, բայց այնտեղ միայն կապտավուն, մեղկ լույսի շիթերն էին սփռվել առաստաղին և ամեն ինչ պարուրել իրենց մշուշոտ շրջագծի մեջ: Սակայն Հարութը չէր հուսահատվում. ահա՛, ուր որ է տերը դուրս կգա, կմոտենա Հարութին, կվարձատրի կրած նեղության համար, իսկ Հարութն այդ գումարով տաք հագուստներ կառնի իր Սաթիկի ու Սուրիկի համար. չէ՞ որ այնպես ցուրտ է հիմա, չէ՞ որ նրանք կարիք ունեն տաք հագուստի, իսկ ի՞նքը. այո, ինքը նույնպես դրանց կարիքը ունի, մանավանդ հիմա. չէ՞ որ քամին այժմ անողորմ վզղոցով, գալիս, հետ է քշում բարակ վերնաշապիկը և ուղղակի պարում նրա մեջքին: Հարութի անհանգստությունն ավելանում է. նա կորցրել է ժամերի հաշիվը. կես գիշերը վաղուց է անցել: Նրա աչքերն այլևս փակվում են. մարմի-

նը դողում է, ինչպես տերևը քամու առաջ. ի՞նչ կմտածի հիմա Սաթիկը. ա՛խ, այս գիշերն Հարութն այնպիսի կարոտագին զգացումներ ունի դեպի իր ընտանիքը: Ե՛րբ, ե՛րբ վերջապես պիտի երևա տերև:

Դարձյալ ժամեր ու ժամեր են անցնում. Հարութն ընդարմացած պալգել է պատի տակ՝ ձեռքը դրած ճամպրուկին. ամբողջ մարմինը, կարծես փայտացել է. նա մրմնջում է ինչ որ անկապ խոսքեր. քաղաքային ժամացույցը զարկում է հինգ անգամ, բայց Հարութը ոչինչ չի լսում: Նույնիսկ նա չի՛ էլ զգում, որ էլի անձրև է կաթում: Անցորդներ շկան փողոցում. հանկարծ մեկը ոտքով հրում է Հարութին.

— Հը, քնե՛լ ես, տո՛...

Հարութը ցնցվում է. նրա աչքերը լցվել են արյունով և տենդագին սարսուռը պատել է ամբողջ մարմնին:

Նրան հրողը, որ իր տերն էր, կարծես հասկանում է, Մե ինչ կարող էր պատահել ամբողջ գիշերը ցրտի դեմ անպաշտպան մնացած մարդու հետ. նա շէր ուզում, որ այդպես լիներ, բայց գործն այդպես դասավորվեց. նա իր սիրուն համար նվեր էր տարել, սակայն ապերախտ սիրուհին խոստմնազանց էր եղել և շէր եկել. դրա փոխարեն նա հանդիպել էր իր մի կոմպանիոնին, որի հետ նա հին վեճ ուներ. վեճը նորոգվել էր, բավական սուր բնույթ ստացել. տանտերը հազիվ մի կերպ խաղաղեցրել էր վիճողներին. հետո նրանք մի քիչ շամպայն էին խմել...

Երիտասարդ պարոնը տեսնելով, որ Հարութը ձեռքից դնում է, կանգնեցնում է մի կառք և կարգադրում է Հարութին տուն փոխադրել:

Հարութն այլևս ոչինչ չի հիշում. ամբողջ քսանչորս ժամ նա չի լսում Սաթիկի աղեկտուր կանչերը.

— Վո՛ւյ, քոռանամ ես, էս ի՞նչ փորձանք էր. էս ինչ աստծու պատիժ էր. էս ինչի՞ էլի էսպես թարսվեց մեր բախտը:

Ողբում էր Սաթիկն իր բախտի վրա և Հարութի տված գումարը կոպեկ առ կոպեկ ծախսում էր վառելիքի և ուտե-

լիքի՝ համար: Թշվառ կինը, իբրև շարժուն մի գործիք, մերթ վազում էր տնքացող ամուսնու մոտ, մերթ դառնում դեպի երեխան, որին արդեն չէր կարողանում առաջվա նվիրվածութեամբ խնամել. նա ցանկանում էր գոնե քաղաքում մի ապահով անկյուն ունենալ, սակայն ամեն ինչ ձախողվում ու հակառակ ընթացք էր ստանում, և նա, շիմանալով, թե ինչպես պիտի վերջանա այդ անակնկալ դժբախտութիւնը, լացակումած աչքերով ծնկեց հատակին, հայացքը փոքրիկ լուսամուտից հառեց դեպի երկինք ու կուրծքը ծեծելով կմկմաց:

— Տե՛ր, քո ոտի տակի հողն ենք. մեր մեղքը մեր երեսովը մի տար. շատ ենք տանջվել, էլ մի տանջիր. իմ Սուրբիկին, իմ արդար բալին խղձա:

Գ.

Սաթիկը քաղաք եկավ իր ու երեխայի գոյութիւնը մի կերպ պահպանելու հույսով, սակայն հարկադրված էր գյուղից ավելի վատ պայմաններում զբաղվել հիվանդ ամուսնու խնամքով: Արդեն հինգերորդ օրը վերջացավ այն դրամը, որն ամուսինը հանձնեց իրեն: Երկու շաբաթ էլ ապրեցին երիտասարդ պարոնի տված տաս ուլբլի նվերով: Այժմ հիվանդը, կիսաբաց աչքերով, պառկած էր բարակ մի քուրձի տակ և ընդհատ-ընդհատ հեռում էր: Երբեմն միայն, նա ծպպացնելով շրթունքները նվաղկոտ շշնջում էր.

— Զո՛ւր:

Երբ Սաթիկը ջրի բաժակը մոտեցնում էր Հարութի բերանին, նա մի կում խմելով աչքերը կարոտագին հառում էր կնոջ դեմքին ու աղաչական ասում.

— Սուրբիկը... ո՛ւր ա իմ բալեն, մի բեր աչքիս առաջ, է՛:

Սաթիկը այդ խոսքերի վրա գլուխը կախում էր և նույնպես շշնջում.

— Կավ, հլա դու մի լավացիր, Սուրբիկն էստեղ ա:

Հիվանդը, ջղայնացած, գլուխը մի քիչ բարձրացնում էր և կրկին հետ գցում խոտե բարձին:

Սակայն ի՞նչ էր պատահել Սուրիկին. Սաթիկը նվիրվելով հիվանդ ամուսնու խնամքին առաջին օրերը չէր կարողանում լավ հետևել երեխային: Այն գումարը, որ նախատեսնված էր երեխային տաք հագուստ գնելու, Սաթիկն ամբողջովին ծախսել էր ամուսնու բժշկության համար:

— Թող նա լավանա, մեր բանը հեշտ ա՛. աշխատողն էն ա, նրան ուժ ա հարկավոր, — փիլիսոփայել էր թշվառուհին և արդյունքն այն էր եղել, որ երեխան, ենթակա անպատեհությունների, նույնպես հիվանդացել էր: Հարուխն ու Սաթիկը իրենց գոյությունը չէին պատկերացնում առանց Սուրիկի: Դեռ գուշում, ամբողջ օրվա հոգնատանջ աշխատանքից հետո, ամուսիններն ամեն ցավ ու նախատինք մոռանում էին երեխայի ժպիտների առջև: Նա դարձել էր ծնողների գոյության խարիսխը:

Եվ այժմ, երբ հիվանդ ամուսնուն խնամելիս, Սաթիկի մխիթարանքը կարող էր լինել մանկիկը, նա էլ նվաղած ընկած էր անկողնում և անընդհատ կանչում.

— Աո՛ւ, աո՛ւ, աո՛ւ:

Սաթիկը հասկանում էր այդ կանչերի իմաստը. երեխան ուտելու պահանջ ուներ. բժիշկը, որ դռնապան Սեթոյի միջնորդությամբ առաջին օրն այցելել էր, խորհուրդ էր տվել լավ սնունդ տալ և՛ երեխային, և՛ Հարուխին: Եվ այսօր, Սաթիկը նստած էր դատարկ ձեռքով: Մի կողմից տընքում էր ամուսինը, մյուս կողմից հիվանդ երեխայի կանչերն էին իբրև արձագանք պատասխանում հոր տնքոցին:

Սաթիկը դուրս ելավ բակը, նայեց հոյակապ շենքի լուսամուտներին. շքնա՛լ արդյոք վերև. ինչո՞ւ համար. պարզ է՝ ողորմություն խնդրելու... ողորմությո՞ւն, այս մտքից ճմլվեց նրա սիրտը. նա մեկ անգամ արդեն հասել էր այդ ստոր վիճակին, բայց այն ժամանակ նրան չէին ճանաչում. իսկ հիմա հարևանները գիտեն, որ նա գյուղից է եկել, ամուսնու ու երեխայի տեր է, նույնիսկ գործարանատիրոջ տանը գիտեն, որ իրենց բակում ապրում է այդ ընտանիքը: Այս մտածումներից բորբոքված, նա տուն եկավ և երբ դարձյալ ակունջին հասավ երեխայի աղեկտուր

ձայնը, նա ինքնամոռացման մեջ գիրկն առավ մանկանը ու էլ չկարողացավ զսպել իրեն, ինքն էլ սկսեց լալ:

— Իմ խեղճ, իմ լա՛վ բալա,— հեծկլտում էր նա:

Այդ պահին Հարութը նստեց անկողնում.

— Սուրիկը, Սուրիկը,— կմկմաց նա:

Մի պահ ամուսինները նայեցին իրար. Սաթիկը թափանցիկ հայացքով նայեց ամուսնու արնակալած աչքերին, որոնք լավ բան չէին ասում: Հիվանդն այդ պահին ինչ որ ներքին մղումից կարծես ուժ էր առել. նա հասկացել էր կնոջ արցունքների պատճառը, ուստի և ճիգ գործադրելով վեր ելավ անկողնուց և Սաթիկի գրկից վերցրեց երեխան:

— Սուրիկ, Սուրիկ,— շնչաց հայրը, սակայն մանկիկը բացի հետզհետե նվազող կանչերից ոչինչ չէր կարողանում հասկացնել: Հարութը տեսավ, թե երեխան որքան ընդարմացել էր. մանկան երբեմնի ժպտուն դեմքը սառել էր, ինչպես կրակն հորդ անձրևի տակ: Երբեմն միայն նա աչիկները ծանրորեն բացում էր, մի պահ հառում մի կետի ու կրկին փակում:

Այդ ահռելի ավերածը ծանր էր նստում Հարութի հոգուն. ո՞ւր էր այն երեխան, որ մի քանի շաբաթ առաջ համարում էր նայողին իր աշխուժ շարժումներով ու գեղգեղանքներով. այժմ նա միայն կարեկցանք է առաջացնում իր հետզհետե հանգչող հոգոցներով:

Եվ նրան խնամելու համար փող էր պետք. փող, որտե՞ղ գտնել այդ հրաշագործ մետաղը. Հարութն այս մտորումներով երեխան սեղմեց գրկին, ապա մի ցավագին մոլտոցով վերստին հանձնեց մորը ու սկսեց քայլել սենյակի մեջ: «Ի՞նչ է պետք ինձ. փո՞ղ, ապրո՞ւստ. բայց ո՞վ այժմ Հարութին կտա փող ու ապրուստ. դրա համար պետք է աշխատե՞լ. բայց Հարութը չի ծուլանա, նա կաշխատի. տակավին ուժ կա նրա ներսում»: Նա ինչ որ բան է փրճառում սենյակում. ահա, անկյունում մի տաշած քար է դրված. Սաթիկը մտադիր էր ամաններ գնել ու դասավորել նրա վրա: Հարութը կիսագիտակից վիճակով քարը շարժում

է տեղից, բարձրացնում է մի քիչ ու վերստին թողնում գետնին:

— Տեսա՞ր, Սաթիկ, տեսա՞ր, ես արդեն առողջ եմ. կարող եմ աշխատել. հիմա կերթամ ջահել պարոնի մոտ, ասում են նա բարի մարդ է, կերթամ կասեմ, որ վաղը կարող եմ գործի գնալ. թող էս անգամ էլ մի քիչ էս գլխից փող տա, հա՛, ինչ կա որ. մենք էլ մեզ համար մարդ ենք, չէ՞. կառնեմ փողը, Սուրիկիս համար բժիշկ կկանչեմ, կաթիլ բերեմ...

Սաթիկը, երեսան սեղմած գրկին, սարսափով հետևում էր ամուսնուն: Նա կասկածում էր, չլինի՞ թե խելագարվել է. այնքան անբնական, այնքան արտառոց էին նրա շարժումները: Մինչ այն ժամանակ, երբ դեռ ամուսինը սենյակումն էր նա ձայն չէր հանում, բայց երբ Հարութը, վերջին խոսքերն ասելով, ուզում էր դուրս գնալ, Սաթիկը, ճշալով, առաջ անցավ ու բռնեց ամուսնու փեշից: Ո՛ւր պիտի գնար նա, այդ գույնը կորցրած, պատառոտուն ձերմակեղենով:

Հարութը ետ դարձավ:

— Թո՛ղ, ասում եմ, թո՛ղ, խաղերինի մոտ պետք է գնամ:

— Էդ հալով տեղ գնալ չի լինի, Հարութ, մեզ մի խայտառակի,— պաղատում էր կինը:

Հարութը մի պահ նայեց իրեն և զգաց, որ անհարմար վիճակումն է, ուստի անմիջապես հագնվեց ու շտապով քակը փլավ:

Նա բարձրացավ հոյաշեն տան աստիճաններից, հասավ պատշգամբը և ինքն էլ չգիտեր, թե ինչպես ընկավ խոհանոցը:

Գիշեր էր:

Խոհանոցի կրակարանի վրա դրված էին մի քանի կաթասաներ: Ուտելիք էր պատրաստվում կարծես ոչ թե մի ընտանիքի, այլ ամբողջ թաղի բնակչության համար: Գուցե

մի արտակարգ բան կար. ո՞վ գիտե հարուստի քմահաճույքը:

Հարուժը կանգնեց և ակամայորեն աչքերը հառեց եռացող կաթսայի վրա. գոլորշին այդ կաթսայից քուլա-քուլա վեր էր բարձրանում՝ գայթակղիչ հոտ տարածելով շորս կողմը: Հարուժը չգիտեր, թե ինչու իր հայացքն հատկապես հառած մնաց այդ քլթքլթացող կաթսայի վրա: Նա ինչ իմանար, որ կյանքն ինքը մի եռացող կաթսա էր, կաթսա, ուր բորբոքում են հազարավոր կրքեր, ուր մարդը տառապանքով ձգտում է դեպի վեր, սակայն, ավա՞ղ նրա թռիչքը կաշկանդված է շարուժյամբ լի այդ աշխարհում:

Հարուժը շաղված աչքերով շարունակում էր նայել կաթսաներին: Նրան դեռ չէին նկատել: Ո՞ւմ գիմի, ի՞նչ ասի. ինքը մաադիր էր խոսել հենց իրա, երիտասարդ պարոնի հետ: Բայց ո՞նց տեսնի նրան. ո՞վ գիտե, թե նա ինչ գործերով է զբաղված. մի՞թե նա այս անհարմար ժամին կընդունի Հարուժին. եթե ընդունի էլ ինչ պիտի ասի. պա՞րտք ուզի. բայց չէ՞ որ պարտք կարելի է ուզել միայն իրեն գոնե մի բանով հավասար մարդուց. նայեց իր վիճակին և զգաց, որ ինքն ինչ էլ ասի, պարոնն իրեն ողորմություն հայցողի տեղ կընդունի: Ողորմությո՞ւն. և այս միտքն այնքան ծանր երևաց նրան, որ ուզեց անմիջապես հտ դառնալ:

Այդ պահին, ճերմակ գոգնոցավոր մի տարեց կին, ըստ երևույթին, աղախիններից մեկը, որ սենյակից դեպի խոհանոց էր գալիս, նկատելով Հարուժին, մոտեցավ նրան ու բացականչեց.

— Քա ամա՛ն, էս կոռն որտեղի՞ց լուս ընկավ:

Եվ խուզարկու հայացքով նայելով Հարուժին, ներվային տոնով ինչ որ բան ասավ իրեն մոտեցող մի ուրիշ, ավելի երիտասարդ աղախնու:

Հարուժը շփոթվեց. չգիտեր ինչ ասեր. երիտասարդ աղախինը մի կտոր հաց ու միս տվեց նրան, իսկ տարեցը վրա բերեց.

— Ահագին մարդ ես, գնա', գործ արա, ի՞նչ ես գիշերով դռնե դուռ ընկել. դե՛, վերցրու ու էլ էս կողմերը շերեաս:

Ճիշտ այնպես, ինչպես ինքը կուահել էր. իրեն ողորմություն հայցողի տեղ են ընդունում: Ու այս միտքն այնքան ծանրությամբ էր ճնշում նրա հոգին, որ նա, բոլորովին ուժասպառ, հազիվ սանդուխտներից վար իջավ, ինքնամոռացման մեջ շնկատելով, որ ստացած ողորմությունն էլ ձեռքից ընկել է:

Գ.

Քամին ոռնում էր գազազած վիշապի նման: Երկինքն ամպոտ էր. անձրև էր սպասվում: Անձրև՛. ինչ դաժան էր եղել բնությունը Հարութի վերաբերյալ. երբեմն նա, այնտեղ, գյուղում, կբաժ իր պապական հասկերի վրա, անձրև էր հրազել. սակայն իզուր. իսկ այն շարաբաստիկ գիշերը, այդ քամին ու անձրևը, կարծես դաշն կուած իր տիրոջ ու նրա սիրուհու հետ, այնպե՛ս անողոր էին եղել իր հանդեպ: Ո՛ւր գնալ այժմ:

Սուրիկն ու Սաթիկը իրեն են սպասում. նրանց սնունդ է հարկավոր. սակայն ինքը, ստացած ողորմությունն իսկ շկարողացավ տեղ հասցնել. այժմ ինչպե՛ս վերադառնա կնոջ ու երեխայի մոտ. չէ՞ որ ինքն այնքան խոստմնալից դուրս եկավ տանից:

Նա թուլացած, ինչպես հետախուզությունից անհաջող վերադարձած զինվորը, կորագլուխ դիմեց դեպի տուն:

Մութ գիշերն ավելի էր ճնշում նրան. նա տենդով բռնվածի պես զառանցում է, բայց ոչ ոք չի լսում նրան. մի կերպ նա բացում է քողտիկի դուռը. նավթը նույնպես վերջացել է և փոքրիկ կանթեղի պատրույզը մահամերձի ցուցումով պլպլում է, արձակելով վառվող պատրույզի անհաճո հոտը: Հարութը զգում է, որ սենյակումն էլ այնպես ցուրտ է, ինչպես դուրսը:

— Սաթի՛կ, Սաթի՛կ:

Չայնում է նա և արձագանքը լինում է մի շարագուշակ խոռոց. Հարուժը դառն նախագագացումով ցնցվում է. նա խարխափելով որոնում է կնոջը, հետն էլ խոսում:

— Սաթիկ, ո՞ւր աս Սուրիկը, ինչի՞ աս էդպես խոռում, հա՛:

Այդ պահին լսվում է ամպի որոտը. կայծակը մի պահ լուսավորում է սենյակը, և Հարուժը, Իկատում է, թե ինչպես Սաթիկը, երեխան ամուր սեղմած կրծքին, կարծես ինչ որ բան է շշնջում նրա ականջին:

Հարուժը մոտենում, շոքում է կնոջ կողքին և դողոցով, ձեռքն է առնում երեխայի սառ թաթիկը: Նա շոշափում է մանկան մարմինը, գլուխը, ճակատը. նույն շարագուշակ սառնությունը:

— Սաթի՛կ, — դռշում է Հարուժը սարսուռով:

Բայց կինը ձայն չի հանում. նա միայն երեխային ամուր հպում է իրեն, ապա դեմքը կպցնում է նրա սառը դեմքին՝ կարծես ցանկանալով իր մայրական ջերմությամբ էլյանքի կոշեղ նրան:

Եվ ամուսինների մեջ սկսվում է մի խուլ պայքար: Հարուժը ցանկանում է ստուգել երեխայի վիճակը, իսկ Սաթիկը մի վայրկյան անգամ չի ուզում բաժանվել երեխայից: Անցնում են րոպեներ ու հանկարծ Սաթիկն արձակում է մի սրտակոտոր ճիշ. Հարուժը վախեցած ետ է քաշվում: Սաթիկը ոտքի է կանգնում, երեխան սեղմած կրծքին և, մրթության մեջ քայլելով ետ ու առաջ, ողբաձայն ասում է.

— Վերա՛ն դառնար էն դեղն էլ, էս քաղաքն էլ. սև սուգ կապի Մելքոնն էլ ու էս թագա խաղեինն էլ... իմ բալեն, իմ արդա՛ր բալեն...

Ու չի կարողանում լրացնել. փղձուկը խեղդում է նրա կոկորդը և նա բարձրագոյ լալիս է. նրա ողբի արձագանքները պատռելով գիշերվա խավարը գնում, տարածվում են հեռու, բայց հասնո՞ւմ են արդյոք տիրոջ ականջին, խոռվո՞ւմ են նրա հանգիստը, թե ոչ, այդ շէր հետաքրքրում Սաթիկին:

Հարութը փորձում է երեխային պոկել մոր կրծքից, բայց իզուր: Նա ուրվականի պես պտտում է կնոջ շուրջը:

Կսվում է ջղագար ճոխնչ, դուռը բացում են. քողտիկն է թափանցում մի աղոտ լույս. վերջապես, ուշադրություն դարձնող եղավ:

Հարութը կանգ է առնում. սակայն Սաթիկը չի հանդարտվում. Հարութը օրորվելով նշանակալից նայում է եկվորին: Եկվորը, որ հոյաշեն տան դռնապանն է, նույնպես մի վայրկյան քարանում է տեղում: Կսելով թշվառ մոր ողբը, նա ձեռքի լապտերը դնում է քարին, ապա դժվարությամբ, Սաթիկի կրծքից պոկելով երեխային, հավաստիանում է ծանր իրականությանը ու ձեռքը հուսահատ թափ է տալիս:

— Ափսո՛ս տղա. թմմել ա. ափսո՛ս...

Հարութը կարծես նոր է հասկանում, թե ինչ է տեղի ունեցել, ուստի գոռոցով խլում է դիակնացած որդուն, փաթաթվում է նրան ու սկսում գուրգուրել, փայփայել նրա անշունչ դիակը:

Դռնապանն այս տեսարանի դիմաց մոռանում է իր ասելիքը և դուրս է ելնում, լամպը թողնելով այնտեղ:

Ե.

Լուսացավ: Սակայն ո՛չ Սաթիկը, ո՛չ էլ Հարութը չըզգացին այդ. նրանց սիրտը ողջուն շուներ այդ օրվա ծագող արևին:

Քառս է Հարութի ուղեղում: Նա տեսնում է դյուղ, քաղաք, գործարան. բեռներ... որ նա կրել է իր մեջքին և սակայն այժմ, նա մնացել է իր ամենաթանկագին բեռան, որդու սառած մարմնի հետ: Ո՛ւր տանի այդ բեռը, իր դառնատանջ կյանքի այդ ծանր բեռը:

Ցերեկ է. գալիս է դռնապանը, ուզում է ինչ որ բան ասել, սակայն դարձյալ սիրտ չի անում: Միայն նա Հարութի ականջին կամացուկ շշնջում է.

— Մեռածին չի կարելի այդքան պահել տանը. պիտի թաղել:

Քաղե՛լ, այո, ինչպես չէ. հենց հիմա նա կերթա, կը-
կանչի քահանային. թող նա դա, երգի իր՝ ամենալավ շա-
րականները, թող բարձր հնչի նրա ձայնը, այնքան բարձր,
որ մինչև երկինք հասնի... թող այդ ձայնը տարածվի քա-
ղաքի վրա, որ ամենքն իմանան, իր Սուրիկի ողբերգու-
թյունը...

Նա երեխան հանձնեց Սաթիկին և դուրս եկավ փողոց:
Մի քիչ հեռու ապրում էր քահանան:

— Տեր հայր,— խոսում է Հարութը, երբ արդեն քա-
հանայի տանն էր, և պատմում է այն ամենը, ինչ մտածել
էր:

Քահանան լսում է նրան, ապա գլուխը մեղմ տարուբե-
րելով ասում.

— Լավ, որդյակս, հիմա գնա խունկ ու մոմի պատ-
րաստություն տես. դագաղ կամ պատանք, ինչ որ հարմար
կհամարես:

Հարութն այդ բոլորի մասին մոռացել էր. դարձյալ այդ
անիծյալ փողը: Բայց Հարութը պատրաստ է ամեն ինչ ա-
նել, միայն թե թեթևացնի այն բեռը, որ ծանրացել է իր
հոգուն:

Շվար ու մոլոր, նա կրկին փողոց ելավ: Աննպատակ
թափառեց, սակայն ուղեղը դադարել էր մտածելուց. թերևս
բնավ էլ չկարողանար խելքի մոտիկ որևէ բան վճռել իր
այդ վիճակում, եթե չհանդիպեր դոնապան Սեթոյին:

— Ախպեր Հարութ,— ասաց նա,— քեզ էի փնտռում.
ո՛ր ես գնացել:

— Հա՛,— միայն անորոշությամբ հարցրեց Հարութը:

— Ահա՛, էս փողը պարոնը տվեց. երեխին վերցնե-
լու...

Հարութի մռայլ դեմքին ժպիտի նման մի բան փայլեց
ու անցավ:

Երբ նա փողն արդեն գրպանն էր դրել, Սեթոն ձեռքը
դրավ նրա ուսին ու քաշելով դեպի պատն ասեց.

— Մի բան էլ պիտի ասեմ. երկու անգամ տուն եկա,

բայց չուզեցի կնկանդ մոտ ասեմ, առանց էն էլ սիրտը կոտորված է: Հա, խաղեխինին շի դուր գալիս, որ դու կնկանդ ու երեխիդ բերել տվիր. դե, հիմի գործ էլ էնքան չկա, մուշտարին պակասել ա. էնպես որ Հարութ ջան, պարոնն ամեն օր իմ յախիցն ա բռնում, թե բակը ազատիր ավելորդ մարդկանցից. դե, ես էլ կնիկ, երեխանց տեր եմ...

Հարութը լուռ էր. նա անվելի ևս շշմել էր Սեթոյի հաղորդածներից:

Նրանք քայլեցին դեպի տուն. երբ մտել էին բակը, Սեթոն նորից խոսեց.

— Էս մեր գեղացիքն էլ հենց գիտեն, թե քաղաքում ոսկի ա փռած. դ՛հուի ձեռը հեռվից քաղցր ա գալիս... է՛հ, ախպեր Հարութ, քսան տարի ա դռնապան եմ, ի՞նչս ա անվելացել. դու հլա թազա մարդ ես քաղաքում. եկած-չեկած երեխիդ կորցրիր... ափսո՞ս, ափսո՞ս... լավն էն ա, քանի շուտ ա, գլուխդ առ ու էս անօրեն քաղաքից պրծի. գեղում էլի մի տարի չէ, մեկելին բերք կլինի. մարդ մի կերպ օրը կմթնացնի:

Մինչ այդ Հարութը ոչ մի բառ չէր արտասանել, կարծես գլխի չէր ընկնում, թե ինչ է ասում Սեթոն. բայց երբ նա լռեց, Հարութը նոր գլխի ընկավ, — ուրեմն ինքը զրկվեց Սուրիկից, զրկվում է աշխատանքից... ու այդ քողտիկում այլևս ապրելու իրավունք էլ չունի: Եվ այդ ամենը հիմա, երբ դեռ նոր է միայն երեխայի դիակը սառել: Ու նա մոլուցքով նայեց վերև, հոյակապ շենքի լուսամուտներին. գլուխը տարուբերեց, ապա մի մոռյլ հայացքով նայեց Սեթոյին, այնպիսի մի մոնչյուն արձակեց, որից Սեթոն ետետ գնաց:

Հարութը մոլեգնորեն ինչ որ բան մթմթաք, ապա ձեռքը տանելով գրպանը, հանեց երիտասարդ պարոնի ուղարկած ողորմությունը, շարտեց Սեթոյի երեսին, գռչելով.

— Ե՛տ տար. ողորմությամբ չեմ ուզում ապրել:

Ու անսովոր եռանդ ստացած, թռիչքով մոտենում,

վերցնում է դոնապանի տան մոտ ընկած բահն ու քլունգը։ Սեթոն սարսափած, ուզում է օգնություն կանչել՝ ենթադրելով, որ Հարութը իր վրա պիտի հարձակվի. սակայն Հարութը շտապում է իր քողտիկը։

Սաթիկը թաց աչքերով նայում է հավերժ ննջած իր մանկան դեմքին։ Հարութը բահն ու քլունգը տեղավորում է մի պարկի մեջ, շալակն առնում, ապա վերցնում է երեխայի դին ու դառնալով կնոջն ասում է.

— Գնա՛նք։

Սաթիկը, ինչ որ բան կռահելով, ճշում է.

— Զէ՛, չե՛մ տա իմ բալին, չե՛մ տա. կա՛ց, հլա մի գնա խոնկ բեր ծխեմ, մոմ բեր վառեմ, թող տերտերն էլ գա օրհնի...

— Գնա՛նք, — այս անգամ հրամայական ասում է Հարութը և դուրս է ելնում սենյակից։

Սաթիկը հեռևում է ամուսնուն։

Նրանք անցնում են մի քանի փողոցներով, հասնում քաղաքի ծայրամասը, ապա բարձրանում մի դարավանդ։ Գերեզմանոցն է։ Հարութը ակնածություն մանկան մարմինը դնում է մի հարթ գերեզմանաքարի վրա և քլունգի ամուր հարվածներով սկսում է գետինը փորել։

Սաթիկը նորից աղիողորմ ճշում է և լացախառն ասում.

— Հարութ, խելքի արի, Հարութ. իմ արդար բալեն առանց ժամի, առանց տերտերի հողը չեմ դնի, չէ՛... վա՛յ, աստված, դու ողորմաս, էս ի՛նչ անօրեն դործ ա... :

Նվ գնաց փարվեց երեխային։

Սակայն Հարութը չի լսում. նրա հարվածների տակ փոսն հետզհետե խորանում է և ինչքան խորանում է փոսը, ինքն էլ սկսում է թուլանալ։ Նրա պրկված մարմինը չի դիմանում այդքան լարվածությանը։

Նա դեն նետեց բահը, մի հայացքով չափեց շորս բոլորը, ապա փնջալով մոտեցավ Սաթիկին և ուզեց վերցնել երեխան։

— Չե՛մ տա, չե՛, — լալիս էր Սաթիկը:

— Տո՛ւր, — գոչեց վերջին անգամ Հարութը, — երեխան ինքը տեղն ու տեղը խունկ էլ ա, մոմ էլ ա... նա սրբություն ա:

Եվ գիրկն առնելով երեխային, մի քանի անգամ համբուրեց նրա պաշ դեմքն ու ձեռքերը, ապա զգուշությամբ, վեհ ու ակնածալից հանդիսավորությամբ դրեց փոսի մեջ:

Սաթիկը, երկյուզածությամբ խաշակնքեց ղ դեմքը, — սարսափելով այդ սխրալի իրողությունից:

Հարութը նորից բահը ձեռքն առավ. լավում էր ծանհոդի թմփթմփոցը, որին ձայնակցում էր Սաթիկի ողբը:

Հողն արդեն ծածկել էր Սուրիկի ոտքերն ու կուրծքը. դարձյալ մի բահ և Սուրիկի դեմքը հավիտյանս կզրկվի արևի լույսից: Հարութը բահը խրեց հողի մեջ, անվճռաբար կանգնեց ու խորը հառաչեց: Չեռքերն այլևս հրաժարվում էին գործել, մարմնում անսովոր թուլություն էր զգում. նա մի պահ նայեց երեխայի դեմքին, և այս անգամ արդեն բահը ձեռքն առավ ակամա. մի կույտ հող ուղղակի ընկավ մանկան դեմքին ու նա այլևս անտեսանելի դարձավ... բայց և հենց այդ վայրկյանին կարծես մի ուժեղ հարված իջավ Հարութի գլխին. նա բանականությունը կորցրեց, աչքերը մթնեցին, ընդարմացավ և ամբողջ մարմնով փռվեց իր ձեռքով փորած գերեզմանի վրա. գլուխն օրորվեց ու ընկավ Սուրիկի գլխավերևը:

Սաթիկը վեր թռավ տեղից. նրա սիրտն այդ սարսափելի տեսարանից քարացավ, աչքերը փակեցին արցունքի պարկերը:

Նա մոտեցավ ամուսնուն և, երբ նրա գլուխը բարձրացնելով, կամեցավ ինչ որ բան ստել, սոսկումով նկատեց, որ նրա բիբերն ևս սառել էին, նրա դեմքն ևս արտահայտում էր մահվան այն սարսուցեցուցիչ պաղությունը, ինչ որ Սուրիկինը...

1922

Թ. Գլխու—Երևան

Թ Ա Լ Ի Ս Մ Ա Ն

Ա.

Նա ոչ խաս կուզեր, ոչ էլ զուժաշ. նրա ուզածը հասարակ բան էր— շթե շապիկ ու քաթանե գոգնոց. այսքանը բավական էր, որ Արուսը ծածկեր իր երկու տարեկան Արմիկի մերկութունը: Եվ այսօր այդ խոստանում էին նրան խոստացողը, ինքը Բաբելն էր՝ գյուղի անվանի մարդը, որի ստվերն իսկ սարսափ էր ազդում գեղականների վրա:

Եվ խոստումը տեղի ունեցավ շատ հասարակ ձևով:

Արուսի ամուսինը, Մուկուչը, Բաբելի տան մշակն էր. մի գիշեր Մուկուչը տուն չեկավ: Արուսը մինչև լույս, Արմիկը գիրկն առած, սպասեց ամուսնուն. հազար ու մի մտքեր անցան Արուսի գլխով, հազար ու մի շար ու բարի դեպքեր նախագուշակեց՝ հա հիմի կգա Մուկուչը, հա լուսադեմին, հա արևի շողերի հետ. բայց Մուկուչը չկար: Ու հենց որ արևը մի քիչ բարձրացավ, Արուսը փակեց իր ռետնափոր տան դուռը, և Արմիկին գիրկն առած ուղղակի դիմեց Բաբելի տունը: Գնաց հեռով ու սրտի թրթռոցով, բայց ինչ լավ էր, որ բախտը երես չէր թեքել Արուսից. հինց Բաբելի բակում նա հանդիպեց ամուսնուն, որը գոմից անասունների աղբն էր փոխադրում: Արուսը չհամբերեց և հենց տեղն ու տեղը սկսեց կշտամբել նրան:

— Յանի էս էլ գործ ա, Մուկուչ, որ դու անում ես. քանի կար մթնով իր տուն գալի, խեղճ երեխիս աչքը ջուր էր դառնում՝ հա դուան ճեղքիցը նայելով, հա ապի-ապի ձեն տալով, հիմի էդ բուլ չի, գիշերներն էլ սկսեցիր տուն չգալ: Աստված կտրի էսպիսի օրը:

— Այ կնիկ, դու էլ բան ես ասում, էլի,— սրտնեղելով ասաց Մուկուչը,— ես շա՛տ եմ ուզում, որ էդպես լինի. սար գնալու պատրաստութուն են տեսնում ու էս անտեր գործին պրծում չկա. սաղ գիշերն էս ա էլեկ իմ հալը,— փնչաց Մուկուչը, սրբեց ճակատի քրտինքը, ապա ձեռքը թեթևակի դիպրեց Արմիկի այտերին: Երեխան ժպտաց ու թևերը թռչունի նման թափահարեց. այդ շարժումից ընկավ նրա ուսերին փառձաթված շորը. երեխայի մերկ մարմինը մնաց առավոտյան քամու շոյանքի տակ:

Արուսը շտապով ծածկեց երեխային ու նույն բարկացկոտ տոնով վրա բերեց.

— էդ աշխատելը լավ. բա ե՞րբ պիտի իմ երեխեն էլ մի լազաթին շոր ունենա, հա՞...

Ու դեռ երկար գանգատվում էր Արուսը:

Այդ խոսակցութունը լսեց Բաբելը, որ աննկատելի հեռեկ էր նրանց: Երբ նա երևաց, Մուկուչը շտապով կողովն առավ մեջքին ու զնաց իր գործին: Բաբելը, նախ ուզում էր բարկանալ, որ Մուկուչն այնքան երկար խոսակցության է բռնվել կնոջ հետ, բայց, երբ մտտիկից տեսավ Արուսին, միտքը փոխեց: Գյուղի էն լավ-լավ հարսներից ո՞ր մեկն էր, որ ուներ Արուսի աչքն ու ունքը, սիրունիկ երեսը, մանրիկ բերանը: Բաբելը նայում էր Արուսին ու մտմտում.— էդ ո՞նց մինչև հիմա ինքը չի իմացել, որ իր տխմար մշակն էդպիսի կին է ունեցել. հա՞:

... Բաբելը գոմին կից քողտիկը տրամադրում է ամուսինների: Մուկուչն իր մշակութունը կանի, Արուսն էլ կով կկթի և նրանք ապահով կապրեն:

— էս տղեն էլ ինձ շատ դուր եկավ,— ասում է Բաբելը և, շոյելով երեխայի գլուխն, ավելացնում,— հլա տես, թե իրիկունը նրա համար ինչ շոր եմ բերում քաղաքից:

Եվ այնուհետև, Բաբելը, Մուկուչին աշխատանքի է ուղարկում դաշտ, ինքն էլ զնում է քաղաք:

Երեկո է. Արուսն սպասում է Բաբելին. ցերեկին բավական գործ է արել և այժմ Արմիկը սեղմած գրկին նստել

է բակի թթենու տակ ու ինչ որ շափ ու ձև է անում,— շապիկն էնպես կկարեմ, որ երեսալի ծնկներն էլ ծածկի, գոգնոցն էլ միշտ շեմ հագցնի, որ շուտ շմաշվի... էլի աշխարհից բարին չի պակասում. ո՞նց Արուար մինչև հիմա չէր մտածել, գալ Բաբելի մոտ, խնդրել:

Արուան անհամբեր է դառնում. ուզում է Արմիկին տանել, քնացնել, հետո գալ էլի Բաբելի ճամբին աչք պահել, բայց հանկարծ նկատում է, որ Բաբելը հանդիստ քայլերով մոտենում է իրեն: Արուար ամոթխած ոտքի է կանգնում՝ երեսան գրկին:

Բաբելը արդեն մոտեցել է և շոյում է Արմիկի փափլիկ այտերը: Երեսան ժպտում է և արևի հանգչող շողերով պայծառազարդված նրա դեմքը փայլում է անբռնազատելի հրապույրով: Արուար շոյված է մայրական այն դագոցովից, որ իր երեխան հաճելի է այդպիսի պատկառելի մարդու: Այդ պահին, Բաբելի ձեռքը, իրրև թե անդգուշաբար դիպչում է Արուարի դեմքին: Արուար շառագունում է և Բաբելն զգում է, որ այդ վիճակով նա ավելի հրապուրիչ է դառնում: Արուար, մոռացած Բաբելի խոստումը, բնազդաբար ետ-ետ է գնում, սակայն հենց այդ բոլորին, Բաբելը մի կապոց դնում է Արուարի թևի տակ: Արուարի դեմքն այրվում է. այժմ նա այնքան է ուզում մենակ մնալ իր Արմիկի հետ, որ հագլիվ լսում է Բաբելի նշանակալից փափսոցը.

— Իրիկունը կգաս, որ ոտքերս լվանաս:

Բ.

Արուարի իղձը կատարվեց: Արմիկն հիմա հագուստ կուսեմ: Բայց Արուար երախտապարտ չի մնա. ի՞նչ է Բաբելի պահանջը, շատ հասարակ բան. գնալ ու լվալ նրա ոտքերը: Եվ Արուար կարգի է բերում իրեն, ապա մի երկու անգամ շափ ու ձև է անում Արմիկի ղզեստները, հետո երեսան սեղմում է կրծքին ու դուրս է գալիս քողտիկից:

Մթնշաղ է:

Արուար սրտի թրթուոցով մտնում է աղայի ընդարձակ

տունը: Այնտեղ հիմա ոչ ոք չկա. Բաբելը տնեցիներին ուղարկել է զով սարերը. ինքը մնացել է. դեռ գործեր ունի կարգավորելու դյուշում: Հիմա է Արուան հասկանում, թե ինչու է Բաբելն ուզում, որ ինքը լվանա նրա ոտքերը. չէ՞ որ տանը մարդ չկա. Արուաի համար դա դժվար գործ չէ. նա իր Արմիկի համար ամեն ինչ կանի, մենակ թե աղայի աչքը քաղցր լինի իր մինուճարի վրա:

Սրտապնդված այս մտքերից, Արուաը մտնում է Բաբելի օդան: Երեխան դնում է մի հարմար տեղ: Ապա տաշտում ջուր է լցնում և մոտենալով թախտի փափուկ բարձերին թիկնած Բաբելին, ուզում է նրա գուլպաներն հանել:

Բաբելը ինչ որ նշան է անում. Արուան անվճռական շարժումով նայում է աղային. գուցե ինքը մի սխալ բան է արել: Սակայն Բաբելը բռնում է Արուաի բազուկից ու ստիպում է նրան նստել իր կողքը, թախտին:

— Ի՞նչ ես վռազում,— ասում է Բաբելը և շոյելով Արուաի դեմքը, կարծես ինքն իրեն խոսում է,— ի՞նչ մալմուր թշեր ունես... լա՛վ, մի ամաչիր. էդ դուռնյադյոզալի աչքերովդ մի դեսը մտիկ տուր, է՛:

Արուան ամոթխած, դեմքին է քաշում գլխաշորը:

— Չէ՛, Արուա, ես չեմ թողնի, որ աղքատ ապրես, ջահել ումրդ գոմումը մաշես:

Ու Բաբելը խոստանում է, որ կհեշտացնի Մուկուչի աշխատանքը, վարձը կավելացնի... մենակ թե Արուաը Բաբելի զադրն իմանա, Բաբելի սրտովը շարժվի:

Արուաը լսում է այդ ամենը, բայց սրտանց էլ ուզում է, որ Բաբելը թույլ տա ոտքերը լվալու, որ ինքը տունը վերադառնա, Մուկուչի համար ուտելու բան պատրաստի և նրան հաղորդի, որ Արմիկն արդեն հագուստ ունի:

Բայց Բաբելը, կարծես դեռ մտադիր չէ ոտքերը լվալ: Նա այս անգամ գրկելով Արուաին, տաք շունչը փչում է նրա դեմքին: Արուան ավելի է շփոթվում. ինչ ասի այդ պատկառելի մարդուն. նա գլուխը ետ գցելով, աչքերը հառում է երեխային. երեխան դեռ ժպտում է, բայց տեսնելով, որ

մայրն իրեն չի մոտենում, ծամածոում է դեմքը, ապա ճը-
շում է աղմկոտ ձայնով: Բաբելին ջղայնացնում է երեխայի
լացը. նա ուզում է կարեկորություն շտալ դրան և Արուսի
ականջին ինչ որ խոսքեր է շշնջում, բայց երեխան շարու-
նակում է լալ և դա ուժ է տալիս Արուսին. նա ազատվում
է Բաբելից, բայց լեզուն չի զորում որևէ ծանր խոսք ասել
նրան:

Բաբելն ատելություն մը նայում է երեխային. այ, նա այդ
մեկը չէր նախատեսել... նա զայրույթով մրթմրթում է:

Լսվում է ոտնածայն:

Բաբելն արդեն կատաղում է. այդ լակոտն այնքան
ճշաց, որ մարդիկ վրա հասան:

Արուսն շտապով վերցնում է երեխան ու դուռը բացե-
լով, շեմքին հանդիպում է Մուկուչին, որը նոր է վերադար-
ձել աշխատանքից:

Արուսը շփոթված է. չի կարող նայել ամուսնու աչքե-
րին. սակայն Բաբելը, ընդունում է իր սովորական հպարտ
արտահայտությունը և հանդարտորեն ասում.

— Ապրես որդիս, քանի օր էր ոտքերս չէի լվացել.
էդպես մեկ-մեկ արի:

9.

Արուսը խնամքով կարում, հագցնում է շապիկն ու
գոգնոցը Արմիկին, բայց սիրտը ուրախ չէ: Մուկուչը հոգ-
նած տուն է վերադառնում և միայն այն է տեսնում, որ
երեխան դուրալի ժպտում է նոր հագուստի մեջ: Եթե աղա-
յի այդ բարություն համար կինը մի երկու անգամ էլ նրա
ոտքերը լվանա, արժե:

Բայց Բաբելը հանգիստ չունի: Նա գիտե, որ Արուսն
այլևս չի գա, եթե գա էլ, այդ աղմկարար երեխան ամեն
ինչ կփշացնի: Ու նա դազազում է երկու տարեկան ման-
կան դեմ: Թերևս Մուկուչն էլ այնպես շկարողանա պաշտ-
պանել Արուսին, ինչպես Արմիկն է պաշտպանում նրան իր
միակ զենքով, իր լացով:

Մի օր առավոտ, Բաբելը կանգնում է քողտիկի դիմաց ու դուրս կանչելով Արուսինն ասում է:

— Էսօր մոռացել են մշակներին հաց տանել. արի վերցրու էն մեշոկն ու տար շալթուկի դաշտը: Մարդդ էլ, պիտե՛ս, էնտեղ է. աշխատող մարդիկ են, պետք է ուտեն, որ գործն առաջ գնա:

Շոգ է. Արուսը բեռը կապում է մեջքին, պիրկն է առնում Արմիկինն ու բռնում է դաշտի ճամբան:

Գնում է Արուսը քրտնփակալած ու ծոված մեջքով, ուղում է դաշտի ծաղիկներից մի փունջ շինել իր Արմիկի համար, բայց սիրտը հանգիստ չէ. շալթուկի ցանքերը հեռու են. պետք է շտապի: Վերջապես տեղ է հասնում. արդեն ճաշի ժամն է. այնտեղ մոծակներն առատ են, և արևն էլ այրում է, ինչպես թեժ երկաթ: Արուսը քրթմնջալով գետին է դնում Արմիկինն, ապա հացը հանձնում է Բաբելի մշակներին:

Ու Արուսն այսպես գնաց եկավ մի քանի օր. միշտ ծանր բեռն ուսին, միշտ հեղուկ ու քրթմնջալով. նա էլի մի կերպ դիմանում էր. բայց Արմիկի վիճակը հետզհետե ծանրանում էր: Բարկ արևի տակ երեխան թուլանում էր ու Արուսին երբեմն թվում էր, թե նա շնչասպառ է լինում: Մոծակները հանգիստ չէին տալիս մանկանը, նա աղեկտուր ճշում էր:

Այսօր երբ Արուսը դաշտ հասավ, Արմիկն այնքան էր լացել ճանապարհին, որ այժմ հազիվ հոգոցներ էր հանում:

Արուսը այնպիսի դիրքով նստեց, որ իր մարմնով ըստվեր դցի տղայի վրա և մայրական գորովալից խոսքերով ուղում էր հանգստացնել նրան: Բայց երեխան բոլորովին նվաղել էր. քիչ հետո դեմքն էլ սպրտնեց և սկսեց դողացնել: Այնքան ծանր էր այդ պատկերը Արուսի համար, որ չդիմացավ և շոյելով որդու մարմինը սկսավ բարձրագոչ լալ:

Վրա հասավ Մուկուչը. մոտեցան նաև մի քանի այլ

տղամարդիկ ու կանայք: Արուսը հուսահատ նայում էր երեխային ու շգիտեր ինչով օգներ նրան:

— Դող ա,— եզրակացրեց մի տարեց կին և սվեկացրեց,— էս շոգին, էս մոծակներին՝ ձեռքին մենք ենք հավելում, ո՞ւր մնաց երեխան:

Նվ նա խորհուրդ տվեց, որ երեխային այլևս դաշտ չբերի:

Արուսը Արմիկին սեղմեց կրծքին ու հառաչելով տուն վերադարձավ: Մուկուշը գլուխն հուսահատ տարուբերելով, երկար նայում էր կնոջ ու դավակի հտեկից:

Գ.

Արմիկը պառկած է քողտիկի հատակին, խսիրի վրա և խորն ու անհանգիստ տնքում է: Աչքերը պղտորվել են. տենդի մեջ նա այս ու այն կողմն է դառնում: Արուսը կբաժ երեխայի վրա, սրտի թրթիռով խոսում է.

— Իմ քաղցր բալա, բա ե՞րբ պիտի մեկ էլ էն աղունիկի ղունղունոցդ դցես. հա՞, իմ անուշ բալա:

Արմիկը շի արձագանքում մորը, միայն մերթ ընդ մերթ թույլ շարժում է ձեռքերը ու էլի թորշոմած տերևի նման գցում կողքին:

Մուկուշն էլ տուն չի գալիս, որ գոնե Արուսին մի քիչ սիրտ տա: Բաբելն այժմ նրան ուղարկել է սարը անասունների հոտերին հսկելու և Արուսն աչքը շուր կտրած սպասում է Մուկուշին. հա էսօր կգա, հա վաղը:

Դուռը բաց անողն էլ է կտրվել. այսօր, հաղիվ հաղ, Արուսը կարողացավ մի երկու հարևանի տեսնել, խորհուրդ հարցնել, թե ինչ միջոցներով բժշկի Արմիկին. այս անգամ էլ Արուսի բախտը բանեց. իրիկունը նրա դուռը բացեցին. եկողը Փիրոզ նանն էր, որի մասին ասել էին հարևանները: Արուսը ոտքի կանգնեց. ներս մտավ վաթսունի մոտ մի կին. շնայած շոգին, նա հագել էր հաստ անթարի, իսկ գլխին փաթաթած շալի տակից փայլում էր ոսկեգույն զարդերի շարանը: Նրա դեմքին ահավորութուն էին տալիս փոս

քնկած աչքերը, որոնց դեղին փայլը սարսուռ էին ազդում դիտողին. երբ խոսում էր, երևում էին հատ ու կենտ, դեղնած ու փշաքած ատամները:

Նա նստեց Արմիկի կողքը, ոսկրոտ ձեռքերը քսեց նրա դեմքին ու, նշանակալից շարժելով գլուխը, խոսեց.

— Դե՛ւն ա տալի, հա՛, — և, ծպպացնելով շրթունքները, զննական նայեց Արուսին:

Արուսը շղիմացավ Փիրոզ նանի սուր հայացքին, նրա երկյուղած սիրտը լցվեց տագնապով. նանի շարժումներն ու արտահայտությունը այնքան խորհրդավոր էին, որ Արուսը սնոտիապաշտական երկյուղածությամբ, միայն իր ներսում մրմնջում էր գիտեցած ազդեցի խոսքերը: Ի՞նչ էր թագնված այդ կնոջ մեջ, որով նա կարող էր կյանքի կոշեղ իր Արմիկին:

Փիրոզ նանը գործի անցավ. նա ծոցից հանեց մի քանի թղթեր, մի համրիչ, երեք հատ գուլնզգուլն քարեր, որոնցից մեկը նա անվանում էր սատանի եղունգ, և այդ բոլորը հավաքելով բռան մեջ, նախ ձեռքը մի քանի անգամ օդի միջով շրջադժեց հիվանդ երեխայի շուրջը, ապա առարկաները գցեց հատակին և ստուգելով նրանց անկման դիրքը, մոխեց դեմքի արտահայտությունը, որից ավելի սարսափելի դարձավ նրա աչքերի փայլը, և բացականչեց.

— Հ՛ա... էս ի՞նչ ես արել, այ աղչի:

Նրա տոնի մեջ այնպիսի ազդեցիկ շեշտ կար, որ Արուսը կծկվեց և տագնապով էր սպասում նրա հետագա խոսքերին.

— Դու բարկացրել ես աստծուն. դրա համար էլ երեխայի պահապան հրեշտակը խոռվել ա... հիմա շար սատանան ա բուն դրել երեխայի մեջ ու տանջում ա նրան:

— Վա՛յ իմ օրին, վա՛յ իմ խեղճ, իմ արդար բալին, — հեծկտաց Արուսը և ձեռքերը խփեց գլխին:

Այդ ավելի ոգևորեց Փիրոզ նանին:

— էս շարը, էս բարին. էս բարին, էս շարը. էս ա աշխարհի օրենքը. շարն հիմի բուն ա դրել տղիդ մեջ. հա-

մա բարին չի կորել աշխարհից, բարին պիտի դուրս բջի էդ շարին...

— Բարին, բարին,— շնչաց Արուսը և աղաչական աչքերով նայեց պառավին:

— Հա, որ բարին շարին հաղթի, պիտի թըլիսմ անել, թըլիսմ անելը հեշտ չի... ա՛յ, դրա համար հիմի կերթաս. կերթա՛ս, կհասնես մի դռան. էդ դուրը բաց կանես ու ներս կմտնես. էնտեղ մի մարդ պիտի լինի նստած. մարդը հասարակ մարդ չգիտենաս, ինքը կլինի մի հիսուն տարեկան. բարի, աստվածավախ մարդ ա. նրան տեսար թե չէ՝ կասես. «Տերն մեր Հիսուս-Քրիստոսի անունով աղաչում եմ քեզ, որ մի մազ տաս տանեմ, թլիսմ անեմ, երեխիս շարը խափանեմ». թե ասեց՝ «Տերն մեր Հիսուս-Քրիստոսի անունով, արի մազը տար, երեխիդ շարը խափանի», կմոտենաս ու նրա դնչից մի սպիտակ մազ կպոկես, կհանես. թե ձեն չի հանեց, բու բախտը քեզ հետ՝ կթողնես ետ կգաս:

— Ախր էդ տունն ու դուրը ես որտե՞ղ գտնեմ,— շփաշփած հարցրեց Արուսը:

— Կմտնես հենց առաջին պատահած տունն ու դուրը:

— Էստեղ մոտիկ, աղա Բաբելի տնից ու դռնից բացի ուրիշը չկա:

— Էնտեղ էլ կմտնես...

— Էնտեղ,— կմկմաց Արուսը ու սարսուռը պատեց մարմնին:

— Էդ մեկ,— վրա բերեց պառավը,— հետո կերթաս երկու հատ սպիտակ փորով վառեկ կճարես, վառեկները ժամի դռանը մատաղ կանես. փորի սպիտակ բմբուլներին մի-մի հատ կթաթախես իրենց արյունի մեջ ու էն մազի հետ կբերես: Թե ասածս արիր, թլիսմը կսարքեմ ու տղեդ էլի էն առաջվա տղեն, էլի էն առաջվա տղեն:

— Յա տեր աստվա՛ծ,— բացականչեց Արուսը և մի պահ մնաց քարացած: Նրա հեզիկ դեմքը, շառագունած երկյուղածուխյան զպացումից, արտահայտում էր նրա հոգու ամբողջ ալեկոծությունը. սիրտն ուժեղ բաբախում էր. նա-

յեց նվաղած երեխային, որն անհաղորդ էր, թե ինչ էր կատարվում իր շուրջը. ա՛խ, մի՞թե տղան կարող է նորից կյանք առնել:

— Դե, շուտ, ինչ որ ասեցի, գնա՛, արա՛. մինչև գալդ, ես էլ շարխափանի աղոթքը կանեմ,— ասաց պառավը և Արմիկին գիրկն առավ:

Արուար կարոտալի հայացքով նայեց մանկանը ու դուրս գնաց:

Ե.

Նա ուժ տվեց ոտքերին ու հասավ առաջին պատահած դուռը, Բաբելի տան դուռը: Ներս մտավ: Օղայում նստած էր Բաբելը: Արուար երկյուղածությամբ կմկմաց.

— Աղաչում եմ... մի մազ... թլիսմի համար, շարը խափանելու համար:

Ասաց ու սրտատրոփ սպասում էր պատասխանի. վայ թե նա բարկացած է իր վրա, վայ թե չպատասխանի. չէ, բարին անպակաս է աշխարհից:

Բաբելը խոսեց.

— Արի տա՛ր մազը, երեխիդ շարը խափանի:

Արուար սիրտը տեղն ընկավ. բայց ինչպե՞ս մոտենար, ինչպե՞ս պոկեր մազը. ինչ լավ կլինեք, որ հենց ինքը, Բաբելը պոկեր ու տար. բայց ո՛չ, թալիսմանի համար էր, Արուան ինքը պիտի պոկեր:

— Արի՛, տա՛ր,— լավում է կրկին Բաբելի ձայնը:

Արուար մոտենում է վախով: Բաբելը բռնում է նրա ձեռքը: Արուար զննում է նրա ծնոտը ու դեռ սիրտ չի անում մազը պոկել:

Բաբելը Արուարի ձեռքը մատեցնում է իր դեմքին... և այնուհետև Արուար զգում է, որ իր հետ ինչ որ վատ բան է կատարվում, սակայն չի կարող դիմադրել, չէ՞ որ այնտեղ սպասում է հիվանդ երեխան: Արուան ինքնամոռացման մեջ զգում է միայն շար ու տանջող հպումներ, սակայն նրա փակ աչքերի առաջ միայն Արմիկի պատկերն է երե-

վում. ա՛խ, Արմիկը, Արուսի շուենն ու կյանքը. ինչ լինում է լինի, միայն ինքը շուտ տուն վերադառնա, Փիրոզ նանի ձեռքից վերցնի երեխան ու սեղմի կրծքին: Այս մշուշոտ մտքերը խառնաշփոթվում են միայն Բաբելի տաք շնչից, որ փշում է իր դեմքին... Քիչ անց նրա մատները խտուտում են Բաբելի ծնոտը, ապա աջ բթամատի ու ցուցամատի արանքում մնում է մի ճերմակ մազ...

Վերջացավ առաջին դժվար դործը. շարխափան մազը կա. բայց նա վարանած է, նրան հարկավոր են վառեկներ. նա ունի, բայց ոչ սպիտակ փորով. և Բաբելը թույլ է տալիս նրան հավաքնից վերցնել երկու վառեկ:

Արուսն շտապով դուրս է ելնում և ճամբին, հանդիպելով Մզկուռչի ընկերներից մեկին, եկեղեցու դռանը մորթել է տալիս վառեկները և վերցնելով երկու արնոտած վե-տուր, տուն է վազում խելահեղ թափով:

Զ.

Արուսի գնալուց հետո Փիրոզ նանը Արմիկին դրեց անկողին և երբ դռան արանքից տեսավ, որ Արուսն արդեն հասել էր Բաբելի դուռը, ժպիտի նման մի բան փայլեց նրա դեղնած դեմքին:

— Վայ, Բաբե՛լ, վայ, — յուրովի խոսեց նա, — թե էս անգամ էլ խոսքդ չես կատարել, թե էս անգամ էլ հավանածս մաքին իր գառով տունս չես դրկել, ե՛ս պիտեմ ու ես: Էնպիսի մի թլիսմ անեմ, որ կնկանդ էլ մոռանաս, ուր մնաց, թե շուտ աչքդ ուրիշին պցես:

Ասաց և, մոտենալով երեխային, շարխափնդ նայեց նրան:

— Չեներ ես հանում, հա՞, չես թողնում, որ մերդ Բաբելի ոտքերը լվա, հա, — քրթմնջում է նա և իր շորացած մատներով շոշափում է Արմիկի դալկացած մարմինը:

Երեխան հեռում է, թվում է, թե օդը չի բավարարում նրան: Փիրոզ նանի մատներն էլ, որ օձի սառնությամբ դիպչում են մարմնին, ավելի են գազազեցնում մանկանը: Իսկ Փիրոզ նանը, երբ կասկածելի մի ձայն է լսում, սկսում

է. խաչակնքել երեխային. և բարձր ու հանդիսավոր կըրկնում.

— Յա խնդիր-կատար աստվածածին, դու շարն հանես էս երեխիցը. յա սուրբ Հիսուս, դու սատանին հեռու քշես էս մինուճարիցը:

Բայց տեսնելով, որ նա չի հանդարտվում, ըստ երեվույթին մորն է պահանջում, Փիրող նանը բարկացած մըրթմըրթում է և իր չոր մատներով մի քանի անգամ սխմրտում է երեխային: Ապա դուռը կիսով բացում է ու նայում դեպի Բաբելի օդան. ոչ որ չի երևում:

— Է՛հ, ես տնպա՞հ եմ եկել: Մինչև ե՞րբ պիտի էդ բողեն էնտեղ քեֆ հասցնի:

Ասաց նա ու ջղայնորեն սկսեց ետ ու առաջ քայլել սենյակում:

Արմիկն այժմ միայն տնքոցով՝

— Մա՞,— էր բացականչում:

Եվ այն պահին, երբ երեխան վիզը ծռած, սառած հայացքով նայում էր մի կետի, Փիրող նանը, զգալով Արուսի մոտենալը, սկսեց խաչակնքել երեխային, հետն էլ կրկնելով.

— Սուրբ տե՛ր, մե՛ծ ա քո զորությունը, շարի, սատանի ճամբեն մոլորեցրու, որ էլ չմոտենան էս երեխին:

Արուսը թափով ներս ընկավ և, կարծես, ինչ որ ծառությունից թեթևացած, հոգոց հանեց ու փաթաթվեց երեխային:

— Իմ աղիզ բալա, բա էս ի՞նչ ա, ինչի՞ ձեն շես հանում:

— Չարը, որ միշից դուրս եկավ, երեխեն հանգստացել ա,— ներշնչող տոնով ասաց Փիրող նանը:

Ապա նա Արուսից վերցնելով մազն ու բմբուլը՝ տեղավորեց մի կանաչադույն փոքրիկ շորի մեջ, շարունակ ինչ որ բան մրմնջալով քթի տակ, եռանկյունի ձև տվեց շորին, և երբ թալիսմանը պատրաստ էր, ամբացրեց երեխայի շապկին՝ կրծքի աջ կողմից: Հետո դարձավ Արուսին.

— Դե, հիմի երեխին հանգիստ թող. էս թլիսմը կը-
այահպանի նրան ամենաչն շարե:

Է.

Ամբողջ գիշերը Արուսը նստած է Արմիկի կողքին ու
նայում է նրա դեմքին:

Մեկ-մեկ երեխան այնպիսի ծանր հոգոցներ է հանում,
որ Արուսը նրան հանում է անկողնուց, սեղմում է կրծքին,
մայրական ջերմ շունչը սփռում է նրա վրա, կարծես ցան-
կանալով իր շնչով կենդանութուն տալ նրան:

Լուսանում է. ցերեկվա լույսի տակ ավելի արտահայ-
տիչ է երեխայի դալկութունը: Մանկիկն ավելի ծանր է
շնչում: Արուսը, վհատած, գլուխը տարուբերում է, մի՞թե
չարը նորից մոտեցավ երեխային, չի՞նի՞ թե ինքը որևէ
բան սխալ արավ: Պետք է գտնել Փիրոզ նանին. այս ինչ
է, երեխան ձեռքից գնում է.

— Արմի՛կ, Արմի՛կ,— հուսահատ ձշում է մայրը:

Երեխայի բիբերը սառչում են: Այո՛, կյանքը խուսա-
փում է Արմիկից, և Արուսը վերապրում է այն ըոպենները,
ինչ ինքը գործադրեց երեխայի փրկության համար: Փիրոզ
նանը, հետո Բաբելը, շարխափան մազը... ինչպե՞ս պատա-
հեց այդ բոլորը. ի՞նչ գնով նա ստացավ այդ մազը:

Մինչ այդ, որ նա դործել էր մի տեսակ ինքնամոռաց-
ման մեջ, այժմ, երեխայի սառչող մարմնի հանդեպ սթափ-
վում է: Եվ ինչքան նրան պարզ պատկերացավ տեղի ու-
նեցածը, այնքան ավելի նա զայրույթով լցվեց Փիրոզ նա-
նի ու Բաբելի դեմ:

Երեխան գրկին, մի քանի անգամ գնաց եկավ քողտի-
կում, ապա մի խելագար թափով դուրս ելավ բակը. նա
հասնում է թթի ծառին, այնտեղ, ուր ինքը Բաբելից ընդու-
նեց Արմիկին նվիրված շապիկն ու գոգնոցը: Արուսն այժմ
շատ բան է հասկանում: Ո՛հ, այդ Բաբելը, նույնիսկ իր
մազը չխնայեց երեխայի համար: Քրթմնշալով նա մտնում
է Բաբելի օդան:

Բաբելն ու Փիրոզը նանը դեմ դեմի նստած, հաճույալի ժպիտով, զրույցում են: Ինչ խոսք, նրանք ուրախ են, որ շարք հանել են երեխայի միջից: Արուար համարձակ առաջանում է. արդեն դիակնացած երեխային դնում է թախտին ու, մոլուցքով, մեկ Բաբելին է նայում, մեկ Փիրոզը նանին: Նրանք երկուսն էլ, բարկացած, ոտքի են կանգնում:

— Ահա՛, — դառն քրքիջով խոսում է Արուար, — երեսն էլ ձեն չի հանում, էլ չի խանգարի, որ Բաբելի ոտքերը լվանամ. դե՛, հայդե՛, Փիրոզը նան, դու ի՞նչ գործ ունես էստեղ...

Բաբելն ու Փիրոզը նշանակալից նայում են միմյանց, հետո Արուարին: Նրա շաղված աչքերը, բորբոքուն դեմքը, մանավանդ համարձակ խոսքերը, տարօրինակ են: Փիրոզը մի քայլ է անում դեպի երեխան և հավաստիանալով, որ հա հրածեշտ է տվել աշխարհին, գլուխը կախ ուզում է մոտենալ Բաբելին:

— Թալիսմանը, շարխափանը, — բացականչում է Արուար և կատաղորեն հարձակվում, քաշում է Փիրոզը նանի մազերից ու նրան դետին թավալում:

Պառավը սարսափով բռնված բացականչում է.

— Բռնի՛ր, Բաբել, բռնի՛ր սրան, շարն երեխից ելել, մտել ա մոր մեջ, բռնի՛ր...

Արուար ոչինչ չի լսում. նա մոլեգնորեն հարվածում է Փիրոզը նանին, առանց իմանալու, թե ուր է դիպչում հարվածը:

— Չարը, շարը, — բացականչում է Բաբելը և ուզում է օգնության հասնել Փիրոզը նանին:

Այդ պահին Մուկուչը վրա է հասնում:

Մի վայրկյան Մուկուչը լուռ նայում է գազազած կնոջը, հետո թախտին ընկած Արմիկին, նայում է անվճռական կանգնած Բաբելին ու չգիտե անելիքը. Փիրոզը նանն արդեն խոռում է մահամերձի խողոցով: Արուար թողնում է պառավին և նկատելով Մուկուչին, սկսում է.

— Իմ Արմիկն հիմի չթե շապիկ ու քաթանե գոգնոց

ունի. ինչի՞ ես եկել, Մուկուշ. գնա, թող որ ես Բաբելի
ոտքերը լվանամ. տե՛ս, Արմիկը սավել ա... նա հիմի էլ չի
խանդարի Բաբելին...

Մուկուշն ավելին հասկացավ, քան ասում էր Արուսն
իր անկապ խոսքերով: Նույն կատաղությամբ, ինչ քիչ ա-
ռաջ Արուսը, թռավ ու բռնեց Բաբելի կոկորդից:

— Չա՛րը,— գոռում է Բաբելը և նրա ձայնի վրա օ-
դան են լցվում գյուղացիները,— շարը բուն ա դրել էդ մարդ
ու կնկա. մեջ... բռնե՛ք դրանց, կապեք, դրանք դեղը շա-
րերով կլցնեն...

Բայց Մուկուշի անվրեպ հարվածների տակ, նրա ձայնն
էլ հետզհետե անլսելի է դառնում...

Լոեց նահապետ ամին. լոեց, կարծես ասելիքը վեր-
ջացավ: Ներկա եղողները գլուխներն փստոսանքով տարու-
բերեցին:

Ներս մտավ մի ալեհեր գյուղացի, հետո մի քաջառուղջ
երիտասարդ:

— Ծանոթացի՛ր, էս էլ մեր Մուկուշ բիձեն ու Արմի-
կը,— ներկայացրեց ինձ ներս մտնողներին նահապետ ա-
մին:

— Մուկո՞ւշ... Արմի՞կ,— վարանեցի ես:

— Հա, ընկերոջս որ ասեմ,— նկատելով իմ վարա-
նումը, վրա բերեց նահապետ ամին,— էդ դեպքից հետո
Մուկուշին ու Արուսին մի հինգ տարով բանտ տարան, որ
չարը խափանեն... փառք աստճու, խափանվեց,— հեզ-
նանքով ասաց նա վերջին խոսքերն ու ավելացրեց,— ժա-
մանակ էր անցավ, էլի լուս աշխարհ ելան. երբ ծնվեց նոր
տղան, դեղովի ասինք, որ առաջինի հիշատակին, սրա ա-
նունն էլ Արմիկ կնքի:

— Հապա Արո՞ւսը:

— Արուսը,— միջամտեց Մուկուշը,— նա հիմի մտա-
ծում ա, թե տղայի կանաչն ու կարմիրը ո՞նց կապի:

— Կանաչ-կարմիր, — կրկնեցի ես ու նայում էի Մու-
կուշ բիձայի ճերմակած հոնքերին:

— Հա, էս մեկը կանաչ-կարմրով վերջացավ, — եզրա-
փակեց Նահապետ ամին, գյուղի յոթանասուն տարվա
կյանքի կենդանի վկան, — թե մեկ էլ գաս, քեզ կպատմեմ
«Երկձյուղ մազի» ու «Արևաշենցի Ենովք բիձայի պատմու-
թյունը»: Աշխարհում չեղած պատմություններ են. գիտեմ,
դրող մարդ ես, քեզ պետք կգա...

1924

Երևան

Ն Վ Ե Ր Ը

Չորս ժամ Մելոն թափառեց քաղաքի կենտրոնական փողոցում: Ուզում էր մի տեղ կանգնել, հանգստանալ, բայց չէր կարողանում: Եվ ինչպե՞ս հանգստանար, չէ՞ որ երեկվանից կծկվում էր նրա սիրտը. այնպես անողոք էր ստամոքսի պահանջը: Քաղցն հագեցնելու համար ի՞նչ պիտի աներ. այս հարցն անլուծելի առեղծված էր նրա համար:

Այժմ նրա այտերը տժգունել էին թորշոմած խնձորների պես: Միայն խորը գնացած աչքերից առկայծող փայլը մի տեսակ հրապույր էր տալիս նրա նվաղած դեմքին: Գիշերը, մայթի վրա շուռ ու մուռ գալուց շապիկը բոլորովին պատռվել էր՝ մերկացնելով նրա աջ ոտն ու իրանը, իսկ վարտիկի ծվենները որ սփռվել էին ծնկներին, նրա ամեն մի շարժումից օրորվում էին:

Մելոն նոր էր պատրաստվում դիմավորել իր տասներկուերորդ գարնանը: Երեկվանից նա ապրուստի այլ միջոց չունեի, քան մուրացկանութունը, բայց դա մի արհեստ էր, որ չէր նստում պատանու սրտին: Այդ էր պատճառը, որ նա, այժմ, մեկ նստում էր քաղաքային բուլվարի նստարանին, կամ փողոցի անկյունում ընկած որևէ քարին ու մտորում իր կյանքի ընթացքի մասին:

«Ինչո՞ւ հասա այս վիճակին», — ասում էր նա մտքում ու նրա պատանեկական աչքերի առջև գալիս անցնում էր այն՝ վայրկյանը, երբ ինքն այնպես անզգուշ վարվեց այն օրն իր բարերարի տղայի հետ... այնպես անզգուշ, որ տղան լաց եղավ: Բարերարի հրեխան, զվարճության համար, փայտով զարկել էր Մելոյի գլխին. Մելոն սուր ցավ զգա-

չով, ինքնամոռացման մեջ, կսմթել էր շարաճճի տղային. տղան լացել էր, հորը գանգատվել և սիրող հայրը, առանց հաշվի առնելու Մելոյի երկու տարվա ծառայությունը, նրան փռնդել էր տանից, ուր Մելոն ապրում էր իր ծնողների մահից ի վեր՝ կատարելով տնային ծառային պատկանյալ բոլոր գործերը:

Եվ այսօրվա թափառումն հոգնեցրել ու հուզել էր Մելոյին. քաղցածությանն այժմ միացել էր ամոթի զգացումը և նա, դյուրագրգիռ հոգեվիճակով, նայում էր անցորդներին. նա արդեն մի բանի անգամ փորձել էր ձեռքը պարզել դեպի նրանց՝ մի բան ստանալու հույսով, բայց միշտ էլ այդ գործողությունից սոսկում էր, և այժմ, ավելացող անհանգստությամբ նայում էր առանց կարողանալու կենտրոնանալ անցնողներից մեկն ու մեկի վրա:

Նա նորից համրաքալ առաջ անցավ: Ստամոքսն անհանգիստ էր: Սիրտը խառնում էր և զզում էր, որ ոտքերն հրաժարվում են իրեն ծառայելուց:

— Չէ, պետք է մի բան անել, — մտածաց նա և կանուր առավ մի հրուշակարանի ցուցափեղկի դիմաց, ուր խնամքով դարաված էին թարմ ու փափուկ խմորեղենները: Եվ ինչքա՞ն զրգոխ էր նրանց տեսքը: Մելոն ազահորեն դիտեց նրանց դարավածքը, հետն էլ սկսեց հաշվել՝ մեկ, երկու, երեք... տաս... քսան, է՛հ, ինչքան են... ա՛յ, այն մեկը, հենց միայն այն մեկը բավական է Մելոյի քաղցը հագեցնելու համար. բայց ո՞վ է նրան կարկանդակ տվողը, ո՞վ...:

Այս մտածումներով, Մելոն, ուզեց խանութը մտնել. ողորմություն խնդրելու մի փորձ անել, բայց այդ պահին մի ուրիշ թափառաշրջիկ տղա, արհամարհոտ նայելով Մելոյին, կանխեց նրան և, համարձակորեն ներս մտնելով հրուշակարանի բաց դռնից, ասաց.

— Խաղեին, մի կտոր...

— Է՛հ, — բարկացած խոսեց խանութպանը, չթողնելով, որ տղան ավարտի իր ասելիքը, սակայն, նկատելով

իր վրա հառած հաճախորդների հայացքը, հանկարծ փոխվեց և, ներողամիտ ժպիտով, մի կտոր շոր հաց պարզեց թափառաշրջիկին՝ ասելով.

— Սաղ օրն էս ա, էլի... Դե, ա՛ն. ա՛ն ու փախի:

— Վա՛խ,— ասաց Մելոն յուրովի,— ինչի՞ տաջուց էս շուղեցի... էն հացն ինձ կտար. հիմի որ ուզեմ էլ խոշի տա, չէ՛, իհարկե չի տա. ասեց առ ու փախի...

Քաղցն արդեն անտանելի էր դառնում Մելոյի համար, և նա, բերանում ինչ որ դառնություն զգալով, լեզուն ծրպպացրեց. զգում էր, որ լորձունքն էլ է շորացել բերանում: Հուսահատված, ջղագրգիռ շարժումներով նորից սկսավ հետ ու առաջ գնալ փողոցում:

— Ա՛խ, էս անգամ էլ մի կուշտ ուտեի, ինչ կլինեի, թող լինեի:

Բայց ինչպե՞ս. դրա համար նա այլ միջոց չունեի այսօր, քան ողորմություն հայցելը, և սակայն դեռ վարանում էր որևէ մեկին ձեռք պարզել: Դարձյալ քայլեց փողոցով, այս անգամ խորագնին նայելով անցորդներին, կարծես ուզենալով գտնել այնպիսի մեկին, որ շմերժեր իրեն ողորմություն տալ: Սակայն ո՞ր մեկն էր այդ բարի անցորդը. ո՞ւր էր նա... իսկ եթե այդպիսին էլ գտնվեր, ինչպե՞ս մոտենար, ինչպե՞ս ուզեր:

Ահա քիչ առաջվա թափառաշրջիկը. նա գնում, կառչում է այս ու այն անցորդի փեշից՝ քաշում, քաշքշում է: Ահա, այն մեկը բարկացավ, ի՞նչ, նույնիսկ ուզում է զարկել: Ո՞հ, ո՛չ, ո՛չ, Մելոն չի կարող, չէ՛, չի կարող այնպիսի մեկից խնդրել, որ մերժում ստանա. սակայն ո՞ւր էր այն մեկը, որ շպիտի մերժեր: Անշուշտ կար այդպիսին, բայց Մելոն ո՞նց ճանաչեր նրան: Անցան դարձյալ ծանր ու սիրտ մաշող բոպեներ: Դարձյալ նրա ներսում անհանգիստ է... հասկացե՛ք, վերջապես, հասկացե՛ք, Մելոն ուտել է ուզում:

Եվ ահա Մելոյի աչքին է ընկնում երկու գույզ. երկու տղա, երկու աղջիկ,— շորսն էլ երիտասարդ, աշխուժ ու

զվարթ. նրանք մի շարք կազմած անցնում են փողոցի միջով:

— Սրանցից պիտի ուզեմ, — վերջապես վճռեց Մելոն, — ա՛յ, այն աղջկա ձեռքում քսակ կա, նա անպայման մի բան կտա, նա չի մերժի, նա բարի է երևում: Եվ այս մտածումով պատանին շփեց դեմքը՝ Դարժես ցանկանալով վանել այնտեղից այն՝ ինչ կոչվում է ամոթի վզացում. ապա մոտեցավ քսակ ունեցող աղջկան ու, ձեռքը պարզելով դեպի նա, հազիվ լսելի ձայնով, շնչաց.

— Օրիորդ ջան... մի քիչ հացի փող...

Օրիորդն, առանց դեմքը շուռ տալու, շոր ձայնով ձըջաց.

— Գնա՛, հեռացի՛ր, փող չկա. խուժան...

Մելոյի աչքերը մթնդացին, թվաց, թե պայծառ ցերեկը միանշամից խավարեց, և նա, ինքնամոռացման մեջ, ռեֆլեքսորեն, փոխանակ հետ պնալու, դարձյալ շարժվեց օրիորդի հտեից և մրմնջաց.

— Ախր, ես...

Նա չգիտեր ինչպես վերջացնել խոսքը. նրա հայացքին նայելով, կուզեր ասել, ճախր, ես մուրացկան չեմ, բայց ոչինչ էլ չկարողացավ ասել, միայն նույն անգիտակից մղղումով դարձյալ առաջ էր շարժվում:

Օրիորդը, նկատելով հտեից եկող Մելոյին, բարկացկոտ ետ դարձավ և դռնեց.

— Քեզ չե՞մ ասում. չկա էլի, կորիր, ի՞նչ ես ձյութ դարձել:

— Օրիորդ, օրիորդ, — սրտապատառ բացականչեց պատանին:

Օրիորդին թվաց, թե սղան համառում է իր պահանջի մեջ: Ըստ երևույթին, նրան դուր չէր գալիս այդ համառությունը, ուստի և նա, դառնալով իրեն ընկերակցող տղային, ասաց.

— Սուրեն, այս խուժանն ապտակ ուտելու ցանկություն ունի...

Սակայն, Սուրենը, նայելով Մելույին, ըմբռնեց, որ տղան բոլորովին էլ ապտակ ուտելու ցանկություն չունի, ուտի և գրպանից հանելով մի հինգ կոպեկանոց, պարզեց դեպի Մելոն:

Մելոն շմժած, ուզում էր խույս տալ, քանի որ նա լքուկ էր աղչկա խոսքերը և ենթադրում էր, թե ապտակն է, որ պիտի ստանա, սակայն զարմանքը մեծ եղավ, երբ իր ձեռքում տեսավ հինգ կոպեկանոցը: Մի պահ նա ինքնամոռացման մեջ էր, սակայն հետզհետե սթափվեց և այժմ նրա պատանեկական դեմքին գծագրվեց ամոթախառն զայրույթի զգացումը: Նրա ձեռքերն սկսեցին դողալ, բիշ մնաց փողը ցած գցեր, ապա նրա մարմնով անսովոր սարսուռ անցավ. նա նայեց զույգերի ետևից, որոնք անխռով շարունակելով իրենց զբոսանքը, խոսում էին և բարձրաձայն քրքրում: Մելոն իր պատանեկական հոգու ամբողջ թափով կատաղել էր օրիորդի այն անպատկառ արտահայտության դեմ, որ դեռ հնչում էր իր ականջին:

— Այս տղան ապտակ ուտելու ցանկություն ունի...

Նա կամեցավ մի քար վերցնել և այնպիսի ցանկություն ցույց տալ օրիորդին, որ... բայց զսպեց իրեն և զայրույթից կրճտելով շրթունքներն իջավ փողոցն ի վայր: Նա այլևս մոռացել էր սովածությունը, թվում էր, թե երբևէր սոված չի եղել, սիրտը թեև կծկվում էր, բայց այն լցվել էր ինչ որ նոր, մինչ այդ Մելույին անծանոթ զգացումով:

Մելոն, վիրավորանքի զգացումն ամբարած իր փոքրիկ կրծքի տակ, շարունակում էր վայր իջնել, երբ ծաղկավաճառն անցավ նրա կողքով իր սովորական կանչով.

— Յասամա՛ն, մանուշա՛կ:

Եվ դրա հետ միաժամանակ ականջում հնչեց շարադուշակ ձայնը.

— Այս տղան ապտակ ուտելու ցանկություն ունի:

Մելոն, տապակվելով իր ներսում հորդացած ցասման

մեջ, շուռ եկավ, հասավ ծաղկավաճառին ու, պարզելով հինգ կոպեկանոցը, ասաց.

— Մանուշակ տուր:—

Ծաղկավաճառը, նախ գրպանը դրեց հինգ կոպեկանոցը, զարմացած դիտեց պատանուն և ապա, մի փուռնջ մանուշակ տալով, ասաց.

— Փռնիչը տաս կոպեկ արժե, համա որ էղբան ծաղիկ ես սիրում, ա՛ն, թող սա էլ հինգ կոպեկով դնա:

Մեկոն բնավ չլսեց ծաղկավաճառի խոսքերը, վերցրեց մանուշակը և սկսավ հոտոտել. ծաղիկ բուրմունքը կարծես քիչ զովացրեց նրա վրդովված հոգին և նա, այլևս ոչ այնքան դյուրագրգիռ, սկսավ խորհրդածել.

— Չէ, ես թույլ չեմ տա, որ ինձ վրա ծիծաղեն, ինչպե՛ս: Ես ապտակի՞ եմ արժանի. ինչո՞ւ համար. ես ի՞նչ արի, հա՞ ի՞նչ արի: Թերևս այդ պատիժն են տալիս մուրացկանությամբ զբաղվողներին, հա՞... Եվ նա, գլուխ չհանելով այս հարցերից, նորից դիտեց դնած մանուշակը և, շուռ գալով, տեսավ երջանիկ զուլգերին, որոնք իրենց անհոգ քրքիջով իջնում էին ներքև:

Մեկոն մի պահ կանգնեց. դեմքին պատել էր մռայլության քողը: Աշխատելով զսպել իր ցասումը մտմտաց.

— Չէ՛, ես չեմ ուզում, որ հինգ կոպեկի համար ինձ խաշտառակեն, և մոտենալով օրիորդին.

— Չեղ նվեր,— ասավ նա մի հեզնական ժպիտով, և ձեռքի մանուշակը հանդիսավոր պարզեց նրան:

Օրիորդը մնաց քարացած. ոչ մի խոսք չգտավ պատասխանելու. նրա դեմքն իսկույն փոխեց իր գվարթ արտահայտությունը. և, ձեռքի մեքենայական շարժումով, ընդունեց պատանու պարզած ծաղիկը...

Օրիորդը, հետևյալ և մյուս օրերը, նույն և ուրիշ փոփոցներում շատ փնտոհեց պատանուն, բայց այլևս չտեսավ նրան:

Ա Ս Մ Ա Ր

Ա.

Այնտեղ, ուր անտառապատ լեռների կատարները քերում են երկինքը, ուր ամպը շալմայի նման հաճախ փաթաթվում է սարի գագաթին, այնպե՛ս դուրեկան է Շովր, և այնպե՛ս թովիչ Մոչունների համերգը:

Լայն հովտում խոխոջում է գարնանային պղտոր գետակը: Ամեն թումբից ու ճեղքվածքից ջուրը ծլծլալով խառնվում է գետակին, որն ագահորեն կլանում է զուլավտակները և հետզհետե մուլեզնող ընթացքով խփում է քարերին, արմատահան անում անսպաշտպան բույսերը և խառնելով իր ընթացքին առաջ սուրում:

Այսպես է այս հովիտը. աջ ուսին թանձրախիտ անտառն է, ձախ ուսին մինչև պորտը ծաղիկներով պարուրված սարն է, որից վեր խոյանում են սրածայր քարե զանգվածները՝ դարերի հարվածներից ստացած խոր ճեղքվածքներով:

Արևն այնպես շեշտակի է խփում այս հովտում, որ ծառերն ու ծաղիկները, դեռ վաղ գարնան, հեզնելով փեշերը հետզհետե հավաքող ձյանը, փռում են իրենց թևերը ու հաճելի բուրմունքով դեպի իրենց են գրավում բնության մյուս շնչավոր արարածներին:

Թիթեռն ու բզեզը, զատկաճանճն ու մրջյունը, վխտում են ծառերի տերևներին, քարերի արանքում և տոնում են իրենց հարությունը, նոր կյանքը:

Սարալանջին փոված է հովվի հոտը. այծերը, պոզերը վեր տնկած՝ բարձրացել են ժայռերը և վերից հպարտ-հը-

պարտ նայում են ցածում արածող ոչխարներին, որոնք մեկ-մեկ, կարծես հանդիմանորեն, նայում են իրենց ամբարտավան ընկերներին և մկկալով նորից շարունակում են կրծեկ նորահաս խոտերը:

Քերիմը մի ոտքը ծալել է տակը, մյուսը երկար ձգել, որի վրա հանգչում է դամփուի գլուխը, և ղլիկ հովվական շվին: Փշում է ուցրած թշերով, գեղգեղում է ձայնը, արձագանքում ծաղկահովտում և թվում է, թե ծառերն ու ծաղիկներն էլ հմայված այդ կանչով՝ խոնարհում են իրենց տերևները, ունկնդրում հովվին:

Գետափին նստած աղջիկներն ա՛նա լվացվեցին, ոստ-ոստալով թոան թումբերից ու բարձրանում են վեր՝ դեպի սարալանջը: Նրանց կանաչ-կարմիր զգեստները, նրանց արևախանձ ու ժպտուն դեմքը այնպե՛ս ներկաշնակ են այդ երփներանգ ծաղիկներին:

Ասմարի բարակ ունքերին իշավ ճակտահոս քրտինքը. նա բազկով սրբեց այն և սրածայր փայտով փորփրելով հողը՝ գոգը խանդող ու սինձ լցրեց:

Հովիվը փշում էր շվին՝ դուրեկա՛ն, հմայի՛չ:

Աղջիկներից մի քանիսը գնացին, շարաճճիորեն հարվածեցին ոչխարներին, պտուկները ձգեցին՝ ֆշշոցով գուրս ժայթքեցնելով կաթը:

Ասմարն էլի առաջ գնաց. Քերիմը տեսնելով Ասմարին, ավելացրեց շվու գեղգեղանքը:

Ասմարի աչքերը փայլեցին. այտերը անտառի մորու պես կարմրատակեցին և նա մի սիրի-սիրի սեղմեց շրթ-թունքների արանքը:

Գարնան արևը պայծառացրել էր Ասմարի դեմքը, բորբոքել նրա մեջ տարիներով ամբարած զգացումները: Ասմարը ետ է նայում. ո՛ւր մնացին աղջիկները. ո՛վ գիտե, որ անկյունը թագնված դիտում են իրեն... ո՛հ, թող դիտեն, ինչքան կուզեն թող լրտեսեն. նա այլևս չի կարող շանսալ իր սրտի թելադրանքին. երբեք նրա հոգին չի ճմլվել այնպես, ինչպես այս վերջին տարին, երբեք նա այնպես մոտ

չի եղել իր վճռին, ինչպես այժմ: Պարուրված դարնան ա-
րևի շողերով նա ավելի համարձակ է դարձել. երբ Քերիմը
դադարում է նվազելուց, Ասմարը շրթունքների արանքից
բաց է թողնում սիրի-սիրին, մի պահ երևում է նրա ճեր-
մակ ատամնաշարը ու նա ծիծաղում է և իր կարկաչուն
ձայնով լցնում է շրջապատը: Բերկրանքը շողում է Քերիմի
առնական դեմքին: Նա նայեց Ասմարի լազուր աչքերին:
կյանքով լեցուն դեմքին և թրթռուն սրտով մոտեցավ:

— Ասմար:

Ասմարի սիրտն էլ թրթռաց, նա գլուխը թափ տվեց.
ո՞վ է խանդարում, որ Ասմարն ավելի մոտ լինի Քերիմին.
նա՞, Վալին: Ո՛չ, այժմ, Ասմարին, ոչ մի պատճառաբա-
նություն համողիչ չի թվում. նա փեշից վերցնում է մի բռռ
խանդող և սրտանց առաջարկում է Քերիմին: Քերիմը ափն
առավ աղջկա ձեռքը, մեկ-մեկ վերցրեց խանդողը, ապա
շունչը խառնելով Ասմարի շնչին, կարոտակեզ հոգով հար-
ցրեց:

— Ե՛րբ:

— Ե՛րբ. շփտեմ,— տանջալից արտահայտությամբ
ասաց Ասմարը և ազատ ձեռքը սեղմեց կրծքին:

— Ասմար, ախր էլ ո՞նց սպասեմ,— մղկտաց Քերի-
մը և հանկարծակիի բերելով համբուրեց աղջկա դողացող
թուշը:

— Սեավոր,— լավեց աղջիկներից մեկի զիլ կանչը և
նա ափամեջի կաթը ցփնեց Ասմարի դեմքին:

Բ.

Էլի իրիկուն է. էլի Վալին ներս եկավ. թիկնեց փափուկ
բարձին և սկսավ շիրուխը ֆատացնել: Քնկոտ, բորբոքված
աչքերը հառեց Ասմարին, մրթմրթաց քթի տակ և Ասմարին
գիրկն առավ:

Չորս տարի շարունակ այսպես է վարվել նա: Դեռ այն
ժամանակ Ասմարը տասնվեց տարեկան մի անփորձ աղջիկ
էր: Աղքատ Մոտոն, աղջկան մինչև այդ հասակը, ամառ

գրկել էր սիրելու կարողութունից, ով գիտե աղայական
ընտանիքի, որ մեղքի համար:

Այսօր Վալին մոլեգնած է. ածիլված ծնոտը դողում է
առամների կրճտոցից. մտրակը ձեռքն առած նա մտնում է
օդան. Ասմարը սնդուկն է քրքրում և ինչ որ դասավորում:
Վալին բռնում է Ասմարի մազերից ու նրան շարտում է
հատակին:

— Դու անոթի շան աղջիկ, ինչպե՞ս համարձակվեցիր
Վալու անունը կոտրել, արոււը բաժերի լափ անել, հա՞:

Կծկվում են Ասմարի կողերն ու ոտքերը մտրակի հար-
վածներից, ճշում է նա ազիտղորմ, սակայն Վալու թևը դեռ
չի հոգնում:

— Չէ՛, չես գնա, գլխիս փափախ կա, երկուսիդ կա-
շուց սրմա կքաշեմ. իմ հերը չորս կնիկ էր պահում և ոչ
մեկը նրան չդավաճանեց, հիմի դո՞ւ ես ինձ խալտառակ
անելու, տո, մթոքի աղջիկ:

Ու երբ արդեն հանդարտվեց, երբ Ասմարի աղեկատու
ճիշերը հեկեկոց դարձան, նոր միայն Վալին նրան գրկեց,
զցեց օթոցին, մի քանի անգամ գնաց եկավ սենյակում,
ապա հաղթական նստեց նրա կողքին:

Ասմարի աչքերը նողկանքով դարձան դեպի ամուսինը.
արցունքը ցողել էր այտերը և նա այդ դիրքով առանձին
հրապույր էր օտնացել:

Վալին քիչ մեղմացած մտտեցավ, համարյա հեկեկո-
ցով փարվեց կնոջ վզովը և ուզեց համբուրել նրան:

Ասմարը նրան ետ վանեց:

— Ի՞նչ ես ուզում, բավակա՞ն է. էս ո՞ր աշխարհումն
ես ապրում:

— Չէ՛, Ասմար, սիրտս չդիմացավ, երբ լսեցի... վայ
գլխիս... թե գնացել ես Քերիմի մոտ...

— Ինչո՞ւ վայ:

— Ուրե՞մն:

— Այո՛, ես նրան եմ սիրում:

— Քերիմի՞ն:

— Քերիմի'ն:

— Մեկ էլ նրա անունը շսեմ:

— Քերի'մ, — իբրև հարված նորից արտասանեց Ասամարը:

Եվ այդ հարվածը այնպիսի ծանրությամբ իջավ վալու գլխին, որ նրա աչքերը մթնդացին, իր կյանքի երեսուն տարիներում, այն էլ կնոջից, նա չէր լսել այդպիսի նվաստացնող արտահայտություն:

Եվ այլևս ոչինչ չկար այդ օդայում, որ մեղմեր նրա մոլեգնությունը: Նա մի հարվածով պատուեց Ասամարի շքր-շազգեստը և աղջկա պարանոցն ու կուրծքը բացվեց նրա առաջ իր ամբողջ գեղով:

Ասամարը ոգի առած՝ ոտքերով, ձեռքերով սկսեց հարվածել ամուսնուն, որը օձի նման դալարվեց, պլլվեց նրա մարմնով, ապա գիշատիչի նման ժանիքներն ու եղունգները խրեց նրա պարանոցին, կրծքին, ամեն անգամ թողնելով կապտաւուն հետքեր: Կատաղել էր նա խանդից և վարարած կիրքն իր բավականությունը գտնում է հոշոտելու մեջ:

Ասամարը մի անսովոր ճիգով ազատվեց վալու ճանկերից և իրեն մի կերպ դուրս գցեց օդայից:

Գ.

Այնպես դուրեկան է հիմա այս քողտիկը, այնպես հաճելի այս աղքատիկ ճաշը: Ասամարը, մրջյունի պես, այլևս դադար չունի: Ամեն ինչ նրա ձեռքի տակ կերպարանափոփվում՝ նոր ձև, նոր շուք է ստանում. պատերին սարդն այլևս ոստայն չի հյուսում, ձձումի վրա փոշի չկա, հատակը ծածկել է խսիրը, որ նրան գորգի պատրանք է տալիս. սարայում տեղավորված շորս ոչխարներն էլ կարծես ավելի հաճույքով են ծամում խոտը ու մկկոցով ձայն տալիս գանդերին:

Ղումաշը էլ չի այրում Ասամարի մարմինը, վալու հրպուսները չեն վրդովում նրան, ո՛չ էլ նրա ունոցները խանդաբուսում իր քունը:

Քերիմի ուրախությունն էլ շափ շունի. Ասմարի կարող
ուր ոգևորում է նրան. շվին ավելի խինդով է գեղգեղում և
օրն ավելի շուտ է մթնում:

Երբ արևը հանգչում է, լուսինը, սինու նման, իր կտոր
երեսով ուղիղ նայում է Քերիմին և Ասմարին. ի՞նչ է, նա-
խանձո՞ւմ է, թե՞ նրան էլ հաճելի է այդ զույգը:

Քերիմը պահել է ոչխարի գլուխը, իսկ Ասմարը կթում
է. Ֆըշ-ֆըշ ժայթքում է կաթը, լցվում է սափորը:

Քերիմը գոհունակ սրտով նայում է Ասմարի պայծա-
ռացած դեմքին:

Չորս տարվա կիսամեռ կյանքը Ասմարի մեջ ապրելու
անհագ պապակ է սնել: Յերեկին, նա աչքի անցկացրեց
Քերիմի ձմեռային գրագիտական դպրոցում անցած գրը-
քույկը և ինքն էլ իր մտքում հեգեց լսած տառերի անուն-
ները՝ «ալիֆ, բե», տեսնես ո՞ր մեկն է ալիֆը, չէ՞ որ իր
անունը գրելու համար առաջին անգամ այդ տառը պիտի
ձանաչել: Բայց նա դեռ չի կարողանում կենտրոնանալ,
կասկածոտ մտքերը մեկ-մեկ շփոթում են նրա ուղեղը.
տակավին չի մոռացել, որ Վալին սպառնաց, թե երկուսից
էլ «սրմա կքաշի»: Մի՞թե Քերիմը կկարողանա դիմագրա-
վել նրա կատաղի վրիժառությունը: Մարմինը դեռ մղկատում
է, իսկ կրծքին ու պարանոցին մնացած կապտավուն հեռ-
քերը հիշեցնում են Վալու մոլեգնած աչքերի այնքա՞ն նշա-
նակալից արտահայտությունը:

Եվ Ասմարը կարոտալի նայում է ժպտացող Քերիմին.
հանկարծ դողում են ձեռքերը, քիչ է մնում ծնկների արան-
քից սափորն ընկնի. նա հազիվ պահում է. ի՞նչ նոր փոր-
ձանք է սպասում իրեն. թախծոտ աչքերով նայում է լուս-
նին. մի՞թե եկողը Վալին է, այո՞, նրա մոլեգնած աչքերն
են... այս անգամ սափորը շառաչով ընկնում է գետնին:

Կարելի՞ բան է. դրա համա՞ր Վալին մոռոտառ Մստոյի
աղջկան շորս տարի պահեց, դրա համա՞ր նրա առաջ մա-
լուկ-մալուկ փաթ տվեց, շրջանի ամենահարուստ աղայի

կնկանից պայծառ ու խաս հագցրեց, որ այսօր նա Քերիմի պես անոթու-դո՛ւնն ընկնի, որ այսօր թայ ու թայդաշ իր վրա խնդա՞ն, աշխարհն իրեն հեզնի՞:

— Սրմա կքաշեմ, սրմա. Քերիմի ու Ասմարի կաշուց շարուխ կշինեմ:

— Ա՛խ, Վալի,— աղերսում էր ծերունի մայրը,— սիրտդ մի կտորի, ջհաննամը, թե փախալ. Ալլահի զորությամբ դու լավացիր, քեզ մեկի տեղ երեք կնիկ կառնեմ, որ Ասմարը նրանց ոտքերին ջուր լցնելու էլ արժանի չինի:

— Իմ հերն ինձ էզպես խրատ չի տվել, լավ վատ, իմ կնիկն իմ շեմքում պիտի մեռնի:

— Զէ՛, Վալի, պառաւ օրս մի սեւացնի. հիմի աշխարհը փոխվել է, էլ մեր աղաթին երեսատեղ չկա:

— Իմ կնիկն ի՞նչ դործ ունի աշխարհի հետ:

Վալին դազազել է վիրավոր արջի նման և անհույս մոնչում է. երկօրյա մտորումները ալիկոծել են նրա հոգին, մթազնել գիտակցությունը և նա պայծառ լուսնի տակ խարխափում է, ինչպես խավար մղձավանջում:

Ահա՛, նա տեսնում է բախտավոր զուլգին. Քերիմի միայն մեջքն է երևում, բայց նա այնպիսի անդորրությամբ է փռվել մահակի վրա, կարծես խանը հարեմում. Ասմարը ժպտում է նրան այնպես քաղցր ու դուրեկկան, ինչպես ոչ մի անգամ այն շորս տարվա ընթացքում չժպտաց իրեն: Ասմա՛ր, դու այսօր փայլում ես ջեննաթի փերու պես, դու այսօր հուզում ես Վալուն այնպես, ինչպես չի հուզել Մահմեդին, աշխարհի կանանցից սքանչելագույնը, ինքը, սրբբազնուհի Այեշան... դու էլ ես հուզվում. Վալին գիտե քո հուզմունքի պատճառը, դու դողում ես քո բախտավորության վրա, բայց չէ՞ որ այդ Վալու դժբախտությունն է. ո՛հ, ինչ ախորժակով նա կիսմեր քո մատաղ կրծքի բոսոր արյունը. ո՛չ, աղաթն այլ կերպ է թելադրում, առաջ սրան, այս ապուշ հովվին, որ շհամարձակվի ոչխարի սուրուլից դուրս գալ, խառնվել մարդկանց... և դաշույնը պեծպեծում

է լուանի շողերի տակ ու Վալին ոստանում է դեպի Քերիմէ
լայն թիկունքը...

Ասմարն այս անգամ ճշում է աղեկտուր. Քերիմը նոր
է հասկանում կնոջ շփոթութեան պատճառը. կաթը հոսել է
նրա մեկնած ոտքին ու ճապացնում է վարտիքի փողերը:

Ասմարը ճշում է աղաչական.

— Վալի՛...

Վալին անդրդվելի է. Ասմարի ընկձված կանչը ոգևո-
րում է նրան և նա, թափով՝ դաշույնը պտտեցնում է ձեռ-
քում:

Քերիմը ցատկեց տեղից, հետը թուցնելով մահակը և
մի վայրկյան ամբողջ մարմնով սրթսրթաց՝ Վալու ձեռքում
պսպղացող մահու գործիքից. սակայն, միայն մի՛ վայր-
կյան:

— Էս ի՞նչ երկոտանի գայլ է, — հեզնոտ դռաց նա
և մահակը հաստատորեն ուղղեց Վալու պրկված բազուկին:

Դաշույնը թռավ Վալու ձեռքից և զրնգոցով կպավ սա-
լաքարին, ապա երկու մասով ընկավ դետին. պրկված բա-
զուկն էլ, թուլացած, քաշ ընկավ կողքին:

Քերիմը հեզնոտ ծիծաղեց.

— Իմ մահական հաղթեց քո դաշույնին:

Ասմարը ժպտաց և նրա շրթունքները կարծես մրմն-
ջում էին.

— Սերը՝ հաղթողին:

1929

Քեշիշեկնդ

ԿՅԱՆՔԻ ԿԱՐՈՏԸ

Ա.

Հեռվից, նրա դեմքը նման է քանդակած տուֆի, որի վրա արվեստագետի հարվածները, թվում է, թե վրիպել են իրենց նպատակից. ստպատավոր քիթը, այնպես ազդու է դարձնում նրա կերպարանքը, որ սիրտ չես անի միանգամից մոտենալ նրան:

Գուլյնը կորցրած ղզհատներին, իբրև դիսոնանս, կապում է միշտ մի նոր փողկապ, որի ծայրերից մեկը, երբեմն ընկած է պինջակի աջ գրպանի վրա:

Առանց որևէ շարժումի, կարող է ժամերով հայացքն հառել մի կետի, եթե միայն մի սովորական այցելու թուղթը չերկարի նրա աչքերի դեմ: Այդ ժամանակ, նա կարծես երազից սթափված, այցելուից ընդունում է գրությունը և ինչ որ գրանցում մատչանում:

Երբ այցելուին ճամբու է դնում, մեջքն հենում է աթոռին, ուղղում է փողկապը և, մի ծխախոտ վառելով, շարունակում է ակնապիշ նայվածքը. մերթ աչքերը կանգ են առնում դիմացի պատին, ուր նա, ո՞վ գիտե, որ երրորդ անգամ, կարդում է գուլյնգուլյն պլակատի լողունգը՝ «Բանվոր, բարձրացրու աշխատանքի արտագրողականությունը»:

Երբ դրանից ձանձրանում է, նայում է աջ ու ձախ և, գաղտուկ շուռ գալով, դիտում է իր գլխավերևը փակցված ձերմակ խավաքարտին և, մտքում, հեզում՝ մատենափար:

Ապա ընդունում է սովորական դիրքը, բրբրում է սե-

դանին կուտակված թղթերը, ստուգում մատյանի դրամ-
ցումները և նորից տարվում իր խոհերով:

Ժամը շորսին կարգի է բերում սեղանը, շտկում ըզ-
գեստները, թաշկինակով մաքրում աչքերի ալբրակները և
սուս, անաղմուկ փողոց է ելնում, աշխատելով աննկատ
մնալ, որ իր ճամբի անդորրությունը շխանդարի մի տհաճ
ուղեկցով:

Այսօր երբ նա շենքեց գրասենյակի դուռը, սկանչին
հասավ.

— Իսահակ Արտեմի'չ:

Նա դանդաղ ետ դարձավ. զննող հայացքով նայեց
կանչողի դեմքին ու մի ձայնով, որ նման էր մուտոցի ա-
սաց.

— Խը-ընդրեմ:

— Դուք, ընկեր Իսահակ, — ասաց կանչողը, որ հիմ-
նարկի պատի թերթի քարտուղար Արտաշեսն էր, — երբորդ
անդամն է, որ սաբոտաժի եք ենթարկում ձեզ հանձնարար-
ված աշխատանքը:

— Ինչպե՞ս, — կարկամեց Իսահակը:

Արտաշեսը, փութկոտ մի երիտասարդ, խուզարկու ար-
տահայտություններ նայելով դիմացինին, վրա բերեց:

— Էլ ինչպես. ձեր ձեռագիրը գեղեցիկ է. ուզում ենք,
որ գոնե մեկ անգամ դուք արտագրեք պատի թերթը, իսկ
դուք միշտ հրաժարվում եք:

— Ես դավճակություններով չեմ զբաղվում:

— Ինչ եք ասում, Իսահակ Արտեմի'չ, դուք պատի թերթ
հրատարակելը դավճակություն'ն եք համարում:

— Հապա ի՞նչ. քաղաքում գազեթ կա, կարդացե՛ք,
էլի':

— Կա՞վ, — զայրացավ Արտաշեսը և ետ դարձավ:

Իսահակ Արտեմի'չը թափ տվեց պինջակի փեշը և,
փնթփնթալով, դուրս եկավ հիմնարկից:

— Կրակ ու պատիժ է, տեղից շուտ վեր կացողը գրող
դարձավ... կարծես, թե ես դրանց աղբը մաքրողն եմ. զը-

ըում եք, ինքներդ էլ արտագրեք, վերջանա, էլ ի՞նչ եք սրա նրա օձիքից բռնում:

Հասավ հիմնարկի դիմացի էլեքտրական սյունին ու կանգ առավ. և հանկարծ սարսուռ անցավ մարմնով. նա մի հայացք նետեց շրջապատին ու յուրովի մրմնջաց.— սաբոտա՞ժ. չի՞նի՞ այդ Արտաշեսը մի օյին բերի գլխիս. մի պոչ է՝ կպցրեց, դե արի ու ազատվի: այսքան տարի սուս ու փուս, իմ աբուտով ապրել եմ ու հանկարծ... չէ՛, ինքս իմ ձեռքով, գործս փչացրի: Նրանք ինչ սրտով են կպել իրենց գործին, իսկ ե՛ս... լա՛վ, կարող էի հրաժարվել, բայց զավզակություն համարել. ո՞վ այդպիսի թիքա կուլ կտա: Չաղն ասես, ի՞նչ պիտի անեն... տեղիո՞մ, ժողով... նույն՝ իսկ Իսահակ Արտեմիչը թշնամի ու անհարազատ, հետո կրճատում, և ո՞վ գիտե, էլի ինչ:

Եվ մեկը մյուսից մտայլ մտապատկերները ցնցեցին նրա ուղեղը: Նա շուտ եկավ դեպի հիմնարկություն ու էլի մրմնջաց,— քսան տարի է այստեղ մտել, դուրս եմ եկել. քառասուն մատյան եմ լրացրել ու հանկարծ դո՞ւրս մնամ. ո՛չ, սիրտս երկաթից չի, որ այդպիսի բանի դիմանա:

Նա գլուխը թափահարեց, մտավ հիմնարկ և ուղղակի գնաց տեղիումի առանձնասենյակը. այնտեղ նստած էր պատի թերթի նկարիչը՝ դանգրահեր մի երիտասարդ:

Իսահակ Արտեմիչը ուղեց հարցնել, թե ո՞ւր է Արտաշեսը, բայց բարվոք համարեց դեռ նկարչին խոսեցնել, իմանալ, թե ինչ տպավորություն է թողել իր մերժումը: Սակայն նկարիչն առանց գլուխը բարձրացնելու տարված էր իր գործով. վարժ ձեռքով նա գծեց վերջին շտրիխը և ինչ որ բան մակագրելով տակը՝ գոհունակ ժպտաց և, առանց իմանալու, թե ով է մոտեցողը՝ նկարը պարզեց եկողի աչքերի դիմաց:

— Թերթի նյո՞ւթ է,— կմկմաց Իսահակ Արտեմիչը:

Նկարիչը շփոթվեց և հազիվ արտասանեց՝ «այո՞»։ Ուղեց թաքցնել նկարը, բայց Իսահակ Արտեմիչը, արդեն ձեռքն էր առել այն ու զննում էր,— թուլացած, անկամ, մի

մարդ էր, փսլինքը ծորում էր քթից. նա կիսով չափ մտել էր արկղի մեջ:

— Ի՞նչ կնշանակի սա,— միանգամից գլխի շնկնելով հարցրեց Իսահակ Արտեմիչը ու նորից նայելով ծաղրանկարին, կարգաց մականդությունը՝ «Արխիվի մարդը... նույն ինքը՝ Արտեմիչը»:

— Բո՛ւհ,— կարողացավ միայն բացականչել նա:

— Սա արդեն արտագրելու կարիք չկա,— հեղնեց նկարիչը,— հենց այսպես կփակցնենք թերթի մի հարմար սյունակում:

— Սա ի՞նչ խայտառակություն է. քեզ ո՞վ իրավունք տվեց...

— Դե, այսպիսի հարցերում իրավունքը... շիմացավ ինչպես խոսքը լրացնի նկարիչը, միայն ավելացրեց,— Իսահակ Արտեմիչ, դուք կարող եք հանգիստ տուն դնալ, թերթն արտագրում են արդեն:

Իսահակ Արտեմիչը մի խոժոռ հայացք նետեց նկարչի վրա ու դուրս ելավ գրասենյակից:

— Վերջացա՛վ, վերջացա՛վ,— կրկնում էր նա հուսահատորեն, փողոցներով անցնելիս:

Տուն հասնելով, առանց հանվելու, փովեց թախտին:

— Այո՛, ամեն ինչ վերջացավ. է՛հ, փուշ աշխարհ. ինչո՞ւ այսքան անողոք ես իմ հանդեպ. քառասուն տարեկան մարդ եմ, դեռ աշխարհի բարիքը չճաշակած, այսպես հիմար բանով պիտի կորչեմ... ինչքան աշխատեցի փորձանքից հեռու մնալ, չեղա՛վ, էլի, չեղա՛վ...

Մինչ ուշ գիշեր զառանցեց նա:

Բ.

Արևի ճառագայթները նեղլիկ լուսամուտից ներս էին թափանցել: Մեջքին մի հաճելի խտտոց զգալով, Իսահակ Արտեմիչը շուռ եկավ, հենվեց բարձին ու շաղված աչքերով գննեց սենյակը, գլխավերևը իր մեծադիր նկարն էր. մի պահ

մտքում համեմատեց այս ճաշակավոր նկարը և նկարչի ժաղրանկարը ու գլուխը վհատորեն շարժեց:

Երեկվանից շարագուշակ մտքերը հանդիստ չէին տալիս նրան:

— Ըի՞շտ է արդյոք, որ ասում են, թե կյանքում ամեն ինչ պատճառաբանված է,— փիլիսոփայեց նա.— ծանր հարց է. իսկ ինչո՞վ է պատճառաբանված իմ գոյությունը: Նրա համար, որ գնամ այդ Արտաշեսի համար արտագրություններ անեմ...

Մուլ-ծուլ հագավ նա զգեստները, լուսամուտին դբրված կես բաժակ շրոլ թրջեց դեմքն ու կրկին փռվեց անկողնին:

— Կյանքն անցողիկ է. իմաստուն է նա, ով ուրախ է անցկացնում իր կյանքը,— կրկին խորհեց նա,— լավ են ասել, բայց շեն ասել, թե ես, օրինակ, ինչո՞վ ուրախանամ, ինչո՞վ հետաքրքիր դարձնեմ իմ անցողիկ կյանքը. ի՞նչ կարող է ինձ հուզ ներշնչել այս դառն իրականության մեջ, այս անհրապույր շրջապատում...

Նորից նայեց իր նկարին:

— Հիմ-մարներ,— բարձրաձայն արտասանեց նա, ապա մտքում շարունակեց,— կարծես բավական չէ, որ օրական վեց ժամ թղթեր եմ գրանցում, հիմա էլ նստիր դրանց համար արտագրություն արա... բայց ի՞նչ կլինի իմ վիճակը, եթե ավելի խիստ վարվեն...

Առանց ազդանշանի ներս մտավ հարևանուհի Սանամը և, թեյամանը, որ բերել էր հետը, դրեց մեղանին: Իսահակը ընդհատելով խոհերը, նայեց այդ կնոջ ժպտուն դեմքին և իր դիրքն անհարմար համարելով, վեր ելավ, կնոջը հրավրեց նստել:

Սանամը քսանհինգամյա, Կոուլդ, կարմրախայտ դեմքով, գեղջկական պարզությամբ կին էր: Մի քանի օր էր, ինչ նա իր ամուսնու հետ ապրում էր այդ բակում. ու երբ մի անգամ Իսահակը թեյ էր ուզել նրանից, կինն այլևս սովորություն էր դարձրել ու ամեն օր, առանց հիշեցման,

իրբն պարտականութիւն, մատուցում էր թիշը. Իսահակը կրկնեց իր ամեն օրվա խոսքը.

— Շնորհակալ եմ, տիկին, ի՞նչ նեղութիւն եք քաշում:

— Նեղութիւն, ի՞նչ նեղութեան մասին է խոսքը, — ծիծաղեց կինը:

— Դե, շեմ ուզում ուրիշին բեռ դառնամ, — ասաց Իսահակը և նստեց Սանամի դիմաց:

Սանամը, որ ուշադիր ղննում էր հարեանին, նկատեց, որ նա ընկճված է, ուստի խոսակցութեան նյութը փոխելու համար հոգատարութեամբ հարցրեց.

— Ինչի՞ եք էդպէս տխուր, հիվանդ հո շե՞ք:

— Այնպէս էլի:

— Ո՞նց, խաթրիդ կպե՞լ են:

— Հե՛չ, կանցնի:

Իսահակ Արտեմիշը գլուխը քորեց և, հազիվ զսպելով հորանշոցը, մի «օ՛ֆ» արձակեց:

— Է՛հ, Սահակ ախպեր, խաթրդ չմնա, հենց գիտես էս աշխարհիցը շես, — խոսեց Սանամը իր պարզ սրտի թելադրանքով և շեշտակի նայեց Իսահակի աչքերին:

Իսահակը նույնպէս նայեց. մի պահ նրանց հայացքները դիպան միմյանց, բայց Իսահակը անսովոր նման մոմ մենտների, չդիմացավ ու գլուխը կախեց:

— Ի՞նչ կա աշխարհում, որ աշխարհիցը լինեմ, — փոքրը լուրջութեամբ հետո ասաց Իսահակը:

— Ո՞նց թե, — զարմացած մեկ Իսահակին, մեկ էլ նրա նկարին էր նայում Սանամը:

Իսահակի մեջ տրամադրութիւն առաջացավ ավելի հանգամանորեն խոսել այդ կնոջ հետ, ուստի հարցրեց.

— Ասա, տեսնեմ, դուք, մարդ ու կնիկ, ի՞նչ եք հասկացել կյանքից, աշխարհից:

— Վա՛յ, — ծիծաղեց Սանամը, — չի՞նի՞, թե դու աշխարհից բեղարեւ էս. տնաշեն, աշխարհում էնքան բան կա հասկանալու, — և ձեռքի համաչափ շարժումով այնքան

երկարացրեց «ո՞ւ»-ն, մինչև Իսահակ Արտեմիչը վերատին հայացքը հառեց նրա դեմքին:

Սանամը շէր դգում, թե այդ դիրքով ինքն ինչքան դուրեկան է դառնում. Իսահակը այժմ որոնում էր նրա հայացքը և երբ գտավ՝ մարմնով հաճելի դող անցավ ու ինքն էլ կարծես ակամա կրկնեց.

— Հասկանալո՞ւ:

— Բա ո՞նց:

— Իսկ ինչպե՞ս հասկանալ:

— Դե, ես էդքանը վարավորդ չեմ անում. այ, ասենք ձուն դնում ես հավի տակ. դիտես, որ հավին տաք տեղ պիտի պահես, լավ պիտի նայես, ժամանակին ջուր ու կուտ պիտի տաս... սպասում ես, թե երբ կլրանա քսանմեկ օրը. լրանում է. ճուտերը դուրս են գալիս, դու էլ ուրախանում ես:

— Էլ ի՞նչ:

— Այ, Ռուշանիս հետ, ասենք դնում ենք ման գալու տեսնում ես մի տեղ մի նոր բան են սարքել, մի շոր տեղ ծառ են տնկել... մարդ ես, անցնում ես ծառի տակով, ճյուղերը դիպչում են դեմքիդ սիրտդ ուրախանում է:

— Դրանք շտես մարդու բաներ են,— կտրեց նրա խոսքը Իսահակը:

— Յ՛ա,— վիրավորված այդ նկատողությունից բացականչեց Սանամը:

— Իհարկե. առանց քեզ էլ ձվից վառեկ է դուրս գալիս, ծառն էլ իրան-իրան սամթը գտնում, բուսնում է. կամ թե էսօր նոր բան են սարքել, վաղն էլ կքանդեն. քու ինչն է ավելանում կամ պակասում դրանից. իսկ մարդը,— նա ձեռքը դրեց կրծքին,— մարդը սրանով է կենդանի, սա պիտի դատարկ չլինի. այստեղ պետք է մի բան լինի. իսկ մի՞թե թե մեր շրջապատը կարող է լցնել իմ սրտի ամայությունը:

— Շատ բարակ ես մանում. այ դրանից բան չեմ հասկանում,— ուսերը վեր քաշելով ասաց Սանամը:

— Ո՞նց հասկանաս,— ուրախացավ Իսահակը, որ Սանամբը այլևս չի կարող հակաճանել իրեն:

Սակայն Սանամբը, կասկածելով հարևանի առողջության վրա, հոգատար ձեռքով բռնեց նրա բաղուկը և թեքվելով դեպի նա հարցրեց.

— Տաք հո չե՞ս:

Իսահակը անհանգիստ մի շարժումն արավ. Սանամբի հպումից նրա շնչառությունն արագացավ: Նա նայում էր Սանամբի փափլիկ ձեռքին, որի միջոցով թվում էր, թե էլեքտրական հոսանք էր անցնում իր մեջ. նա իր գիտակից կյանքում, բնավ այդքան մոտ չէր նստել երիտասարդ կնոջ: Զգում էր, որ իր սովորական անտարբերությունը դավաճանում է իրեն և վախենում էր, չլինի, թե մի անխորհուրդ արարքով վիրավորի կնոջ ընկերական զգացումը: Բայց սառնասիրտ էլ չէր կարող մնալ, մանավանդ, որ Սանամբի շունչը խառնվում էր իր շնչին. ճիգ գործադրելով, բաղուկը մի կերպ ազատեց նրա ձեռքից ու հազիվ լսելի ձայնով ասաց.

— Չէ՛, առողջ եմ:

Սանամբը կարծես չէր նկատում Իսահակի տազնապը և մտահոգ հարցեր էր տալիս նրա առողջության մասին:

— Սանամբ,— զրսից լավեց մի առույգ ձայն:

Դա վերջ տվեց Իսահակի անսովոր կացությանը, իսկ Սանամբը առանց դիրքը փոխելու ձայնեց.

— Ռուշան, ներս արի.— երևաց Ռուշանը. Սանամբը շարունակեց,— հարևանն էսօր լավ չի երևում. տես, շայ էլ չի խմել:

Ռուշանը հաղթանդամ, զվարթադեմ երիտասարդ էր: Նա, ինչպես և իր կինը շուտ էին մտերմանում մարդկանց մոտեցավ, ձեռքը իջեցրեց Իսահակի մեջքին ու նստեց նրա մոտ, թախտին:

— Այ մարդ. ի՞նչ ժամանակ ես գտել հիվանդանալու

— Չէ՛, եղբայր, հիվանդ չեմ. տրամադրություն է, էլի:

— Հա՛, էդ ոչինչ, կանցնի. իսկ ես,— ասաց Ռուշանը.

և գլխարկը հանելով մի ձեռքով բռնեց կնոջ թևը, մյուսով սեղմեց Իսահակի ուար, — իսկ ես, էսօր շատ տրամադրված եմ...

— Լավ, — ժպտաց Սանամը, — ասա՛, դե, ասա՛:

— Էլ ինչ ասեմ, Սանամ ջան, էսօր հանձնաժողովը ընդունեց նոր ավարտածս շենքը և կառուցումը միտնդամայն բավարար գտավ:

— Ճի՞շտ:

— Հապա, — և կնոջ ձեռքը մոտեցնելով իր դեմքին շարունակեց, — էնպես որ սրանից հետո կարող ես ինձ որակյալ կառուցող համարել. հանաք բան չիմանաս հա՛:

«Որակյալ կառուցող», — մտմտաց Իսահակը և զննելով Ռուշանի բավականութունից փայլող դեմքը, հարցրեց.

— Կառուցող՞ը, ի՞նչ կառուցող:

— Պահ, ի՞նչ հարց է դա. տուն կառուցող:

— Հասկացա, — ձեռքերն իրար շփեց Իսահակը և մեկ Սանամին էր նայում, մեկ Ռուշանին:

— Վաղը զնանք, ցույց տամ, — վրա բերեց Ռուշանը, դիմելով Իսահակին:

Իսահակը ձեռքը թափ տվեց ու կարծես ինքն իրան խոսեց.

— Տաշած քար, սվաղած տուն, հա՛. լավ, ա՛յ, թե մարդ կարողանար իր սիրտն էլ այդպես տաշել, սվաղել... ուղածի պես սարքել...

Ռուշանը վարանոտ նայեց Իսահակին, և գլուխ շհանելով, թե նա ինչ է ուզում ասել, դարձավ կնոջը, բայց ոչինչ չկրահելով, ասաց.

— Դե, որ լավ գործ ես անում սիրտդ էլ մի տեսակ, ո՞նց ասեմ, Իսահակ Արտեմիչ, հա, քո ասածի պես, սիրտդ էլ սվաղվում է:

— Ա՛յ, — հանկարծ աշխուժացավ Իսահակը, — այդ է, որ չեք հասկանում ջահելներդ. տուն ես կառուցել, լավ ես արել, էլ ի՞նչ ես բերում կապում սրտի հետ... ինչքան բան

դեռ պիտի տեսնես կյանքում. տե՛ս, տե՛ս, որ հառկանաս, թե բուրդն էլ ինչքան փուշ են ու դատարկ:

— Իսկապես, ի՞նչ է պատահել,— կասկածոտ հայացքով նայելով Իսահակին ասաց Ռուշանը, և անտեղի համարելով վիճաբանությունը, վեր ելավ ու ասաց.

— Ինչ ուզում ես ասա, Իսահակ, էսօր, դատարկ բաներն էլ, ինձ լիքն են երևում:

Գ.

Աշնանային կարճ օրը, մինչ Իսահակ Արտեմիչը իր համրընթաց քայլով տուն հասավ, մոզժը պատեց:

Նրա դեմքն այլևս այնպես մռայլ չէր, ինչպես մի քանի օր առաջ: Պատի թերթի հին համարը փոխարինել էին նորով. այլևս չէր տեսնվում իր ծաղրանկարը: Արտաշեսն էլ ոչինչ չխոսեց անցած դեպքի մասին: Կարծես ամեն ինչ դրանով վերջացրել էր և նա իրեն թեթևացած էր զգում ծանր մտապատկերներին:

Սենյակը մտնելով նա մեկնվեց թախտին, կիսախավարի մեջ սկսավ խորհրդածել:

«Ի՞նչ է եղել իմ կյանքը», հարցնում էր նա յուրովի. ի՞նչ է տվել ինքը կյանքին, ինչո՞վ է ապրել ու հուզվել: Նա քրքրում էր իր անցյալը և միայն մի անծայրածիր ամայություն էր տեսնում այնտեղ:

Նոր հարևանները, նրա մեջ, մինչ այդ իրեն անծանոթ հուզվեր էին զարթեցրել: Ինչքան էլ նախորդ օրը նրանք չհասկացան միմյանց, բայց և այնպես Իսահակ Արտեմիչը չի կարող մոռանալ Սանամի հոգատար վերաբերմունքը:

Զնայած, Սանամն ամեն օր գալիս էր, բայց այժմ, Իսահակ Արտեմիչը, կուզեր, որ նա ավելի շուտ գար, կրկին այնպես ջերմ ու կարեկից բռներ իր բազուկը: Թեյի ժամանակ չէ՞ արդյոք... ինչո՞ւ անպայման թեյի սպասել. մի քիչ համարձակություն է պետք. քառասուն տարի սմբել է իր անվճռականությունից...

Նա ելնում է սենյակից. կամացուկ թափում է հարեան լուսամուտն ու կանչում.

— Սանամ, եթե նեղություն չէ...

Ու առանց խոսքն ավարտելու, պատասխանի էլ չսպասելով, գալիս ընկողմանում է թախտի բարձրին:

Սիրտը թիրտում է, վախեցած թռչնի սրտի պես. քիչ հետո Սանամը ներս է մտնում աշխուժ շարժումով:

— Սահակ ախպեր, տա՞նն հս. դո՞ւ ծեծեցիր լուսամուտը, չէ՞:

— Այո՛, Սանամ. այսօր քիչ տկար եմ. անաճի՞ր կատարվեց:

— Էլ ինչո՞ւ հս մթնում նստել:

— Քեզ եմ սպասում:

— Հա՞:

Սանամը վառում է լամպը. նա այդպես է հասկանում Իսահակին:

— Շնորհակալ եմ,— շտկվելով տեղում ասում է Իսահակը, զգալով, որ պակասում են բառերը այդ կնոջ հետ խոսելու համար:

Նա նայում է Սանամին, ծպւղացնում է բերանը, որոճում է բառեր, բայց զգում է, որ նորից կորցրել է վճռականությունը: Սանամը շիմանալով, թե ինչ է կատարվում Իսահակի ներսում, թեյի պատրաստությունը է զբաղված:

— Նստի՛ր,— ասում է աղաչական տոնով Իսահակը, երբ արդեն Սանամը թեյը լցրել էր բաժակը,— նստի՛ր: Եվ ցույց է տալիս թախտը:

Սանամը նստում է:

Իսահակը նայում է նրա թարմ դեմքին, զգում է մի դուրեկան բուրմունք, որ Սանամը բերել է իր հետ և այդ բուրմունքը արագացնում է նրա ծուլ արյունի հոսանքը:

— Վաղո՞ւյց է: Ինչ ամուսնացել եք, — հարցնում է Իսահակը:

— Չորս տարին շուտով կլրանա,— պատասխանում է

Սանամը և մազկերի մի հյուսկեն բերում է ծնոտի տակ ու տրորում մատների արանքում:

Իսահակը շփոթված է. թեյի ախորժակ չունի: Սանամն իր վերջին շարժումով ավելի հետաքրքիր է դարձել: Իսահակը նկատելիորեն հուզված է. ավելի մոտ է նստում նրան:

Սանամն անտարբեր է. իբրև խոսակցության նյութ ասում է.

— Թեյը սառում է:

— Թող սառի, — պատասխանում է Իսահակը և ձեռքն անհամարձակ մեկնելով, բռնում է Սանամի մատները, ավելացնելով, — տե՛ս, տաք չե՞մ:

Սանամը փոքր ստուգում է կատարում, վստահացնում է, որ ոչինչ չկա:

Սակայն Իսահակը էլ իրենը չէ. կենսաբույր կնոջ ներկայությունը զարթեցրել է նրա թմբած զգացումները, ինչ որ բան է պոռթկում նրա ներսում և նա դիմադարձ ուժ չունի:

Նա շփում է ճակատը և կրկին վերցնելով Սանամի ձեռքը շշնջում է.

— Ի՞նչ ջահել ես:

Մանամը, կանացի բնազդով, ինչ որ կուսում է, սակայն կարևորություն չտալով, ասում է.

— Հա, դե, միանգամից հո չե՞նք պառավի:

Իսահակը դողում է, ինչպես աշնան տերևը քամու առաջ: Նա խոսում է.

— Սանամ, և՛ ջահել ես, և՛ սիրուն:

Ապա ձեռքը դրում է Սանամի մեջքովը ու շարունակում.

— Դու ինձ համար հրեշտակ ես, Սանամ. չոր ու դատարկ է եղել իմ կյանքը: Դու իմ սրտին հարություն տվիր:

Եվ ինքնամոռացման մեջ, շրթունքները մոտեցնում է Սանամի հուզական դեմքին, չհամարձակվելով սակայն համբուրել:

Սանամբը լրջանում է. կռահումն արդարանում է. այդ
այլևս հիվանդի շարժումներ չեն: Նրա դեմքը շառագունում
է և նա, Իսահակի ձեռքն հանդարտորեն ազատելով իր մեջ-
քից, խոհուն շեշտով ասաց.

— Կնկանից ինչ հրեշտակ. թե հրեշտակ լիներ, մեկն
էլ դու կունենայիր քո տանը:

Իսահակն այդ ընդունեց իբրև հաճելի կատակ. նա
սրտապնդվեց և անսովոր համարձակությամբ համբուրեց
Սանամբին:

Սանամբը բարկացած ոտքի ելավ:

— Բա քեզ էդպես բան վայել է, Սահակ ախպեր:

Սակայն Իսահակը չէր հանդարտվում, նա նորից բռնեց
Սանամբի ձեռքը և քաշելով դեպի իրեն մրմնջում էր անո-
րոշ ու անկապ խոսքեր:

Սանամբը նկատելով, որ իր մեղմ խոսքերը չեն ազդում
և ձեռքն էլ հեշտությամբ չի կարող ազատել, խոսեց ցածր,
բայց հատու տոնով.

— Անամո՛թ. բռնած գործին մտիկ. էդպե՛ս ես հա-
րեվանություն անում, հա՛, թո՛ւհ:

Եվ ուժգնությամբ հրելով Իսահակին, դուրս ելավ, դու-
րը շխկացնելով ետևից:

4.

Իսահակը չիմացավ, թե ինչպես հեռացավ Սանամբը:
Անձանոթ հուզումի գողը տեղի տվեց վախի արտասովոր
ցնցումների. նա մի կերպ դուռը փակեց, փովեց անկողնին
և առանց որևէ շարժումի կծկվեց տեղում:

Ինչքան մնաց այդ դիրքում շփոթեր, բայց երբ քիչ
հանդարտվեց նստեց անկողնում ու գլուխն առավ ափերի
մեջ:

Ի՛նչ վայրկենական զգացում էր, որ այդ աստիճան
մոռացավ ինքն իրեն: «Ախ, ինչո՞ւ ես այսպես անձարակ
եղա,— մղկտում էր նա,— ինչո՞ւ բոլորը խուսափում են
ինձնից»: Եվ ապա կարծես խոսելով մի ուրիշի հետ մրմն-

զում էր՝ «ի՛նչ իրավունքով դու մտնում ես ուրիշի բախտա-
վորութեան առաջատար, հիմար, ո՞վ քեզ ներս կթողնի: Ա-
սա՛, դու որ քայլելիս ստվերիցդ անգամ շփոթվում ես, կա-
րո՞ղ ես դիմագրավել այն ցասումը, որ զարթեցրիր քո դեմ.
Սանա՛մ... Ռուշա՛ն... ինչի՞ն վստահելով դու ձեռք մեկնե-
ցիր նրանց զգացումներին»: Ռուշա՛ն, — եթե նա իմանալով
այդ ամենը, զայրացած ներս ընկնի, ի՛նչ է լինելու իր վի-
ճակը, դժբախտ մարդ, հազիվ էիր ազատվել հիմնարկի փոր-
ձանքից, ի՛նչ խելք էր քո խելքը, որ այս նոր փորձանքի
մեջ ընկար:

Նա երկար զառանցեց, ապա ելավ կանգնեց սենյակի
մեջտեղը, զննեց իրեն, ապա նայեց այնտեղ, ուր քիչ առաջ
Սանամն էր նստած. ոչինչ չէր մնացել Սանամից, բացի
նրա անունից ու նրա՝ զայրագին խոսքերից, որն արձա-
գանքեց նրա մթամած ուղեղում. նա ծունկի եկավ հատա-
կին և, գլուխն ասիերի մեջ առնելով, հեկեկաց. — «Սանամ,
անիրավ Սանամ, ինչո՞ւ կրակ գցեցիր դու իմ սիրտը, եթե
այսպես անորոշ վիճակում պիտի թողնեիր»:

Իսահակը ջղաձգվում է. քրտինքը պատել է ողջ մար-
մընին. մի բութ ցավից աչքերը մթնում են: Գոնե այս
անգամ բախտը ժպտար, գոնե այս անգամ կյանքից մի
շողք ընկներ նրա վրա... բայց ո՞չ, իրեն ոչինչ ավելին
հարկավոր չէ. Սանամ, անհիշաշար եղիր, այս դեպքը անցո-
ղիկ մղձավանջի պես ջնջիր մտքիցդ և Իսահակին նոր ցա-
վեր մի պատճառիր. նա չի կարող դիմանալ:

Նա սառած աչքերը դամում է մի կետի. անցնում են
բոպեներ. ա՛հա՛, այնտեղ, պատի ֆոնին դժագրվում է Սա-
նամի կերպարանքը. նա չար է ու անկամ. Իսահակը աչ-
քերը փակում է... բայց չէ, պատկերը փոխվեց. Սանամը
հասկացել է Իսահակին. նա նայում է իրեն մեղմ, դուրալի,
ինչպես այն լավ վայրկյաններին: Նա մազերի հյուսակներ
կրկին քաշել է ծնոտի տակ, սկսել է իր կախարդիչ խաղը...
Իսահակը նրա ականջին շշնջում է մինչ այդ չարտաբերված
խոսքեր. ա՛յ, հիմա դու լավն ես, բարի... Քառասուն տար-

վա մեջ դու միակ կինն ես, որի առաջ ծունկի է իջել Իսահակը, մի՞թե դու պիտի արհամարհես նրա զգացումները. չէ՛, իհարկե, դու հավատարիմ կ'մնաս այն զգացումին, որը զարթեցրիլ Իսահակի մեջ... Այո՞, արդեն ժպտո՞ւմ ես. չէ, ի՞նչ ժպիտ. նա մռայլվել է, տե՛ս, այտերն էլ ուռցրեց՝ «թո՛ւհ», կաց, մի գնա, գոնե Ռուշանից ծածուկ պահիր այս ամենը: Նա, բազկատարած կամենում է փարվել նրան, սակայն մի շխկոցից սթափվում է:

Կամպը սեղանից ընկել է հատակին, ապակին փշրվել է ու նավթը բռնկվել:

Իսահակը սարսափից շոած աչքերով, նայում է հետըզհետե ծավալվող բոցին և թակարդ ընկած գազանիկի պես ցատկոտում է սենյակում և չի կարող որոշել, թե ի՞նչ պետք է անի հրդեհը հանգցնելու համար:

Բոցը ընդդիմադիր ուժ շունհնալով ծավալվում է, այրվում են գետնին եղած մի քանի լաթեր. կրակն լեզուն մոտենում է սեղանին ու թախտին: Իսահակը այլևս ելք չգրտնելով, մղվում է դեպի դուռը, դողացող ձեռքերով փնտռում է բանալին, սակայն չգտնելով, սկսում է հարվածել և անիմաստ գոռում է:

Սենյակից դուրս ելնելու անարդյունք ճիգերը, նրան հուսահատեցնում են. երբ շուտ է գալիս դեպի թախտը, գուռն աղմուկով շրջան է անում կրնկի վրա:

Իսահակը ետ է դառնում, փորձում դուրս փախչել, սակայն Սանամի և Ռուշանի ներկայութունը կարկամեցնում է նրան. նա կորցնում է հավասարակշռութունը և ընկնում է հատակին:

— Ի՞նչ փորձանք է սա, — լսվում է նրա մորմոքուն ձայնը, — մի կողմից կրակն է սպառնում, մյուս կողմից Սանամը ու Ռուշանը: Հավատացեք, Իսահակը շար մտադրութուններ չունի. նա մեղավոր չէ, նրան միշտ սխալ են հասկանում. նա պատրաստ է հեռանալ, կորչել այստեղից, միայն թե նրան չխայտառակեք աշխարհում. ո՞հ,

գթացեք. չէ՞ որ երեկ դուք ասում էիք, թե ես շատ բան
այնպես չեմ հասկանում, ինչպես պետքն է:

Սանամն ու Ռուշանը, անուշադիր դեպի Իսահակի
զառանցանքները, զբաղված էին հրդեհով, որը և քիչ հետո
հանգցրին՝ մի քանի նամ փալաս գցելով վրան:

— Խեղճը, երևի հիվանդ է, — ասաց Ռուշանը կարեկ-
ցությամբ:

Եվ Սանամի հետ մոտեցան ու զառանցանքների մեջ
սուշորվող Իսահակին տեղավորեցին անկողնում: Ռուշանը
նրա զգեստները հանեց: Սանամը շոյեց հիվանդի գլուխը,
վերմակը խնամքով ծածկեց վրան, ապա բռնեց նրա բազու-
կը, մի քանի րոպե պահեց իր ձեռքի մեջ ու դառնալով
Ռուշանին ասաց.

— Մենակ մարդու դրությունն էլ այս է, էլի:

Իսահակը, սակայն գալարվում էր. թվում էր, թե բըռ-
նված է շարկամ ոսոխներից, որոնք ու վ գիտե, թե դեռ ինչ
տառնջանքների պիտի ենթարկեն իրեն:

— Ի՞նչ, ի՞նչ եք ուզում, — շարունակում էր զառան-
ցել Իսահակը, — ինչո՞ւ եք այդպես անգուժ: Հավատացեք,
դեռ ոչ ոք ինձ չի հասկացել, ոչ ոք... հանուն ձեր խղճի,
հանուն ձեր սիրտ, միայն այս անգամ թողեք... չե՞ք լսում...
դե, բավական է, տվեք ինձ իմ մատյանները. նրանք են
իմ հավատարիմ ընկերները. նրանք ձեզ պես անգուժ չեն.
նրանք խիղճ ունեն. նրանք լսում են ինձ...

1928

Երեան

ԳՆՐՆԱՆ ԺԱՂԻԿՆԵՐ

ԳԼՈՒԽ ՍՈՍՋԻՆ

Քաղաքային այգուց լսվող նվագի ձայնը դեպի իրեն էր գրավում նորանոր հանդիսականների:

Յերեկվա տոթից հողնած քաղաքացիներից ոմանք այգու զովասուն ծառուղիներում զբոսնում էին, ոմանք էլ նըստած նստարաններին, լուռ դիտում էին ծառերի սաղաթների սվվոցը:

Ամառային այգի երեկոն ոչնչով չէր տարբերվում Երեվանի ամառային մյուս երեկոներից, այն բացառությամբ, որ այսօր Մասիսից փչում էր մի մեղմ քամի և դա առանձնապես հաճելի էր դարձնում երեկոն:

Ժամի իննին այգի մտան երեսունի մոտ մի կին և քսանն անց մի աղջիկ: Կինը հագել էր կապույտ մետաքսից շրջազգեստ, ոտքերին ուներ սև, պսպղուն տուֆլիներ, գլխին փետրավոր մի գլխարկ. աղջիկն ավելի պարզ էր հագնված. նա գլխարկ չէր ծածկում. երկճյուղ մազերը խընամքով հյուսած՝ հանդարտ օրորվում էին նրա շարժումներից, դեմքն ուներ հասունացող աղջկա լուրջ արտահայտություն. նա ուշադիր լսում էր ավագ ընկերուհուն, որն անընդհատ խոսում էր: Երևում էր, որ դրսի կյանքը նրա համար դեռ այնքան էլ սովորական չէր դարձել, որովհետև հենց որ մեկն ու մեկը ցանկանում էր ուղիղ նայել նրա աչքերին, նա գլուխը խոնարհում էր ու հավում ընկերուհուն՝ կարծես իրեն հանձնելով նրա պաշտպանություն:

Մի քանի անգամ ծառուղիներով հետ ու առաջ շրջեցին. աղջիկը նկատելով մի ազատ նստարան, ասաց.

— Սոնա, վերջապես մի ազատ տեղ գտանք. արի՛, նստե՛նք:

— Է՛հ, Մարո,— սրտնեղեց Սոնան,— կարծես չահել աղջիկ չլինես. ի՞նչ է այդպես շուտ հոգնեցի՞ր:

Մարոն շառարկեց. միայն նրա դեմքը թեթև շառագուռեց և նա շարունակեց զրոսանքը Սոնայի հետ:

Կատարելով ևս մի շրջան, նրանք ուզում էին թեքվել դեպի փողային նվազախմբի էստրադան, երբ նրանց դեմք ելավ մի երիտասարդ: Նա մտերմորեն բարևեց Սոնային, ամուր սեղմեց նրա աջը, ապա դարձավ դեպի Մարոն: Աղջիկը անհամարձակ շարժումով, ձեռքն անկամ մեկնեց երիտասարդին:

Սոնան խեթ նայեց Մարոյին և կարծես ուզում էր ասել, ինչու այդպես օտարոտի ես, չէ՞ որ անցյալ օրը կի՛նոյում ձեզ ծանոթացրի միմյանց, բայց բարվոք համարեց միայն ասել.

— Ինչ լա՛վ, որ հանդիպեցինք քեզ, Լևոն:

— Ես էլ շատ ուրախ եմ այս հանդիպմանը, բայց տե՛ս, կարծես այդ այնքան էլ հաճելի չէ Մարոյին:

— Այդպես մի ասիր, Լևո՛ն,— հարեց Սոնան:

— Դե, Մարոն ինձ բանի տեղ չի դնում,— ուսերը վեր քաշելով խոսեց Լևոնը:

Մարոն նայեց երիտասարդին, նրա պիրկ, ոսկրոտ դիմքին ու անմիջապես գլուխը կախեց: Նա շփտեր Լևոնը հեզնում է, թե իրոք, ինքն իրեն այնպես է պահում, որ նա այդպիսի տպավորություն է ստանում իր վարմունքից:

Այժմ, երեքով, նրանք նորից մի քանի պտույտ կատարեցին ծառուղիներում. Լևոնը, խոսքերն ուղղելով Սոնային, պատմում էր իր կյանքից զանազան դեպքեր. առանձին հաճույքով նա պատմում էր այն մասին, թե ինչպես երեք շաբաթ առաջ իր առաջարկի հիման վրա, այն հիմնարկից, ուր ծառայում էր ինքը, երկու հոգու ազատել էին աշխա-

տանքից, իբրև անբարեհուլս մարդկանց, որոնք չէին ըմբռնում նոր կյանքի առանձնահատկությունները և չէին վերակառուցվում:

— Այդ մարդիկ, որոնք կրում են հնի մնացորդները չեն կարող պիտանի լինել նորի կառուցման համար, — եզրափակեց իր խոսքը նա, համարյա գոռոցով, որովհետև մտեցել էին փողային նվազամբի էստրադային և նվագի ուժեղ ձայնի տակ նա ուզում էր լսելի դառնալ իր ունկընդիրներին:

Չնայած, Լևոնը, այդ ամենը պատմում էր հաճախ դիմելով Սոնայի հավանությունը, բայց պատմում էր Մարոյի համար, իսկ Մարոն, թեև երկրորդ անգամն էր հանդիպում Լևոնին, սակայն Սոնայից շատ բան էր լսել նրա մասին: Իսկ Սոնան, վերջերս, ամեն օր Մարոյին ներշնչում էր, որ նա հասած աղջիկ է և լուրջ կերպով պիտի մտածի իր ապագայի մասին. այժմ Մարոյի վրա բաղմաթիվ աչքեր կան, և նա ամեն նայողին պիտի ուշադրություն չդարձնի: Սոնան ասում էր այն ամենը, ինչ կարող էր հրապուրել երիտասարդ աղջկան: Եվ մի օր էլ նա հայտնեց, որ Մարոն շատ է դուր եկել մի երիտասարդի, որն արդեն անուն ունի քաղաքում. թատրոնում նրան միշտ առաջին շարքում կարելի է տեսնել, իսկ կինոյում՝ օթյակում:

Մարոն չէր կարող ասել, թե տհաճությամբ է լսում Սոնային, բայց բնությունը նրան համեստ էր ստեղծել և ամեն մի խոսք, որ վերաբերում էր նրա անձնականին նա բնդռնում էր ամոթխածությամբ: Մանավանդ նրան անսովոր էր տղամարդուց իր հասցեին լսել որևէ երկդիմի խոսք. այդ պատճառով էլ նա երկար ժամանակ չէր կարողանում իրեն հաշիվ տալ, թե ինչպես է պահում իրեն, որ ըստ Լևոնի, ինքը նրան բանի տեղ չի դնում:

Քիչ անց Լևոնը Սոնային ու Մարոյին հրավիրեց այգու ամառային ճաշարանը ընթրիքի: Սոնան համաձայնեց, բայց Մարոն ոտքը կախ գցեց. նա հասարակական վայրերում, այն էլ գիշերվա ժամերին, երբեք չէր ընթրել. ու-

զուճ էր ասել, թե անհարմար է, չի կարող ընդունել Լեոնի հրավերքը, բայց Սոնան այս անգամ արդեն կշտամբող հայացքով նայեց նրան և Մարոն հասկանալով այդ հայացքի իմաստը՝ լուռ ենթարկվեց նրան:

Երբ նստեցին մի բոլորակ սեղանի շուրջը, Մարոն մի գողունի հայացքով նայեց չորս կողմը և գլուխը կախեց. շինի՞, թե հանկարծ մի ծանոթ հանդիպի. ի՞նչ գործ ունի ինքն այդտեղ, երբ արդեն ժամը մոտենում է տասնևմեկին, և երբ ինքը սովորաբար այդ ժամին արդեն ծրագրել էր իր վաղվա անելիքը մանկապարտեզում և պատրաստվում էր քնել: Ծիշտ է, այժմ, նա ամառային արձակուրդի մեջ էր և շատ անելիք չուներ, սակայն անսովոր շրջապատը ճնշում էր նրան:

Մինչ այդ, մատուցողը բերեց դանակներ, պատառաքաղներ, ապա հաց, պանիր բուսեղեն, և հայտնեց որ կտուրներն էլ շուտով պատրաստ կլինեն: Երբ Լեոնի և Սոնայի քանիցս ստիպումներից հետո, Մարոն դանակն ու պատառաքաղը ձեռքն առավ մի բան վերցնելու, անզգուշությամբ դանակը վար գցեց. նա բոլորովին շփոթվեց. Լեոնը վերցրեց դանակը, մի կողմ դրեց և իր դանակը, որ դեռ չէր գործածել առաջարկեց Մարոյին: Բայց նկատելով Մարոյի վարանոտ շարժումը, ինքը կտրեց պանիրը և, մի կտոր դնելով Մարոյի ափսեում, ժպտալով ասաց:

— Ձեր մատները չափազանց նուրբ են այսպիսի գործի համար. թույլ տվեք ձեզ սպասարկել:

Մարոն դարձյալ շհասկացավ, Լեոնը հեղնում է, թե ուզում է մի հաճելի խոսքով իր տրամադրությունը բացել, միայն կամկաց.

— Ո՛չ, ո՛չ, շնորհակալ եմ. ես կարող եմ:

— Ի հարկե կարող եք. այդ չէի կամենում ասել. դուք այնպիսի... ինչ ասեմ... հմայք ունեք, որ ձեզ համար ամեն ինչ կուզեի ինքս անել:

Սոնան մանրիկ ժպտաց, իսկ Լեոնը նկատելով, որ Մարոյի դեմքով ևս վերջապես ժպիտ սահեց՝ ավելի ոգևորվեց:

— Չեր գրադմունքը թեւադրում է ձեզ սիրել երգը, պարը: Ինչպե՞ս դուր եկան ձեզ այսօրվա պարերն էստրադայում:

— Շարժումները լավ չեն մշակված, — պատասխանեց Մարոն:

— Ա՛յ, սքանչելի ասացիր. ի՞նչ նուրբ դիտողություն. գրացիան էր պակաս, գրացիա չկար... ազնիվ խոսք իմ ճաշակի օրինորդ եք: Ես էլ այդ նկատեցի. մտքերի որսիսի՛ գուգադիպություն:

Սոնան աշխատում էր շմիջամտել նրանց խոսակցությանը, միայն շուտ-շուտ բացում էր ոեղիկուլը ու նրա կողքին փակցրած փոքրիկ հայելու մեջ դիտում էր իր դեմքը:

Երբ նրանք դուրս եկան այգուց, արդեն ժամի տասերկուան էր: Լեոնը ուղեկցեց Սոնային ու Մարոյին մինչև նրանց բնակարանը: Հրաժեշտ տալիս, Լեոնը սեղմեց մեկի, ապա մյուսի ձեռքը, գլուխը խոնարհեց ու ասաց.

— Եթե ձեզ տհաճություն չեմ պատճառում իմ առաջարկով, ապա խնդրում եմ վաղը, ժամը ութին, սպասեք ինձ... ցուցադրվում է նոր կինս նկար. միասին կդիտենք:

Սոնան ասավ՝ «Շատ զգացված եմ», իսկ Մարոն, գլխով միայն մի թույլ շարժում արալ, որ Լեոնը չհասկացավ, դժբախտ իմաստ ուներ, թե բացասական:

ԿԼՈՒՆ ԵՐԿՐՈՐԳ

Սոնայի բնակարանը բաղկացած էր երկու սենյակից. մի մեծ սենյակը նա զբաղեցնում էր ամուսնու հետ. ծառուկի շիրմայով առանձնացրել էր մահճակալները, իսկ սենյակի մյուս մասում դրված էր ճաշասեղանը, պահարանը և մի քանի աթոռներ: Ամուսինը մի հիմնարկում աշխատում էր հրահանգչի պաշտոնով և, գործի բերմամբ, հաճախ, շաբաթներով մեկնում էր շրջանները: Ունեցել էր մի երեսփա, որը երկու տարեկան հասակում մահացել էր թուքերի բորբոքումից: Այնուհետև այլևս ծննդաբերություն չունե-

ցավ. սկզբում տանջվում էր դրա համար, հետո վարժվեց իր վիճակին և այժմ, արդեն, չէր էլ մտածում այդ մասին, քանի որ այսպես ավելի ազատ էր զգում իրեն ու առանց հոգսի, ապրում էր ցանկացած ձևով:

Մյուս, փոքր սենյակը, որոշ նկատառումներով, (վախենալով բնակարանային խտացումից), նա վարձով էր տվել Մարոյին: Հինգերորդ տարին էր, որ Մարոն ապրում էր այդ սենյակում: Նա եկել էր գյուղից. այնտեղ վերջացրել էր յոթնամյակը. ծնողները ցանկացել էին, որ աղջիկը միջնակարգ դպրոցն ավարտի քաղաքում: Գալով քաղաք, մի ծանոթի միջոցով, կապվել էին Սոնայի հետ և նա սենյակը տրամադրել էր Մարոյին: Առաջին երեք տարիները, Մարոյի մայրը, ձմեռը, երբ համեմատաբար ազատ էր գյուղական աշխատանքից, գալիս էր աղջկա մոտ, գյուղական տան խնամքը թողնելով մեծ հարսին: Երբ Մարոն երկու տարի առաջ ավարտեց միջնակարգ դպրոցը, քաղաքում էլ անցավ աշխատելու մանկապարտեզներից մեկում: Նա ցանկանում էր շարունակել ուսումը համալսարանում, բայց առաջին տարին ուզեց հանգիստ տալ իրեն, երկրորդ տարին էլ հիվանդացավ և ահա՛, այս տարի աշնանը նա հույս ուներ իրագործել իր մտածածը: Ծնողները համոզվելով, որ աղջիկն արդեն այնքան է հասունացել, որ կարող է ինքն իրեն կառավարել, դեմ չէին, որ նա շարունակի ապրել քաղաքում, մանավանդ, որ համալսարանական աղջիկ ունենալու հեռանկարը շոյում էր նրանց ծնողական ինքնասիրությունը, չնայած մայրը իրեն հանգիստ չէր զգում և շուտ-շուտ քաղաք էր գալիս աղջկան տեսության. նա հաճախ Սոնային խնդրում էր, որ աչքը լավ պահե աղջկա վրա և Մարոյին էլ միշտ խրատներ էր տալիս, թե տե՛ս, քեզ այնպես պահիր, որ գեղացիների մոտ ամոթով չմնանք, դուստ ու դուռմանի երեսին պարզերես նայենք:

Մարոն չէր հաղթահարել գյուղական աղջկա ամոթխածությունը. նա դպրոցն ավարտելուց հետո շարունակում էր կապը մի քանի ընկերուհիների հետ, որոնք հաճախ այցե-

լում էին նրան և ինքն էլ նրանց էր գնում այցի: Կայ էր պահպանում նաև դպրոցական մի ընկերոջ, Վարդկեսի հետ, բայց նրան հանդիպում էր միշտ ընկերուհիների շրջապատում, իսկ երբ Վարդկեսն ամառները գնում էր պիոներական ճամբար՝ այնտեղից նամակներ էր գրում Մարոյին դպրոցականների կյանքի և բնության գեղեցկությունների մասին:

Մի քանի օր առաջ նա հանդիպել էր Լևոնին: Եվ ահա՛, այսօր էլ բաժանվելով նրանից դեռ չէր կարողանում ինքի իրեն գտնել: Միջանցքում Սոնան առաջարկեց գնալ իր սենյակը, բայց Մարոն շատ էր ուզում մենակ լինել, այդ պատճառով էլ ուշադրություն չդարձնելով, որ Սոնան կարող է վիրավորվել՝ գլուխը բացասաբար թափ տվեց ու մրտավ իր սենյակը:

Նենց որ լույսը վառեց, նկատեց դռան մոտ ընկած մի ծրար: Պոստատարը նրան հասցեագրված նամակները դռան արանքից ներս էր գցում: Մարոն անմիջապես վերցրեց նամակն ու բացեց: Գրում էր Վարդկեսը, Ծաղկաձորից, որ այժմ նա զբաղված էր ճամբար գնացած դպրոցականների ֆիզիքական դաստիարակությամբ: Վարդկեսը, նկարագրելով իր առօրյան, հայտնում էր, որ այս քանի օրս Ծաղկաձորում հանդիպել էր իրենց դպրոցական ընկերներից Արփիկին և նրա հետ շատ բաներ էին վերհիշել. «Ի՛նչ քաղցր են դպրոցական կյանքի հուշերը, — գրում էր Վարդկեսը: Արփիկին հիշեցրեց ինձ այսպիսի դեպք: Մեր դասարանում մի աղջիկ ունեինք՝ Նազիկը, որ անուշադիր էր դեպի դասերը: Չորրորդ դասարանում սովորելիս, ուսուցիչը մի օր նրան հարցրեց՝ հապա Նազիկ, շաղկապով մի նախադասություն ասա: Նազիկը լավ չսեց, թե ինչ էր, աշխուժ պատասխանեց՝ հողում տոզեց շաղկամը: Բոլորս ծիծաղեցինք: Ուսուցիչը, որ խիստ մարդ էր, նույնպես չկարողացավ դապել իրեն և փոթկաց»:

Մարոն մի քանի անգամ կարգաց այդ տեղը և ինքն էլ սրտանց ծիծաղեց, սպա լույսը հանդերեց ու մտավ անկողին:

Թեք ընկած, նա լուսամուտից դուրս էր նայում. անց-
ուղարձը դադարել էր, միայն փուղոցի մայթերի կողքից
հոսող առունների քչքչոցն էր լսվում: Մարոն ունկնդրում էր
այդ քչքչոցը ու հիշում դպրոցական ընկերներին: Վարդկե-
սի հետ նա շատ անգամ էր դաս պատրաստել: Ե՛վ այն
ժամանակ, և՛ ավարտելուց հետո, նրանց զրույցի նյութը
չէր դուրս գալիս դպրոցական կյանքի շրջանակներից: Նույն
նյութին էին վերաբերում նաև Վարդկեսի նամակները:

Վերջին երկու տարում Մարոն շատ էր փոխվել: Եվ
ամառվա այս ջերմացնող արևի տակ, նա վաղորդյան ցո-
ղով շաղված վարդի նման փերթ-փերթ բացվում էր: Այդ
առանձնապես նա զգում էր Լեոնի հետ հանդիպելուց հե-
տո: Մի՞թե արդեն սկսվում է նրա կյանքի նոր շրջանը,
որի մասին վերջերս այնքան խոսում էր Սոնան: Ինչպիսին
կլինի այդ նոր շրջանը, նա չգիտեր, և դրա համար էլ տագ-
նապսով լցված էր նրա հոգին: Դպրոցից հետո, ընկնելով
մանկապարտեզ, կարծես ինքն էլ մանուկ էր դարձել և
ահա՛, այժմ, Լեոնը իր հաշտեցնելով ու խոսքերով, այլ
կյանքի էր կոչում նրան: Ե՛վ չէր ուզում հանդիպել Լեոնին,
սակայն հրաժարվել էլ չէ՛ր կարողանում. մանրամասն չէր
հիշում, թե ինչեր ասաց Լեոնն իրեն ընթրիքի ժամանակ,
բայց այն, ինչ մնացել էր իր հիշողության մեջ, այն է
«հմայք ունեք», այդ հանդիստ չէր տալիս իրեն: Արդյոք
ի՞նչ նոր բան կասի վաղը Լեոնը: Եվ չկարողանալով գլուխ
հանել իր կյանքի համար սկսվող նոր շրջանի հարցերից,
դուրսը թաղեց բարձերի մեջ և ուզեց քնել:

Իայց երկար ժամանակ նա չէր կարողանում հանդարտ-
վել. մի պահ մտածեց, այդ ամենից ազատվելու համար,
հենց վաղն ևեթ գնալ գյուղը, ծնողների մոտ, սակայն իս-
կույն էլ այդ մտքից հրաժարվեց: Առուն շարունակում էր
խոխոջել: Ինչքան ցանկանում էր մոռանալ Լեոնի «հմայք
ունեք» խոսքերը, չէր լինում: Ստվերի նման, Լեոնն իր
խոսքերը շրթունքներին, երազի մեջ էլ հետևում էր նրան:

Հետեյալ օրը, երեկոյան, երբ արդեն երկինքն աստղազարդվել էր, մի զույգ, թողնելով քաղաքի կենտրոնական լուսավոր և մարդաշատ փողոցը, անցավ խաղաղ ու սովորոտ մի փողոց:

Միայն այդտեղ աղջիկը թողեց, որ տղան իր հետ քայլի թեանցուկ: Մարտն ու Լեոնն էր այդ զույգը. նրանք նոր էին դուրս եկել կինոյից:

Կինոյում նրանց հետ էր նաև Սոնան. բայց հենց որ նրանք նկարը դիտելուց հետո դուրս եկան: Հանդիպեցին Սոնայի ամուսնուն, որը վերադարձել էր գործուղումից, Սոնան հրաժեշտ տվեց զույգին ու ամուսնու. հետ տուն գնաց:

Լեոնը Սոնայի հեռավոր ազգականներից մեկի որդին էր. ազգականները վերջին տարիներում համարյա թե չէին հանդիպում միմյանց: Ինչ որ առիթով գժտվել էին: Բայց Սոնան դեմ չէր նրանց հետ վերահաստատել իր բարեկամությունը: Եվ երբ, մի օր, Սոնան, փողոցում հանդիպեց Լեոնին, նրան տուն հրավիրեց. Լեոնը շմերժեց: Հենց այստեղ էլ նա տեսավ Մարոյին և ուզեց մտերմանալ նրա հետ: Թե ինչ մտադրություններ ուներ Լեոնը Մարոյի նրկատմամբ, այդ չէր հետաքրքրում Սոնային: Բավական էր, որ Լեոնը գոհ էր իրենից:

Եվ ահա՛, այսօր, վերջապես, Լեոնը Մարոյի հետ էր: Նա հպվել էր Մարոյի թևին ու ինչ որ փսփսում էր նրա տկանջին: Հասնելով Նորքի ստորոտը, Լեոնն առաջարկեց Մարոյին նստել մի քարի վրա: Մարտն լուռ համակերպվեց: Նա ունկնդրում էր Լեոնին, որն անընդհատ խոսում էր:

Իսկ Լեոնը խոսում էր ամեն ինչի մասին, և ամենից շատ այն մասին, որ Մարոյին տեսնելուց հետո նա ամեն ինչ մոռացել է և շարունակ, քնած թե արթուն, նրա պատկերն ունի իր աչքի առջև:

— Մարո՛, — կրկին խոսեց Լեոնը, — չե՞ս հավատում,

որ աշխարհում ամենալավ բանը սիրելն է. ասա՛, մի բան ասա. ուզում եմ լսել քո ձայնը:

— Դե՛, շեմ իմանում,— կմկմում էր Մարոն, հայացքն հառած մի պսպղուն աստղի:

Մարոն չէր կեղծում. նա այն բնավորութուններից էր, որոնք երկար ժամանակ դեռ կյանքին նայում են երազուն աչքերով և ամեն ինչ երևում է խորհրդավոր ու մշուշոտ: Գտնվելով ծնողներից հեռու, նա իրեն ազատութուն չէր տվել, վախենալով որ չլինի, թե անպատեհ մի վարժունքով նրանց մտահոգություն պատճառի: Լսելով Լևոնին, ներքնապես բավականություն էր զգում, որ ինքն այնքան արժանիքներ ունի, որ նրա աչքերի առջևից չի հեռանում: Եվ այդ զգացումը նրան երախտապարտ էր դարձնում այդ երիտասարդին: Լևոնն հասկանում էր, որ Մարոն հաճույքով և լսում իր խոսքերը. այդ ավելի էր ոգևորում նրան և նա չէր դադարում խոսելուց:

Այո՛,— մտածում էր յուրովի Մարոն,— ամեն ինչ այսպես է սկսվում. պարզ դիշեր, լուսին ու աստղեր. բնություն, կյանքի պահանջներով լցված երիտասարդ, սիրո խոսքեր, որոնք հնչում են նրա ականջին այնպես, ինչպես կարկաչահոս առվի ձայնը: Այս մտքերի մեջ էր Մարոն, որ Լևոնը դեմքը մոտեցրեց նրան և համբուրեց նրա շրթունքները:

Մարոն հանկարծակի եկած գլուխը հետ տվեց և քիչ էր մնում քարի վրայից ցած ընկնի, բայց Լևոնը նրան պահեց: Այդ պահին ոչ ոք չկար շրջապատում, բայց Մարոյին թվում էր, թե անհամար աչքեր իրենց են նայում և հատկապես իրեն, Մարոյին. այնքա՛ն անհարմար զգաց նա, որ արցունքները դուրս ժայթքեցին աչքերից: Լևոնը նկատեց այդ և հոգատար ձայնով ասաց.

— Մարո, մի՛թե ես մի անհաճելի բան արի. ների՛ր ինձ:

Մարոն լուռ էր:

— Մարո,— կրկնեց Լևոնը և նկատելով, որ Մարոն

այլև չի խուսափում իրենից, նորից համբուրեց նրան, շնչալուով,— ես գիտեմ, դրանք սիրո, ուրախութեան ար-
ցունքներ են. վերջապես կարող եմ հույս ունենալ, որ եմ
Մարոն գեպի ինձ անտարբեր չի լինի: Այդպես չէ՞, ասա
ասա՛:

Այդ բացատրությունը թեև դուր եկավ Մարոյին, բայց
զգում էր, որ այլևս երկար չէր կարող կեռնի հետ նստած
մնալ քարին, այդ անշունչ վկային: Երբ ուզեց բարձրանալ,
տեսավ որ թուլացել է, կարծես մի ծանր աշխատանքից
հոգնած: Կեռնը օգնեց նրան ոտքի կանգնելու:

Նոր էր զգում Մարոն, որ ամբողջ դեմքն այրվում է.
Երբ հասան Արուվյան փողոցը, ուր լույսերն առատ էին,
Մարոն աշխատում էր արագ անցնել լապտերների մոտից,
որ ոչ ոք չնկատի իր շփոթությունը:

Հասնելով Մարոյի բնակարանին, կեռնը ցանկացավ
նրան առաջնորդել սենյակ, բայց Մարոն «ոչ, ոչ» ասելով,
առանց նույնիսկ հրաժեշտ տալու կեռնին, իրեն զցեց սեն-
յակը:

Եվ նա ժամերով գլուխը թաղած բարձերի մեջ մտածում
էր, թե ի՞նչ է կատարվում իր հետ: Անձանոթ զգացումից
ցնցվում էր ողջ էութեամբ, և զգում էր, որ այլևս մենակ
չէր կարող ապրել ու կցանկանար, որ իր ականջին հնչեին
կեռնի խոսքերը:

Առավոտը նա դարթնեց դալով դեմքով, լվացվեց, մի
կտոր բան կերավ և երբ ուզում էր սենյակը կարդի բերել,
ձեռքն ընկավ Վարդկեսի նամակը: Նա նորից կարգաց այն
և ինչքան մտածում էր մի քանի խոսքով (ինչպես անում
էր մինչ այդ) պատասխանել նրան, սակայն ոչ մի կերպ
չէր կարողանում հավաքել մտքերը: Եվ երբ նորից ուշադիր
կարգաց նամակը, երբ նորից հասավ շաղկապի ու շաղգա-
մի պատմությունը, այս անգամ ժպիտ չերևաց նրա դեմ-
քին: Երեկ գիշերվանից ինչքան էր ինքը հեռացել այդ ա-
մենից. ի՞նչ կարող էր գրել այդ Վարդկեսին: Այժմ ուրիշ
բանի էր կարոտ նրա հոգին: Եվ նա զղջում էր, որ երեկ

ինքն այնպես անհարմար կերպով հեռացավ Լեոնից, որ չի-
մացավ, թե նա ինչ նոր բան կասեր իրենց հետագա հան-
դիպման մասին:

Այս մտքերի մեջ էր նա, երբ Սոնան, տառնց ազգա-
նշանի ներս մտավ և նայելով Մարոյի դալուկ դեմքին խոր-
հրգավոր ժպտաց: Հետո նա, ըստ իր սովորութեան, խու-
ղարկու հայացքով նայեց սենյակի շորս կողմը և նկատե-
լով նամակը, որ Մարոն դրել էր սեղանին, վերցրեց այն:
Մինչ այդ, Մարոն ոչ մի գաղտնիք չէր ունեցել Սոնայից:
Սոնան ամեն ինչ տնօրինում էր նրա սենյակում և նրա նա-
մակներն էլ կարդում էր, առանց հարցնելու Մարոյի հա-
մաձայնությունը. այժմ էլ նա աչքի անցկացրեց Վարդկեսի
նամակը. Մարոն սրտատրտի հետևում էր Սոնային, չգիտեր
ինչու, բայց չէր ցանկանում որ Սոնան կարգա այդ նամա-
կը. երբ Սոնան ընթերցումն ավարտեց, նամակը շարտեց
սեղանին և դարձավ Մարոյին:

— Այդ Վարդկեսն էլ բան է գտել գրելու:

Մարոն մեղապարտի հայացքով նայեց նրան ու կմկր-
մաց:

— Ինչ որ անցել է սրտից, այն էլ գրել է:

— Թո՛ղ այդ բաները, թո՛ղ. դու հո նորից երեխա չես
դառնա:

Մարոն չպատասխանեց. նա իհարկե երեխա չէ, բայց
այն միտքը, որ Սոնան, գուցե և Լեոնը իր վրա կարող են
նայել իբրև երեխայի մի պահ վիրավորեց նրա ինքնասի-
նությունը: Մեծանակ երևալու ձգտումը Մարոյի մեջ նույն-
պես բուռն էր, ինչպես իր հասակակից շատ երիտասարդ-
ների մեջ: Նա ոչինչ չպատասխանեց Սոնային, բայց գտավ,
որ այլևս հարկ չկար Վարդկեսին պատասխանելու, որով-
հետև ինչպես նրան թվաց, նա իրեն երեխայի տեղ էր դը-
նում, իսկ ինքն այլևս չի կարող դբաղվել երեխայական
բաներով:

Այս միտքը թեև չսփոփեց նրան, բայց գա արդարա-

ցուցիչ միջոց էր իր համար, որ շարտասխանի Վարդկեսին:

Սոնան շիմացավ, թե ինչ որոշում ընդունեց Մարոն, բայց մոտեցավ, շոյեց նրա մեջքին փոխած հյուսկերը, ապա զննող հաշաքրով նայեց նրա աչքերի խորքն ու ասաց.

— Ինչո՞ւ գուշնդ տեղը չէ:

Մարոն շփոթվեց ու խուտափողական պատասխան տվեց: Բայց Սոնան, որ իր հարցի պատասխանը չէր պատում վրա բերեց.

— Բախտդ բանեց:

Մարոն ուզում էր, որ Սոնան ավելի պարզորոշ խոսի, թե ինչումն է իր բախտավորությունը, բայց Սոնան ավելին չասաց. ինքն էլ անհամար համարեց որևէ բան հարցնել: Բայց Սոնայի բառերի խորհրդավորությունը գրգռում էր նրա երևակայությունը և նա սկսում էր անհամբեր դառնալ: Այս անգամ արդեն ինքն էր ձգտում, որ Լևոնը ժամ առաջ հայտնվեր, գուցե թե այն ժամանակ ինքն ավելի հեշտ հասկանար այդ բառերի իմաստը:

ԳԼՈՒԽ ԶՅԵՐՈՐԴ

Անհանգիստ ու անհամբեր էր դարձել Մարոն: Ամառվա արձակուրդն արդեն ձանձրալի էր նրա համար:

Երկու օր էր, որ չէր երևացել Լևոնը և դա նկատելի կերպով մտահոգում էր նրան: Ես մեկ-մեկ մտնում էր Սոնայի սենյակը, անկապակցված խոստում առօրյա գործերի մասին, սակայն որևէ բանի վրա չէր կենտրոնանում: Դեռ այնքան էլ համարձակություն չունեիր, որ Սոնայից հարցներ, թե ուր է Լևոնը, իսկ Սոնան լավ էր հասկանում, որ այժմ Մարոյին այլ բան չէր հետաքրքրում, բան զրույցը Լևոնի մասին, բայց Մարոյի հետաքրքրությունը գրգռելու համար, ինքն իր կողմից այլևս խոսք չէր բաց անում:

Այսօր էլ ահա՛, Մարոն գուրս եկավ փողոց, բարկ ա-

բեն այրում էր շրջապատը. նա անցնում էր ստվերներով: Ուրիշ անգամներ, որ նրան թվում էր, թե բոլորն իրեն են նայում, ինքն ամենքի հետաքրքրութեան առարկան է, այժմ նրան թվում էր, թե ոչ ոք չի հետաքրքրվում իրենով և այլևս ոչ ոքի հետ չի կարող մտերիմ լինել: Ինչից էր այդ մտածում էր Մարոն և պատասխանը մեկ էր. մինչ այդ ոչ ոք այնպես հուզիչ խոսքեր չէր շնչացել իր ականջին, որքան այդ Լեոնը: Ո՛հ, Մարոն սիրում է կյանքը. նա սիրում է ապրել, ապրել ու ստեղծագործել,— հիշեց նա իր մի սիրած գրքի խոսքերը, որ ինքն արտագրել էր իր տետրում,— կյանքն ստեղծագործութունն է և ստեղծագործութունը կյանք. մահն սկսում է այն պահից, երբ դադարում է ստեղծագործութունը:

Նա հասավ Նորքի ստորոտը ու կանգ առավ. ահա այն քարը, որի վրա ինքն ու Լեոնն էին նստած այն գիշեր. թրվաց, թե նորից շիկնում է դեմքը և շրթունքներն այրվում են: Բայց այդ դպացումը, այժմ զարմանալիորեն հաճույք էր պատճառում նրան: Այս քարի վրա էր, որ Լեոնն իրեն սիրո հավաստիացումներ տվեց... ինչքա՛ն կուզեր Մարոն, որ բոլորն այնպես լինեի, ինչպես Լեոնն էր ասում: Այլ կերպ չի կարող լինել. Սոնան էլ երևի շատ բան գիտեր, որ այնպես խորհրդավոր ասեց՝ «բախտդ բանեց»:

Զվարթացած այս մտքերից, նա այն է, ուզում էր սուն վերադառնալ, երբ հանկարծ կանգ առավ: Դիմացից դալիս էր Լեոնը: Նա նոր էր իշել ավտոմեքենայից: Մարոյի գեմքին ժպիտ փայլեց, Լեոնն հասկացավ այդ ժպտի իմաստը, ինքն էլ ժպտաց և ջերմորեն սեղմեց Մարոյի ձեռքը. ապա մի երկու խոսքով պատմեց, որ հիմնարկի կողմից գործուղվել էր Ծաղկաձոր, ինչ որ գործեր էր կատարել, բայց Մարոյին այդ պահին ոչինչ չէր հետաքրքրում: Նա միայն ուզում էր տեսնել ու լսել Լեոնին, խոսել նրա հետ:

Նրանք ուղղակի գնացին Սոնայի բնակարանը: Սոնան և ամուսինը սիրալիկ ընդունեցին նրանց: Այդ օրը, ճաշից

հետո, Սոնայի ամուսինը նորից պետք է շրջան մեկնենք. նա ասաց, գոհ է, որ առիթ ունի Լեոնի հետ սեղան նստել:

Մարոն խոհանոցում օգնում էր Սոնային կերակուրներ պատրաստելու, հաճախ մտնում էր սենյակ, ուր Լեոնն ու Սոնայի ամուսինը նարդի էին խաղում և միաժամանակ վիճում, թե սարդը քանի թև ունի:

Մարոյին զվարճություն էր պատճառում այդ վեճը, որում նա թեև որևէ իմաստ չէր գտնում, բայց այժմ, ինչ որ Լեոնն էր ասում, նրան հաճելի էր երևում:

Ժամի երեքին արդեն սկսեցին ճաշել: Ծաշը պատրաստված էր թարմ բանջարեղենից ու մատղաշ ոշխարի մսից: Կոնյակը և գարեջուրը ճոխացնում էին սեղանը: Սկզբում խմեցին Սոնայի և իր ամուսնու կենացը: Հետո Մարոյի, ապա Լեոնի կենացը:

Սոնան այլևս ոչ մի խոսք չէր ասում Մարոյի և Լեոնի փոխհարաբերությունների մասին: Մարոյի կենացը խմելիս նա միայն ասաց.

— Բախտավոր լինես:

Մարոն ժպտաց և այդ խոսքերի տակ նրա մտքի համար բացվեց երևակայական մի լայն աշխարհ:

Ծաշից հետո, Սոնան ու ամուսինը պատրաստվեցին զնալ մի բարեկամի այցելության, որի մոտ վաղուց չէին եղել: Գնացքը պիտի մեկնեն երեկոյան ժամը ութին և դեռ ժամանակ կար Սոնայի ամուսնու համար: Ամուսինը հենց այդ բարեկամի մոտից էլ պիտի զնար կայարան:

Երբ ամուսինները պատրաստվում էին դուրս գնալ, Մարոն ցտեսություն արավ ու զնաց իր սենյակը, իսկ Լեոնը մնաց հանգստանալու Սոնայի սենյակում, թեև Սոնան չէր ուզում, որ ամուսինը որևէ բան կռահեր, թե Լեոնը հետաքրքրված է Մարոյով:

Մարոն մտնելով իր սենյակը դուռը ծածկեց, և հենց դռան մոտ էլ անշարժ կանգնած մնաց: Նա ոտնաձայներից իմացավ, թե ինչպես Սոնան ու ամուսինը տանից դուրս գնացին, ապա իմացավ, թե ինչպես Լեոնը միջանցքի դուռը

փակեց, ետ դարձավ ու, ըստ երևույթին, կանգնեց տեղում: Մի պահ տիրեց բացարձակ լուսթյուն, Մարոն միայն իր սրտի արտփյունն էր լսում:

Նա վախենում էր տեղից շարժվել, չլինի թե դրանով մատնի իրեն, որ ինքը հետևում է մյուսների արարքներին: Բայց կեռնն էլ չէր շարժվում: Բնակարանում բացի իրենցից ոչ ոք չկար: Այո՛, այսպես լավ է, լուսթյուն: Ուրիշ բան էր այնտեղ դուքսը, բայց այստեղ չորս պատերի մեջ, նա չի կարող մենակ լինել կեռնի հետ: Ինչ բան հնարեց այդ Սոնան, ինչ այցելության գնալու ժամանակ էր: Մարոն ցընցվեց. կեռնը իր ներկայությունը զգալ է տալիս. նա մոտեցավ Մարոյի դռանը ու կամացուկ բախեց:

Մարոն շունչը պահեց: Ոչ մի ձայն:

Կեռնը նորից բախեց ու կամացուկ շշնջաց:

— Մարո՛:

Մարոյի մարմնով կարծես մրջյուններ էին վլստում. ինչո՞ւ է կանչում հիմա: Բավական է ինչքան խոսեցին, այժմ պետք է հանդատանալ: Երեկոյան նրա հետ նորից կարող է գնալ այգի. բայց այժմ պետք է դռան փականքն ամրացնել ու կեռնին ասել, որ հիմա չի կարելի տեսնվել, անհարմար է, տանն ուրիշ մարդ չկա: Բայց չէր լինում, ոչինչ չէր կարող ասել և երբ այս անգամ նորից լսեց իր անունը, ձեռքը բնազդով ետ քաշեց փականքից:

Կեռնը խոսում էր դռան ճեղքից: Մարոն ոչինչ չէր հասկանում նրա ասածներից, մանավանդ, որ կեռնը խոսում էր շշունջով, բայց չէր ուզում, որ կեռնը դադարեր շշնջալուց: Թե ինչքան շշնջաց կեռնը, Մարոն ոչինչ չէր կարող ասել, մեկ էլ այն տեսավ, որ դուռը բացվեց, ինքը կեռնի հետ անցավ միջանցքը, երկուսով մտան Սոնայի սենյակը և դեռ իրեն չէր գտել, երբ զգաց, որ ինքն արդեն կեռնի գրկումն է և, կարծես անըջանքի մեջ, ենթակա մի բռնակալ կամքի, անզոր էր դարձել որևէ ընդդիմության...

Հետևյալ օրը Մարոն զարթնեց շատ ուշ: Զարթնեց, կարծես մի ծանր մղձավանջից: Մի հայացքով շփուեց սենյակը, ամեն ինչ տեղումն էր. երբ վեր ելավ անկողնուց, լուսամուտից դուրս նայեց. թվում էր, թե ամեն բան այլ կերպարանք էր ստացել: Նա փորձեց ելնել միջանցքը, լրվացվել, սակայն երբ ձեռքը տարավ փականքը բացելու, անմիջապես ետ քաշեց, դնաց հենվեց սեղանին և աչքերը լցվեցին արտասուքով:

Ա՛խ, այդ փականքը. այն ի՞նչ վայրկյան էր երեկ, որ ձեռքը դավաճանեց իրեն: Չէ՞ որ ինքը, թեև ձգտում էր կեռնին, բայց երբեք այդպիսի վախճան չէր սպասում: Ճիշտ է, կեռնը նորից ասաց սիրալիր խոսքերի մի ամբողջ շարան, խոստացավ դալ, բայց այժմ Մարոն նրան սպասում էր և՛ կարոտով, և՛ սարսափով: Նորից փորձեց միջանցք դնալ, բայց էլի սիրտ չարավ. չէ՞ որ այնտեղ կարող էր հանդիպել Սոնային, իսկ ինքն այնպե՛ս էր քաշվում այժմ նրանից, որ չգիտեր, թե ինչ պիտի խոսեր նրա հետ:

Այսպիսի տարտամ զգացումներով նա անցկացրեց մի բանի ժամ, երբ վերջապես սիրտ արեց ու միջանցք ելավ: Սոնան տանը չէր. Մարոն իրեն ազատ զգալով, լվացվեց, կարգի բերեց զգեստները, սակայն ուտելու ախորժակ չուներ: Օրն իր վախճանին էր հասնում և Մարոյի տագնապն ավելանում էր: Նա վերցրեց մի դիրք և ուզեց կարդալ: Կարդաց մեկ էջ, երկու էջ և երբ փորձեց հիշել, թե ինչը տպավորվեց մտքում, ապա տառերից ու տողերից բացի այլ բան չկարողացավ հիշել:

Գիրքը դրեց սեղանին ու ակամա մտտեցավ դռանը: Միջանցքից ոտնաձայն լսվեց: Մարոն շիկնեց. ձեռքը դրեց կրծքին. սիրտը, կարծես ուզում էր դուրս թռչել: Մարոն արդեն ճանաչում էր կեռնի ոտնաձայնը:

Քիչ հետո, երբ արդեն կեռնը նրա սենյակումն էր, Մարոն էլեբարական լույսի տակ մի պահ զննող նայեց նրան,

սակայն Լևոնը անմիջապես գրկեց նրա գլուխը և Մարոն շկարողացավ երկար նայել նրա դեմքին:

Իսկ Լևոնը կրկնում էր.

— Մարո, իմ սիրելի Մարո:

Մարոն փղձկաց. արտասովալից աչքերով, սակայն համարձակութուն ստացած ասաց.

— Լեոն, տա՛ր ինձ այստեղից, տա՛ր, չեմ կարող այլևս այստեղ մնալ. հասկանո՞ւմ ես, ես չեմ կարող այլևս Սոնայի աչքերին նայել:

— Իհարկե, իհարկե, — կրկնեց Լևոնը:

Նվ այսպես անցան օրեր, շաբաթներ, ամիս: Լևոնն սկզբում այցելում էր ամեն օր, հետո օրընդմեջ. Մարոյի հետ գնում էին զբոսնելու քաղաքային այգի, բայց ավելի շատ ստովերոտ փողոցները: Մարոն առաջին օրերում մեղամությամբ, վերջերում ավելի որոշակի խնդրում էր Լևոնին, տանել իրեն այդ բնակարանից: Ճիշտ է Մարոն հիմա սովորականի նման հանդիպում էր Սոնային, բայց երբեմն զայրույթով էր լցվում նրա դեմ. չէ՞ որ նա էր սկզբում իրեն մղում դեպի Լևոնը, իսկ այժմ իրեն այնպես էր պահում, կարծես բանից տեղյակ չէր: Այժմ Մարոյի համար ամենացանկալին այն էր, որ այլևս չհանդիպեր այդ Սոնային: Սակայն Լևոնը դեռ որոշակի ոչինչ չէր ասում, կտանի՞ Մարոյին այդտեղից, թե՞ չէ:

Նվ երբ վերջին մի քանի օրը Լևոնը չերևաց, Մարոն սպասեց էլի մեկ-երկու օր ու ուրիշ խորհրդատու շունենայով, զնաց Սոնայի սենյակը:

Նստեց աթոռին, ձեռքերը վհատությամբ ծալեց կրծքին ու մրմնջաց.

— Ի՞նչ է լինելու իմ վերջը, Սոնա:

— Չեմ հասկանում, ինչի՞ մասին է խոսքը:

Մարոն արտասովեց. իրո՞ք Սոնան չէր հասկանում. Մարոն դժվարանում էր կռահել. բայց և զգում էր, որ ինքն էլ բացի իր անորոշ հարցից ուրիշ բան չէր կարող ասել

Սոնային: Միայն վերջում Մարոն սիրտ արավ ավելի որոշակի հարցնելու:

— Չգիտե՞ս, ո՞ւր է Լևոնը:

— Կարոտե՞լ ես,— հարցրեց Սոնան:

Նվ աչնպիսի մի ժպիտ խաղաց նրա դեմքին, որ Մարոն անպատասխան թողնելով նրա հարցը, ատելության զգացումով լցվեց դեպի այդ կինը:

Սոնան, Մարոյի անհաճելի դարձող ներկայությունից ազատվելու համար, մի քանի հանգստացնող խոսք ասավ նրան: Մարոն վերադարձավ իր սենյակը:

Մարոն լուր ստացավ, որ Լևոնը ինչ որ շտապ հանձնարարութեամբ շրջան է մեկնել և դեռևս այնտեղ բավական ժամանակ կմնա: Նրան միայն այն էր զարմացնում, թե ինչպես էր, որ Լևոնը վերջին պահին իրեն չէր այցելել: Նրա պարզ հոգին արդարացուցիչ պատճառներ էր գտնում Լևոնի համար. այո՛, թերևս, նա մի լավ բան է պատրաստում իր համար, ուզում էր սյուրպրիզ անել:

Բայց բոլոր այս մտածումները պղպշակի պես օդը ցնդեցին, երբ նա մի օր հանկարծ զգաց, որ ինքն այլևս այն թեթևաշարժ աղջիկը չէ: Հարկադրված նորից վնաց Սոնայի մոտ, պատմեց ինչ որ բաներ, ասաց, որ հիվանդի պես է զգում իրեն:

Սոնան հասկացավ եղելությունը և Մարոյին բացատրեց, թե ինչ է սպասում նրան:

Մարոն պատրաստվում էր մայրութեան:

Այս հայտնությունից Մարոյի բերանը մնաց կիսաբաց. շուտ աչքերով նա նայեց Սոնայի դեմքին և էլի չիմացավ կարեկցութեան, թե՞ հեզմանքի արտահայտութեան կար այնտեղ:

Նրա սրտի բարբախումն արագացավ ու նա չկարողանալով տեղից շարժվել՝ նվաղկոտ հենվեց աթոռին:

Մարոն փակվեց իր սենյակում: Եթե անհրաժեշտ էր տանից դուրս գալ, որևէ անհետաձգելի գործի համար, ապա նա դուրս էր գալիս գաղտագողի, որպեսզի ոչ ոքի չհանդիպի: Եվ ամենադժվարը նրա համար այն էր, որ շուտով վերջանալու էր ամառային արձակուրդը և ինքը հարկադրված պիտի վերսկսեր իր աշխատանքը մանկապարտեզում: Ի՞նչպես հանդիպեր ծանոթներին, երեխաներին: Ինչո՞ւ Լևոնը զրկեց իրեն ընկերների երեսին պարզորեն նայելու հնարավորությունից, ինչո՞ւ զրկեց իրեն հպարտությունից: Այս էր մտորում նա, բայց հույսը չէր կարում, որ շուտով Լևոնը կվերադառնա և ամեն ինչ բնական ընթացքը կստանա:

Այս մտքերով նա նստած էր սենյակում, երբ միջանցքից լավեցին արտասովոր ձայներ: Մարոն սրտատրոփ ոտքի ելավ. վերջապես, եկավ Լևոնը: Եվ սուանց սպասելու, որ դուռը ծեծեն, նա շտապ բացեց այն: Զրնգուն ծիծաղով նրա դեմը ելավ իրեն հասակակից մի աղջիկ. ներս մտնելով նա փաթաթվեց Մարոյին: Երբ Մարոն ազատվեց աղջկա գրկից, նկատեց, որ դռանը սպասում է մի երիտասարդ: Վարդկեսն էր, իր դպրոցական ընկեր Վարդկեսը: Բնավ չհիշեց, որ անպատասխան էր թողել նրա նամակը, անմիջապես նրան ներս հրավիրեց, ջերմորեն սեղմեց ձեռքը, ապա նորից փաթաթվեց ընկերուհուն, բացականչելով:

— Արիի՛կ, Արիի՛կ:

Մարոն բոլորովին մոռացավ, որ ինքն սպասում էր Լևոնին: Այժմ նա շատ էր ուզում լսել վաղեմի ընկերներին, Ծաղկաձորում նրանց անցկացրած կյանքի ու նրանց հետադա անելիքների մասին, և նույնիսկ հաճույքով կլսեր, եթե Վարդկեսը խոսեր դպրոցական շրջանի հուշերից: Սակայն Մարոն նկատեց, որ Վարդկեսի տրամադրությունն այնքան էլ բարձր չէ:

Խոսում էր մենակ Արիիկը, այդ աշխուժ ու կենսուրախ:

աղջիկը ծնողների հետ ամառն անցուցել էր Մաղկաձորում, հաճախ հանդիպել էր Վարդկեսին, և այժմ էլ պատրաստվում էր գնալ գյուղ, իբրև ուսուցչուհի:

— Եվ գիտես ո՞ւմ հետ եմ գյուղ գնում, Մարո,— ժպտալով ասաց Արփիկը:

— Ոչինչ չգիտեմ:

— Հովհաննեսի:

— Նրան, որին իմաստուն Օհան էինք ասում:

— Այո՛, այո՛, ի՞նչ է իմաստուն շէ՛ր,— բարձրաձայն ծիծաղեց Արփիկը:

Դպրոցում այդ Հովհաննեսին իմաստուն մականունն էին տվել նրա համար, որովհետև նա դպրոցական բեմի վրա, աշակերտներից մեկի գրած պիեսում, խաղացել էր ծերունի Օհանի դերը, իսկ ծերունին, ամեն քայլափոխին, իմաստուն խորհուրդներ էր տալիս իրեն դիմող մարդկանց:

— Եվ գիտե՞ս, Մարո, ի՞նչ իմաստուն քայլ արավ Հովհաննեսը:

— Ի՞նչ:

— Ինձ հետ ամուսնացավ:

Այս անգամ Մարոն ևս ծիծաղեց: Երկար ժամանակ նա այդպես սրտանց չէր ծիծաղել: Արփիկի հետագա խոսքերից Մարոն իմացավ, որ Հովհաննեսը ժամանակ առաջ գյուղ էր գնացել, այնտեղ որոշ բաներ կարգավորելու, իսկ Արփիկն էլ մի քանի օրից գնալու էր:

Վարդկեսը լսում էր այդ ամենը, սակայն նրա տրամադրությունը չէր բացվում:

Մարոն այժմ հիշելով, որ անպատասխան է թողել Վարդկեսի նամակը կշտամբեց իրեն, ուզեց դրա համար ներողություն խնդրել, բայց միայն հարցրեց:

— Վարդկես, ինչո՞ւ դու էլ չես խոսում:

— Այսօր ես ուզում եմ միայն լսել:

— Է՞, Վարդկեսի քեֆին դիպել են,— միջամտեց Արփիկը:

— Ո՞վ, ինչպե՞ս,— հետաքրքրվեց Մարոն:

Վարդկեսը մի անհանգիստ շարժումն արեց և նշանա-
կալից նայեց Արփիկին: Արփիկը հասկացավ Վարդկեսին,
ուստի միայն անորոշութեամբ պատասխանեց Մարոյի հար-
ցին:

— Ոչինչ, հեշտ անցավ, զգվելի մեկը ուզում էր,
բաներ հնարել, բայց ինքը ծիծաղելի դրութեան մեջ ընկավ:

Մարոյին շատ հետաքրքրեց ընկերուհու հաղորդածը:
Սակայն Արփիկը շուգենալով Վարդկեսի ներկայութեամբ
խոսել, ասաց, որ վաղը կանցնի նրա մոտ և ամեն ինչի
մասին կխոսեն:

Մարոն ուզեց ընկերների համար գոնե մի համեստ սե-
ղան բաց անել, բայց այն ինչ ինքն իմացավ Սոնայից իր
վիճակի մասին կարկամեցնում էր նրան, նա վախենում էր
սենյակում շարժվել, որ չլինի թե Արփիկն ու Վարդկեսը մի
բան նկատեն, այնքան անհարմար էր զգում նա նրանց
ներկայութեամբ:

Արփիկը, ոգևորված, առանձին ծիծաղաշարժ դեպքեր,
էր հիշում ամառանոցավորների կյանքից, պատմում էր և
հնչուն ծիծաղով լցնում սենյակը:

Դուռը ծեծեցին: Մարոն սրտատրոփ վեր ելավ տեղից:
Դուռը բացեց և այնպիսի մի ձայն ելավ նրա կողորդից,
որ դժվար էր ասել վախեցածի ճիշ է, թե ոգևորվածի բա-
ցականչություն: Ծեմքից ներս մտավ կեռնը:

Մարոն ուրախացավ, որ նա վերջապես վերադարձավ,
բայց նրա համար հանելուկ էր, թե իբրև ի՞նչ ներկայացնի
կեռնին իր ընկերներին: Ա՛խ, կեռն, ինչո՞ւ ես այսպիսի
անորոշ վիճակի մեջ դրել Մարոյին, — մտածեց Մարոն և
դեռ չէր որոշել ասելիքը, երբ նկատեց, որ Վարդկեսն էլ
ու Արփիկն էլ ստիճի են կանգնել:

Ինչքան իարողացավ հասկանալ Մարոն, Վարդկեսը
տհաճութեամբ ընդունեց կեռնի մուտքը, իսկ Արփիկը ո՛չ
միայն տհաճութեամբ, այլև ակներև ատելութեամբ, ինչ որ
բան մրթմրթաց քթի տակ:

Թե Վարդկեսը, և թե Արփիկը ոչինչ չգիտեին Մարոյի

վերջին շրջանի կյանքի մասին: Եվ ոչ մեկի մտքով չէր անցնում, թե Մարոն կարող էր մտերմություն ստեղծած լինել Լեոնի հետ:

Ըստ երևույթին, Լեոնի համար էլ միանգամայն անբա-
պասելի էր այդտեղ հանդիպել Վարդկեսին ու Արփիկին,
ուստի նա ձեռք տալով Մարոյին, հարցրեց:

— Չե՞ս կարող ասել, ո՞ւր է գնացել Սոնան:

— Սոնա՞ն, — վարանեց Մարոն:

Ախր ինչու էր պետք Սոնան, երբ ինքը այսքան ժամա-
նակ չի տեսել Լեոնին:

— Արփ', նստիր, — մեղմությամբ ասաց Մարոն:

— Դե, Վարդկես, — խոսեց Արփիկը, — մենք գնանք.
Ես այս զզվելու հետ մի սենյակում չեմ կարող նստել:

Ասաց ու նայեց Լեոնին: Լեոնը բարկացած խոսեց.

— Ես քեզ պատասխանատվության կկանչեմ:

— Ինչ կուզես արա', — վրա բերեց Արփիկն իր շիտակ
կոպտությամբ, — դու անպիտան մարդ ես, գուցե մի ին-
տրիգա էլ այստե՞ղ սարքես:

— Ի՞նչ է պատահել, — միջամտեց Մարոն, — դուք
ո՞րտեղից գիտեք իրար, գուցե թյուրիմացություն է:

— Դու մի խոռովի Մարո, — ասաց Արփիկը, — դու
շատ միամիտ ես այսպիսի մարդու ճանաչելու համար:

— Ախր Արփիկ, այդպես մի խոսիր:

Լեոնը նշանակալից նայեց Մարոյին, ապա զգալով, որ
Արփիկի հետ վիճելն ապարդյուն է, դուրս գնաց սենյա-
կից:

Մարոն միջանցք ելավ, մի երկու անգամ ձայնեց.

— Լեո՞ն, Լեո՞ն:

Բայց Լեոնը, առանց հետ նայելու, անցավ փողոցը և
շտապ քաշվեցով հեռացավ:

Մարոն ընկճված հետ գնաց սենյակը ու ընկավ աթո-
ռին. նրա աչքերը լցվեցին արցունքով:

— Մարո ջա՛ն, — ասաց Արփիկը, — ների՛ր, որ կոպիտ
եղա, բայց այլ կերպ չէի կարող... թե որ պատմե՞մ:

— Ախր, Արփիկ:

— Ոչ մի ախր, դու պետք է այդ Սոնայի բնակարանից փոխադրվես. նա բարի պտուղ չէ. նրա մոտ այսպիսի մարդիկ են ել ու մուտ անում. քեզ վայել չէ այս շրջապատը:

Մարոն այլևս ոչինչ չէր կարող պատասխանել: Հոգով ուզում էր հավատալ, թե ինչ որ թյուրիմացություն է պատահել, և որ Լեոնը որևէ վատ բան չէր կարող անել:

Վարդկեսը դեռ ոչ մի բան չէր արտասանել. նա աչքով-ունքով հասկացրել էր Արփիկին, որ կոպիտ շինի Լեոնի հետ, բայց ոչինչ չէր ստացվել: Արփիկը բռնեց Վարդկեսի թևից ու, դիմելով Մարոյին, ասաց.

— Մարո ջան, հիմա հանգստացիր, վաղը կգամ մանրամասն կխոսենք:

Մարոն, որ այդ անախորժ դեպքից հետո սկզբում ուզում էր մենակ մնալ, այժմ հետաքրքրությունից վառվում էր և ժամ առաջ ուզում էր լսել Արփիկին, մանավանդ, որ վախենում էր, թե մենակ մնալով, ով գիտե ինչ անխորհուրդ քայլերի կարող էր դիմել, ուստի նա դարձավ ընկերուհուն.

— Արփիկ ջան, խնդրում եմ, դու մնա, ինձ մոտ պիշերիք այսօր ինձ լավ չեմ զգում... ես էլ քեզ շատ բան ունեմ ասելիք:

Արփիկն համաձայնեց մնալ: Վարդկեսը «ցտեսություն» ասավ ու դուրս գնաց:

ԳԼՈՒԽ ՅՈՒՆԵՐՈՐԴ

Մարոն ակնապիշ նայում էր Արփիկին սպասելով, թե նա երբ կխոսի:

Արփիկը, որ քիչ առաջ շատախոսում էր, այժմ զննողական նայեց Մարոյին ու հարցրեց:

— Նա, այդ Լեոնը, հաճախ է գալիս այստեղ:

Մարոն համարձակություն շունեցալ միանգամից ճիշտն ասել, միայն անորոշությամբ պատասխանեց.

— Դե, Սոնայի բարեկամն է, այնտեղ հաճախ է լինում:

— Ինչքան կուզե, թող գնա այնտեղ:

— Ասա՛, Արփիկ, ասա՛, ինչո՞ւ այնպես բարկացար:

— Ինչո՞ւ. դա մի ամբողջ պատմություն է, սիրելի Մարո, բայց ես քեզ կարճ կպատմեմ:

— Չէ՛, կարող ես շտապել, վաղուց է քեզ շեմ լնել:

— Քեզ արդեն հայտնի է, — սկսեց Արփիկը, — որ Վարդկեսը Մաղկաձորում դպրոցականների ճամբարի ֆիզկուլտ աշխատանքներն էր ղեկավարում: Ես էլ հաճախ հանդիպում էի նրան: Երբ նա ազատ էր լինում գնում էինք զբոսանելու և ժամերով տարվում էինք բնության գեղեցկություններով. գիտես, որ Վարդկեսն այնքան էլ չի սիրում խոսել: Ես էի հարցեր տալիս, խոսեցնում մեր անցած դրպրոցական կյանքի, իր աշխատանքների մասին: Զգում էի, որ Վարդկեսն ուզում է ինձ հետ մի լուրջ բանի մասին խոսել, բայց խոսքը միշտ կիսատ էր թողնում: Մի օր ասաց, որ Մարոյին, քեզ էլի, նամակ եմ գրել, ապա կարմրեց ու մի քանի անգամ կրկնեց Մարո, Մարո: Ես սկսում էի գուշակություններ անել: Անցալ մի քանի շաբաթ. երբ Հովհաննեսի հետ ամուսնացանք, այս անգամ երեքով էինք գնում զբոսանքի: Նկատում էի, որ Վարդկեսը բացվել էր, մեր ամուսնությունը դուր էր եկել նրան. մի օր, ինչպես պատահեց, էլի ես ու նա առանձին մնացինք: Նա այս անգամ բավական համարձակ խոսեց...

— Ի՞նչ խոսեց, — միջամտեց Մարոն:

— Խոսում էր քո մասին և ասում էր, չգիտեմ ինչպես ասեմ, ինչպես հայտնեմ, որ սիրում եմ Մարոյին:

— Սիրում... երազական բացականչեց Մարոն և գլուխը կախեց:

— Այո, սիրում: Ասաց, որ մեկ ամիս է, քեզնից պատասխան չունի: Դա վհատեցրել էր նրան և ենթադրում

էր, թե դու առհասարակ շեռ ուզում իր հետ որևէ կապ ունենալ: Ես խոստացա գալ քեզ հետ խոսել, բայց Մարտ ջան, ներքի՛ր, նոր էի ամուսնացել, Հովհաննեսին չէի կարող մենակ թողնել... Այդ ի՞նչ է, Մարտ, դու լալի՞ս ես... ինչո՞ւ. երեի դու էլ նույն զգացումն ունես դեպի Վարդկեսը, հա՛: Դե, լավ, հանգստացիր, ինձնից էլ հո չես քաշվի:

Մարտն մի կերպ զսպեց իրեն ու հարցրեց:

— Իսկ դու ինչո՞ւ բարկացար, երբ նա (այլևս չէր կարող կենն անունը տալ), ներս եկավ:

— Հա, իսկույն ասեմ: Այդ օրերին, այս կեսը երևաց ճամբարում: Ասեցին, թե չգիտեմ, ում լիազորությամբ, կեկել է ստուգելու ճամբարի աշխատանքները: Սկզբում ամեն ինչ հարթ էր ընթանում: Խոսում էին, թե գործը լավ է զբրված: Եվ ահա՛, մի օր էլ, այս կեսը լուր է տարածել, թե ամեն ինչ լավ է դնում, միայն Վարդկեսը իր հայացքներով չի կարող պատանիների դատարարակության գործը վարել:

— Իր հայացքներո՞վ. այդ ի՞նչ բան է, — անհամբերությամբ հարցրեց Մարտն:

— Սկզբում ես էլ գլխի չէի ընկնում: Ասում էինք, դե, խոսք է, ասել է. մանավանդ, որ այդ կեսի մասին պատմում էին, թե դա, որտեղ էլ դնա, անպայման ուզում է մի թերություն գտնի:

Մարտն ինչ որ բաներ էր սկսում վերհիշել Առնի տաճաներից, որոնց ինքը ժամանակին կարևորություն չէր տվել, ավելի ճիշտ չէր հետաքրքրվել նրա կյանքի այդ տապալակներով:

— Եվ ահա՛, — շարունակեց Արփիկը, — մի օր էլ Երեվանից մարդիկ եկան և այս կեսի ներկայությամբ կոմերիամիության բյուրոյի ժողով արին: Ես էլ գնացի ժողովին: Երևանից եկողը, նախապես իմանալով, որ ես վարդկեսի մոտ ընկերներից եմ, ինձ կանչել խոսացրել էր: Ես արդեն իմացա, թե բանն ինչումն է. իմացա ու զայրույթով լծվեցի այդ կեսի դեմ. լավ ասի ինձ ու ինձ, տեսնենք, դե և կխոսենք, կենն:

— Իսկ ի՞նչ էր արել նա,— նորից միջամտեց Մարտն:

— Համբերություն ունեցիր. դու համաձայնեցիր, որ մի քիչ երկար պատմեմ:

— Հավ, դե, առա:

— Եվ այդպես. սկսվեց բյուրոյի նիստը: Կարդացին Լեոնի հայտարարությունը, ապա ինքը խոսեց, ավելի պարզաբանեց գրածը: Նա մեղադրում էր Վարդկեսին այն բանում, որ նա, ծիծաղելի է ասել, մանր-բուրժուական հայացքներ ունի կյանքի վրա:

Արփիկը ծիծաղեց. Մարտն նա կցանկար ծիծաղել, բայց նրա ներսում սկսվել էր մի անտանելի փոթորիկ, որին անհայտրդ էր իր պատմությամբ տարված Արփիկը:

— Իսկ գիտե՞ս ինչումն էր արտահայտվել Վարդկեսի մանր-բուրժուականությունը,— կրկին խոսեց Արփիկը:

— Ես ի՞նչ իմանամ, Արփիկ ջան:

— Այդ կապված է քեզ հետ:

— Ինձ հե՞տ,— տառապալից հետաքրքրությամբ մըրմնջաց Մարտն:

— Այո՛, այդ Լեոնը ստուգել էր Վարդկեսի աշխատանքային պլանը, այնտեղ բան չէր գտել. ինչպես էր եղել, նրա ձեռքն էր ընկել նաև Վարդկեսի օրագիրը. իսկ այդ օրագրում ահա, թե ինչ էր կարդացել Լեոնը.— «Քիչ առաջ պարանգմունքներն ավարտեցի: Այժմ իմ առաջ փռված է բուրժուանավետ անտառը: Խաղաղ երեկո է: Լսվում է երեխաների ուրախ քրքիջը, ծառերը սվլում են ու թռչունները երգում. փորձում եմ կարդալ, բայց չեմ կարողանում: Այս պահին, ոչինչ, ոչինչ ինձ չի գրավում. կուզեի մենակ լսել նրա ձայնը, Մարոյի ձայնը: Նրա ձայնը, ո՛հ, այս պահին դա մի ամբողջ աշխարհ արժե ինձ համար»:

Երբ Արփիկը լռեց, Մարտն այլևս չկարողացավ տեղում նստած մնալ, վեր կացավ, իրեն մի կերպ գցեց մահճակալի վրա, երեսով սեղմվեց բարձին ու հոնգուր-հոնգուր լալ սկսեց:

Արփիկը չէր կարող այլ բացատրություն տալ Մարոյի

լալուն, քան այն, որ նա հուզվում է դեպի Վարդկեսը տա-
ծած փոխադարձ սիրուց, ուստի շատ շմտահոգվեց նրա լա-
ցով, ինքն էլ գնաց պառկեց Մարոյի կողքին և շոյելով նրա
գլուխը շարունակեց իր խոսքը:

— Այդ լեռներ, այդ... անպատկառը, ինչ պատճառա-
բանի, որ խոսքը տեղը բերի, թե Վարդկեսը հոգով չի նը-
վիրված իր գործին, թե նա տեսեք, այս նոր կյանքը կա-
ռուցող մարդկանց ձայներին չի կարոտում, նույնիսկ երե-
խաների ծիծաղը չի գրավում նրան և, առհասարակ, ոչինչ
չի գրավում նրան, բացի ինչ որ աղջկա ձայնից: Եվ կզրա-
կացնում է, որ այդպիսի մարդը չի կարող դաստիարակել
պատանիներին:

Մարոն կլանում էր Արփիկի ամեն մի բառը, ու ան-
համբեր սպասում էր նրա խոսքի շարունակությանը:

— Խոսեցին մի քանիսը, միտս էլ չի մնացել, թե ինչ
ասին, որովհետև ես անհամբեր սպասում էի, թե երբ ինձ
ձայն կտան և մտածում էի, թե ինչ բառեր գործածեմ, որ
այդ լեռնի հասիցը դամ: Վերջապես հերթը ինձ հասավ:
է՛, ինչ ասեմ, Մարո, ձայն տվին, բայց չթողին, որ ասե-
լիքս լրիվ ասեմ. ասին, թե կոպիտ ես խոսում. իսկ ես
ուղղակի դիմելով այդ լեռնին ասեցի.— «Դու ստոր զրպար-
տիչ ես, դու փքուն դատարկախոս ես. ազնիվ խոսք եմ ա-
սում, որ ուր էլ քեզ հանդիպեմ, երեսիդ պիտի շարտեմ, որ
դու զգվելի ես: Շատ բան գուցե կարելի էր քեզ ներել,
բայց, զրպարտել Վարդկեսի պես մի ազնիվ երիտասարդի,
ամբողջ կյանքումս չեմ ների»: Մարո ջան, այս էր ասա-
ծիս միտքը. լավ եմ ասել, չէ՛: Ճիշտ է, շատ չթողին, որ
խոսեմ, բայց այդ լեռներ թրջված հավի նման դուրս եկավ
ժողովից: Եվ ահա՛, սիրելի Մարո, չնայած բոլորը գովեցին
Վարդկեսին, բայց նա շատ զգայուն է, մինչև հիմա էլ իրեն
մի տեսակ վատ է զգում... դե, այժմ ասա, ի՞նչ ասեմ նը-
բան. ժամանակն է, որ բացատրվիք:

Մարոն այս անգամ արդեն այնպիսի հեկեկոցներով

էր լալիս, որ Արփիկին այլևս չէր բավարարում իր նախորդ բացատրութիւնը, ուստի նա հարցրեց.

— Մարո ջան, ասա՛ ի՞նչ է պատահել. չէ՞, որ ասիբ, թե դու էլ ինձ շատ բան ունես պատմելու:

Մարոն զգում էր, որ միայն եղելութիւնը հայտնելով, դուրս կարողանա հանգստանալ, այդ պատճառով էլ, փարվելով ընկերուհու կրծքին, նվազ ձայնով կմկմաց.

— Արփի՛կ, Արփի՛կ:

— Ասա՛, լսում եմ:

— Արփիկ ջան, ես պատրաստվում եմ մայր դառնալ:

— Ի՞նչ ես ասում, Մարո, — գոչեց Արփիկը և կրակվածի նման վար ցատկեց մահճակալից, մի քանի պտույտ գործեց սենյակում, ապա նորից հարցրեց, — ի՞նչ ես ասում Մարո, խո չե՞ս խենթացել:

— Արփի՛կ, Արփի՛կ:

— Դե, լա՛վ, այդ ե՛րբ ամուսնացար:

Մարոն շպտասխանեց:

— Իսկ ո՞վ է հայրը:

— Դու քիչ առաջ շուգեցիր նրա հետ մի սենյակում մնալ:

— Հե... վո... նը... հազիվ վանկ առ վանկ արտասանեց այդ անունն Արփիկը և կարծես, մի ծանր գործից վատաբեկ, ընկավ աթոռին:

Տիրեց երկարատև լուռթիւն:

Մարոն մեջընդմեջ հեկեկում էր: Իր ապրումներին ավելացավ այս նոր հայտնութիւնը: Վարդկե՛սը... այ, թե կյանքում ինչպիսի հանգուլցներ կան:

Արփիկը, որ ընդհանրապես խոսելու անսպառ պաշար ուներ, այժմ բառ չէր գտնում արտահայտվելու: Մարոյի հայտնութիւնը նրան շփոթեցրել էր: Ուրեմն, այլևս, ոչ մի խոսք Վարդկեսի մասին: Հետո նրա մտքով անցավ իր պարզ հոգուց բղխող այսպիսի մի միտք, թերևս չէր անցնէր Վարդկեսի նկատմամբ այդ քայլին է դիմել զրդված խանդից, որպեսզի հակառակորդին վարկաբեկելով, ինքն ավելի

բարձրանա Մարոյի աչքում, բայց իսկույն էլ ինքը դառավ դրա պատասխանը, — ո՛չ այդպիսի բան չի կարող պատահել, անկեղծ սերը՝ ազնիվ պիտի լինի: Լեոնն անազնիվ է, — այս նրա համոզումն էր:

Բայց ի՞նչ աներ, որ դործն այդտեղ էր հասել: Երկար մտածեց, բայց դրա պատասխանը չկարողացավ գտնել:

Նա գիշերեց Մարոյի մոտ: Երբ առավոտը պատրաստվում էր գնալ, գրկախառնվեց ընկերուհու հետ, հայտնեց, որ շուտով պիտի մեկնի դյուզը, ամուսնու մոտ. խոստացավ արձակուրդներին գալ քաղաք՝ Մարոյին այցի:

— Մարո ջան, — վերջում ասաց նա, — ճիշտն ասած ես առաջին անգամն էի տեսնում այդ Լեոնին և այն էլ այդպիսի դործի առիթով. իմ տպավորությունը վատ էր, բայց երբ դու կյանքդ կապել ես նրա հետ, ցանկանում եմ, որ բախտավորվես:

ԳԼՈՒԿ ԱՒԹԵՐՈՐԿ

Մարոն մնաց մենակ: Երկար ժամանակ չէր կարողանում իրեն հաշիվ տալ լսածների մասին: Այդպես ուրեմն, Վարդգիեսը... բայց ոչ ինքն իրավունք չունի այլևս նրա մասին մտածելու. նույնիսկ անպատշաճ է. չէ՛ որ ինքը մայրության է պատրաստվում: Լավ կլիներ, որ Աբգիիկն այդքան շշատախոսեր: Իսկ Լեոնը. Մարոյին այժմ չի հետաքրքրում, թե նա ինչպես է աշխատում. միակ բանը, որով դբաղված է Մարոյի միտքը, օր առաջ ազատվել այս անստույգ վիճակից և Լեոնի հետ ապրել մի ապահով անկյունում:

Սակայն ի՞նչ կատարվեց: Լեոնը դժգոհ, վիրավորված հեռացավ, անարձագանք թողնելով իբ կանչերը: Բայց Մարոն անխզելի թեկերով կապված է Լեոնի հետ և առանց նրա այլևս ոչ մի քայլ չի կարող անել: Իսկ ի՞նչ է իբ վիճակը, ի՞նչ կլինի վաղը, Մյուս օրը, երբ ինքը գնա ման-

կապարտեղ, ինչպե՛ս պիտի նայի մանուկներին: Եվ ամենասարսափելին այն էր, թե ինչ պիտի ասեր ծնողներին, չէ՞ որ վաղ, թե ուշ մայրը կգա դուռդից: Այդ ի՞նչ անխորհուրդ քայլ էր, որին ինքը դիմեց, այն ի՞նչ մոմենտ էր, որ ինքը մոռացավ իրեն: Այստեղ մի պահ՝ ընդհատվեց նրա մտածութեան թելը... բայց իզուր է ինքը հուզվում, չէ՞ որ Լեոնը միակն էր, որ այնպես տարվեց իրենով և այնպես երանութեամբ լցրեց իր հոգին:

Մարոն դուրս ելավ Լեոնին գտնելու և ինչքան մեծ եղավ նրա ուրախությունը, երբ հենց դռան մոտ հանդիպեց Լեոնին:

Մարոն, հակառակ իր սովորական զսպվածութեանը, հենց միջանցքում փարվեց Լեոնին, իսկ երբ սենյակ մտան, գրկեց նրան ու մի քանի անգամ սրտալի համբուրեց:

Լեոնը նստեց աթոռին ու ծանր հայացքով նայեց Մարոյին:

Մարոն տարված իր ապրումներով, սկզբում չէր էլ նկատել Լեոնի սառնությունը. այժմ նա աթոռը մոտեցրեց Լեոնին և բացականչեց.

— Ինչքա՛ն եմ կարոտել, — և ուզեց նորից համբուրել նրան:

Լեոնն այս անգամ բռնեց նրա ձեռքը և ի պատասխան նրա խոսքի ասաց.

— Չի երևում:

— Ի՞նչը չի երևում, Լեո՛ն:

— Չի երևում, որ ինձ կարոտել ես:

— Այդ ինչե՛ր ես ասում Լեոն: Այս անգամ շատ ուշացար, չես էլ ասում, թե ո՞ւր ես դնում. գիտեմ գործդ շատ է, Լեոն ջան, բայց կարոտել... դե, ասա՛, ասա՛, ե՞րբ ես ինձ այստեղից տանելու. ես այլևս ոչ մի օր, հասկանո՞ւմ ես ոչ մի օր առանց քեզ չեմ կարող ապրել:

— Ավելորդ խոսքեր են, — ասաց Լեոնը ծանրորեն թափահարելով գլուխը:

Մարոն հասկացավ, որ Լեոնը անտրամադիր է այսօր.

բայց արդո՞ք դրա պատճառը Արփիկի ցուցաբերած կոպիտ վերաբերմունքն էր: Առաջին պահ նա շկարողացավ այս հարցի պատասխանը գտնել, բայց մտածելով, որ այդ ամենը շատ հասարակ բան է հանդեպ այն զգացմունքի, որ ինքն ու կեռնը տածում են դեպի միմյանց, նորից ժպտաց իր պարզ հոգու անմեղ, դուրեկան ժպիտով:

Կեռնը, սակայն, ոչ միայն չէր ժպտում, այլև նրա դեմքի խիստ արտահայտութունը չէր մեղմանում: Մարոն այլևս չէր խոսում, սպասում էր, որ կեռնը մի բան ասի, և ահա կեռնը ծանր-ծանր խոսեց:

— Մարո, ժամանակն է, որ լուրջ խոսենք միմյանց հետ:

— Իհարկե կեռն: Բայց մի՞թե մի՞նչև հիմա մենք լուրջ չենք խոսել. քո խոսքերը ես շա՛տ լուրջ եմ համարել:

— Իմ խոսքերը լուրջ են եղել. բայց դու լուրջ չես նայել մեր փոխհարաբերություններին:

— Այդ ինչպե՞ս, կեռն: Ես... դու գիտե՞ս, որ...

— Ես ոչինչ չգիտեմ. ավելի ճիշտ գիտեմ, որ դու շարունակում ես քո կապերը...

— Ի՞նչ կապ, ինչի՞ մասին է խոսքը,— անհանգիստ շարժվեց տեղում Մարոն:

— Չքմեղ մի ձևանա՛ր: Հասպա ինչացո՞ւ է այդ Վարդկեսը:

— Ի՞նչ Վարդկես, կեռն. նա, նա... ու Մարոն շիմացավ ինչ ասեր:

— Նա, այո, նա ընկերացած այդ Արփիկի հետ ինձ վարկաբեկում են և դու թույլ ես տալիս քո ներկայությամբ այդպիսի խոսքեր ասել իմ հասցեին:

— Կեռն, ես ոչինչ չգիտեմ, թե ինչ է եղել ձեր մեջ այնտեղ: Այն ինչ տեղի ունեցավ այստեղ, այդ ձեր նախորդ վեճի շարունակությունն էր, որի հետ ես ոչ մի առնչություն չեմ ունեցել ու իմ ուժերից վեր է խառնվել այդպիսի բաների: Լա՛վ, կեռն, ինձ մի փորձիր. գիտեմ, որ կատակ ես անում:

— Ես կատակի համար չեմ եկել այստեղ:

— Ավելի լավ. այժմ Լեոն, ինձ համար ոչ ոք գոյութիւն չունի: Այնպես դասավորվեց գործը, որ ես նույնիսկ առանց ծնողներիս գիտութեան բախտս կապեցի քեզ հետ: Լեոն, ինչ ասեմ, երբեք ինձ այնպես մոտ չեմ զգացել քեզ, ինչպես այժմ...

Մարոն շունչ քաշեց, ապա լացակումած աչքերով գլուխը մոտեցրեց Լեոնի կրծքին ու շնչաց.

— Լեոն, ես մայրութեան եմ պատրաստվում... ուր էլ գնաս, ինձ հետդ տար:

Մարոյի աչքերը խոնարհած էին ներքև. նա չէր տեսնում Լեոնի դեմքը: Իսկ Լեոնը հանկարծակիի եկավ Մարոյի հայտնութիւնից: Նա միայն այն հիշեց, որ ինքը ոչինչ որոշակի չէր ասել Մարոյին, չնայած Մարոն օդային ամբողջներ էր կառուցել: Նրա դեմքի խիստ արտահայտութիւնը մեղմացավ, ու սրտապնդող տոնով ասաց.

— Այո՛, պետք է մտածել:

Այժմ այդ հասարակ խոսքն էլ Մարոյին բավական թվաց:

— Ծիշտ էր, չէ՞ Լեոն, դու ինձ փորձում էիր, — ասաց նա՝ ժպիտով և երբ փարվեց Լեոնին, տեսավ, որ նրա դեմքին էլ ժպիտ կար:

Բայց Մարոն չգուշակեց, թե ինչ իմաստ ուներ այդ ժպիտը:

ԳԼՈՒԽ ԻՆՆԵՐՈՐԿ

Մի քանի օրից, Մարոն, վերստին աշխատանքի անցավ մանկապարտեզում: Ինչքան էլ հրապուրիչ էր երեխաների շրջապատը, ուր վերջին տարին նա հոգեկան խորին բավականութեամբ աշխատել էր, բայց այժմ զգում էր, որ նախկին նվիրվածութեամբ չի կարողանում լծվել աշխատանքի:

Ինչի՞ց էր այդ. եռանդի պակաս չէր զգում, ամենա-
ծախերն այն էր նրա համար, որ չէր կարողանում հանգիստ
սրտով նայել երեխաներին. թվում էր, թե մի տեսակ հան-
ցավոր է նրանց առաջ:

Առաջին օրը, երբ մանկապարտեզից տուն վերադար-
ձավ, երկար սպասեց Լևոնին: Նա պետք է դար. այդ էր
ասում նախորդ օրվա նրա ժպիտը. բայց իզուր սպասեց
Մարոն: Այդ օրը Լևոնը չերևաց: Քանի գնում անհամբեր էր
դառնում և այլևս ոչ մի բացատրություն չէր կարող բավա-
րարել նրան: Եվ ահա մյուս օրը, երբ տուն վերադարձավ
նորից այն հույսով, թե այսօր արդեն պետք է դա Լևոնը,
տեսավ մի ծրար, որ դռան ձեղքից ներս էր գցված: Բացեց:
Լևոնի ստորագրությունն էր. Մարոյի աչքերը հուզմունքից
լցվեցին. որքան հիշում էր, առաջին անգամն էր, որ ինքը
Լևոնից նամակ էր ստանում:

Մարոն կարգաց նամակը. կարգաց և համարյա ուշա-
թափ ընկավ մահճակալին: Այդպես մնաց մեկ, թե եր-
կու ժամ. երբ ուշքի եկավ, տեսավ, որ սենյակը մութն է.
Վառեց լույսը և մեկ էլ կարգաց նամակը. Լևոնը գրում էր.

«Հարգելի Մարո, երկար մտածեցի և եկա այն եզ-
րակացություն, որ մենք այլևս չենք կարող իրար
հանդիպել. դու պետք է ազնվություն ունենայիր
նախապես ինձ հայտնել, որ կապեր ունես... կար-
ծեմ դու էլ ես զգում, որ ես այժմ դառնում եմ եր-
րորդ անձ, իսկ երրորդ անձը սիրո հարցերում միշտ
էլ ավելորդ է համարվել: Բարևներով Լևոն»:

Այս արդեն կատակ չէր, այս արդեն Լևոնը իրեն փոր-
ձելու համար չէր գրում: Բայց ամենազարհուրելին այն մե-
ղադրանքն էր, որ Լևոնը բարդում էր իր վրա: Ինչպե՞ս,
ինքն ազնիվ չէ. այս արդեն շատ նման էր այն մեղադր-
րանքին, որ Լևոնը բարդել էր Վարդիկեսի վրա: Եվ հիշում
էր Արփիկի զայրույթով լի խոսքերը: Ի՞նչ անի: Ո՛չ, ինքը
չի կարող զայրանալ, ինքն իրավունք չունի զայրանալու.

միայն պետք է տեսնել նրան, բացատրել. նա թյուրիմացութեան մեջ է:

Եւ Մարոն շտապ փողոց ելաւ: Սեպտեմբերյան անձրևոտ գիշեր էր: Մարոն ո՛չ մի բանի ուշադրութիւն չդարձրեց, ո՛չ այն, որ վրայի զգեստը բարակ է, ո՛չ այն, որ անձրևանոց շունի հետը և ո՛չ էլ այն, թե քայլում է ջրի կամ ցեխի միջով: Նա առաջ էր գնում ներքին տաղնապով: Անցավ ծանոթ փողոցները: Ոչ ոք չէր երևում աչքին, մանավանդ, որ անձրևոտ փողոցում այնքան էլ մարդիկ չկային և էլեկտրական լուսի տակ հազիվ էին նշմարվում անցնողների գեմքերը:

Ահա, վերջապես նա հասավ այն բնակարանին, ուր ապրում էր Լևոնը: Ճիշտ է, Լևոնի հետ ոչ մի անգամ չէր եղել այդ տանը, բայց Լևոնը նրան ասել էր տան հասցեն, ավելացնելով, որ իրենց բնակարանն այնքան հարմարին չէր, որ Մարոյին փոխադրեր այնտեղ:

Մարոն նախ ուղեց թակել դուռը, բայց անվճռական կանգնեց. մինչ այդտեղ նա եկել էր համարձակ, բայց այժմ համարձակութիւնը կորցրեց: Մի քիչ հտ գնաց և նոր սկսեց մտածել, թե ի՞նչ պիտի ասի, եթե դուռը բաց անի ոչ թե Լևոնը, այլ մեկ ուրիշը, չէ՞ որ ինքը ոչ մեկին չի ճանաչում և նրանք էլ թերևս իրեն չէին ճանաչում:

Լևոնենց տան լուսամուտը ցածր էր և Մարոն, եթե ոտքերի ծայրերին կանգներ, կարող էր տեսնել, թե ովքե՞ր կան սենյակում: Չմտածելով, որ վայել չէ իրեն այդ ձևով ուրիշի սենյակից ներս նայել, նա ձգվելով, մի հայացքով չափեց տան ներսը. ինչքան կարող էր ասեղնագործ ճեմակ վարագույրի արանքից նկատել, տեսավ, որ մի քանի տղամարդիկ ու կանայք թեյում էին: Չիմանալով, թե ովքեր են նրանք, նա մատներով թակեց լուսամուտը: Վերջապէ՛ս. ամենազգովար գործը նա կատարված էր համարում: Սպասեց մեկ րոպեի չափ, դուռը բացվեց. Մարոն շտապ մտնեցավ. այո՛, նա ինքն էր, Լևոնը: Մարոն բռնեց նրա ձեռքից ու բացականչեց.

— Լեոն:

Չնայած կիսախավարին, Լեոնը նկատեց, որ Մարոն ամբողջովին ջուր էր դարձել. բարակ զգեստը կպել էր նրա մարմնին և նա դողում էր:

— Ինչո՞ւ ես այս անձրևոտ եղանակին տանից դուրս եկել. կմրսես,— ասաց Լեոնը:

— Մի՞թե այդքան հոգատար ես,— այս անգամ հեղնական տոնով ասաց Մարոն:

— Իզուր ես դուրս եկել տանից:

— Իզուր չէ. պետք է, որ գայի, չէի կարող չգալ, Լեոն՛. այդ ինչե՞ր է անցնում մտքովդ:

— Այդ մասին արդեն գրել եմ:

— Սխալ, անմիտ բաներ ես գրել:

— Գրել եմ այն, ինչ...

— Գրել եմ այն ինչի մասին չես մտածել... Լեոն, այդ բոլորը դու էլ գիտես, որ դատարկ բաներ են. ամբողջ հոգով ես քեզ եմ պատկանում,— և արցունքից խեղդվող ձայնով ավելացրեց,— ես ու դու պարտական ենք... ես իբրև ապագա մայր, և դու...

Խոսքը չավարտեց. լռեց մի րոպեի չափ, ապա մութի մեջ աշխատեց նայել Լեոնի աչքերին ու ասաց.

— Բայց ինչո՞ւ եմ համոզում. չէ՞ որ դու այնքան խելոք բաներ էիր ասում. մի՞թե իմ խոսքերը կազդեն քո վրա... ա՛խ, իբրք, ինչո՞ւ եկա, ինչո՞ւ:

Նվ ետ դարձավ: Լեոնը ուզեց բռնել նրա թևից, օգնել անցնելու մայթի ու փողոցի արանքից հոսող առվակից, բայց Մարոն, թափով թևն ազատեց նրա ձեռքից ու գոչեց.

— Ո՛չ, պետք չէ քո օգնությունը. ա՛խ, երանի ես էլ Արփիկի չափ սքառտ լինեի, ես էլ այն ժամանակ կարող էի շատ բան ասել քեզ...

Նվ այժմ Մարոյի ցանկությունն էր մենակ լինել. մենակ իր վշտերի, իր խոհերի հետ: Անձրևն ավելի վարարեց: Չիմացավ, թե ինչ ձևով բաժանվեց Լեոնից, բայց զգում էր, որ ոտքերում այլևս ուժ չկար քայլելու. անցավ ևս մի

քանի փողոց. մարմինը սրթսրթում էր. ցուրտը հասնում էր նրա ոսկորներին. ատամները կրճտացնելով, ինչքան կարող էր արագացնում էր քայլերը, բոպե առաջ տուն հասնելու համար, բայց դեռ էլի ճամբա ունեւր գնալիք: Մի խաշմերուկում ոտքը սայթաքեց և նա վայր ընկավ. ճիգ գործագրեց բարձրանալու, բայց զգաց, որ նվաղել էր. սիրտ շարեց օգնություն կանչել: Չգիտեր, թե ինչքան էր մնացել այդ վիճակում, մեկ էլ նկատեց, որ մի ձեռք դիպավ իր թևին: Մարոն ոտքի ելավ, իսկ անծանոթը նրա թևից բռնած հետը քայլում էր:

Մաբոն ուժ չունեւր այլևս խոսելու, շէր էլ նայում, թե ով է իրեն ընկերակցողը, միայն երբ հասավ իր տան դռան, թեւ ազատեց անծանոթի ձեռքից ու շշնջաց:

— Շնորհակալ եմ:

Անծանոթը մի պահ կանգնեց և հանկարծ բացականչեց.

— Մարո՛:

Լսելով անծանոթից իր անունը, Մարոն նայեց նրա դեմքին: Նայեց ու քիչ էր մնում նորից վայր ընկնի:

Վարդկեան էր:

Մարոն նվաղ, հազիվ լսելի ձայնով ասաց.

— Դու ինձ արհամարհո՞ւմ ես:

Եվ շուրթնալով լսել նրա պատասխանը, դուռը ծածկեց նրա վրա, ու իրեն մի կերպ գցեց սենյակը:

ԿԼՈՒԵԼՈ ՏՍՍԵՐՈՐԴ

Օրեր ու շաբաթներ անցան, սակայն Մարոն չէր կարողանում իրեն հաշիվ տալ կատարվածի մասին: Չէր կարող հավատալ, թե Լեոնը այդպիսի շար խաղ կարող էր խաղալ իր ճակատագրի հետ: Մի՞թե ինքը խաբված է, այնքան ծանր էր նրան՝ այդ զգացումը, որ նա դեռ հավատում էր, թե Լեոնը ինչ որ թյուրիմացությյան զոհ է, շու-

տով կպարզվի այդ թյուրիմացութիւնը, նա կվերագառնա ու նույնիսկ ներողութիւն կխնդրի իրենից և կսկսվի իրենց բնականոն կյանքը: Այն ժամանակ ինքը համարձակ կնայի և՛ ընկերների, և՛ ծնողների երեսին:

Իսկ այժմ ի՞նչ է իր դրութիւնը, ոչ մի բանի վրա չի կարող կենտրոնանալ և փողոց էլ դուրս գալիս գլուխը կախում է, որ ոչ մի ծանոթի հետ առիթ չունենա խոսելու:

Ժամանակը սահում էր, սակայն Մարոն իր վիճակում ոչ մի փոփոխութիւն չէր զգում: Միակ միսիթարութիւնը մնացել էր երեխաների շրջապատը. օրվա մեծ մասն անց էր կացնում մանկապարտեզում. մանուկներին երգեր էր սովորեցնում, պարեր ու խաղեր կազմակերպում: Բայց այժմ, երբեմնի այդ հաճելի պարտականութիւնը նրա համար ծանր բեռ էր դարձել: Մանկապարտեզի ղեկավարը, մի բանիբուն կին, հասկացավ Մարոյի վիճակը և նրան գրասենյակում ավելի թեթև աշխատանք տվեց:

Մի օր, երբ Մարոն մենակ նստած ինչ որ ցուցակներ էր կազմում, գրասենյակ մտան պարապմունքից ուշացած երկու երեխաներ՝ Սերժիկը և Անիկը. դրանք Մարոյի խմբի երեխաներից էին: Սերժիկը, վեցամյա մի համարձակ տղա, բռնեց Մարոյի ձեռքից ու բացականչեց.

— Մորաքույր արի մով ու կատու խաղանք:

— Ալաջ ես կփախչեմ,— վրա տվեց Անիկը, որ տարիքով փոքր էր Սերժիկից:

«Մով ու կատու» կոչված խաղը Մարոն հաճախ էր կազմակերպել նրանց համար և, ըստ երևույթին, այդ տպավորվել էր նրանց հիշողության մեջ: Մարոն սրտմտությամբ վեր ելավ տեղից. երեխաները նրա աջ ու ձախ կողմերից պարզեցին իրենց ձեռքերը. Սերժիկն ուզեց շղթա կազմել, սակայն Մարոն նրանց մեղմիվ դուրս հանեց գրասենյակից, ու, տանելով համապատասխան սենյակը, կրսկիծով ասաց.

— Գնացեք, մորաքույր Սեղայի հետ կխաղաք:

Այդօր այլևս չկարողացավ շարունակել աշխատանքը.

դեկավարին հայտնեց, որ իրեն վատ է զգում ու տուն գնաց:

Տանը ոչինչ չկար, որ գրավեր նրան. փորձում էր կարդալ, բայց կենտրոնանալ չէր կարողանում: Հենց որ նայում էր դրքին, տողերը շաղվում էին, դառնում մի սև զանգված ու նրանց միջից դուրսը ցցած նայում էր Լևոնը: Ինչպե՞ս ինքը չկարողացավ կարդալ նրա աչքերի խորհուրդը: Այժմ պատկերացնելով իրեն նրա վավաշուտ նայվածքը, նա բարկացած վեր ելավ տեղից, գնաց ու եկավ սենյակի մեջ, ապա անսալով ինչ որ բանի, քրքրեց դրքերի արանքը, պահարանը ու հանկարծ ձեռքն ընկավ թղթի մի կտոր: Կարգաց մի տող. «Ի՞նչ քաղցր են դպրոցական կյանքի հուշերը». Վարդկեսի նամակն էր ձեռքն ընկել. նա անմիջապես նամակը խրեց դրքերի արանքը. ո՛չ, այն ինչ վերաբերում է Վարդկեսին պետք է իսպառ հանել հիշողությանից. չէ՞ որ ինքը չհասկացավ նրան ու դրանով իսկ արժանացավ նրա արհամարհանքին. և ինչ շար պատահմունք էր այն դիշերը. մի՞թե հենց այդ Վարդկեսը պիտի հանդիպեր իրեն. պատկերացնելով այն մղձավանջային պահը, երբ ինքն ուժաթափ ընկած էր փողոցում, նա արդեն ատելություններ էր լցվում դեպի Լևոնը: Նրա ուղեղը մաշում էր տագնապալից հարցը, թե ծնողներին ի՞նչ պիտի ասի: Այդ օրերին նա լուր ստացավ տանից, որ մայրը հիվանդ է, չի կարող քաղաք գալ և ցանկանում է, որ Մարոն գնա իրեն տեսության: Ուրիշ անգամ, որ այդպիսի լուրը նրան հավասարակշռությունից կհաներ, այս անգամ նա, խորապես ցավելով մոր համար, միաժամանակ ուրախ էր, որ առայժմ գոնե, ազատվում է մորն իր վիճակի մասին բացատրություններ տալու դժվարին ու ամոթալի պարտականությունից:

...Չմեռ էր արդեն. սկսվել էին դպրոցական տարեկեսի արձակուրդները: Մարոյի հուսահատությունն իր գազաթնակետին էր հասնում: Նրա վիճակն այնպիսին էր, որ նա այլևս անհարմար էր համարում փողոց ելնել: Խնդրեց, որ

Ժամանակից առաջ իրեն արձակեն աշխատանքից: Նրա խնդիրը հարգեցին: Եվ այժմ, օրերով, մենակ ընկած տանը, ոչ ոք նրա վրա դուռ չէր բաց անում: Մեկ-մեկ Սոնան էր դալիս նրա մոտ, բայց Մարոն անտրամադիր էր ընդունում նրան, և այժմ, արդեն նրանց խոսակցությունը որևէ կերպ չէր կապակցվում. ավելի ճիշտ, Մարոյին անհաճելի էր կրկնել, վերհիշել այն, ինչ տեղի էր ունեցել. նա լուռ կրում էր և՛ Ֆիզիքական, և՛ հոգեկան տառապանքները: Չգիտեր, թե ինչքան կդիմանար այդ տառապանքներին. բայց զգում էր, որ ոչ ոք չի կարող իրեն սփոփել. նա կասկածոտ էր դարձել և ամենքից միայն արհամարհանք էր սպասում. այդ պատճառով էլ նա ձգտում էր, ինչքան կարելի է քիչ մարդու հանդիպել: Բայց ահա, նրա դուռը շատ հատու բախեցին: Մարոն տհաճությամբ բացեց: Բացեց ու կիսաբաց բերանով կանգ առավ: Արփիկն էր. նա ներս մտավ ու փարվեց Մարոյին:

Մարոն երկար ժամանակ ընկած ընկերուհու թևերին լացեց: Ու հետո, երբ գլուխը բարձրացրեց, նայեց ընկերուհու դեմքին, տեսավ, որ Արփիկի աչքերն էլ լցված են արտասուքով: Մարոն միայն շնչաց.

— Մի՞թե դու ամեն ինչ գիտես:

— Մի քիչ ավելին, քան դու:

— Չեմ հասկանում ասածդ:

— Որտեղի՞ց կարող ես հասկանալ, իմ միամիտ, իմ ազնիվ Մարո:

Մարոն լուռ նայում էր Արփիկի դեմքին. Արփիկը սրբբեց արցունքները և վրա բերեց:

— Այժմ շատ ուրախ եմ, որ այն օրը, քո ներկայությամբ խայտառակեցի այդ անպատկառին:

— Ա՛խ, Արփիկ, էլի նրանի՞ց ես խոսում:

— Գիտեմ, քո դրուժյան մեջ պիտի լավ բաներից խոսել քեզ հետ, բայց ես այլ կարծիքի եմ. պետք է դու ամբողջ ճշմարտությունն իմանաս, այդ ավելի կթեթեւացնի քեզ:

- Ասա՛, ես շատ քանի վարժվեցի:
- Այդ քո Լեոնը այժմ դատվում է...
- Դատվո՞ւմ է. բայց ինձ ինչ, քարը գլուխը:
- Ո՛չ, Մարո ջան, ո՛չ. դա սովորական դատավաճառությունն չէ:

— Հապա ինչպե՞ս:

— Պարզվել է, սիրելիս, որ այդ այլանդակը հինգ տարբեր վայրերում կանայք ունի. և այժմ նա կանգնած է այդ խաբված աղջիկների դատաստանի առաջ:

— Մի խոսի՛ր, Արփի՛կ, շե՛մ կարող լսել... ես իմ աչքում քանի գնում ավելի եմ ստորանում, Արփի՛կ... ես ուզում եմ մեռնել:

Եվ Մարոն հեկեկում էր ու Արփիկը ոչ մի կերպ չէր կարողանում նրան հանգստացնել:

Երեկոյան, երբ վերջապես Մարոն դատվ ինքն իրեն, Արփիկն այն միտքը հայտնեց, որ Մարոն ևս իր կողմից պետք է դատարանին հայտնի, թե Դինչպես վարվեց Լեոնն իր հետ, որպեսզի նրա պատիժն ավելի խիստ լինի:

— Արփիկ ջան, շե՛մ կարող այդ բանն անել. ի՞նչ, դու ուզում ես, որ ես էլ ներկայանամ իբրև... իբրև վեցերորդ. դու գիտե՞ս, թե ինչ ես առաջարկում:

— Է՛հ, Մարո, լավ, հապա, որ այդքան խորն էիր մտածում, ինչպե՞ս եղավ որ...

— Մի հարցնիր:

Արփիկը մի քանի օր ապրեց Մարոյի մոտ: Նրանք այլևս ոչ մի խոսք չէին փոխանակում Լեոնի մասին: Մարոն արգելեց որ Արփիկն ուրիշ ծանոթներ բերի իր մոտ. նա չէր ուզում իր վիշտը բաժանել ոչ ոքի հետ: Միայն, երբ Արփիկը դժուր պետք է վերադառնար իր դպրոցական աշխատանքին, Մարոն խնդրեց, որ ճանապարհին այցելի նաև իրենց գյուղը, և մորը մի կերպ հայտնի իր վիճակի մասին: Միակ անձնավորությունը, որ նա կուզեր ունենալ իր կողքին, մայրն էր, ուրիշ ոչ ոքի չէր վստահանում: Եվ ոչ մեկից էլ չէր սպասում, թե որևէ կերպ կարող էր ամոքել իր ցավերը:

Մենդատան սենյակներից մեկում պառկած էր Մարոն: Չորս օր առաջ նա եկավ այգտեղ և ամբողջ ժամանակ դալարվում էր անսովոր ցավերից: Այսօր լուսադեմին նա հանգստացավ... Թեթև դգաց իրեն և անմիջապես քնեց տանջվածի քնով: Այժմ երբ աչքերը բացեց, դիշերվա տասերկուսան անց էր: Այդ միեկնույն սենյակում պառկած էին վեց այլ ծննդկաններ, կապույտ լուսամտիոփից մեզմ լույսը սփռված էր մաշրերի ու երեխաների դեմքին: Մարոն ոչ ոքի չէր նայում: Նախորդ օրերում գալարվելով անսովոր ցավերից, նա շփտեր, թե ովքեր էին պառկածները և միայն մի մտածմունք ուներ, թե արդյոք երբևէ վերջ կունենան այդ ցավերը:

Արփիկի գնալուց հետո նա շատ էր տառապել. մնացել էր մեն-մենակ, մոռացված: Մայրն ապաքինվելուց հետո եկել էր աղջկան տեսության, խոցվել էր մոր սիրտը, անիծել էր աղջկա շար բախտը և մոր մտահոգությունն այն էր, թե ինչպես անի, որ խստասիրտ հայրը նույնպես հաշտվի աղջկա վիճակի հետ: Երկար մտածելուց հետո, մայրը որոշեց էր վերադառնալ գյուղ, ամուսնուն նախապատրաստելու: Նա պետք է նորից քաղաք վերադառնար այն հաշտվով, որպեսզի Մարոյի դժվար պահին նրա մոտ լիներ. սակայն Մարոյի հոգեկան հեղհեղուկ վիճակն այն հետևանքն ունեցավ, որ նա ժամանակից մեկ ամիս շուտ բռնվեց ցավերով: Այդ ևս Մարոն վերագրում էր իր շար բախտին. ամեն ինչ այնպես էր դասավորվում, որ ինքն ավելի շատ տառապի:

Այժմ երբ նա ինքնագիտակցության էր գալիս, նոր էր զգում իր վիճակի ամբողջ ծանրությունը: Չորս օր էր ոչ ոք չէր հարցրել նրան, ոչ ոքի չէր հետաքրքրում նրա գոյությունը: Արժե՞ր ապրել այլևս. ո՞ւմ համար: Նրան չէր բավարարում այն ինքնահանգստացումը, թե ինքը կապացուցի, որ օրինակելի վարք ու բարքի տեր է, և այդ ամենը

եղել է իր անփորձութեան հետեանքով: Ո՛չ, զայրանում էր ինքն իր վրա, ինչո՞ւ այդպես ստացվեց:

Հուսանում էր: Մարոն սթափվեց իր մտքերից, երբ լսեց մանկան լացի ձայներ: Նա շուռ եկավ, նայեց մի քանի մայրերի, որոնք զբաղված էին երեխաներին կերակրելով ու անմիջապես նորից այնպիսի դիրք ընդունեց, որ ոչ ոքի շտեմնի: Բսկ ո՞ւր է իր երեխան: Երեխա՞, նա անմոռունջ հեկեկաց, այն լուսից, երբ ինքն իրեն թեթևացած զգաց՝ քնել էր ու դեռ անզիտակ էր կատարվածի հանդեպ, այժմ նա սրտատրոփ սպասում էր, թե քույրը երբ կդա, ինչ կասի: Մինչ այդ, և՛ իր մենակութեան օրերին, և՛ հիվանդանոցում տառապած շորս օրերի ընթացքում, մեկ-մեկ այսպիսի միտք էր անցել գլխով, թե արդյոք, լավ չէ՞ր լինի, եթե որևէ բերմունքով իսպառ ազատվեր աշխարհ եկող այդ անկող հյուրից: Բայց այժմ, երբ լսեց երեխաների լացի ձայնը, նրա ներսում մի բուրբուրվին նոր, անծանոթ բան տեղի ունեցավ և այժմ նրա միակ ցանկությունն էր լսել իր մանկան ճիշտ:

Անցան տազնապով լի մի քանի լուսիկներ, երբ ծննդատան քույրը, մի երեխա գրկին՝ մոտեցավ Մարոյի մահաձակալին:

— Տե՛ս աղջկանդ:

Մարոյի կոկորդից մի անսովոր ձիջ թռավ և դեմքը մի այնպիսի արտահայտություն ստացավ, որ անկարելի է բարոերով արտահայտել, նա ուղեց նստել անկողնի մեջ, սակայն քույրը զգուշացրեց, թե հարկավոր չէ, իսկ ինքը շփտեց, թե ինչ ձևով մերձենա երեխային: Սակայն քույրը, որ երեխան բերել էր կերակրելու, նկատեց, որ Մարոյի կուրծքը բուժման կարիք ունի, ուստի ուղղակի դիմեց ծննդկաններից մեկին:

— Արմենուհի ջան, խնդրում եմ կերակրես այս երեխային, մինչև մոր կուրծքը բուժվի. քո կաթն առատ է, — և հավանությունն նշան ստանալով Արմենուհուց, երեխան հանձնեց նրան:

Ապա քույրը դարձավ Մարոյին:

— Տնեցոց հայտնեցեք, որ երեխային շորեր, բարուժքեր են:

Մարոն ոչինչ չպատասխանեց:

Այդ պահին, Արմենուհին, որ կուրծք էր տալիս երեխային, դարձավ Մարոյին.

— Քա ինչ լավ էլ ծիծ է քաշում. ախշի՛, մի էս կողմը նայի, տեսնեմ աղջիկդ քեզ է քաշել, թե հորը:

Մարոն դարձյալ ոչինչ չպատասխանեց: Մայրերը միմյանց բացատրեցին, թե Մարոն շատ է տառապել և այժմ տրամադիր չէ այդ հարցերով զբաղվելու:

Քիչ հետո երեխան արդեն Մարոյի կողքին էր: Մարոն նայեց նրա փակ աչքերին, փոքրիկ դեմքին և, շրթունքները հագուցելով իրար, տարվեց իր մտապատկերներով:

Ի՞նչ անել: Բարձրաձայն գոռալ, որ ոչ ոք այլևս չբարցնի, թե երեխան հորն է նման, թե մորը, հայտնե՛լ ամենքին, թի ինքը ոչ ոքի չի սպասում և ոչ մի շոր ու բարուր, մինչև տուն վերադառնալը, չի կարող ստանալ երեխայի համար: Այս տանջալից մտքերով, նա կծկվեյ տեղում. այդպես մնաց բավական ժամանակ, երբ քույրերը ներս եկան և զանազան անուններ կանչելով մայրերին էին հանձնում նամակներ, ուտելիղեն և երեխաների պիտույքներ, որոնք բերում էին նորածինների հայրերը կամ այլ հարազատները:

Մարոն ավելի ևս կծկվեց տեղում, նա այդ բոպեին կցանկանար, որ սենյակում շղգացվեր իր ներկայութունը, որ ոչ ոք իր կողմը չնայեր, սակայն հենց այդ պահին էլ երեխան զգալ տվեց իր գոյութունը, սկսեց ճշալ:

Մարոն շփոթվեց: Արմենուհին նորից վերցրեց երեխան կերակրելու, իսկ մի ուրիշ մայր, իր ստացած քաղցրեղենից մի կտոր տվեց Մարոյին: Ո՛չ, խուսափել չի կարելի, քույրը հետևում են մեկը մյուսին, թե ով ինչ է ստանում, ում ով է այցելում. այսօր չէ, վաղը նորից կհարցնեն, թե

ով է վերջապես ինքը, Մարոն: Քույրը նորից ներս եկավ և ձայնեց.

— Մարո՛:

Մարոն շուգեց ձայն տալ. թերևս նորից մի անպատեհ հարց. ի՞նչ պիտի պատասխանի:

— Մարո՛,— նորից ձայնեց ըույրը և մոտենալով Մարոյին շտապ-շտապ ասավ,— ահա՛, էս էլ քո կապոցը. է՛լ ուտելիք, է՛լ երեխի շոր ու բարուր. էս էլ քեզ նամակ. բայց խաթրդ չմնա. մարդիդ մի լավ շշպոեցի. ասի ի՞նչ է, շորս օր կնիկդ տանջվում է, ոչ գալիս ես, ոչ հարցնում. դե՛, հիմի նրան կվազեցնեմ, օրը երեք անգամ կգա... շեն մնա, աղջիկ էր, բայց տղի աչքալուսանքի շափ աչքալուսանք սովեց:

Այս ասելով, նա կապոցը դրեց Մարոյի մահճակալի մոտ և նամակն էլ ուզեց դնել Մարոյի ձեռքը:

Մարոյի ամբողջ մարմնով սարսուռ անցավ. ինչ շար կատակ է սկսվում. ուզում էր ճշալ, թե գնա, նայիր մյուս պալատները, այնտեղ կլինի իսկական հասցեատերը, իսկական Մարոն, մի խայտառակիր տանջված աղջկան. քիչ հետո իրերի, նամակի իսկական տերը կիմանա և կրկնակի խայտառակութուն կլինի Մարոյի համար. բայց ոչինչ չկարողացավ ասել: Քույրը հեռացավ, նամակը թողնելով կապոցի վրա և ինքն իրան մրմնջաց.

— Ի՞նչ հոտած աղջիկ է:

Տաս րոպեից ավել Մարոն անշարժ մնաց. ահա, հիմա կամ քիչ հետո քույրը կգա և ետ կվերցնի բերածը՝ իսկական տիրոջը հանձնելու համար. բայց քույրը չէր երևում: Անցավ ևս մի քանի րոպե: և Մարոն սիրտ արավ ու նամակը ձեռքն առավ. ուզեց ձեռագրից որոշել հեղինակին, բայց ոչինչ չկարողացավ գուշակել. բացեց ու կարդաց հեռեկալը:

«Քանկազին Մարո. ներիր, որ ուշ իմացա հիվանդանոց փոխադրվելուդ մասին: Շնորհավորում եմ մայրությունդ: Ինչ որ այժմ քեզ ու երեխային անհրաժեշտ է, քերել եմ այս կապոցով, ուրիշ ինչ բանի,

որ կարիք ունես, խնդրում եմ հայտնես: Զերմ բա-
րենեքով՝ Ա. Ֆ.»

Մարոյի համար հանելուկ էր սկսվում. որ կապոցն ու
նամակը իրեն էին հասցեագրված, այժմ այդ մասին ոչ մի
կասկած չուներ, բայց ո՞վ էր Ա. Ֆ.-ն. մտաբերում էր բո-
լոր ծանոթների անունն ու ազգանունը, ոչ մեկին չէր համա-
պատասխանում. միայն Ա.-ն կարող էր հիշեցնել Արփիկ.
բայց կապոցը բերողը տղամարդ էր և ձեռագիրն էլ, ինչքան
կեղծված, դարձյալ կարելի էր որոշել, որ տղամարդու ձե-
ռագիր է: Գուցե Լևոնն է... Թերևս, այն ինչ պատմեց Ար-
փիկը նրա մասին, հերյուրանք է... այստեղ նա տանջալից
փակեց աչքերը. ո՛չ, ո՛չ, Արփիկը չէր կարող սխալվել: Եվ
մի՞թե Լևոնը այդ ամենից հետո, ընդունակ էր այսպիսի
գործի: Իսկ եթե նա իր այս նեղ օրին այնուամենայնիվ
այսպես է վարվում իր հետ, ապա, ապա... նա միտքը
չլրացրեց. նրա պարզ ու բարի հոգուց կարծես չքանում էր
ատելության զգացումը՝ դեպի իր տառապանքների հեղինա-
կը:

Առեղծվածը սակայն չէր լուծվում: Հետևյալ օրը քույրը
նորից նամակ ու քաղցրեղեն բերեց նրան: Նամակը ստորա-
գրված էր Ա. Ֆ.: Քույրն այս անգամ համառ գտնվեց և
սասայ, որ ամուսինն այնտեղ պատասխանի է սպասում:

Ամուսին, այսպես էր ասում քույրը և մյուսներն էլ այլ
կերպ չէին կարող ընդունել այցելուին: Մարոն ուզում էր
հարցնել, թե ի՞նչ դույն ու կերպարանք ունի այդ ամուսինը,
և սարսափում էր այդ մտքից: Զիջելով քրոջ ստիպումին նա
միայն այսքանը գրեց.

«Բարենեք Ա. Ֆ.: Շնորհակալ եմ, որ մտաբերել եք:
Մարո»

...Մարոն սպաթինվում էր. այժմ ինքն էր կերակրում
երեխային: Այսօր նա պետք է թողներ հիվանդանոցը: Ինչ-
քան մոտենում էր հիվանդանոցից հեռանալու ժամը, այն-
քան ավելանում էր նրա սարսափը, ո՞ւր գնալ, ի՞նչ նոր
հիասթափություն է սպասում իրեն: Եթե այդ Ա. Ֆ.-ի հո-

դացողութիւնն էլ մի հերթական խաղ է. ի՞նչ պիտի անի: Եվ զգում էր, որ այլևս նոր փորձանքի չի կարող դիմանալ: Կամ է գնալ մի հեռավոր անկյուն և մի կերպ քաշ տալ իր գոյութիւնը:

Որոշյալ ժամին քույրը եկավ, օգնեց Մարոյին հագնվելու, ապա գիրկն առավ երեխան ու հանդարտ քայլերով անցնելով միջանցքը, հասան ելքին:

Քույրը գուռը բացեց և, երեխան դնելով իրենց սպասող մի տղամարդու գիրկը, ասաց.

— Ահա աղջիկդ:

Մարոն նայեց տղամարդուն: Նայեյ ու նրա կոկորդից նորից մի այնպիսի ճիշ թուով ու դեմքն ստացավ այնպիսի արտահայտութիւն, ինչպես այն օրը, երբ առաջին անգամ տեսավ իր նորածինին:

Երեխան Վարդկեսի գրկումն էր:

Վարդկեսը հրավիրեց Մարոյին իր հետ կառք նստելու: Երբ կառքն առաջ էր շարժվում, Վարդկեսը մեղմիկ շփուկով հասկացրեց Մարոյին, որ գնում են իր բնակարանը: Մարոյի վրա ո՛չ ուժ էր մնացել և ո՛չ էլ այդ պահին դատողութիւնն էր գործում, որ որևէ կերպ առարկեր:

Նրանք իջևանեցին Վարդկեսի սենյակը:

Անցավ մի երկու օր. Մարոն դեռ ջերմութիւն ունէր: Չհավատալով, թե ինչ է կատարվում իր հետ, նա աչքերը փակած, խորհրդածում էր, և ահա՛ այսօր էլ, երբ նա մի պահ աչքերը բացեց, տեսավ իր վրա կռացած Վարդկեսին: Մարոն շշնջաց.

— Վարդկես, ուրեմն դու ինձ չե՞ս արհամարհում:

Վարդկեսն այդպիսի հարցի չէր սպասում, դրա համար էլ չկարողանալով իսկույն պատասխանը գտնել, միայն բացականչեց.

— Մարո՛...

Թացվում էր դարունը, և Մարոն զգում էր, որ կուզե նորից լսել Վարդկեսի ձայնը:

Երբ հետևյալ օրը Մարոն իրեն լավ զգաց, Վարդկեսի

հետ պատշգամբ ելալ: Մարոն նայում էր լազուր երկնքին, ասլա բակում փարթամացող ծառերին, այնտեղ երևացող մարդկանց: Առաջին բանը, որ Մարոն զգաց, այդ այն էր, որ մարդիկ այլևս սարսափելի չէին նրան և որ ինքն այլևս կարիք չուներ նրանցից թաքնվելու Ահա՛, դեպի պատշգամբն են գալիս նաև երկու փոքրիկներ: նրանք ծաղիկներ ունեն ձեռքներին. նրանք մոտենում են Մարոյին ու պարզում են ծաղիկները.

— Գարնան ծաղիկներ,— ասում են նրանք միաբերան: Սերժիկն ու Անիկն են. նրանք իրենց ծնողների հետ ապրում են այն բակում, ուր ապրում է Վարդկեսը և այժմ, նաև Մարոն:

Մարոն բնդուհում է ծաղիկները և զգում է երեխաներին: Անհագուրդ կարոտով նա ծծում է ծաղիկների բույրը: Ապա երեխաների ու Վարդկեսի հետ անցնում է սենյակ: Բոլորով դիտում են իր քնած դասերը:

Մարոյին, թվում է, թե նորածինը ժպտում է:

Եվ այդ ժպիտը, Մարոյին այնպիսի ոգի ներշնչեց, որ երբ այս անգամ նա Վարդկեսի հետ մենակ մնաց, սիրտ արավ ու խոսեց.

— Ասա՛, Վարդկես, ի՞նչ հանելուկ է այս. ի՞նչ է նշանակում այս բոլորը. հետո մեկ էլ այդ ինչ Ա., այդ ինչ Ֆ.՞ Վարդկեսը նայեց Մարոյի աչքերի խորքը:

— Մարո, սիրելիս,— խոսեց նա,— դուցե վատ է, որ այդպես է... սիրտ չէի անում միանգամից քեզ հայտնել, որ ես եմ այցելուն, բայց երբ ստացա երկտողդ, ուր դռնորհակալութուն էիր հայտնում, ինքդ էլ շիմանալով, թե ում, ես ինձ արդեն երջանիկ էի զգում:

Մարոն միայն մի հառաչ արձակեց, և աչքերը նորից լցվեցին արցունքով:

Վարդկեսը որոշեց, ինչ կար սրտում, ամբողջն ասել, ուստի, բռնելով Մարոյի ձեռքը վրա բերեց.

— Իսկ ստորագրութունս Ա. Ֆ. էի ընտրել, ցանկանա-

լով ասել, որ դու Մարտ, եղար իմ առաջին սերը, դու մնում
ես նաև իմ վերջին սերը... անփոխարինելին:

Մարտն ուժ գործ դնելով գլուխը բարձրացրեց, իր ար-
ցունքոտ աչքերի խորքից նայեց Վարդկեսին և շշնջաց.

— Մի՞թե ես արժանի եմ դրան:

1929

Յուլիա—Երևան

ԱՆՈՒՆՆԻՆ ԱԶԳԻԿ



ՄԱՄԵՆ ՈՒ ԱԶԵՆ

Ա.

էն ո՞ր տղայի սիրտը շմաշեց, էն ո՞ր ջահելի սիրտը շմղկտաց էն գիշեր:

էն գիշեր, պայծառ գիշեր, լուսնից էլ լուս կուտար Աշեն, էն գիշեր, կարոտի գիշեր, խարուկից էլ թեժ ցոլք կուտար Աշեն:

Հպարտ էր նա իր հայրենի ժայռերի վերասլաց արծվի պես, խրոխտ էր նա հաղթանակող դիցունու պես. բարձր էր բոյր, ինչպես շինարը և նայվածքն էլ կախարդիչ թռչուններն հրապուրող օձի նայվածքի պես: Թուխ դեմքը գրավիչ էր գարնան արևի շողքից և զայրույթի պահին անխնայ իրենց զաշտերին փչող հանկարծահաս մրրկի նման:

էսպես էր Աշեն:

էնքան ջիվան տղաների մեջ, մենակ Մամեն էր, որ կպավ Աշեի սրտին, ու էնքան սիրուն աղջիկների մեջ, մենակ Աշեն էր, որ կպավ Մամեի սրտին: Մամեն, Զոզան նանի պահած մինուճար Մամեն, ինչքան աղջիկների աչքը ջուր կտրեց Մամեն, ինչքանի՜ էլ քնահարամ արեց Մամեն:

Ու երբ Մամեն ու Աշեն մեկ բարձի արժանացան, նոր միայն Զոզանը հանգստացավ, պառաված երակներում եռաց արյունն ու նորից աշխուժացավ իր ջահել օրերի թափով: Կարծես էգ էլ էն Զոզանը չէր, որ տաս տարի, գիշեր-ցերեկ աղայի կանանց ծառայություն արավ, մինչև մեջքը թոնրումը ծռած՝ աղային բոյե-բոյ լավաշ թխեց ու իր գրտնակ թևերն աղայի ձձումը զարկելով թոռմեց, մինչև Մամեն բերան եկավ:

Քսան տարեկան Մամեն էնպես սազական էր տասնութ տարեկան Աշեի հետ, որ երկնուց սլացող գիշատիչ բազեն էլ նրանց տեսնելիս, բերնի որսը թողնում էր ու մալուկ-մալուկ սիրողներին նայում, որ փրփրաբաշ նժույզը, առջևի ոտքը զարկում էր գետնին, ու հանդարտվում էր նրանց շոյանքի ներքո:

էն քրդուհին, որ քրտնել էր Զոզանի պես, էն տղան, որ Մամեի հետ հովվություն էր արել սարերում, էն աղջիկը, որ Աշեի հետ շուր էր կրել աղբյուրից,— նրանց ոխն արևի մեկ փաթ տևեց, մեկել օրն, ամենքն էլ խնդացին ու մխիթարվան Մամեի ու Աշեի բախտավորությամբ:

Դահար աղան էր, որ շփծաղեց, Դահար աղի սրտումն էր, որ նախանձի սև օձը բուն դրեց: Նա տեսնում է հիմի իր ծառայի տղային ընկերացած Աշեի հետ, երկուսով էլ նրանք ավելի համարձակ են, քան իր ամենակտրիճ իգիթը: էս էն Աշեն չէ՞ր, որ մենակ՝ աջ բազկով էնպես հրեց Դահարին, որ մինչև հիմա էլ գլուխը պտուտ է գալիս: Ծառայի թուլեն դիմադրել է աղային, իգիթի պես ինքն է պաշտպանել իրեն փախցնել փորձողների դեմ,— և ամենքից ատելությամբ ու կոպիտ նա վարվել է իրա՝ ցեղի ամենամեծ աղայի, Դահարի հետ: Հապա էլ ո՞ր օրվա համար է իր աղայությունը, որ ծառան իրենից առաջ անցնի, իր աչքը կտրածին ձեռ դնի,— շատ էլ Աշեն հաղթվել է Մամեից, շատ էլ Մամեն տիրացել է այդ փերուն,— չէ՞ որ ինքն աղա է ու ամեն բարիք նախ ինքը պիտի վայելի:

Ու Դահարը հրամայեց ցեղի մեջ եղած կտրիճներին հավաքել ու ամենից առաջ Մամեին կանչեց:

-- Տեսնո՞ւմ եք էս արևը,— ասաց նա հպարտ ու հրամայող— մինչև մեկ էլ նա կանգնի էստեղ, դուք պիտի շեյխ Զավադի զինվորների առաջին շարքումը լինեք, որ զիւանցիներին մանրեք, ա՛յ, թո՛նրից քաշած էն փոշու պես: Դե, շարժվեցե՛ք, խողեն*) ձեզ բո՞մակ:

*) Աստված:

Աղայի հրամանն ու կամքն էր, անառարկելի օրենքը, և Մամեն տուն դարձալ կոտրած սրտով:

Էն բազեի պես սուր ու կրակոտ աչքերից ցողեց երկու կաթիլ արցունք: Չէ,— ասեց հետո Մամեն իր մտքում,— թող Աշեի ու նանեի սիրտը չկոտրվի. ուրախ ձայնով ասաց.

— Աշե, քու թևին էլ ավելի ուժ տուր, որ նա Մամեի քոլոզը դիք պահի,— ու համբուրեց Աշեի տրամած երեսը, դգվեց նրա մինչև էդ շխոնարհած աչքերը:

— Մարե ջան,— ասաց նա մ'որը գիրկն առնելով,— գինվորի պարտք է, պիտի կատարեմ: Աշեի սիրտը, տե՛ս, չկոտրի, քու մազերն էլ սև տեսնեմ...

Ու երբ Մամեն իր ձիու մեջքին՝ ճամբեն կշափեր, Դահար աղեն թեթև սրտով լմեժի*) նստալ, Աշեն ու Ջողանն էլ մեկ-մեկի սիրտ չկոտրելու համար իրենց արցունքը ծիծալ դարձուցին:

Բ.

Յոթ տարին բուլորեց. յոթն անգամ շորացալ ուռին ու երբ ուզեց նորից գալարել, Աշեն, մալու-մալու, գարնան կարոտով, պապակեց իր Մամեին: Դահար աղան քառասուն տեսակ ջուհաբ դրկեց, քառասուն տեսակ խոստում արեց, քառասուն ձևի էլ փախցնելու փորձ արեց,— բայց Աշեն, է՛ն Աշեն էր, որ աղայի բերանն իսկի ոսկոռ էլ չպցեց, որ շողքի պես պայծառ մնաց ու Մամեի քոլոզը դիք պահեց, Ջողանին սիրտ տվեց, նրանից սիրտ առալ և հարս ու կեսուր իրենց ճակատի քրտինքը թափելով նամարդին մուխտաջ շեղան:

Աշեն, պայծառ Աշեն, լուսնի պես բուլորակ Աշեն, իրիկվա հովին ելալ, թիկնեց լուսամուտին, երկու ափերի մեջն առալ արևից կարմրած թշերն ու երկե՛ն ճամբեն նայեց:

*) Աղոթք:

էս էն ճամբեն էր, որ տարավ Մամեին, էս ճամբով էր, որ օրական հազար մարդ կերթար ու դրանից էլ ավելի հետ կդառնար: Ու Աշեն, ամեն օր, ջուհար կհարցնէր իր Մամեից:

Հիմի էլ շափ գցած գալիս է էն ճերմակ ձիավորը, քրտինքը թրշել է նրա ճակատը ու բարակ արխալուղը ֆրո-
ռում է քամու առաջ: Նա արդեն մոտեցել է լուսամուտին ու օտար-օտար նայում է: Աշեի սիրտը թրթռաց պատուտա-
կը պատուող կոկոնի պես ու նա ձեռքը շարժելով ասաց.

— Հասիարո^{*}), արի տեսնեմ, ո՞վ ես, ո՞վ չես, իմ Մամեն էս ա յոթ տարի զինվոր ա, արի մեր հացը կտրի, թե ջուհար ունես՝ լավ, թե չէ՝ ճամբեդ հաշող:

— Հացդ անպակաս լինի, ըռնդո^{**}). էս գիշեր ես քո ջանի հյուրն եմ, — էսպես պատասխանեց էն ձիավորը:

Յոթ տարվա մեջ էս հյուրն ամենքից համարձակն էր: Աշեն չնեղացավ նրա խոսքերից, դուրս վազեց, փնչացող նժույգի սանձը բռնեց ու երբ ձիավորն իջավ, ձին տարավ ակոռը, կապեց և խոտ ու դարի տվեց:

Ու երբ հետ եկավ՝ օտարականին իր օղեն առաջնորդեց. նա էլ թվանքն ու թուրը պատից կախեց, և մեկ էլ, որ ձեռքը տարավ՝ քոլոզը հանելու, թաց գլուխը շփելու համար, Աշեի սրտին լեռնացած յոթ տարվա կարոտը հորդեց գարնան գետի պես ու նա նույն թափով ընկավ տղայի գիւղը:

— Վայ դու անհոգի Մամե, էս ի՞նչ ֆանդով տուն կու-
գաս:

— Բա ո՞վ կարող էր քո ջանին հյուր լինել, հա՞, իմ ազիզ Աշե:

էլ Աշեն մնաց Մամեի կրծքին, Մամեն էլ նրա գլուխը բրկեց ու քաղցր համբուլքների տակ մոռացան յոթ տարվա տանջանքն ու ցավերը:

^{*}) Զիավոր:

^{**}) Գեղեցկուհի:

— Աշե շան, դե գնա նանեին էլ իմաց տուր, որ գա
պրույց անենք, — ասաց Մամեն:

— Ա՛խ, Մամե, — մղկտաց Աշեն, — նանեն թող էս գի-
շեր հանգիստ քնի. կլուսանա, էն ժամանակ ինչքան կուզես
հետը կգրուցես, հիմի կաթ ու մածուն բերեմ, ուտենք, խը-
մենք, իրար վայելենք...

Մամեն դեմ շխոսեց. Աշեի տեսքը կշտացրել էր նրան:
մի քիչ կաթ խմեց, ոտքերը լվաց և ապա լուսնի շողերի
տակ գրկեցին միմյանց ու մտան անկողին...

Գ.

Աղոթարանը, որ ճկճկալեն բացվավ, Զոզանը տեղից
վեր ելավ. երեք անգամ սրտի խորքից ծանր «ախ» քաշեց,
երեք անգամ գլխով դրլեին*) ողջունեց, երեք անգամ էլ
«խողե» կանչեց:

էդ Մամեի կարոտն էր, որ կմաշեր պառաված մորը:
Յոթը տարի Զոզանն էլ դարզը ներս գցելով սպասում էր
Մամեին, յոթը տարի սիրտ էր տալիս էն թառվան Աշեին, որ
էնպես մալուշ, որ էնպես կարոտով՝ մուրազը կես արած,
դարբեղար Մամեին կսպասեր:

Նրա պառավ երակներում արյունը դեռ առույգ էր վա-
զում, գեռ թևերը պահել էին իրենց զորությունը. Զոզանն
էլ ուներ իր մուրազը, որ ամեն անգամ նրա սիրտը կգաղեր,
երբ կնայեր Աշեի բոյ-բուսին:

Մրբ անկողինը ծալից իրար վրա, Զոզանը բուխերիկին
մոտեցավ. էնտեղ էր ամեն օր Աշեն ջրով լիք իբրուխք գը-
նում, որ Զոզանը լմեժի նստեր, որ ջերմ սրտով խողեից
Մամեին բարի վերադարձ ու իրենց սրտին համբերություն
խնդրեր:

— Վայ, Աշե, — գլուխն օրորեց Զոզանը, — մտահան
ես արել, հա՛, չեմ մեղադրում ընդո ջան... յարաբ ի՞նչ

*) Հարավ, աղոթելու կողմը:

դառն միտք ա եկել գլխիդ, որ յոթը տարվա մեջ շնորհած գործդ էսօր մոռցար...

էսպես խոսեց ինքն իրեն Զողանն ու երբ գոմը գնաց իբրուխը փնտռելու՝ ականջին հասավ ձիու խրխնջոց:

Զողանը կանգնեց:

— Էս ի՞նչ կլսեմ. սատանի փորձանք ա... չէ՛, ձի ա ու ձիավարի էլ խրխնջում ա...

Զողանը գոգնոցի փեշերով սրբեց աչքերը. գոմի երդիկից արևի առաջին շողքը ներս էր ընկել ու ամեն օրվա դատարկ մտուրի դիմաց սպաղում էր ճերմակ ձիու հպարտ գլուխը:

— Վայ Աշե, — էլի խոսեց Զողանը, — հապա հյուր դա, նանեին իմաց չե՞ն տա. ինչի՞, ես հյուրի պատիվ մոռցե՞ր եմ, ինչի՞, ես իմ քար ու քոլ ընկած Մամեի սաղաղին գլխիս վրա չէի՞ դնի հյուրին. վայ Աշե, վայ իմ աչքի լուս, վայ:

Ու Զողանի ոտքերն ուժ առան. յոթ տարվա մեջ առաջին անգամ մոռացավ լմեժն ու վազեց օդեն, էն օդեն, ուր Աշեն յոթը տարի մենակ, իր Մամեին էր սպասել:

Զողանը դուռը բացեց ու ներս մտավ:

Արևի մի շողք էլ էստեղ էր ներս ընկել, ասվել է անկողնի վրա:

Զողանը մեկ էլ ծմրկտաց ու ճմռեց աչքերը:

— Էս ի՞նչ է. թե ձին սատանի փորձանք չէր, էս էլ փորձանք չէ...

Աշեն պառկած է, կողքին էլ ջահել տղա. էն ի՞նչ է է կարտով է գրկել Աշեին. մինչև արմունկը քշտված առնական թևը փաթ է արել Աշեի վզով ու յոթը տարվա մեջ շնորհած գլուխը զարկել է դռին, ու ի՞նչ էլ անուշ քնի մեջ են:

— Վայ Աշե, վայ. քո նամուսն իմա՞լ նամուս ա. իմ աչքի լուսով պահած Մամեն, իմ սար ու ձոր ընկած Մամեն, էս ա յոթը տարի զարիբություն ա քաշում, հապա քո նամուսն իմա՞լ նամուս էր, Աշե ջան, որ դու յոթ տարվա ուխտը խախտեցիր, որ դու Մամեի քոլոզը ծռեցիր, որ ջահել տղին ծոցդ առար...

Ու Զողանի երակներում արյունը եռաց, վարարեց ու նա խոչանքով հասավ պատը. էնտեղ էր հյուրի ասպապը, էնտեղ էր հյուրի մուրազով սրբած, մաքրած այնալուն:

Զողանը փութով ձեռքն առավ այնալուն, ու նրա վիրավորված հոգուց ուժ ստացած ձեռքերում, այնալուն օրորաց թեթև ոստի նման: Մածեց մեկ անգամ փողը ու դեմ արեց Աշեին հրապուրող հյուրի ճակատին:

— Իգիթ տղա է,— ասաց,— ճակտից պիտի զարկեմ: Ասաց ու կանգ առավ:

— Չէ, Աշե ջան, չէ, էսպես չեղնի, այնալուն ձեն կհանա, հարևանով-դեղով կիմանան, Դահար աղեն կլսա, սիրտը կհոլնա, քո յոթ տարվա պայծառ պահած անունը, Աշե ջան, կկոտրի, իմ Մամեն էլ կուզա, կիմանա, կխոռովի ու սիրտն էլ կկոտրի...

Ու այնալուն ետ տարավ, էլի կախեց պատից:

Նտ դարձավ, տեսավ, որ հյուրն շտապելուց դաշուչնոթողել է բարձի կողքը, թռավ՝ վերցուց, պատյանից հանեց կեռ, պսպղան դաշուչնն ու թափ տվեց հյուրի գլխավերև:

— Վայ թե ուժս պակսել է, հա՛, մեկ զարկով վայ թե չսպանեմ, չէ՛, Աշե ջան. էս տեսակ իգիթ տղեն կմեռնի՞ պառավ Զողանի մեկ զարկով... չէ՛, վայ թե սաղ մնա, ձեն էլնի, խալխն իմանա, Աշեի անունը կոտրի, Մամեն էլ գա, լսա, խոռովի, սիրտն էլ կոտրի...

Դաշուչնն էլ ետ դրեց պատյանը:

Ջահելները դեռ անուշ հրազի մեջ էին:

Հյուրը քնի մեջ ինչ որ շարժում է անում և գլուխը սեղմում է Աշեի կրծքին. Աշեի ծուփ մազերն էլ ծածկում են հյուրի դեմքը:

Ո՛հ, Աշեն, իր բոցոտ ու այրող համբույրով դուր է եկել հյուրին ու նա քնի մեջ էլ չի դադարում գգվել Զողանի մուրազով պահած հարսին:

— Չէ՛,— ասաց Զողանը,— պետք է շտապել, հիմի կզարթնեն ու էն ժամանակ ուշ կլինի:

Ու էլի թուով Զոզանը դեպի հյուրի ասպապը, քաշեց, դուրս բերեց երկին թուրը:

— Էս հարմար է,— ասեց,— էս դոշը կմտնի ու մեկ թիզ էլ դոշակից դենը կանցնի: Ձեն շեխնի, խալիս չիմանա, Դահարի սիրտը չի հովանա, Աշեի անունը չի կոտորի, Մամեն էլ չի խոտվի ու սիրտն էլ չի կոտորի...

Ու նորից պրկվեցին Զոզանի թևերը, նորից նոր հորձանքով արյունը եռաց նրա ներսում և նա թուրն Աշեի մազերի արանքից սեղմեց հյուրի կրծքին: Հյուրը ցավից շուռ եկավ, ընկավ մեջքին, Զոզանն ավելի ուժով սեղմեց՝ ու թուրը ծակեց անցավ կուրծքը, հասավ դոշակին, էն էլ ծակեց, անցավ ու ամրացավ դեմնին:

Զոզանը դովացած խորը շնչեց ու նայեց Աշեին: Աշեն, որ հյուրի շարժումից արդեն դարթնել էր, նստեց անկողնում ու անդիտակ նայեց շորս կողմը, նայեց Զոզանի ինքնաբավական դեմքին ու դեռ չէր նայել հյուրին, որ ասք արյունն, արդեն, խառտեց իր կողքը: Աշեն պշափվեց, նայեց իր կարոտով դրկած Մամեին, նրա կրծքին ցցված թրին ու ամեն ինչ հասկացավ:

Հետո Աշեն նայեց Զոզանին, ասպ ծուփ մազերը թափով գցեց իր դեմքին ու մղկտաց:

— Այ մեր, իմ իգիթ Մամեն յոթ տարի կովավ, շսպանվավ, ըսկի վիրավոր էլ չեղավ, էս ի՞նչ արիր դու, հա՞:

Ու Զոզանն էլ հասկացավ... հասկացավ, որ Աշեն, է՛ն Աշեն էր, որ դիք էր պահել Մամեի քոլոզը, Մամեի, որ էնպե՞ս անմուրազ մնաց, մուրազով պահած մոր ձեռքից: Ու Զոզանը տղայի կրծքից թուրը դուրս քաշեց. արյունը նոր հորձանքով ժայթքեց. Զոզանը ընկավ խոցված կրծքին ու արյունը ներկեց նրա դեմքը:

— Ա՛խ, Մամե,— ողբաց Զոզանը:— Մամե՛, Մամե՛, քո մեր եթիմ ա, քո մեր մալուլ ա, Մամե՛, Մամե՛... քո մեր գալուլ ա, քո մեր գալուլ ա, Մամե՛, Մամե՛... ա՛խ, տղիս արյունը ծով ա. Մամե՛, ո՞ր դուշմանը քո իգիթ դոշից էնպես արյուն կքաշեր, հա՞, Մամե՛ ջան, Մամե՛: Ա՛խ, իմ

խաղան, իմ անմուրազ Մամե՛... քո նանեն, թող իր ծամեր
կտրա, Մամե՛, թող աշխարհ՝ ու ալամ քո անբախտ մոր
դարդն իմանա, Մամե՛, Մամե՛, Մամե՛...

Աշեն էլ ձենը խառնեց մոր ձենին, ողբաց օր ու գիշեր:

Ու երբ Զոզանի ու իր արցունքները շորացան, դադաշ
սարքեց, սիրած մոր ձեռքով սպանված տղին նրա մեջը
դրավ. դադաղը բարձրացրեց իր հերոսական—պինդ ուսին,
յոթն արևի փաթ ողբալով, շենից-շեն ման ածեց, ապա հա-
նեց բարձր սարի ամենաբարձր կատարին ու թաղեց ար-
ծիվների բնի մոտ, որ է՛ն արծիվներն ամեն օր բարձրից
նայեն աշխարհին, տեսնեն Աշեին, է՛ն Աշեին, որ յոթ տարի
Մամեի քոլոզը դիք պահեց ու է՛լի կպահի, որ Մամեն չը-
խոսվի ու սիրտն էլ չկոտրի...

1939—1932

Քեշեշեհենգ—Մոսկվա

Լ Ա Ր Ի Փ Ե

ԻՍ ՊՍՅԵԱՌ ԲԱՐԵԿԱՍՏՈՒՅԻՆ

Ա.

Հինավուրց մզկիթի մինարեի բուրբակ շրթունքին թառած մուլլայի բերանից թռավ ազանի վերջին հանգը:

Հավատացյալ իսլամները հինայած մորուքները շոյելով մզկիթ մտան:

Մենակ Սարգար խանն էր, որ այդ օրը ոչ մուլլայի ազանն ուզեց լսել, ո՛չ էլ որևէ ուշադրություն դարձրեց մրզկիթն շտապող հավատացյալների վրա: Նա մոլեգնած հայացքով, ակնակապիձներից դուրս ցցած աչքերով, կատաղորեն անց ու դարձում էր հարեմի ընդարձակ դահլիճում:

Այնտեղ շարեշար կանգնած էին ութը կանայք, տասներհինգ տարվա ընթացքում նա մեկ-մեկ ջոկել էր նրանցից յուրաքանչյուրին, ջոկել էր կրքով, ջոկել էր նախանձով, ջոկել էր արևելցու կասկածամտությամբ, և այժմ, նա մեկ-մեկ նայում էր նրանց վրա իբրև իրերի, որոնք իր անձեռնմխելի ու անկապտելի սեփականությունն էին, իբրև էակների, որոնք պարտավոր էին հասկանալ իր ամեն մի շարժումի իմաստը, և ինչպես ծառի տերևները շարժվում են քամու հոսանքի ուղղությամբ, այնպես էլ այդ արարածները պարտավոր էին շարժվել իր ցանկացած ուղղությամբ:

Եվ խոնարհած գլուխներով, սակայն աչքերի զգաստ թարթումով ութը կանայք լուռ հետևում էին Սարգարի մոլեգնած անց ու դարձին: Ութը կանայք... Սարգարը քայլում ու հաշվում էր մեկ... երկու, մինչև ութը... ութը կին, ութը

հրաշք. մեկի աչքերը վառման խարույկ էին, որ կարող էին լույս տալ գիշերվա խավարում, մեկինը կապույտ, ինչպես Իրանի հնամենի ծովն էր, մեկը ճարպիկ էր ինչպես վիթ, մյուսը ճկուն ու թեթև որպես եթեր, մեկի պարանոցը խոյանք ունեւր կարապի նման, մյուսինը լուսածին մարմար էր, որի մեջ կարտացուրեր աշխարհն իր բույր հրաշքով, մեկի բերանը նորաբողբոջ վարդենի էր, մյուսինն արդեն բացված մանուշակ. և բոլորի վրայից բուրում էր ջեննաթի անմահական հոտը:

Սարգարը նայում էր կանանց և ինչքան շատ էր նայում, այնքան ահագնանում էր նրա կատաղությունը. ինչքան հրապուրիչ դուրեկան էին այդ ութը կանայք, այնքան անբըննադատելի ու մոլեգին էր դառնում նրա կատաղությունը:

— Ո՞ւր է լաթիֆեն, ինչպե՞ս փախավ, ո՞վ օգնեց նրան, հա՛, դու չգիտե՞ս, դո՛ւ էլ, դո՛ւ էլ... ա՛հ, հասկանում եմ. դուք բոլորդ ոխ ունեք իմ դեմ... ամեն մեկդ ձեր սրտում մի-մի սիրեկանի պատկեր եք պահում. վայ թե մի ճեղքվածք եք տեսել դուան արանքում... Իսկո՞ւյն, կատվի պես ճկուն կդառնաք ու հայդե՛...:

Խոսում էր Սարգարը մոլեգնած, մերթ կանանցից մեկին, մերթ մյուսին դիմելով, ապա կատաղորեն նորից հետ ու առաջ շարժվում դահլիճում:

Երկու օր առաջ հարեմից փախել էր նրա իններորդ կինը, լաթիֆեն. նա ամենից մատաղահասն ու ամենից սքանչելին էր. չորս ամիս, տասնվեցամյա աղջիկը, դիմադրել էր Սարգարի քմահաճ, կրքոտ պահանջներին ու վերջը փախել էր... Թե ինչ ուղղությամբ՝ Սարգարը շէր կարողացել պարզել: Նա անմիջապես գլխատել էր տվել կանանոցի պահապան երեք ներքինիներին, հետո զանազան ուղղությամբ ուղարկել էր հետախույզներ, բայց բոլորն էլ ճեռնունայն էին վերադարձել:

Ահա այս դեպքն էր, որ մոլեգնության աստիճան կատաղեցրել էր Սարգարին և այդ էր պատճառը, որ նա դայրացել էր նաև իր մնացած ութը կանանց դեմ... Այժմ նա շէր հավատում նրանցից և ոչ մեկի սիրուն. նրանց բոլորի

գութգութանքը բռնազբոսիկ, շողոքորթ և առերես էին թվում Սարգարին և այդ մտքից նա ավելի ու ավելի էր գազազում...

Արևելյան հարեմում սեր չկա: Սեր չի կարող լինել այնտեղ, ուր տիրապետում է անասնձ բռնությունն ու անասնական կիրքը: Սերը, բնության այդ սքանչելի պարզեն աճում ու ծաղկում էր հյուղերում, ժողովրդի ծոցում, որը սակայն թռչնում ու խամրում էր բռնավորի հարվածի տակ: Այժմ Սարգարը կուզեր մեկին, որ ամբողջովին նվիրվեր իրեն, նվիրվեր ոչ թե վախին ու բռնությանը զիջելով, այլ սրտանց, ամբողջ հոգով. նա մեկ-մեկ նայեց իր ութը կանանց և շգտավ նրանց մեջ ոչ մեկին, որ կարողանար անկեղծ լինել իր հետ:

Եվ Սարգարը մի վերջին անգամ գնաց-եկավ դահլիճում. ապա ծալապատիկ նստեց թախտին և, համրիչը ձեռքից-ձեռք դցելով, խոսեց.

— Միմիզա՛ր, մոտեցիր ինձ:

Կանանց խմբից առաջացավ սևահեր, վառվռուն աչքերով մի թեթևաքայլ կին. մետաքսի նուրբ հյուսվածքի զգեստը հազիվ ծածկում էր նրա կուրծքը՝ ամբողջովին բաց թողնելով նրա ձյունափայլ որովայնը, որը Սողոմոն իմաստունն ըմպելիքով լեցուն բոլորակ թասի ու շուշաններով պատած ցորենի շեղջին պիտի նմանեցներ՝ համեմատելով հինավուրց Երուսաղեմի աղջիկներին հետ:

Միմիզարը հասնելով Սարգարին, ծունկ իջավ ու խոնարհ գլուխ տալով համբուրեց տիրոջ քղանցքը:

Սարգարը ձեռքը տարավ, շոյեց Միմիզարի դուռնը, նայեց նրա վառվռուն աչքերին և դողաց ամբողջ մարմնով:

— Դու ո՞ւմ ես սիրում,— հարցրեց Սարգարը:

— Վերև աստված, ներքևն իմ տերը, իմ խանը, որի ստրուկն ու կամակատարն եմ ես, որի փեշը համարձակվում եմ համբուրել,— ասաց Միմիզարն ու նորից համբուրեց Սարգարի քղանցքը:

Սարգարը մի պահ շոյեց մորուքը, գլուխը տարուբերեց,

ապա հերթով կանչեց մյուս կանանց, բոլորին տվեց միևնույն հարցը և ստացավ միևնույն պատասխանը:

— Ո՛չ, ո՛չ,— բացականչեց Սարգարը,— նա էլ, կաթիֆեն էլ աչդպես, ճիշտ աչդպես էր երգվում, բայց փախում, փախում... դուք բոլորդ սերտած բառեր եք կրկնում. հե՛յ, ներքինի Սահիբ, հե՛յ, Սահիբ...

Ներքինին փութկոտ, կատվային շարժումներով եկավ կանգնեց կանանց գլխավերևում:

— Սահի՛բ,— խոսեց խանը,— կտանես, այս ութին էլ կտեղավորես իմ ապարանքի ետևի սենյակում. լուսամուտներին, անմիջապես ամենաամուր շաղախով քարեր շարել կտաս, այնպես որ սրբի ոչ մի ճառագայթ չընկնի աչդ սենյակում. վեց ամիս նրանք պիտի մնան այնտեղ, ու վեց ամիս արևը չպիտի ծագի նրանց համար:

— Քո խոսքն օրենք է, տեր, այսօրվանից մինչև վեց ամիս այլևս արևը չի ծագելու ութը խանումների համար:

— Իսկ դուք ի՞նչ կասեք, խանումներ,— հարցրեց Սարգարը:

— Քո խոսքն օրենք է, տեր,— առաջինը խոսեց Սիմիզարը,— այսօրվանից այլևս արևը չի ծագում:

Նվ նույնը կրկնեցին Սիմիզարի ետևից մյուս յոթը կանայք:

Ու երբ, Սարգարը, գոհ իր վճռից, նորից համրիչը ձեռք առնելով տաքի ելավ ու սկսեց անց ու դարձ անել սենյակում՝ ներքինի Սահիբը, ութը կանանց առջևն առած, տարավ դեպի մատնանշված սենյակը՝ Սարգարի վճիռն իրագործելու...

62

Սարգարը դուրս ելավ իր ապարանքից և իջավ այն հովիտը, ուր հնամենի Զանգուն դարավոր կատաղությամբ գալիս, իր կոհակները փշրում էր ժեռ ապառաժին ու վրհատ մրմունջով քշվում էր առաջ: Յերեկվա տապին հաջորդել էր երեկոյան զովացուցիչ հովը. Արարատի ձյունափայլ

զագաթից եկող մեղմ քամին միացած Զանգուից արձակված թարմացուցիչ շնչին, Զանգուի հովիտը լցրել էր հաճելի բուրմունքով: Եվ այդ բուրմունքը մանավանդ հաճելի էր, որովհետև Զանգուի երկու ասիերին փոխած այգիներում հասունացող տանձն ու դեղձը, ապա ցերեկվա արևով օժված խաղողի դունագեղ ողկույզները, այժմ ավելի հաճելի ու դուրեկան տեսք էին ստացել:

Սարդարն իջավ այգիների արահետը, շնչեց թարմ օդը, դգաց հովիտի բուրմունքը, բայց շիջեց նրա կատաղությունը: Նա անսահման նվաստացած էր դգում իրեն Լաթիֆի վարմունքից: Արևելյան բռնակալի ռիսակալությամբ նա կոխում, տրորում էր ոտքի տակ ընկած երփներանգ ծաղիկները. ծաղիկներ, որոնց վրա ամեն օր կաթում էր բռնադատված երկրի աշխատավորների արյունն ու քրտինքը՝ իրա՝ Սարդարի փառքի համար, բայց և այնպես նա չէր հանդարտվում: Նա կուզեր ճիշտ և ճիշտ այդ ծաղիկների նման իր ոտքերի տակ ճզմել անհնադանդ Լաթիֆին, ճիշտ այնպես, ինչպես ինքը տարիներ շարունակ իր կրունկի տակ ճզմել էր ամեն մի ըմբոստ հայացք, ամեն մի խոսք, որի մեջ անհաճո շեշտ կար իրեն համար:

Այս մտորումներով նա մի քանի անգամ գնաց ու եկավ հովիտի երկարությամբ, շոշափեց հնամենի ծառերի բունը և ինքն և չգիտեր, թե ինչով պիտի վերջանար օրը: Վերադառնալ տո՞ւն, բայց տունը նրա աչքին սև օձ էր դարձել, Լաթիֆեն պղծել էր նրա շեմքը. հարկավոր էր մի այնպիսի արտակարգ բան, որ մեղմեր նրա կատաղությունը, որ հանգստացներ նրա բորբոքված արյունը և նա մերթ լազուր երկնքին էր նայում, մերթ սվվացող ծառերին, և ամենից շատ աղմկող Զանգուին: Զանգու՛, ի՞նչ կար նրա ծալքերում, ինչո՞ւ էր նա այդպես մոլեգնած առաջ ընթանում. և երբ խորհրդածելով, Զանգուի մասին, նա հայացքը կրկին հառեց դեպի գետի հոսանքը, ուր փրփրադեղ մի ակիք, սանձից արձակված ամենի ցուլի նման, առաջ էր ընթանում՝ մի պահ կանգնեց. ակիքը փշրվեց՝ զարնվելով ակից դեպի գե-

տի խորքը ճզված ժայռի մի բեկորի վրա, և հենց այդ ժայռի ցցունքին երևաց մի աղջիկ:

Թվաց, թե աղջիկը ծնվեց փրփուրից, թվաց, թե ալիքը դուրս նետելով աղջկան՝ հանդարտվեց և շիջավ նրա քիչ առաջվա մոլեգնությունը:

Սարդարը երեք քայլ առաջ անցավ և կանգնեց. այո՛, աղջիկ էր... աղջիկ, բայց այդ ի՞նչ երկնային լույս էր, որ պարտուրել էր աղջկա դեմքը, այդ ի՞նչ լուսածին ճերմակություն, այդ ի՞նչ հուր հրաշք աչքեր. աղջկա ձեռքին եղած փոքրիկ կուժն էլ թվում էր, թե առանձին փայլ ու հրապույր էր ստացել. թրծած կավն արևի վերջին շողերի տակ պսպրոցում էր, ինչպես ադամանդ, բայց գուցե դա աղջկա փայլն էր, որ անցել էր կուժին ու շրջապատին և ամեն ինչ դարձրել շքնաղ ու հրապուրիչ... փերի՛, ջրից ծնված փերի, ահա՛, այս միտքն էր անցավ սնոտիապաշտ Սարդարի գլխով. գուցե դա մարգարեի պարզեն էր իրեն, իր կորցրած Հաթիֆի փոխարեն, և ի՞նչ Հաթիֆի կհասներ սրան... ահա՛, ահա՛, հիմա ամեն ինչ կփոխվի, հիմա փերին նորից ջուրը կընկնի, բայց այս անգամ արդեն երևի Եվայի հագուստով ու խայտալով ալիքների հետ՝ առաջ կսուրա՝ ափին թողնելով շրփոթված Սարդարին... Բայց ո՛չ, աղջիկը փութով կուժը դեպի գետն է երկարում, ձեռքը դողում է, կուժը խաղում է ալիքների հետ ու չի սուզվում ջրի մեջ... իսկ աղջիկն այնպե՛ս շտապում է... վերջապես նա կուժը դուրս է քաշում ալիքների միջից, դնում է ուսին ու վախվորած վիթի նման, համարյա թռչկոտելով, անցնում է այգիների միջով. քիչ հեռու տեսնելով այգիներում աշխատող երկու այլ տղամարդու, կարծես հանդարտվում է աղջիկը և այս անգամ քայլում է համաշափ:

Երկու տղամարդիք, որ տեսել են աղջկան, ապա նաև նրա ետևից գնացող Սարդարին՝ լցվում են կատաղություններ. բայց ոչինչ անել չեն կարող... նրանք գիտեն, որ Սարդարն այդ րոպեին գազազած գայլի հոգեվիճակ է ապրում և վտանգավոր է նրան մոտենալ, կամ նույնիսկ որևէ ակնար-

կով հասկացնել, թե իրենք որևէ հակակրանք ունեն Սարգարի հանդեպ:

Նկատե՞ց արդյոք Սարգարը երկու տղամարդկանց, թը-
վում է թե այո՛... Բայց ինչ հոգ, թե ովքեր են նրանք, չէ՞
որ ինքն է այս քաղաքի ու շրջապատի ամենակալ տերը,
ո՞վ է այն համարձակը, որ պետք է իր առաջը կանգնի
բայց աղջիկը նորից շտապում է, անհնար է նրան հասնել:

— Սահիբ, — դառնում է Սարգարը հեռվից իրեն մո-
տեցող ներքինուն, — Սահիբ, հետևիր այս աղջկան, իմացիր
նրա բնակավայրը և ինձ շուտով լուր բեր...

Գ.

Մթնեց: Սարգարն ապրում է մթնշաղի տեսիլքի հրա-
պուլյրով... բոլոր առաջ պետք է կրկին տեսնել նրան. ո՛չ,
ո՛չ միայն տեսնել, այլ ունենալ իր մոտ, իր սեփական
հարկի տակ, ճողոպրած կաթիֆեի փոխարեն: կաթիֆե՛...
բայց գեղեցիկ ու քացրահնչուն է այդ անունը նույնքան,
ինչքան քաղցր ու գեղեցիկ է ինքը՝ այդ աղջիկը... Նա այդ-
պես էլ կկոչի այս նոր աղջկան...

Սահիբը վերադարձել է հետախուզությունից. Սահիբն
ամեն բան գիտե... այո՛, հենց այս աղջկա անունն էլ կաթի-
ֆե է, որ կա... այգում եղած երկու տղամարդկանցից մեկը՝
Իբրահիմը, աղջկա հղբայրն է, իսկ մյուսը՝ Մանսուրը, քա-
ջակորով երիտասարդը, աղջկա սիրահարը, հենց այս շա-
բաթ նա պիտի ամուսնանա կաթիֆեի հետ:

— Ամուսնանա՛, — բացականչում է Սարգարը և կրճը-
տացնելով ատամները հագնում է երեանցի վաճառականի
զգեստ և Սահիբի հետ դուրս է գնում տանից:

Նրանք անցնում են Երևանի օձապտուլտ փողոցներով,
կավե ցածրաշեն տների միջով, որոնց նեղլիկ լուսամուտնե-
րից հազիվ անկայծում է ճրագների ազոտ լույսը... Գնում է
Սարգարը, հզոր խանը փողոցներով, գնում է ավելացող
հուզումով, գնում է լայն-լայն բացած աչքերով, որոնք կի-

ստիսավար փողոցներում փալլում են, ինչպես դայլի աչքերը խավար անտառի խորքից:

— Ահա՛, — ասում է Սահիրը, — ահա այս լուսամուտի ետևում է գտնվում Լաթիֆեն:

Սարդարը կանգ է առնում. փողոցում այլևս անց ու դարձող չկա. բայց այս ի՞նչ անմահական ձայն է, այս ի՞նչ ջեննաթային մեղեդի... Սահիրը ուստյունով առաջ է անցնում և քիչ հետո նույն ուստյունով հետ գալիս:

— Նա է, տեր իմ, նա է թառի վրա նվագում ու երգում:

Լաթիֆեի ձայնը... հետզհետե խորացող խավարի մեջ ալիքավորվում է ու տարածվում Լաթիֆեի ձայնը, տարածվում նրբին դալալյունով, տարածվում քնքույշ, շոյող ու հմայիչ ելևէջներով. թվում է, թե ամբողջ շրջապատը լռել է՝ ունկնդրելու Լաթիֆեի այնքա՛ն քաղցրահնչյուն մեղեդուն...

Եվ Սարդարի հոգին լցվում է տիրողի քմահաճ ու բռնակալի անհատնում քինախնդրությամբ դեպի այն ամենը, ինչ պատվար է իր ու Լաթիֆեի միջև. քանդե՛լ, ոչնչացնե՛լ այդ ամբողջ պատվարը: Մեկ Լաթիֆեն փախավ, այժմ կա մյուսը. ոչնչացնել այն բոլոր կապերը, որ այս նոր Լաթիֆեին կապում է դրսի հետ, աշխարհի հետ... Միայն ու միայն իր համար պիտի երգի ու նվագի Լաթիֆեն, միայն ու միայն ինքը՝ պիտի ունկնդրի նրան, և ո՛չ ոք, ո՛չ ոք չպիտի համարձակվի լսել նրան, պետք է խցել բոլոր ականջները, և պետք է փակել բոլոր սրտերի դռները, որոնք բարախում են Լաթիֆեի համար:

Լռեց նվագը: Թվաց, թե ամեն ինչ մոռալվեց շրջապատում. այժմ իրոք որ խավար է, այժմ ամեն ինչ ճնշող է ու անհրապույր:

Սարդարն շտապում է իր ապարանքը: Մի քանի ընկերում ապարանքի ծառաները, ապա նաև ֆարրաշները զենք ու զրահը կապած, պատրաստ՝ սպասում են Սարդարի հրամանին: Թվում է, թե խանը պատրաստվում է պատերազմի, թվում է. թե ինչ որ թշնամի է ներխուժել երկրի սահմաննե-

րից, Սարգարը կանչում է ֆարրաշների ղեկավարին ու ինչ որ հրամաններ է տալիս:

— Ամեն ինչ կլինի մեր տիրոջ հրամանի ու ցանկության համաձայն, — ասում է ֆարրաշների ղեկավարն ու ղինված խումբը շարժվում է առաջ:

Տիրոջ՝ Սարգարի հրամանն էր՝ կաթիֆեին ողջ ու անողջ, իր թառով հանդերձ, բերել իր ապարանքը, իբրև իրեն կին: Եվ մեկ ժամից հետո, արդեն, ամեն ինչ կատարված էր Սարգարի հրամանի ու ցանկության համաձայն:

Կաթիֆեն ինքն իր թառով, գլխահակ, արցունքոտ աչքերով կանգնած էր Սարգարի առջև:

Գ.

Սարգարը նայում էր կաթիֆեին և ըոպե առ ըոպե աղջիկը նոր ու նոր հրապույր էր ստանում նրա աչքում. այժմ կաթիֆեն շիկնել էր ու Շիրազի շքնաղահյուս վարդերի բույր ստացել. աչքերից իշած արցունքի կաթիլները վաղորդյան ցողի պես շիթ առ շիթ իջնում էին նրա աչտերն ի վայր և ավելի դրավիչ դարձնում նրան: Սարգարը մի քանի քայլ արեց դեպի մատաղահաս աղջիկն ու կանգ առավ. նա վախենում էր, չլինի թե հանկարծ չքանա այդ տեսիլքը, քանի որ տեսիլքը կարող էր, միայն այդքան հրապուրիչ, այդքան սքանչելի լինել: Թվում էր, թե աղջիկն աննյութ, անմարմին մի էակ է, որ ջեննաթից իջել է միայն ու միայն մի ըոպե վառելու Սարգարի սրտում մարգարեի խոստացած հանդերձյալ կյանքի կարոտը և չքանալու, բայց և այնպես, հետզհետե, ցանկությունը, աղջկան մոտիկից զգալու ցանկությունն ահագնանում էր բոցավառվող հրդեհի նման և Սարգարը մի վճռական քայլով գրկեց աղջկա ձկուն իրանը...

— Երգի՛ր, կաթիֆե, երգի՛ր ինձ համար, երգի՛ր ու նվագի՛ր քո այն անմահական եղանակը:

Կաթիֆեն, կատաղորեն, շարտում է թառն իր ձեռքից և աշխատում է ազատվել Սարգարի գգվանքից:

— Մի՛ համառիր, կաթիֆե, այս ամբողջ ապարանքը

քոնը կլինի, որսի հետ դու այլևս գործ չունես. այնտեղ ո՛ր
ոք չկա:

— Այնտեղ կա Մանսուրը, կա Իբրահիմը, կա Զան-
գուն... Ես սիրում եմ ջուրն ու արևը, ես հենց հիմա պիտի
գնամ, ես պետք է առավոտը շուտ դարթնեմ, որ ջուր բերեմ
Զանգուից:

— Քեզ համար ջուր կբերեն իմ ծառաները. իսկ Ման-
սուրի և Իբրահիմի մասին մոռացի՛ր. նրանք կեղտոտ ու
ոջլտա մշակիներ են, որոնք պետք է գիշեր ու ցերկ աշխա-
տեն, իսկ դու պիտի ապրես ու դժարճանաս. իսկ Զանգուն,
շա՛տ ես սիրում Զանգուն...

— Շա՛տ, շա՛տ, և՛ Զանգուն, և՛ Մանսուրին, և՛ Իբրա-
հիմին:

— Ես քեզ ասի, որ մոռացիր Մանսուրի ու Իբրահիմի
մասին, իսկ Զանգո՞ւն... Առավոտը կհրամայեմ, որ Զան-
գուն բերեն իմ ապարանքը...

— Զագո՞ւն քո ապարա՞նքը...

— Ի՞նչ կա դարմանալու. ես եմ տերն ու իշխանը և իմ
խոսքն օրենք է. Զանգուն շատ ջուր ունի. առու հանել
կտամ... այնտեղ, ապարանքի ընդարձակ բակում, մարդ-
կանց աչքերից հեռու մի մեծ ավազան կսարքեմ, շորս բո-
լորը ծաղիկներ կտնկեմ, ծաղիկներ, դրախտային ծաղիկ-
ներ և դու, ինչպես փերի, կլողանաս ավազանի մեջ, կհո-
տոտես ծաղիկների բույրը, ապա կնվազես ու կերգես, իսկ
ես կգիտեմ, թե դու ինչպես քո աստվածային մարմնով կխա-
ղաս ալեքների հետ, կգիտեմ քո ուռնգերը, որոնք վարդե-
րից ու շուշաններից անուշ հոտը ներս կծծեն, իսկ ես
կծծեմ քո ուռնգերի ու շրթունքների բույրը, դու կնվազես ու
կերգես, իսկ ես կլսեմ ու կաքանչանամ քո ձայնով, քո մատ-
ների կախարդիչ խաղով...

— Բայց այնուամենայնիվ ես սիրում եմ Մանսուրին ու
Իբրահիմին:

— Դու այլևս չես տեսնի Մանսուրին ու Իբրահիմին:
Նրանք կաշխատեն քո երջանկության համար. նրանք լու-

սածագից կաշխատեն Զանգուի ակունքում և իմ մյուս բազմաթիվ ծառաների ու ֆահլանների հետ ջուրը կհասցնեն ավազանին, որ դու ջրի պես պայծառ ու ուրախ լինես, որ դու հասկանաս, թե ինչ հրաշքներ կարող է անել ամենապարզ Սարգարը... որ դու հնազանդ լինես քո տիրոջ հրամանին...

Լաթիֆեն գլուխը հետ պցեց, փարթամ մազերը թափվեցին նրա ուսերի վրա և նա զգաց, որ անզոր է դիմադրել բռնակալի կամքին, բայց իր սեւթուշք աչքերում, դեռ փայլվում էր դրսի, ազատ կյանքի կայծը... նա լսել էր իրենից առաջ եղած Լաթիֆեի պատմությունը և իրեն օրորում էր այն շքնաղ երազով, որ մեկ օր ինքն էլ ազատ կլինի, ինքն էլ իր Մանսուրի գրկում կհանդատացնի իր տրտիտ սիրարը:

Սարգարը կարծես հասկացավ աղչկա քրտմնջոցի իմաստը: Ո՛չ, — վճռեց նա, — ո՛չ մի ճանապարհ չի լինի դեպի դուրս... Մանսուրին ու Իբրահիմին այն ձևով պիտի աշխատեցնել ջրանցքի վրա, որ մինչև ջուրը տեղ հասնի նրանք այլևս դադարեն ապրելուց... խսկ ավազանը, ավազանը, ո՛հ, այդ նրա երազն էր. այդ միտքը ծագել էր նրա գլխում հենց այն պահին, երբ փրփրադեղ ալիքը ջարդվեց ժայռի վրա և երևաց Լաթիֆեն... Ինքը ենթադրում էր, թե ահա՛ ուր որ է աղջիկն իբրև տեսիլ ջուրը կընկնի ու կանհայտանա, բայց այդ տեղի շունեցավ, այժմ Լաթիֆեն կոռույանա իր աչքի առջև, իր համար, միայն իր համար... կա՞ ավելի հրապուրիչ պատկեր, քան շքնաղազեղ Լաթիֆեին, ջեննաթի այդ փերտոն, տեսնել ալիքների հետ խաղալիս... Չէ՞ որ այդպես է գրված հեքիաթներում և ո՞վ է խանդարում Սարգարին այդ շքնաղ հեքիաթն իրականություն դարձնել. և թող աշխարհն իմանա, թե ինչ կարող է անել Սարգարը, երբ նա ուզում է գոհացում տալ իր ցանկություններին:

Ե.

Եվ Սարգարի հրամանով, ֆարրաշները, աչգիներից, տներից, գյուղերից ու դաշտերից հավաքեցին հարյուր ու

հարյուր մարդիկ. հավաքեցին խանության բոլոր ազգի հպատակներին. հավաքեցին պարսիկներ, հայեր, թուրքեր, քրդեր, ասորիներ: Կանգ առավ կյանքն ամեն տեղ, ամեն ընտանիքում բարձրացավ ողբ ու կոծ: Ամենքը ողբացին իրենց դառնատանջ կյանքին հասած այս նոր դժբախտությունը: Հավաքեցին մտրակի հարվածներով, հավաքեցին այնպես, ինչպես հնադարյան տերը հավաքում է իր ստրուկներին: Ո՛չ մի աղերսանք չլսեց ու շանսաց Սարգսրը և ամենից առաջ բերին Լաթիֆեի եղբորը՝ Իբրահիմին, նորափեսայության պատրաստվող Մանսուրին ու նրանց երկար տարիների հարևան Կարապետին:

Առաջին գիշերը Մանսուրն ու Իբրահիմը փորձ էին արել դիմադրել ֆարրաշներին, թույլ չտալ, որ նրանք Լաթիֆեին տանեն, բայց քսան զինված ֆարրաշների դիմաց ոչինչ չէին կարող անել նրանք և, մահվան սպառնալիքի տակ հարկադրված էին տեղի տալ բռնակալի քմահաճույքին: Հետևյալ օրը նրանք խորհրդակցել էին իրենց սրտակից Կարապետի հետ և եկել այն եզրակացություն, որ պետք էր համբերել, ու համբերությունը նախապատրաստել Լաթիֆեի փախուստը...

Բայց մի՞թե սիրույ սիրաբար գիտե համբերել: Մանսուրի, այդ ջլապինդ ու քաջառողջ տղամարդի սրտում ժամ առ ժամ ցատումը լեռնանում էր Մասիսի նման, ու զայրույթն ընդդեմ խանի, բորբոքվում էր Իրանի ավազուտներից եկող մրբիկի նման... Այդ բանը շատ լավ գիտեր Սարգսրը, այդ բանը գիտեին ֆարրաշները, այդ պատճառով Մանսուրին, իր երկու ընկերներով, աշխատանքի էին դրել ջրանցքի ամենադժվարին մասում, նրանց վրա հսկիչներ էին կարգել ամենադաժան ֆարրաշներին, որոնց խոսքը հայհույանքն էր ու փաղաքշանքն արջառի ջղերից հյուսած մտրակի հարվածը:

Եվ գիշեր ու ցերեկ առանց հանգստի, աշխատում էին հարյուր ու հարյուր ֆահլաները, փորում, բացում էին մայր հողի կուրծքը և ամեն մի բացվածք թրջում էին դառն քր-

տինքով ու արշունով: Բարկ արևի տակ, մի փարշ ջրով ու շորացած հացի կտորներով աշխատում էին ֆահլաները, առանց իմանալու, թե ի՞նչը և ինչո՞ւ համար են փորում: Գուցե դա մի ընդարձակ, երկարավուն դերեզման էր, ուր հետո բոլորը պիտի թաղվեին. ոչ ոք ոչինչ չգիտեր. նրանց հրամայված էր այսինչ խորություն ու այսինչ լայնություն. փորել և նրանք փորում էին: Հողի շերտերին հաջորդում էին քարե ամուր զանգվածներ, և ֆահլաները լարելով իրենց մկանները՝ փշրում էին քարերը, քրտնում, քրթմնջում և դարձյալ ու դարձյալ փորում:

Հենց առաջին շաբաթը մի տասնյակ ֆահլաներ իրենց գերեզմանը գտան ջրանցքի ափերին. Սարգարը հրամայեց մեռածներին հենց ջրանցքի ափերին էլ թաղել. նա ինչ որ հեքիաթում լսել էր, որ կառուցվացքն ամուր է լինում, երբ մարդկային դիակներով են ամրացնում այդ կառուցվածքն հիմքը և նա կուղեր, որ հնամենի հեքիաթն իրականություն դառնար:

Սրարատյան այրող արևի ներքո վխտում էին այդ մարդկային արարածները, ինչպես շնչին միջատները, սակայն այն տարբերությունը, որ միջատները, բնազդով աշխատում էին իրենց համար՝ վայելելով իրենց աշխատանքի պտուղը, իսկ մարդկային այդ հոծ զանգվածը դատապարտված էր քրտնելու ու հոգնելու, տանջվելու ու տոկալու քմահաճ բռնակալի համար: Բռնակալ, որ նրանց մեջ խեղդել էր ամեն զգացմունք, ինչ որ մարդկային էր, բռնադատել ամեն արտահայտություն, ինչ որ նրանց կարող էր բանական արարածի տեսք տալ:

Եվ ահա՛, աշխատանքի երրորդ ամսում, քաշակորովի Մանսուրը, նրա հետ նաև Իբրահիմն ու Կարապետը փոխվեցին, դարձան կմախքի մի զանգված, որոնք ուրվական/ի պես ինչ-որ շարժումներ էին անում, բայց այլևս ուժ չէր մնացել նրանց մկաններում և ոչ էլ նախկին կայտառ արյունը՝ նրանց երակներում: Երբ Մանսուրը նայեց իր շրջապատը, տեսավ, որ երեք ամիս առաջ եղած ֆահլաներից ոչ

ոք շէր մնացել. տաժանակիր, քաղցած աշխատանքը բալորին
ոչնչացրել էր. նրանց հաջորդել էին նորերը, որոնց սպասում
էր միեկնույն ճակատագիրը:

Այդ ժամանակն էր ահա, որ Սարգսրը վճռեց կաթիֆե-
ին իսպառ կտրել դրսի աշխարհից, որպեսզի այլևս ոչ մի
սիրտ չբաբախի նրա համար, ուտի և հարցրեց ֆարրաշին.

— Թաղեցի՞ք Մանսուրին:

— Ո՛չ, տեր իմ. նա դեռ դիմանում է:

— Ա՛հ, հասկանում եմ, թե ինչու գործը դանդաղ է ըն-
թանում. դուք թույլ եք տալիս, որ մարդիկ ազայություն ա-
նեն, հա՛, հայդե՛, դնա և ամրացրու ջրանցքի ասիերը նրա
դիակով ու այն ժամանակ գործն արագ կընթանա:

Ու ֆարրաշը Մանսուրի մոտ եկավ այն ժամանակ, երբ
նա, կարոտակեզ սրտով, քլունգը վայր էր դրել ու աչքերը
հառել դեպի Սարգսրի ապարանքի կողմը, ուր թպրտում էր
նրա սիրելու վանդակված սիրտը և նա, կարծես, զգում էր
այդ թպրտոցը և դրանից էր, որ իր սիրտն էլ թպրտում էր:
Հեռո՛ւ, Արարատի կատարից՝ գալիս, կարծես վերևից ա-
ռաքված, գալիս էր թուխ ամպ և այդ ամպը թամբած ձիու
տեսք ուներ և թվում էր Մանսուրին, թե ահա՛, ահա՛ այդ
ամպն ավելի ներքև կիջնի, ինքը կթունի այդ ամպի վրա,
կհասնի սարգարի ապարանքին, կիջնի, կվերցնի կաթիֆեին՝
երկուսով միասին նորից կթունեն ամպին ու կսավառնեն հե-
ռո՛ւ, դեպի ազատություն, ուր խան ու սարգար չկա, ուր
կարելի է աշխատել, ապրել ու սիրել... Հրա՛շք, բայց մի՛թե
հրաշքը խեղճերի համար է... Եվ ահա այդ պահին տեղի
ունեցավ ուրիշ հրաշք, ֆարրաշը թափով եկավ, մերկացրած
սուրի հակառակ, բութ կողմով հարվածեց Մանսուրի մեջ-
քին ու գոռաց.

— Խանությո՛ւն ես անում, հա՛ կեղտոտ ֆահլա:

Մանսուրը վեր թռավ տեղից, չնայած մեջքի սուր ցա-
վին, թվաց, թե ուժ առավ, վերցրեց մի քար ու թափով
զարկեց ֆարրաշի գլխին. ֆարրաշն ընկավ ձիուց ու թամ-
բած ձին խրխնջալով կանգնեց Մանսուրի առաջ: Ահա՛ քեզ

հրաշք: Չէ՛, իզուր չէր Մանսուրի երազը. Մանսուրը փորձ փորձեց թռչել ձիու մեջքին, սուրալ դեպի ապարանքը, փախցնել կաթիֆեին ու դնալ դեպի ազատություն... Բայց հրաշքը մնաց կիսատ. ֆարրաշների մի այլ խումբ վրա հասավ, մի բուպեից Մանսուրին, իբրև դիակ, փոսեց դետնին և նրա, կարոտով բաց մնացած, աչքերի առջևից Արարատից եկող թուխ ամպը հանդարտ անցավ, բայց այս անգամ թամբած ձիու՝ կերպարանք չունեք, այլ մի անպարփակ վրէժը, ուր կարող էին տեղավորվել բոլոր ֆահլանների դիակները...

Իբրահիմն ու Կարապետը լալով փոս փորեցին ու Մանսուրին իջեցրին գերեզման և Կարապետն անլսելի, ինքն իր համար մրմնջաց.

— Իմ անբախտ Մանսուր, էս անիրավ աշխարհում քեզ էլ, ինձ էլ մեկ ցավ էր տանջում, յարաբ, ինչի՞ է՞ քեզ պես մարդն ստեղծած, որ մեկ մրջիմի շափ էլ ազատություն չունի, իր տունն ու բունն ունենալու իրավունքը չունի: Ա՛խ, Մանսուր, էդ անիրավ խանն էր, որ քեզ սպանեց, ինձ էլ դարբեդար արեց, սերը մեր սրտում մեռցրեց, երկինք, արև մթնացրեց: Այ, իմ բեմուրազ ախպեր, մինչև ե՞րբ էս դողբի դարդը մեզ էրի, փոթոթի, սաղ-սաղ խորովի, մինչև ե՞րբ:

Ու Կարապետը չէր գտնում իր հարցի պատասխանը:

Ու Իբրահիմն էլ նույն խոսքերն ասաց մյուս օրը, երբ Կարապետի դիակով ամրացրեց ջրանցքի ափերը: Նույն հարցը տվեց և պատասխանը չգտավ:

Ու երրորդ օրն Իբրահիմի դիակով ջրանցքի ափերն ամրացնող քուրդ Հասոն էլ միևնույն խոսքերն ասաց, միևնույն հարցը տվեց և պատասխանը չգտավ:

Եվ այսպես մեռան Մանսուրն ու իր ընկերները: Եվ այսպես իրականացվեց Սարգարի վաղուցվա լսած հեքիաթը և ջուրը գլգլալեն թափվեց ու լցրեց կաթիֆեի համար պատրաստած սվազանը:

Յերեկը ճառագայթածիդ արևն էր ցոլցնում ավազանի շրերում ու գիշերը լուսնի շողերն էին սրմայի նման ժապավինում ավազանն ու շրջապատը:

Սոխակի դաշլաշլի ներքո Շիրազի բուրջան վարդեր բուսան փոքրիկ պուրակում, ու շուշանը բացեց իր թերթերը և մանկան թարթվող աշիկների պես մեկ-մեկ բացվեցին ակնցիայի կոկոնները: Պտղաառու ծառերը փռեցին իրենց տերեւները և այդ տերեւների վրա ճուղոյզունով թառեցին ճնճղուկն ու ծիծառը և վարժեցրած ազավնիները: Բայց այդ ամենի շուրջը կանգնեցրին բարձրաբերձ պարիսպներ, որ օձն իր պտրտով ու օտարի հավըն իր թևով չհամարձակվի ներս թափանցել այդ վայրը, որ ոչ մի հողեղեն չտեսնի այդ չք նազ ավազանն ու շքեղ պուրակը, որ Սարգարը պատրաստել ամեց միայն ու միայն Լաթիֆեի համար, որպեսզի նա դվարճանա և դվարճացնի իրեն՝ Սարգարին:

Ու լուսնի պես հեղ և արևի նման այրող Լաթիֆեն շրջեց, տեսավ այդ ամենն ու մի պահ սքանչացավ այդ ամենի վրա: Ծվ սոխակը դաշլաշլելով նայում էր Լաթիֆեին, կարծես ցանկանալով հարցմունք անել, թե ո՞րն է ավելի գեղեցիկ, արդյոք այդ պուրակն ու ավազա՞նն են գեղեցկութուն տալիս աղջկան, թե աղջիկն այդ ամենին. նույն հարցն էր տալիս յուրովի նաև Սարգարը և ոչ ոք դրա պատասխանը չէր դաճում: Բայց Լաթիֆեի սրտում ուրախ անկյուն չկար և բիշ հետո ամեն ինչ մոռալվեց նրա համար: Արդեն մեկ տարի էր, որ նա Սարգարից, ներքինի Սահիբից ու մեկ էլ իրեն ազախին նշանակված Նիզարից բացի, ուրիշ ոչ ոք չէր տեսնում: Այդպես էր Սարգարի կամքը: Լաթիֆեն սկզբում շատ դիմադրեց Սարգարին, շատ համառու, բայց այն բուն կարուսը, որ նա ուներ դեպի դուրսը, դեպի ազատ կյանքը, դեպի իր Մանսուրը՝ հարկադրեց նրան առժամապես համակերպվել ամեն ինչի. իցե թե իր համառությունը առիթ լի:

ներ որ Սարգսարը Մանսուրին ոչնչացնել և իրեն էլ գլխատեր, իսկ ինքն ուզում էր ապրել և առավել ևս ուզում էր, որ ապրեր Մանսուրը. ու նա խոսք առավ Սարգսարից, որ նա խնայի իր հարազատների կյանքը, որ ձեռք շտա Մանսուրին և ինքը Սարգսարինը կլինի:

Ու Սարգսարը խոսք տվեց: Եվ այդ խոսքը Սարգսարը տրվեց այն օրը, երբ իր Ֆարրաշին կարգադրեց, որ ջրանցքի ավերն ամրացնի Մանսուրի դիակով:

Ի՞նչ իմանար կաթիֆեն, թե Սարգսարը, երկրի տերն էլ կարող է փողոցային սինլքորի պես մեկ բան ասել և մեկ ուրիշ բան անել. թող ապրեր Մանսուրը և կաթիֆեն հաստատ գիտեր, քանի ապրում է նա, ուրեմն ինքն էլ իրավունք ունի ապրելու և, ոչ միայն ապրելու, այլև հուսալու, թե ահա մեկ օր Մանսուրը կգա և կազատի իրեն, ինչպես իրենից առաջ եղած կաթիֆեին փախցրել է նրա սիրածը:

Եվ ամառային օրվա այն պահին երբ արևը կրակ էր մաղում շորս դին, երբ ամեն արարած փախչում էր դեպի ստվերը, փոքրիկ պուրակում ավազանն ու բուրումնավետ ծաղիկները սփռում էին մեղմ, դուրեկան զովություն և Սարգսարը կաթիֆեի հետ գալիս էր այնտեղ վայելելու հաճույքների հաճույքը, որ նա կարգացել էր հեքիաթներում և այսօր իրականություն էր դարձրել:

Ահա՛, նրանք ներս մտան: Սարգսարը հագել է ճերմակ, նրբահյուս մի զգեստ. նա նստեց ավազանի ավին սարքած փոքրիկ տաղավարում, ուր փափուկ բարձերը ծածկված խորասանի շալով ու Սպահանի քիշմիրով, շոշում էին նրա ձեռքերը հաճելի քնքշությամբ: Գալիս է կաթիֆեն, մետաքսի նուրբ շրջազգեստի ծալքերի միջից գծազրվում է նրա լուսնուղեն մարմինը. նա գլխահակ է, բայց աշխատում է աչքերում վառել կրակը. կրակը, որին այնքան տենդորեն սպասում է Սարգսարը... Ահա՛, Սարգսարը նշան տվեց. կաթիֆեն հասկանում է, թե ինչ է ուզում տերը: Նա վրայից նետում է մետաքսի շրջազգեստը և այնպես, ինչպես առաջին կինը եղեմական դրախտում, այնպես գայթակղիչ ու կախարհական:

մի պահ կանգնում է Սարգարի դիմաց, ապա նրա մարմինը պարուրում է արևի լուսածին շողքը և նա նետվում է ավազանի փրփուրների մեջ: Նա լողում է ինչպես կարասյ և ճերմակ, լուսեղեն պարանոցը հանելով ջրից՝ օրորվում է ամբողջ մարմնով ալիքների հետ. ջուրը խոյանքով հետ ու առաջ է գնում նրա շարժումից: Մեկ ալիքը ծածկում է նրա իրանը. մյուսը՝ զարնվում է կողերին, մյուսը՝ կրծքին, ապա՝ հետ գնում նորից ու նորից իր խաղն սկսելու աղջկա հետ: Սարգարը նայում է, նայում անկշտում աչքերով և նորից ու նորից բռնկվում է նրա ներսում ցանկություն հախուռն կրակը... Այսպես է ահա այս հեքիաթը. փերին իջել է ջրերի մեջ, խայտում, ոստոստում է և թվում է, թե ալիքներն էլ տարված են բնություն այդ սքանչելի ստեղծագործություն: Եվ Սարգարին թվում է, թե Մարգարեի խոստացած երանություն այն վայրկյանն է, որ ապրում է ինքը, քանզի ո՞ր գրախտում և ո՞ր Մարգարեն կարող էր ստեղծել այդպիսի կատարելություն, ինչպիսին Լաթիֆեն էր. նրա սքանչելագույն մարմնի վրա չկար և ո՞չ մի անկանոն գիծ, չկար և ո՞չ մի բիծ, որ ամենամոռք իսկ չափով նսեմացներ նրա տեսքը: Այդ ողորկ ու ճկուն իրանը, այդ ամուր, կլորիկ ստինքները, որոնց պտուկները թուխ խաղողի պես մեկ-մեկ բողբոջել էին՝ ամեն նայելիս նոր փայլ, նոր հրապույր էին ստանում և Սարգարը, ներքին տաքնապով, այլևս խանդում էր և՛ արևին, որ այնպես շեշտակի իջնում էր Լաթիֆեի վրա, և մանավանդ ալիքներին, որոնք այնպես պիրկ գրկում էին իրար և մեկը մրցում էր մյուսի հետ ավելի առաջ նետվելու, ավելի ջերմորեն սեղմելու Լաթիֆեի իրանը. և ի՞նչ դաժան կոփվ էր տեղի ունենում ալիքների մեջ. ու ալիքների այդ կովի դիմաց Սարգարը հանգիստ չէր կարող մնալ իր տեղում: Նա իջավ տաղավարի թախտից, ձեռքը երկարեց դեպի ավազանը, բռնեց Լաթիֆեի հոլանի թևից. ո՞չ, ո՞չ, իրական է. նա է, մարմնավոր աղջիկ և ո՞չ ոք, ո՞չ ոք չի կարող խել նրան իրենից: Նա աղջկան դուրս է քաշում ավազանից, ջրի կլաթիլները բողբոջել են նրա ողջ մարմնին. ամբողջ դեմքը,

պարանոցը, կուրծքը, իրանը ծածկված էր հատ-հատ կաթիլներով և այդ կաթիլների մեջ շողում էին արևի ճառագայթները. թվում է թե աղջիկը զարդարված է արևահայտ մարդարիտներով ու Սարգարը երկարորեն սքանչացած է այդ տեսարանով. այժմ նրան սպասում է այլ հաճույք, նա շղարշը նետում է աղջկա վրա, թուցնում է դեպի իր ապարանքի ընդարձակ դահլիճը, ուր նույնպես ոչ մի օտար ոտք չի կոխում. կաթիֆեն մի պահ հանգստանում է և քիչ հետո դարձյալ ոտքի վրա է: Նա կանգնում է սենյակի մեջտեղը. հեռվից լսվում է մի մեղմ պարի եղանակ. այս անգամ արդեն կաթիֆեի աչքերին իջնում է խոր թախիծ, նա հետ է գցում դուլիսը, կարոտով նայում է լուսամուտից դուրս, ուր միայն անսահման ու անծայրածիր տարածություն է փռված և ոչ ոք, ոչ ոք չի երևում ու չի կարող երևալ: Նա հեռզհետե բարձրացնում է թևերն ու շարժվում ընդարձակ դահլիճում...

Նա պարում է:

Այդպես է այժմ Սարգարի կամքը:

Նորից ճկվում է կաթիֆեի իրանը, նորից պարանոցը նազանքով խոչանում է վեր, հոլանի թևերը թափահարում են ավելի արագ և, շող մատներով, նա, շղարշի ծայրերը բռնած, ֆուռացնում է իր շուրջը և այնպես թեթև է սահում նրբահյուս գորգերի վրայով, որ թվում է, թե ահա՛ նա թռչունների նման թև կռնի, կալանա հեռո՛ւն, հեռո՛ւն...

Ու ապրում է կաթիֆեն:

Նա պարում է ջեննաթի պարը, — մտածում է Սարգարը: ... Նա պարում եմ տանջանքի պարը, մահվան պարը, — մտածում է կաթիֆեն:

Ու այս մտքից հեռզհետե նրա թևերը կամազուրկ են դառնում, հեռզհետե իրանը թուլանում է, պարանոցը խոչնարհվում է, սևաթույր, պայծառ աչքերից ցողում են երկու կաթիլ արցունք:

Նա այլևս կանգնում է իր տեղում և միայն շղարշն է, որ այս անգամ ահամա ֆուռում է նրա շորս կողմը և այդ շղարշի արանքից նրա մարմինը երևում է ինչպես վարդա-

ըրբով օծված մի նրբին զանգված, որից բուրում է բուրմունքների բուրմունքը, որը չի կարող բուրել և ոչ մի դրախտային ծաղիկ, ինչպիսի աստվածային ձեռք էլ տնկած լինի այն... Ու Սարգարն այլևս անհամբեր ցատկում է տեղից, հետ է նետում շղարշը, գրկում նրա ճկուն իրանը, կրծքին է առնում նրա գլուխը, քաշում է դեպի իր ոսկեզօծ մահճակալն ու փակում աչքերը և նրան երևում է դրախտը նոր հրաշալիքներով, նոր ու անհագուրդ վայելքներով...

Է.

Սարգարը ելավ դահլիճից հագեցած ամենանվիրական շեննաթի պարզեով ու երբ անցավ սրահը, նրան մոտեցավ ներքինի Սահիբը և խոնարհ գլուխ տալով զեկուցեց.

— Տե՛ր, քիչ առաջ մեռավ Սիմիզարը: Երեք անգամ արևի լույս խնդրեց և երեք անգամն էլ մերժեցի՝ անսալով ձեռք իմաստուն խորհրդին:

— Ինձ հետ խոսել միայն ողջ մնացածների մասին, — որոտաց Սարգարը, շցանկանալով սովբերել իր վայելած երանությունը:

— Մյուս յոթը խանումները նույնպես խնդրում են իրենց լույս աշխարհ թողնել... Ի՞նչ կհրամայեն ձեր աստվածային շրթունքները:

— Սարգարին խնդրել հարկավոր չէ. Սարգարը գիտե, թե ինչն ինչ ժամանակ է հարկավոր:

— Չեր բերանով ինքն իմաստությունն է խոսում, տե՛ր, — ասաց Սահիբն ու խոնարհած գլխով հետ-հետ գնաց:

Ո՛չ, հատակ շունի Սարգարի ցատումը... վեց, և դարձյալ վեց ամիս թող մնան նրանք առանց արևի, որ հասկանան, թե ինչ է նշանակում ըմբոստանալ Սարգարի դեմ, փախչել ապարանքից: Փախած Լաթիֆի փոխարեն թող տանջվեն մնացածները և այն ժամանակ նրանք շատ հնազանդ կլինեն: Առաջիմ Սարգարին բավարարում է նոր Լաթիֆին...

Անցան օրեր ու Լաթիֆեն հետզհետե մուսլվում էր ու թախիծը պատում էր նրան, ինչպես դալիուժյունը պատում է աշնան տերևները: Օրեր, շաբաթներ ու ամիսներ շարունակ նա կրկնում էր նույն արարողությունը Սարգարի համար, ընկնում, ներքին զզվանքով ընկնում նրա բազուկներում և ամեն անգամ իրեն մխիթարում նրանով, որ այդ բոլորն ինքն անում է միայն ու միայն Մանսուրի համար, որ մի օր պիտի գա Մանսուրը, փախցնի իրեն և ինքը կազատվի այդ տանջալի լողանքից ու պարից, և մանավանդ, Սարգարի մահասարսուռ զզվանքից: Ջրի ալիքների մեջ նա տեսնում էր նրան՝ Մանսուրին: Երբ պարելիս թափահարում էր շղարշը, թվում էր, թե ահա՛, ահա՛ Մանսուրի հետ թըռչում է սարերով ու ձորերով դեպի ազատություն և ամեն անգամ Սարգարի գրկում մխրձվելով, թվում էր, թե դավերջին տուրքն է, որ պիտի տա ու այլևս ազատվի նրանից:

Բայց եկավ մի օր, որ այլևս այդ ապրումները նրան չէին բավարարում, որ զարհուրելի դարձավ Սարգարի ըստվերն անգամ ու զարշելի ներքինին ու աղախինը, որոնց միայն իրավունք ունեւր նա տեսնել: Արև, իսկաական արև է ուզում նա տեսնել, դաշտ, կանաչ ու ծաղիկ, իսկական դաշտ, կանաչ ու ծաղիկ է ուզում տեսնել նա, Ջանգուն, իսկական Ջանգուն է ուզում տեսնել նա, և այդ ամենի հետ իրեն՝ Մանսուրին...

Եվ հորդեցին արցունքները վարար ու անդադրում, ինչպես Ջանգուն է հորդում գարնանը և Լաթիֆեի ներսում բոցավառվեց ազատության կարոտը. նա, դահլիճի միակ լուսամուտից նայում էր դուրսը. մի պահ գլուխը դուրս հանեց և ներքեվում խորը, շատ խորը, ամեհի ժայռերի խորքից հազիվ լսելի դարձավ ինչ-որ խշշոց. այո՛, Ջանգուն, էր, Ջանգուն, որը Լաթիֆեին թվում էր, թե նույնպես լալիս է, աջնքան աղեկտուր, աջնքան խորքից էր գալիս նրա ձայնը, թվում էր, թե գետը շնչահեղձ էր լինում. ո՛չ ոք սիրտ չէր անում ապարանքի շրջապատում ման գալ և այդ պատճառով Լաթիֆեն ոչ ոքի չէր տեսնում:

Լաթիֆեն հայացքը սեւեռեց, նայեց հեռուն և նրան էլ, ինչպես վերջին անգամ Մանսուրին, թվաց, թե Արարատի կատարից փրթած գալիս է մի թուխ ամպ: Ամպը գալիս է հապճեպով, հալածված հողմից. ահա՛, ահա՛ նա մոտեցավ, նա նման է հեքիաթներում գրված կախարդական գորգին: Ահա՛ այդ գորգը կգա, կփռվի իր լուսամուտի դիմաց. ինքը կթռչի, կնստի կախարդական գորգին. գորգը նրան կփախսցընի դեպի այդինները, ինքը հենց գորգի վրայից իմաց կտա Մանսուրին, նա էլ կթռնի-կնստի իր կողքին և իրենք կսավառնեն հեռու-հեռու կողմեր, ուր ազատ ու ընդարձակ ծովեր ու ցամաքներ կան, ուր Սարգար չկա, ուր կարելի է սիրել սիրած մարդուն ու սիրվել սիրված մարդուց... Ահա՛, ամպեղեն գորգը մոտեցավ... Լաթիֆեն պատրաստվում է թռչել տեղից, բայց այդ պահին մի ձեռք դիպչում է նրա ուսին և կախարդական գորգը շքանում է. նա ետ է դառնում: Սարգարն է կանգնած նրա դիմաց:

— Գնանք, — ասում է Սարգարը, — Լաթիֆե, գնա՛նք... Ես եղա ավազանում ու պուրակում և ավազանն էլ, պուրակն էլ տխուր էին առանց քեզ: Գնա՛նք, ալիքները քեզ են սպասում, գնա՛նք, վարդենին նորից ծաղկել է և առանց քեզ նա հոտ չունի:

— Ո՛չ, — բացականչում է Լաթիֆեն, — ես կուզեմ լողանալ իսկական Զանգուի մեջ:

— Ո՛չ, դու կլողանաս միայն ինձ համար և ոչ մի հողեղեն չպիտի տեսնի քեզ:

— Ես կուզեմ լողալ ինձ համար:

— Լաթիֆե՛:

— Սարգար, ամենակարող Սարգար, ասա՛, ո՞ւր է իմ Մանսուրը...

— Ա՛խ, քո Մանսուրը, — ասաց ու կանգնեց Սարգարը:

Այն օրից, երբ Լաթիֆեն ենթարկվել էր իրեն, երբ ինքը խոսք էր տվել, թե Մանսուրի կյանքին ձեռք չի տա, Լաթիֆեն չէր տվել Մանսուրի անունը: Թվում էր, թե աղջիկը մոռացել էր նրան... Ա՛հ, ուրեմն, ի՞նչ խաբուսի՞կ էր նրա սերը,

ուրեմն աղջիկն իր սրտի անկյունում դեռ տեղ էր պահում Մանսուրի համար, ո՛չ, ո՛չ, Սարգարը կհայտնի ամեն ինչ և թող Լաթիֆեն իսպառ կտրի իր կապը, թեկուզ սրտի գաղտնի կապը դրսի հետ, և նալ ասաց.

— Մանսուրը չի հիշում քեզ այլևս:

— Չի կարող պատահել, դու ստո՛ւմ ես:

— Նա չի հիշում քեզ, նրա դիակով ես ամբացրի ջըրանցքի ափերը, որ ջրանցքն ամուր լինի, որ ջուրն անխափան գա ու լցվի ավազանը, ուր դու լողանում ես քո տիրոջ համար:

— Մանսուրի՞ն, դո՛ւ... ա՛խ, գազան, ստոր խաբեբա... դե շուտ ասեիր, էլ ինչո՞ւ համար եմ ես ապրում... չէ՞ որ այս ամենը նրա համար էր. ի՞նչը կարող էր ուժ տալ ինձ դիմադրելու այս տանջանքներին, քան այն հույսը, որ մի օր պիտի տեսնեի իմ Մանսուրին, լինեի նրա հետ, ապրեի նրա համար:

Եվ Լաթիֆեն ուսույունով թռավ դեպի լուսամուտը:

— Կա՛ց, ցնդած, հիմար աղջիկ:

— Ո՛չ, ես հիմա ավելի խելոք եմ, քան երբեք,— ու ցանկացավ դուրս ուտնել:

— Կա՛ց, մահն է քո առաջ, խելագար:

— Թո՞ղ, կյանքն է իմ առաջ... Մեռնե՞լ այո՛... Բայց ուզում եմ մեռնել ազատության մեջ, ուզում եմ, որ շունչս խառնվի ազատ, քո շնչով շաղծված օդին... Թող իմ դիակը քրքրեն ցին ու անգղը—բայց Սարգարի գարշելի շրթունքները թող չդիպչեն ինձ. թող որ փտեմ ու հող դառնամ ազատությա՛ն մեջ և այդ հողը թող խառնվի այն հողին, որի տակ թաղված է իմ Մանսուրը, չէ՞ որ այլևս Սարգարի ձեռքերը չեն դիպնի ինձ... Հեռո՞ւ. բնության մեջ իմ գերեզմանը շատ և շատ ընդարձակ կլինի, քան այս գարշելի գերեզմանը, քան այս կենդանի մեռելների դադաղը:

Ասաց Լաթիֆեն, իր հոգում կուտակած ատելության ու ցասումի ողջ նողկանքով հրեց Սարգարին ու միակ լուսամուտից իրեն դուրս նետեց: Ամեհի բարձրությունից մինչև

Զանգուի ձորը Լաթիֆեի մարմինը մի քանի անգամ պտույտ
գործեց օդի մեջ. նրա մետաքսե զգեստը ֆռռաց նրա շորս
բոլորը, ինչպես նրա երազած կախարդական գորգը, և ա-
պա, նա ընկավ ու ջարդվեց ժայռերի սուրասուր ծայրերի
վրա:

Ասում են, որ Մանսուրի ու Լաթիֆեի սիրո փառանիքն
իմացող մարդիկ, վերջում գտան Լաթիֆեի ջարդված մար-
մընի մնացորդները և Սարդարից ծածուկ, տարան թաղեցին
Մանսուրի դիակի մոտ՝ այն ջրանցքի ափին, որը Սարդարը
կառուցեց իրա՝ Լաթիֆեի բռնադատված սերը որսալու հա-
մար...

1935

Երևան

ԱՍՏՎԱԺԱՅԻՆ

Ս.

Քարձր ու վեհանիստ է Յուպիտերի աստվածային գահույքը:

Իր անհատնում ու անհասանելի շնորհը շռայլորեն սփռում է Յուպիտերը ամենուր և ամենքի վրա:

Հաղթանակ է պետք՝ իր հրեղեն աստվածները նրա մատի մեկ շարժումով խոչանում են թշնամու վրա և ամեն ինչ լինում է Յուպիտերի ցանկության համաձայն: Խնջո՞ւյք է պետք՝ նրա շուրջն են հավաքվում եթերային ոգիները. երգում են մելոդիկ, հաղթական, բաքոսական երգեր, մյուսները պարում են նազանի, քնքուշ կամ խոյաթոխք պարեր ու Յուպիտերը զվարճանում է ու նրա աստվածային շնորհը կաթում է մահկանացուների վրա:

Յուպիտերը ամեն տեղ՝ կուլի ու զվարճության հետ միաժամանակ սփռում է սեր և ամենակատարելագույն սերը վայելում է ինքը՝ աստվածների աստվածը: Ահա եկան դեղեցկագույնների դեղեցկագույնները: Այսօր նա ուզում է վայելել քնքուշ ու մեղմ սեր, ուստի սիրո դիցուհին նա հանում է ծովի փրփուրից և դիցուհին այդ փրփուրի մեղմությամբ շոյում է նրա հոգին: Վաղը նա կարոտում է կրակոտ ու տաք սիրո, — ապա սիրո դիցուհին նա հյուսում է հրաբուխների լեզուներից և դիցուհին իր կրակոտ սիրով բոցավառում է Յուպիտերի հոգին: Եվ այն պահին, երբ Յուպիտերն իր սերն է վայելում՝ բնությունը նոր ուժով զարթնում է, ծաղիկները բացում են իրենց թերթերը, իսկ մահկանացուների համար ապրելն ու սիրելը ավելի հաճելի է դառնում:

Եվ այս ամենից Յուպիտերը դարձել է տիրական ու քմահաճ:

Եվ ահա՛ այսօր, նստած իր եթերային գահույթին, Յուպիտերը մտածում էր երկնքի ու երկրի անցուդարձի մասին:

Քմահաճ տիրոջը այլևս չէր բավարարում այդպես հեշտությամբ ձեռք բերված հաղթանակը, խնջույքն ու սերը:

Նա շատ էր լսել ցածում, երկրի վրա տառապող մահկանացուների մասին, շատ շնորհներ էր արել իրեն հաճելի մարդկանց համար, բայց դեռ նրանցից ոչ մեկին չէր հանդիպել և շփտեր, թե ինչ է նշանակում անկատար ցանկություն:

Այժմ նա ուզում էր իջնել մարդկանց մեջ, տեսնել, թե ի՞նչպես են ապրում նրանք, ի՞նչ ցանկություններ ունեն և ի՞նչ են մտածում աստվածների մասին:

Եվ ահա՛ երբ արևը իր ցերեկվա շրջանն անելով դնաց դիշերվա հանգստին՝ Յուպիտերն իր հրեղեն կառքը նստավ ու իջավ երկրի վրա և անմիջապես կառքը հետ ուղարկելով իր եթերային ապարանքը, ինքը կերպարանափոխվեց և իբրև սովորական մի ճամբորդ մտավ քաղաք:

Մութ ու անհրապույր էր քաղաքը: Յուպիտերն անցավ փողոցներով, բայց ամեն տեղ նախորդ օրվա անձրևից դուրսացած ցեխն ու փոքրիկ լճակները խանգարում էին նրան կանոնավոր քայլել, տեղ-տեղ նա խրվում էր ցեխի մեջ, սայթաքում, քիչ էր մնում ընկնի, բայց մի կերպ իրեն պահում էր: Ամբողջ քաղաքում հաղիվ մի քանի տան լուսամուտներից էր լույս առկայծում: Յուպիտերն արդեն բավական հոգնել էր, տեղ չունեի իջևանելու, նրա միակ հույսն էր հյուրընկալվել որևէ տան մեջ, ուստի նա բախեց մի քարաշեն տան դուռ: Բախեց ու բավական սպասեց մինչև մեկը փնթփնթոցով, տհաճությամբ դուռը բացեց:

— Ինչ ես ցանկանում, — հարցրեց դուռը բացողը, որն ըստ երևույթին տան ծառան էր:

— Տանտիրոջն եմ ուզում տեսնել:

— Տանտե՛րը, նա հիմա մարդ չի ընդունում:

— Բայց ես ուզում եմ տեսնել նրան:

— Այ քեզ անհրեասութիւն:

Բայց Յուպիտերը հրաժարվում էր հեռանալ. ծառան պտիպված եղավ կանչել տանտիրոջը, որը մի երիտասարդ ազնվական էր: Տեսնելով ճամբորդին ազնվականն հարցրեց:

— Ո՞վ ես, ի՞նչ մարդ ես:

— Ճամբորդ եմ, հանո՞ւն Յուպիտերի՝ գիշերելու տեղ պուր:

— Հանուն Յուպիտերի՛, առանց Յուպիտերի էլ իմ ըստ-րուկներն ինձ համար լավ են աշխատում, տեղ չկա, գնա՛, աներե՛ս թափառաշրջիկ, գնա՛:

Սվ այս ասելով, ազնվականը դուռը ծածկեց նրա վրա: Յուպիտերը գլուխը թափ տվեց ու անցավ առաջ. մութը հետզհետե սաստկանում էր, ցուրտն էլ արդեն դառնում էր անտանելի. դժվարութիւններին անսովոր նրա մարմինն արտակարգ հազնութիւն էր զգում:

Նա հասավ մի հողաշեն տան, որի պատերի ծեփերն արդեն թափվել էին. փոքրիկ լուսամուտը կիսով չափ խցված էր խոտով ու փայտով և ոչինչ չէր նշմարվում մթության մեջ թաղված տան ներսում:

— Ասում են աղքատ մարդիկ հյուրասեր են լինում, — մտմտաց յուրովի Յուպիտերը և բախեց այդ աղքատիկ տան դուռը:

Քիչ հետո դռան հետևից մեկը ձայն տվեց.

— Ո՞վ է բարեհաճել այս ուշ ժամին ծեծել շրկրի դուռը:

— Մի ճամբորդ, հանո՞ւն Յուպիտերի՝ թող այս գիշեր տեղավորվեմ քո տան մի անկյունում:

— Իսկ ի՞նչ է արել իմ դռն վիճակը թեթևացնելու համար այդ քո Յուպիտերը. տեղ չունեմ, եղածը մի փալաս է, որի տակ ծածկված ենք ես ու կինս. գնա նրանց մոտ, բոնց Յուպիտերն իր շնորհներն է պարգևել, նրանք լուսա-

վոր անուն ունեն և տաք անկողին ու մանավանդ կշտացնող
ուտելիք: Գնա՛:

Յուպիտերը ոչինչ չպատասխանեց, շտապ-շտապ առաջ
անցավ. նախ մի հարուտի, ապա մի աղքատի դուռ ևս ծե-
ծեց, ասաց միևնույն խոսքերը և ստանալով միևնույն պա-
տասխանները՝ հուսահատ ու շփոթ մնաց կանգնած:

— Ի՞նչ դժվար է մարդկային կյանքով ապրելը, — մտա-
ծեց Յուպիտերը, — իմ այսքան շնորհները ոչ մեկին ինձ և-
րախտապարտ չեն դարձրել, չկանչե՞մ արդյոք իմ հրեղեն
կառքը և քնամ իմ գահուլթին, ուր ամեն ինչ ենթակա է իմ
քմահաճույթին:

Այս վարանման մեջ նա արդեն հասել էր քաղաքի ծայ-
րին, երբ նկատեց քաղաքից հեռու մի տնակ:

— Այս դուռն էլ բախեմ, — ասաց նա, — բայց առանց
ասելու «հանուն Յուպիտերի», թերևս երկրայինն ավելի հա-
ճելի է այս թշվառ մարդկանց:

Նա մոտեցավ տան դռանն ու բախեց:

Քիչ հետո դուռը բացվեց: Կես գիշերին, լուսնի ազոտ
լույսի տակ, Յուպիտերը նկատեց վաթսուներեքամյա մի
ծերունի, որ շոյելով իր փառահեղ մորուքը հարցրեց.

— Ո՞վ ես, ի՞նչ ես կամենում:

— Ճամբորդ եմ, հանուն քո երիտասարդության սիրտ,
ինձ գիշերելու տեղ տուր:

— Եթե իմ աղքատիկ խրճիթը կգոհացնի քեզ, համե-
ցի՛ր, — ասավ ծերունին:

— Ո՞հ, ավելի քան գոհացուցիչ է, միայն թե ինձ ներս
թող...

— Ահա՛, — ասաց ծերունին և Յուպիտերին ներս առնե-
լով դուռը ծածկեց:

Նրանք ներս մտան:

Յուպիտերը տեսավ, որ անկողնում նստել էր մի պա-
ռավ կին, ըստ երևույթին ծերունու կողակիցը: Յուպիտերը
նրան ևս խոնարհ գլուխ տվեց և որովհետև չափազանց հոգ-
նած էր, առանց այլևս խոսելու, գոհացավ իրեն հատկաց-

ված հնամաշ անկողնով ու գլուխը դրեց բարձին: Եվ այդ հնամաշ անկողինն այդ պահին ավելի հաճելի թվաց նրան, քան իր աստվածային դահուլքը, ուստի և անմիջապես ընկավ Մորպիեոսի դիրկը:

Բ.

Երբ վարդամատն արշալույսի հետ Յուպիտերը բացեց աչքերը, նկատեց, որ բնակարանը, ուր ինքը հյուրընկալվել էր, մի հին ու անշուք տնակ էր, բայց ամեն ինչ տեղին-տեղոք էր. այդտեղ չկային դիպակ ու կերպաս, չկային ոսկե կամ արծաթե ամաններ, բայց գետնին փոված եղեգնե խտրները և պատի տակ շարված կավե ամանները դասավորված էին առանձին խնամքով ու ճաշակով:

Յուպիտերը շտապ հագավ իր զգեստները, կապեց մեջ՝ կապն ու շնորհակալական զգացումով նայեց ծերունի ամուսնեթիւնը, որոնք նստած եղեգնե հյուսվածքի վրա՝ սպասում էին իրենց հյուրի զարթնելուն:

Առաջին բանը, որ Յուպիտերն զգաց, մի բան, որ իր երկնային դահուլքում երբեք չէր զգացել, — քաղցն էր: Ամենակարող Յուպիտերը մարդու նման քաղց էր զգում: Այդ բանն իհարկե հասկացավ ծերունի զույգը և քիչ հետո նրան հրավիրեց իր աղքատիկ սեղանին:

— Նստիր այստեղ, խնդրեմ, — ասաց ծերունին, — նրստի՛ր, սա թարմ ձուկ է, քիչ առաջ որոացի մոտիկ ծովից, — մոտ նստիր և բաժանիր մեզ հետ մեր հացն ու ձուկը:

— Անշափ շնորհակալ եմ, բարի մարդիկ, — ասաց Յուպիտերը, և մոտենալով նրանց՝ նստեց ու քաղցած մարդու ախորժակով կերավ հացն ու ձուկը:

— Իսկ ինչպե՞ս են կոշում իմ բարեկամներին, — ասաց Յուպիտերը, երբ արդեն կշտացել էր:

— Միևնույն չէ՞ ձեզ համար: Մենք արդեն մեր օրերն անցկացրած մարդիկ ենք, — ասաց ծերունին:

— Ո՛չ, ես ձեզ անշափ երախտապարտ եմ. անօթևան էի, դուք ինձ տեղ տվիք, մրսում էի, ձեզ մոտ տաքացա,

բաղցած էի, դուք ինձ կշտացրիք: Դուք այնպես վարվեցիք ինձ հետ, ինչպես Յուպիտերն է վարվում իր շնորհին արժանացած մարդկանց հետ, ուրեմն ես ուզում եմ ձեզ մոտից ծանոթանալ և, եթե հնարավոր է, մի բանով վարձահատույց լինել:

— Շնորհակալ ենք, ասաց ծերունին, — ես ամբողջ կյանքումս մարդկանց համար արել եմ այն ամենը, ինչ կարողացել եմ՝ առանց հատուցում ակնկալելու իսկ եթե քեզ շատ հաճելի է իմանալ մեր անուսնեքը, ապա քառասուն տարի առաջ, երբ մենք ամուսնացանք, ահա՛ իմ կողակցին կոչում էին Թերեզա, իսկ ինձ կոչում էին Տիրան:

— Իսկ հիմա ինչպե՞ս են կոչում: —

— Հիմա էլ նույնպես են կոչում. բայց ի՞նչ է մնացել: այն ժամանակվա Թերեզայից և Տիրանից:

— Բայց դուք այնքան բարի եք, որ ես կուզեի ձեզ տալ այն, ինչին այնպես դուք կարոտում եք հիմա:

— Մեր երիտասարդությունը:

— Այո՛, չե՞ որ դուք էլ երեկ գիշեր իմ առաջ դուր բացիք հանուն ձեր երիտասարդության սիրո. դե՛, գործի անցնենք. ես չեմ ուզում ձեր երախտիքը մոռանալ:

Ու մինչ ծերունիները ոտքի ելան, Յուպիտերը վերթում տեղից, ծոցից հանեց մի սրվակ, մի կաթիլ հեղուկ ցանեց Թերեզայի, մի կաթիլ էլ Տիրանի վրա:

— Հե՛տ դարձեք, — ասաց ապա Յուպիտերը:

Նրանք հետ դարձան:

Մի պահ նայեցին Յուպիտերին, հետո միմյանց և թր ուղչքով փարվեցին իրար:

Նրանք քառասուն տարով երիտասարդացել էին:

Թերեզան դարձել էր քսան տարեկան մի զարմանահրաշ աղջիկ, Տիրանը՝ քսանհինգ տարեկան առույգ, Հերկուլեսի կազմվածքով մի տղամարդ:

Ձուլքը միմյանց ձեռքը բռնած մոտեցան Յուպիտերին փաթաթվեցին նրան ու միասին գոչեցին:

— Անշափ է քո շնորհը, ո՛վ ազնիվ հյուր, ապրիր մեր հարկի տակ, ապրիր հավիտյան:

Գ.

Ի՞նչն այլևս կարող էր արգելակել Տիրանին կյանքի մեջ: Նա առույգ շարժումով դուրս եկավ տնից: Մինչ այդ արդեն ամեն ինչ նրա համար անցյալ էր դարձել, այժմ ամեն ինչ դարձել էր գալիք:

Նա վազեց հասավ ծովափ: Ծովը փոթորկվել էր. նա հիշեց, որ վերջին տարիները փոթորկոտ ծովը նրան վախ էր ազդում, իսկ այժմ այդ փոթորիկն ու բնության արհամիրըը նույնիսկ դուրեկան էին:

Ապա նա հետ դարձավ, մտավ քաղաք, կանգնեց մի շինության առաջ: Ծենքը հիսուն տարի էր, որ կառուցվում էր, բայց չէր ավարտվում: Դա մի հսկայական բացօթյա թատրոն էր, ուր ժողովուրդը պիտի հավաքվեր ու զվարճանար իր հաղթանակից հետո: Տիրանը երկար տարիներ աշխատել էր այդ շենքի վրա: Նա տաշել ու կանգնեցրել էր սյուների մի մասը, բայց մյուսը չէր կարողացել ավարտել, ծերությունն ու ժառանգություն էր արել նրան. այժմ նա ուզում էր օր առաջ ավարտել շենքը, կանգնեցնել սյուները, դնել հույակապ խոյակները: Նա գործի ընդունվեց և նոր հույանդով սկսեց աշխատել:

Ու երբ երեկոյան տուն դարձավ, անմիջապես գիրկն առավ Թերեզային ու գոչեց.

— Ո՛հ, Թերեզա, ես այսօր արդեն մի նոր սյուն կանգնեցրի մեր թատրոնի համար, մյուս տարի կավարտեմ շենքը և դու հազարավոր քաղաքացիների հետ Կզվարճանաս այնտեղ՝ դիտելով աստվածային խաղերը: Ո՛հ, Թերեզա, երեկ ով ինձ հրամայում էր՝ լսում էի, իսկ այսօր ես ինքս եմ իմ կամքի տերը, ես ուզում եմ նոր բան ստեղծել, նոր բան ավելացնել կյանքին, ի՞նչ լավ է նորից սկսել կյանքը:

— Այո՛, իմ սիրելի՛ Տիրան,— ասաց Թերեզան,— մինչ երեկ ինձ համար արդեն շատ բան ձանձրալի ու ավելորդ

էր թվում, իսկ այսօր ամեն ինչ սիրելի և ամեն բան նոր
իմաստ է ստացել: Ահա ես էլ կամ եմ ճարել և սկսել եմ
քանդակել մի արձան. նա պատկերացնելու է մի երիտա-
ւարդ, արձանը կոչելու եմ «Գարձ դեպի կյանք»:

— Կյանք, լավ ես մտածել, եթե մարդ կարողանար,
գոնե մեկ անգամ, մեզ պես վերադառնալ դեպի կյանքը,
այն ժամանակ ոչինչ սարսափելի չէր լինի նրա համար:

Հետևյալ օրը Տիրանը նորից գնաց իր աշխատանքին:
Թերեզան մնաց մենակ:

Յուպիտերը, որ այժմ ապրում էր կողքի նորոգված սեն-
յակում, ներս մտավ:

— Թող քեզնից անպակաս լինի աստվածների շնորհը,
ո՞վ գեղեցկուհի,— ասավ Յուպիտերը, դիմելով Թերեզային:

— Շնորհակալ եմ ազնի՛վ հյուր:

Յուպիտերն ապա դիտելով շուրջն ասաց.

— Ահա՛, քո քանդակի վրա արդեն ուրվագծվում են քո
հերոսի աչքերը, ես սրտատրոփ սպասում եմ, թե ե՞րբ ամ-
բողջովին կերևա այդ երջանկովիցանը դարձող մարդու դեմ-
քը:

— Եթե քեզ այդքան հաճույք կպատճառի իմ քանդակը,
ես այն կամարտեմ ինչքան կարելի է շուտ. չէ՞ որ ես հիմա
ինքս եմ դարձել դեպի կյանքը, և եթե առաջ գործն ինձ
ձանձրույթ էր պատճառում, ապա հիմա աշխատելը մի-
այն հաճույք է ինձ համար:

Ե՛վ հետևյալ, և՛ մյուս օրը Յուպիտերը մտավ Թերե-
զայի մոտ ու հարցրեց քանդակի մասին: Բայց այլևս քան-
դակը չէր, որ հետաքրքրում էր նրան:

Թերեզան էր քաշում, հրապուրում նրան: Թերեզան,
բսան տարեկան դարձած Թերեզան, իր մեջ էր կուտակել բոլոր
գեղեցկույթյունների թովչանքը: Եվ ոչ մի աստվածուհի Յու-
պիտերին այնքան կատարյալ ու սքանչելի չէր թվացել, որ-
քան այժմ Թերեզան էր: Նրա ձայնի մեջ կար Յուպիտերի
լսած բոլոր քաղցր հնչյուններից քաղցրագույնը: Թերեզան
իր էությունը անձեռակերտ մի քանդակ էր՝ քնքույշ՝ ծովի

փրփուրից ծնված աստվածուհիների նման, պիրկ ու կրակոտ՝ հրաբուխների բոցից ձուլված աստվածուհու նման, կախարհիչ ու շլացնող՝ երկնքի լուսատուների նման:

Յուպիտերը նայում էր Թերեզայի աչքերին, սուզվում էր նրանց խորության ու հրապուլրի մեջ, նայում էր նրա գերող շարժումներին և այլևս չէր կարողանում դիմադրել իր մեջ կուտակվող, բռնկվող զգացումներին:

— Թերեզա, — այժմ նա իր թողած աստվածային գահույթից ավելի ձգող ու ավելի վեհ էր:

Եվ այս անգամ էլ, երբ նա եկավ Թերեզայի մոտ, այլևս չհամբերեց ու ասավ.

— Թերեզա, աստվածային Թերեզա:

— Լսում եմ, ո՞վ ազնիվ հյուր: Շտապո՞ւմ ես, հա՞, սպասիր դարձյալ արևի հինգ շրջան և պատրաստ կլինի իմ քանդակը:

— Ո՞հ, ոչ, ես այժմ բոլորովին շեմ շտապում:

— Ինչպե՞ս:

— Այո, ես կուզենայի, որ հավիտյան շարունակվեր քո աշխատանքը, և դու երբեք չավարտեիր այդ քանդակը:

— Ինչո՞ւ:

— Ինչո՞ւ. չավարտեիր, որ ես ամեն օր գայի ու տեսնեի քո այդ ճարտար մատների նուրբ ստեղծագործությունը, չավարտեիր, որ ես ամեն օր գայի ու նայեի քո այդ բոցափայլ աչքերին, որի կրակն այնպես տոչորում է ինձ, չավարտեիր, որ ամեն օր գայի ու հրապուրվեի քո այդ նրբին ու քնքույշ դեմքով, քո այդ բուրումնավետ շրթունքներով, որ այնպես գայթակղիչ է և թերևս արժանանայի գոնե մեկ անգամ ըմպել քո այդ շրթունքներից երկրային կյանքի հրապուրը:

— Ո՞հ, ազնի՛վ բարեկամ, — ասաց միայն Թերեզան:

Թերեզան մի քանի օր արդեն նկատել էր, որ Յուպիտերը հրապուրված է իրենով, այժմ նրան հաճույք էր պատճառում նրա քնքույշ խոսքերը, դուրեկան էին գեղեցիկ երիտասարդի հետապնդումները, սակայն այդ ամենին նա նա-

յում էր իբրև զվարճալի խաղ, և միայն այդքան, ու երբ երեկոցան Տիրանը տուն եկավ, նա հենց Յուպիտերի ներկայութեամբ փարվեց Տիրանին ու գոչեց.

— Տիրան, այսօր լավ դնաց իմ աշխատանքը, մեր ազնիվ հյուրը իր բարի խորհուրդներով ինձ ավելի քաջալերում էր իմ գործի մեջ, ասա՛, ի՞նչպես է քո դորժը: Ո՞վ է քեզ քաջալերում:

— Իմ գործն էլ լավ է: Այսօր կանգնեցրի ևս երկու սյուն: Իսկ ինձ քաջալերողը դո՛ւ ես, ո՞վ անգիններից անգին: Երբ տուն գալիս լսում եմ քո ձայնը, տեսնում քո աստվածային դեմքը, ինձ թվում է, թե ես էլ աստված եմ դարձել և ամեն ինչ կարող եմ անել: Շատ գոհ եմ, որ մեր ազնիվ հյուրը քեզ օգնում է իր խորհուրդներով: Շնորհակալ եմ, ով ազնիվ հյուր: Ինչքա՛ն կցանկայի, որ դու հյուր չկոչվեիր այլևս, այլ մեր տան մշտական ու հարազատ անդամը:

Յուպիտերը միայն դարմանում էր Տիրանի այդքան պարզութեան և դեպի կինը տածած հավատի վրա, մի պահ նա զղջում էր իր մտքերի համար: Այս մտքով ու զգացումով նա քնեց... Բայց հետևյալ առավոտ, երբ զարթնեց, երբ նորից մտավ Թերեզայի սենյակը, տեսավ, որ նա ավելի հրապուրիչ է դարձել:

Քմահաճ աստվածն ինքն իրեն մտմտաց, — չէ՞ որ այս ողջ հրապույրը ես տվի այդ կնոջը, միթե հենց ե՞ս պիտի անհաղորդ մնամ այդ հրապույրը ճաշակելուց, — և նա, որ իր գահույթում ամեն ինչ ձեռք էր բերում հեշտութեամբ, մատի մեկ շարժումով, ավելի բորբոքվեց և Թերեզայի անդիմադրելի հրապույրի դիմաց մեղմութեամբ խոսեց.

— Դո՛ւ, սքանչելի՛դ երկրի և հպարտութեան աստվածների, դո՛ւ, սկիզբը լույսի և բուրմունքը ծաղիկների, թո՛ղ, թո՛ղ այդ անշունչ արձանը, թո՛ղ, դարձի՛ր ինձ, տո՛ւր ձեռքդ մեկ անգամ փարեմ դեմքիս, թող մեկ անգամ զգամ քո շունչը դեմքիս վրա, թող գգվեմ այդ աստվածային դեմքդ, նայեմ անքերիդ մեջ, թո՛ղ, այլևս ոչինչ չի գրավում, ոչի՛նչ

չի գրադեցնում ինձ այս աշխարհում՝ բացի քեզնից, Թերեզա, նայի՛ր ինձ:

— Ազնի՛վ բարեկամ, շնորհակալ եմ քո գեղեցիկ խոսքերի համար: Շնորհակալ եմ, բայց չեմ կարող ավելին անել, նստիր այստեղ, խոսենք աշխարհից ու աստվածներից: Դու պատմիր ինձ, թե ի՞նչ ես տեսել, ի՞նչ ես գործել քո կյանքում, չե՞ որ դու այնպե՛ս լի ես շնորհներով:

Թերեզան դարձյալ հավատարիմ էր Տիրանին, սակայն ներքուստ հաճույք էր զգում իր հյուրի խոսքերից ու հետապնդումներից, այդ պատճառով էլ նրան պահելով անորոշ վիճակում, ուզում էր լսել նրա սիրաբարբոք խոսքերը:

Յուպիտերը խոսեց.

— Ես մոռացել եմ ամեն տեսակ պատմություն, ամեն պատմության սկիզբը դու ես: Իմ բոլոր պատմությունների հերոսուհին դու ես: Ասա՛, ե՛րբ կարժանանամ քո շնորհին, ասա՛ Թերեզա, չեմ կարող համբերել:

Եվ այսպես էր խոսում Յուպիտերը ամեն օր, ամեն պահ, հենց որ Թերեզային մենակ էր գտնում, լինե՛ր այդ տանը, երբ Թերեզան աշխատում էր իր քանդակի վրա, լինե՛ր այգում, երբ դիցուհին ծաղիկներ էր փնջում, լինե՛ր խաղերի ժամանակ, երբ Թերեզան կաքավում էր, լինե՛ր ծովափին, երբ Թերեզան պատրաստվում էր լողանալ, որտեղ և որ ժամին լինե՛ր— սե՛ր, սե՛ր,— այս էր լսում Թերեզան:

Եվ այդ ամենից արդեն Թերեզան ձանձրացավ, բայց Յուպիտերն ավելի համառ գտնվեց:

Եվ ահա մեկ օր էլ, երբ Տիրանը գնացել էր աշխատանքի, Թերեզան ու Յուպիտերն էլ նորից մնացել էին մենակ, Յուպիտերը դարձյալ դիմեց Թերեզային:

— Ասա՛, սքանչելիքների սքանչելիք, ասա՛ քո խոսքը: Կապել ես ինձ քո դուան գերու նման, ազատիր ինձ գերությունից: Դարձի՛ր իմը, գիտեմ, քո սերը բոտն է գեպի քո Տիրանը, բայց տուր ինձ գոնե մի փշրանք, ես ավելին չեմ ուզում, այդ փշրանքն էլ ինձ բավական է, դա կզարգարի իմ կյանքը և ինձ կզարձնի բախտավորներից բախտավորը:

Թերեզան, որ արդեն շէր կարող տանել այդ վիճակը, եւ ավեց մազերը, նայեց Յուպիտերին, ժպտաց և կամայ-
ցուկ ասավ.

— Լա՛վ:

Յուպիտերի սիրտը թփթփաց. քիչ էր մնում թռչկոտեր
պատանու նման և միայն հարցրեց.

— Ո՞րտեղ, ե՞րբ հանդիպենք:

— Վաղը, ծովափին, այնտեղ մի բլուր կա, բլուրի հտը
հարմար է և մենք էլ մարդկանց աշքերից հեռու կլինենք:

Յուպիտերն այդ ամբողջ գիշեր շքնեց: Ոչ մի ժամանակ
իր աստվածային գահուլքում, իր բոլոր հրապույրների ու
հաղթանակների մեջ նա այնքան երջանիկ շէր եղել, որքան
այժմ: Վերջապես վաղը ցերեկով, երկնային հրամանով այդ
բլուրի մոտ նա կպատրաստի աստվածային գահուլք և այն-
տեղ կվայելի Թերեզային. այդ գահուլքը ավելի շքեղ կլի-
նի, քան իր եթերային գահուլքը և այդ հրապույրը նրա
կյանքի ամենաքաղցր վայելքը կլինի:

Եվ ահա հետևյալ օրը, ցերեկով, Թերեզան հագավ իր
շղարշի զգեստը, նրա լուսակերտ մարմինը շղարշի միջից
դժագրվում էր աստվածային թովչանքով, նա Յուպիտերի
հետ քաղաքից դուրս եկավ, հասավ ծովափ և միասին բար-
ձրացան կանաչ բլուրը:

Յուպիտերը դնում էր ոստոստալով, աշխարհը, երկինքն
ու երկիրը եկել, ամփոփվել էին այդ բլուրի շուրջը:

Ծովը մեղմիկ օրորվում էր և ծովի ու երկնքի կապույտը
ավելի թովչանք էր տալիս Թերեզայի հրաբորբ կերտված-
քին: Յուպիտերը նայեց շորս կողմը, տեսավ, որ ոչ ոք չկա,
շատ ուրախացավ և որպեսզի իր հաճույքը կատարյալ լինի,
հրամայեց և նրա հրամանի վրա մի սպիտակ ամպ իջավ : և
վարագուրեց բլուրը: Այլևս ոչ մի վկա չէր կարող լինել նը-
րանց սիրուն: Յուպիտերը պապակած շրթունքներով մոտե-
ցավ և դիմեց Թերեզային.

— Թերե՛զա, դո՛ւ ես երկնքի ու երկրի շողկապը, դո՛ւ
ևս էակների կյանքն հյութավորողը: Թերե՛զա, վերջապես

դու իմն ես, Թերե՛զա, — բացականչեց Յուպիտերը վերջին անգամ և ձեռքերը երկարեց Թերեզային իր գիրկն առնելու, իր անհագ կարոտն հագեցնելու բուն ցանկությամբ:

Թերեզան մի քայլ ետ գնաց:

— Թերե՛զա, — բացականչեց կրկին Յուպիտերը:

Թերեզան գլուխը հետ պցեց, բոցկլտուն աչքերը հառեց Յուպիտերի վրա, և մեղմ ու քնքույշ ձայնով ասաց.

— Ա՛ն:

Մի պահ ամեն ինչ լռեց շրջապատում, նույնիսկ թվաց թե ծովն էլ անհայտացավ, որովհետև ալիքների թեթև ծղ-
փանքն իսկ չէր լսվում:

Յուպիտերը սրտի դողով հարցրեց.

— Ի՞նչ ես տալիս, ի՞նչ առնեմ:

— Առ քո շնորհը, առ իմ և իմ ամուսնու երիտասարդությունը, որ դու այն օրը վերադարձրիր մեզ, հասցրու մեզ կրկին մեր ծերության հասակին:

— Թերե՛զա...

— Այո՛, ա՛ն. իմ ամբողջ հրապույրը նրա մեջ է, որ ես ազնիվ ու հավատարիմ սիրել ու սիրում եմ Տիրանին և Տիրանի ամբողջ ուժը, կորովն ու հրապույրն էլ նրա մեջ է, որ նա ազնիվ ու հավատարիմ սիրել ու սիրում է ինձ: Ա՛ն, և մի՛ ստիպիր ինձ դավաճան լինել:

Յուպիտերը մի պահ շփոթված գլուխը կախեց և քիչ հետո, երբ նայեց շրջապատին, տեսավ, որ իր հրամանով իշած ճերմակ ամպը շիկնել էր:

Նա դարձավ Թերեզային.

— Ո՛վ ազնիվ կին, դու ինձ այնպիսի ամոթանք տը-
վիր—որ ոչ մի վրեժխնդիր ոգի չէր կարող նյութել. ների՛ր ինձ. ես իմ շնորհը հետ չեմ վերցնում, մնացե՛ք երիտասարդ ու նոր թափով սիրեցեք միմյանց: Իսկ ինձ մնում է թռչել երկինք և այլևս չխառնվել մարդկանց գործերին:

Ասաց Յուպիտերը և իրեն փաթաթելով շիկնած ամպը՝
թռավ դեպի իր եթերային գահույքը:

ՀԱՎԵՐԺԱԿԱՆ ՍԵՐ

Վրաց գրողներին՝ Ակակի Ծերեթելու
ծննդյան հարյուրամյակի առթիվ:

Ս.

Առավոտ շուտ նրան, այն նշանավոր բանաստեղծին
կարելի էր տեսնել գետափին:

Երբեմն նա դալիս էր արշալույսից առաջ և կուսական
հետաքրքրությամբ դիտում էր շառագունվող արևելքը, որ-
տեղից ծագող արևը ամեն օր նոր իմաստով էր լցնում նրա
կյանքը:

Սրտի անհուն թրթիռով տեսնում էր բանաստեղծը, թե
ինչպես շղջիկները, գիշատիչները և խավարի սիրահար բո-
լոր արարածները փախչում էին արևի լույսից և նրանց փո-
խարեն կյանք էին առնում խավարի ու դավադիր հարված-
ների վախից հալածված թռչունները, կենդանիները, իսկ
ծաղիկներն էլ փարթամացած՝ թարմ բույրով լցնում էին շըր-
շապատը:

Բանաստեղծը նստում էր մի քարի վրա, նայում էր այդ
ամենին և լուռ խոսելով իր հոգու հետ՝ երկար ու երկար դի-
տում էր շրի հոսանքը, և բնության անդորրության մեջ խոր-
հում էր իր ստեղծագործությունների մասին:

Վերջին շաբաթ նա դալիս էր ավելի հապճեպ ու, սրտա-
տրոփ սպասելով արևածագին, անհագորեն ծծում էր ծա-
ղիկների բուրմունքը: Նա ակնդիր նայում էր այն արահե-
տին, որ գետը կապում էր քաղաքին: Ահա՛, անցան սրտմա-
շուք բոպկները և արահետում երևաց այն ցանկալին, որը
գրավել էր բանաստեղծի ուշադրությունը:

Այդ ցանկալին Սուսաննան էր:

Գեղեցիկ էր Սուսաննան բոլոր գովերգված գեղեցկուհիների նման, բարի էր նա, ինչքան իր ժամանակը թույլ էր տալիս բարի լինել և համեստ էր, ինչքան այդ շէր խամրում նրա արժանապատվութունը:

Այս ամենը հասկացել էր բանաստեղծն իր խորաթափանց հոգով: Եվ ահա այսօր, երբ Սուսաննան նորից կուժը ձեռքին դետը եկավ, բանաստեղծն այլևս չհամբերեց, շտապով մոտեցավ Սուսաննային և ուզեց խոսել նրա հետ. մի պահ նայեց աղջկան և նրա հրապուրիչ հայացքում թաղվելով հարցրեց.

— Սուսաննա՛, բարի Սուսաննա՛, հիշո՞ւմ ես. մեկ անգամ ես քեզ տեսա անցյալ տարի, հենց այստեղ կաղմած արքայական խնճուղքի ժամանակ, դու հեռու էիր կանգնած, խնճուղքին շէիր մասնակցում, բայց իմ հոգին քեզ հետ էր: Երբ ես խմում էի — այդ բաժակը ձոնում էի քեզ, երբ ես սիրո խոսքեր էի արտասանում — այդ խոսքերն ուղղված էին քեզ, իսկ դո՛ւ...

— Ե՛ս, այո՛, ես միայն կոչված էի սպասարկել խնճուղքին, ես իրավունք չունեի մասնակցելու խնճուղքին. ես տեսնում էի քեզ:

— Տեսնում էիր, և միայն այդքանը:

— Այո՛, տեսնում էի և միայն այդքանը: Ավելին ի՞նչ կարող էի անել:

— Սուսաննա՛ս, — նրբին շեշտով արտասանեց բանաստեղծն արդեն իր համար նվիրական դարձած այդ անունը և այլևս ոչինչ չկարողացավ ավելացնել:

Սուսաննան էլ լուռ էր. նա այն անձնավորութուններից էր, որոնք ավելի քիչ խոսում են և ավելի շատ ապրում ներքնապես, այդ պատճառով էլ բանաստեղծը որևէ հույս չունեիր նրանից նոր բան լսել: Բայց ի՞նչ իմաստ ունեին Սուսաննայի խոսքերը, թե «ես տեսնում էի քեզ և միայն այդքանը»: Այո՛, բանաստեղծն հասկանում էր, որ այս խոս-

քերը Սուսաննան սովորական իմաստով շէր ասում: Սուսաննան խնճուղքում տեսել էր ոչ միայն բանաստեղծին, այլև այն մեծարանքը, որ նա ստանում էր իր շրջապատից, այլև այն, որ բանաստեղծի շուրջն էր պատվում այն աղջիկը, որին կոչում էին Նաթել: Նաթելն իր շարժ ու ձևով, իր դիրքով միանգամայն ներդաշնակ էր արքայական շրջապատին: Նրա ընտրելին էլ բանաստեղծն էր:

Բանաստեղծի սրտում բնավ արմատ չէին գցել Նաթելի սիրաբորբոք խոսքերը, իսկ այն օրվանից, երբ նա տեսավ Սուսաննային, բոլորովին կարևորութուն չէր տալիս Նաթելի խոսքերին ու հետապնդումներին:

Այժմ արդեն Սուսաննային հանդիպելը, նրա հետ մեկերկու խոսք փոխանակելը բանաստեղծի համար դարձել էր անբռնադատելի պահանջ: Նա իր սրտի ամենամխրական զգացումներով երգում էր սիրո ու հերոսության մազին և իր մտքերի խոյանքի մեջ նրան ոգևորում էր Սուսաննայի հավերժ սիրելի պատկերը:

Հետեյալ օրը բանաստեղծն ավելի շուտ եկավ գետափ. արևի ծագման հետ միաժամանակ նա հյուսնեց դաշտային ծաղիկների մի գեղեցիկ փունջ: Երկար որոնումներից հետո նա գտավ ու վառվռուն ծաղիկների արանքը դրեց մի չորսփերթանի սիրի-սիրի և ամբողջ փունջը տարավ դրեց այնտեղ, ուր քիչ հետո պիտի գար Սուսաննան ջուր տանելու:

Ապա բանաստեղծը նորից դնաց, նստեց քարին և սրտատրոփ սպասում էր Սուսաննայի գալուն:

Եվ քիչ հետո Սուսաննան եկավ: Կուժը ուսին նա առաջացավ գեպի գետը, մի պահ կանգնեց ու նայեց շրջապատին: Առավոտյան մեղմ զեփյուռը շոյում էր նրա դեմքը, ֆռռացնում էր նրա զգեստի ծալքերն ու նրանից առնելով նրա կուսական բուրմունքը, մեղմ շրջյունով միացնում էր ծաղիկների բուրմունքին, և նույն մեղմությամբ այդ բույր տանում հասցնում էր բանաստեղծին, որն արեհցած այդ բույրով ու կախարդված Սուսաննայի հրապուրիչ տեսքով նայում էր աղջկան: Ի՞նչ կանի աղջիկը, կվեցցնի՞ իր ծաղ-

կեփունջը, կհասկանա՞, որ դա իր սիրո առհավատչյան է, որևէ շարժումով կպատասխանի՞ արդյոք իրեն:

Մինչ բանաստեղծն այս մտորումների մեջ էր, Սուսաննան կուացավ ու վերցրեց ծաղկեփունջը և երբ գլուխը բարձրացնում էր, աչքերը, կարծես ակամա, մի պահ դամվեցին հեռվում քարին նստած բանաստեղծին: Նայեց բանաստեղծին և Սուսաննան հասկացավ, որ այդ ծաղկեփունջը բանաստեղծն իր համար է հյուանել, այդ շորսփերթանի սիրի-սիրին իր համար է քաղել, որպեսզի իրենից վերջապես մի խոսք, մի հավաստիացում լսի, թե փոխադարձ է արդյոք իր սերը:

Սուսաննան բավական երկար խորհեց. մի պահ ձեռքը տարավ սիրի-սիրին հանելու ծաղկեփնջի արանքից, բայց սիրտ չարավ: Նրա հոգին ևս ալեկոծվել էր. նա դիտեր, որ հասել է վճռական րոպեն, այսօ՛ր, հենց այս լուսապայծառ առավոտին, արևին ու ծաղիկներին պետք է վկա դարձան իր խոստովանանքին: Ի՞նչ ասեր: Նա ևս սիրում էր, ինչպես սիրել ու սիրելու են նրա հասակի բոլոր աղջիկները: Բայց նրա սիրո առարկան, բանաստեղծը, աղջկան սովորական մարդ չէր թվում:

Նա ճանաչված էր ու մեծ, ի՞նչ կարող էր տալ ինքը նրան, եթե բանաստեղծը կապվեր իր հետ. ոչի՛նչ,— մտածում էր Սուսաննան, ինքն ունեի ազնիվ հոգի ու ջերմ սիրող սիրտ,— մի՞թե այդ բավական էր բանաստեղծին. չէ՞ որ նա Թամար թագուհու պալատում ելք ու մուտք ուներ, իսկ պալատում նրա վրա ուրիշներն աչք ունեին, կհանդուրժեին խեղճ Սուսաննային մուտք գործել իրենց շրջապատը և կորզել բանաստեղծի սիրտն ու հոգին: Այնտեղ նրան սպասում է փառք, հարստություն, Վիսկ հ՞ս, հ՞ս, որ հարուստների համար դիպակ հյուանելով եմ պահում ինձ ու իմ ծերացած ծնողներին, ի՞նչ կարող եմ տալ նրան: Ո՛չ, իմ սերը պետք է զոհեմ հանուն նրա երջանկության, ես նրան միայն կապանք կլինեմ: Ես չպիտի կաշկանդեմ նրան»:

Եվ այս մտածմունքների մեջ, ներսում խեղդելով իր

զգացումները, համեստ Սուսաննան ո՛չ մի շարժումով, ո՛չ մի արտահայտութեամբ չհամարձակվեց իր սերը ցույց տալ բանաստեղծին: Նա նայեց ծաղկեփնջին և զգաց, որ ձեռքերը դողում են, զգաց, որ բանաստեղծի հյուսած ծաղկեփունջն այլևս չի կարող իր ձեռքերում պահել: Նման այն մարդուն, որ բռնված է հանցանքի մեջ, նա կարծես վախենում էր ինքն իրենից ու այդ ծաղկեփնջից, ուստի և նա անմիջապես ծաղկեփունջը հետ դրավ գետնին, որտեղից վերցրել էր, կուժը լցրեց ջրով և ապա կուժն ուսելով, առանց հետ նայելու գնաց դեպի տուն:

Բանաստեղծը ցասկոտ վեր թռավ տեղից, վազեց հասավ այնտեղ, ուր քիչ առաջ կանգնած էր Սուսաննան, վերցրեց ծաղկեփունջը, նայեց և տեսավ, որ նա նույնութեամբ մնացել էր, կարծես բոլորովին էլ ձեռք չէր դիպել:

Նվ բանաստեղծի սիրտը կոտրվեց, ինչպես կոտրվում է դալար ոստը փոթորկի հարվածից: Նա, սիրո և հերոսութեան երգիչը, այդ պահին շկարողացավ հասկանալ աղջկա հոգու տվայտանքը.— այդպես ուրեմն, Սուսաննան չի սիրում ինձ,— եզրակացրեց նա, և այդ զգացումը ծանրացավ նրա սրտի վրա ժայռի նման:

Նա ևս մի քանի անգամ շրջեց գետի երկարութեամբ, ապա վերցրեց իր հյուսած ծաղկեփունջը, քանդեց և ծաղիկները մեկ-մեկ նետեց վարարուն գետի հոսանքի մեջ, գետն իր փրփրուն ալիքների հետ քշում-տանում էր այդ ծաղիկները. և ի՛նչ իմանային այդ ալիքները, որ անսկզբից դեպի անվախճանություն կին տանում, մի այլ հավերժություն,— դեպի մեծ ծովն էին տանում, ծովից էլ մեծ՝ մարդկային սրտի ապրումներով օծված այդ ծաղիկները:

Բ.

Բանաստեղծը երկար Վժառանգեց գետափին, բայց այլևս չկարողացավ հանգստանալ, ուստի որոշեց վերադառնալ քաղաք:

Նա անցնում էր այն ճամբով, ուրկից առավոտը վերադարձավ Սուսաննան: Նա նայում էր գետնին, կարծես փրնտ-

ուում էր Սուսաննայի ոտքերի հետքերը և երբ թվում էր թե նկատել է, տպա աշխատում էր անցնել զրույշ, որպեսզի շահնետացնի այդ հետքերը: Նա կարոտով նայում էր ծաղիկներին, որոնց զիպել էին Սուսաննայի փեշերը և նա ջերմ գարգուրանքով կռանում, հոտ էր քաշում այդ ծաղիկներից ու անաշ շարժվում:

Քաղաք հասնելով նա մտավ պալատ. անցավ իրեն հատկացված սենյակն ու այլևս մի քանի օր դուրս չեկավ այնտեղից: Գիշեր ցերեկ, մազաղաթի վրա կռացած, նա երկնում էր իր հավերժության— սիրո ու հերոսության երգերը:

Մի քանի օր էր, ոչ ոք նրա դուռը չէր բախում. ինչքան էլ լավ էր ինքն իր մեջ ամփոփվելը, իր մտքերը մազաղաթին հազորեկը, բայց հարաճուն շարժվող կյանքը նրան կանչում էր: Եվ շատ մեծ եղավ բանաստեղծի ուրախությունը երբ այս անավոտ նրա սենյակը մտավ Նաթելը:

Մենակության զգացումից տանջվող բանաստեղծը անմիջապես մի կողմ դրավ մազաղաթը, ոտքի թռավ ու, առաջանալով, զլուխ տվեց Նաթելին: Նաթելը, պալատական իր ճոխ զգեստների մեջ, փայլում էր, ինչպես կակաչը դաշտի ծաղիկների մեջ: Նա իր հետ բերել էր կյանքի ձայնը: Բանաստեղծը, որ տառապում էր Սուսաննայի կարոտով, բայց և համոզված, որ այլևս որևէ սպասելիք չունի նրանից, ինքը կարծես ակամա համակվեց Նաթելի կենսուրախությանը:

— Ո՛վ մեծ բանաստեղծ, — խոսեց Նաթելը, — թագուհի մրգահասի առթիվ մեծ խնճույք է պատրաստում գետափին, առանց քեզ խնճույքը համ ու հոտ չունի: Պատրաստվիր մասնակցելու:

— Շնորհակալ եմ թագուհույ, իր մեծ շնորհի համար, — ասաց բանաստեղծը:

Եվ այնուհետև Նաթելը խոսեց իր սիրույց ու զգացմունքներից: Նա խոսեց այն մասին, որ ինքը սիրում է բանաստեղծին, սիրում է նրա փառքը և ինքը պատրաստ է այդ

փառքին նոր դասիներն ավելացնել: Ինքը, Նաթելը թագուհու սիրելին է և կապվելով բանաստեղծի հետ երկուսով ավելի սիրելի կդառնան թագուհուն և այն ժամանակ ամենքը կնախանձեն նրանց:

— Իմ սիրելի բանաստեղծ, սիրում եմ կյանքը, և այդ կյանքն ավելի հաճելի կդառնա քեզ հետ: Գիտե՛մ, դու նոր ու սքանչելի բաներ ես գրել այս քանի օրվա մեջ. թագուհին սիրահար է արվեստի, ես քեզ կտանեմ նրա մոտ, կկարդաս թո ստեղծագործությունը և ավելի մեծ փառքի կարծանանաս:

Բանաստեղծը, որին լավ հայտնի չէր, որ Նաթելն իրեն ավելի շատ սիրում էր իր փառքի համար, ամեն անգամ մերժեղ էր նրան. բայց ի՞նչ աներ այժմ, երբ ինքը, իր կարծիքով, մերժված էր Սուսաննայից: Ինքը փնտռում էր Սուսաննայի հոգին ու մաքուր զգացմունքը, բայց Սուսաննան դարձել էր մի անմատչելի իդեալ, որին պետք էր երազել միայն, քակ մյա՛նքը, կյանքն այլ պահանջներ է դնում նրա առաջ Նաթելի միջոցով: Ո՛հ, ես չեմ կարող դիմադարձ լինել կյանքին, — գոչեց նա խնրն իրեն և նրա դեմքին փայլեց մի խորհրդավոր ժպիտ:

Նաթելը հասկացավ այդ ժպտի իմաստը և նա իր հօլանի վեները բանալով փարվեց բանաստեղծին:

Բանաստեղծը մտավ կյանքի նոր ասպարեզ:

Գ.

Հին Քրիստի շրջակայքում Քուս գետի ափին ստեփանները փռել էին իրենց դարբան ճյուղերը: Դեմն ընդարձակ գաշտն էր, ուր կանաչին էր տալիս փարթամորեն աճած խոտը:

Մարդկային մեծ բազմություն էր հավաքվել: Խոտի վրա փռել էին գույնզգույն խալիչաներ, ընկողմանել խմբերով ու թաղի, քամանչայի, տեղ-տեղ էլ դճուխ ու զուռնայի նվագածուկյան տակ խմում էին կարմիր գինին ու ախորժակով ուտում համազամ խորտիկները:

Հասարակութեան ամենաբնափայլ մասը՝ իշխաններ, իշխանազուն տիկիներ հավաքվել էին թագուհու շուրջը: Ներանց դիմաց լայն հրապարակ էր բացված և այնտեղ խումբ-խումբ պարում էին մերթ տղամարդիկ, մերթ կանայք:

Նվագը, պարողների ոտքերի թնդյունը, ապա ուրախացող մարդկանց սրախոսությունները, ծիծաղն ու քրքիշը այնպես էին խառնվել միմյանց, որ դժվար էր որևէ բան որոշել: Մարդիկ զվարճանում էին, թվում էր, թե հոգսը վերացել է աշխարհից, ով ինչ շնորհք ունի գործադրում էր:

Մինչ այստեղ զվարճանում էին, մի քիչ հեռու սպասարկող ճորտերի հասարակությունն էր, որոնք քափ ու քրտինք մտած անընդհատ գինի, խորոված, տապակած հավեր ու միրգ էին հասցնում զվարճացողներին: Նրանցից ոչ ոք հանդիստ չունի, ամենքը վազվզում էին՝ լիք ամանները տանում, կերակուրի մնացուկները հավաքում սեղաններից:

Ճորտերի հասարակության մեջ կար երիտասարդ մի տղա. նրա դեմքին մազ չկար, գեղեցիկ աչքերը հաճախ նա հառում էր դեպի զվարճացողները և ինչ որ մտորում. և մըտորմունքից նրա քնքուշ դեմքը շիկնում էր, նուրբ շրթունքները նա հագուցում էր իրար, կարծես ցանկանում էր ինչ որ շշնջալ իր մոտ կանգնած ավագ ընկերոջը, բայց սիրտ չէր անում. երբեմն էլ այնքան էր հուզվում, որ թվում էր, թե ուզում է լաց լինել, բայց իրեն զսպում էր և իր մտորումներից ազատվելու համար անցնում էր աշխատանքի, կամ դինի էր լցնում փոքրիկ տիկերի մեջ, կամ պտուղները դասավորում ամանում, բայց հենց որ աղաափում էր՝ հայացքը հառում էր զվարճացողներին: Սակայն նա կարծես բացի մեկից ուրիշ ոչ ոքի չէր նկատում. նա անբխիթ նայում էր բանաստեղծին, որը նույնպես ուտում-խմում էր, բայց շատ սակավ, նկատելի էր, որ բանաստեղծն էլ մտածմունքի մեջ էր: Երիտասարդն իր հայացքը մեկ-մեկ էլ հառում էր բանաստեղծի կնոջը՝ Նաթելին, որն ամենքից շատ էր զվարճանում, հաճախ պարում ու երգում և այդպիսով ավելի աշխուժություն էր տալիս խնճույթին:

Զվարճացողների աղմուկը հետզհետե ավելի էր սաստկանում. գինին թռել էր նրանց կատարը:

Ահա մի իշխան տեղից վեր ելավ, մոտեցավ նվագողներին, պատվիրեց ինչ որ եղանակ և երբ նվագածությունն ըսկեսց նա մերկացրեց դաշույնը և սկսավ պարել. նա թռչկոտում էր վայրի թռիչքներով. մեկ կտրվում էր գետնից, մեկ ծնկներով խփվում գետնին, վարժ ձեռքով դաշույնը մերթ տանում էր դեպի մեջքը, մերթ ոտքերի արանքը, մերթ մոտեցնում աչքերի աղբրակներին, մերթ դաշույնի ծայրը կոխում բերանը և դրա հետ միասին ավելի ու ավելի կատաղորեն թռչկոտում: Մի պահ թվում էր թե դա այլևս մարդ չէ, այլ մի սարքովի գործիք, որը ութմիկ կերպով անընդհատ թռչկոտում է և դաշույնն էլ իբրև մարմնի անբաժան մասնիկը կատարում է իր համարձակ շարժումները: Նա այնքան պարեց, մինչև շորս կողմից սկսեցին ծափահարել ու գոչել.

— Կեցցե՛, կեցցե՛:

Իշխանն ընդհատեց պարը, կանգնեց և հենց այդ պահին նրան մոտեցավ մատուցող ճորտերից մեկը՝ մի քնքշահեր աղջիկ: Նա նազանի շարժումով իր գիսակները հետ տվեց ու մի ոսկեզօծ եղջուրով գինի առաջարկեց իշխանին: Իշխանը վերցրեց եղջուրը խմեց գինին, բեխերը սրբեց ու բռնելով աղջկա թևից մոտեցավ մի ուրիշ իշխանի:

— Դաթիկո՛, — ասաց նա, — հավանեցի՞ր իմ պարը:

— Հավանեցի իշխա՛ն, ի՞նչպես կարող էի չհավանել:

— Բա որ հավանեցի՞ր, ինձ նման իշխանին կխնայե՞ն իր ուզածը:

— Չէ՛, ուզիր, չեմ խնայի:

— Վա՛յ Դաթիկո, չգիտե՞ս. ուզածս, այ է՛ս աղջիկն է, է՛ս աղջիկը, որ քո հրամանով ինձ գինի տվեց. ծախիր նրան ինձ, ծախիր, ամեն անգամ խոստանցամ ես ու խոստումդ չես կատարում:

— Ծախեցի, ա՛ռ, — ասաց իշխան Դաթիկոն ու վեհանձնի կերպարանք ստանալով բռնեց ճորտ աղջկա թևն ու հրեց դեպի պարող իշխանը:

— Է՛հ, իշխաններ, — գոչեց պարող իշխանը, — Դաթիկոն տղամարդություն արեց, խոսքս էս անգամ շմերժեց. դե ես էլ պակաս տղամարդ չեմ: Շալիկո՛, դիմեց նա հեռվում կանգնած իր ծառաներից մեկին, — հենց հիմա կերթաս, երեք ճորտ ու հիսուն ուշխար կուղարկես Դաթիկոյի կալվածքը:

— Կեցցե՛, կեցցե՛, — գոչեցին իշխանները և ամենքը մոտեցան թագուհուն ու համբուրեցին նրա ձեռքը:

Միայն բանաստեղծը շմոտեցավ, նա ավելի խղրը մըտածմունքի մեջ ընկավ և նայեց իր կնոջը Նաթելին, որն ուրիշների հետ գնաց ու համբուրեց թագուհու ձեռքը: Բայց եթե բանաստեղծը մի քիչ հեռուն նայեր, կտեսներ, որ ճորտերի շարքից երիտասարդ տղան ուշադիր իրեն էր նայում:

Անցավ ևս մի քանի ժամ. ամենքը լռեցին: Թագուհին այս անգամ ուզում էր լսել բանաստեղծին: Բոլորը գիտեին, որ նա նոր ստեղծագործություն ունի: Ով հարբած էր քնեց, ով զգաստ էր մնացել գնաց գետը լվացվեց, ավելի թարմացավ և եկան շրջապատեցին բանաստեղծին: Ճորտ տղան ևս մի քիչ առաջ եկավ ճորտերի խմբից ու թարքսվելով մի ծառի հտև, ահանջը սրեց:

Բանաստեղծը մի ծանր հոգոց հանեց, ծոցից հանեց մազազաթի մի քանի թերթեր, աչքերն հառեց թագուհուն ու ըսկեց:

Առույգ, բայց երբեմն էլ թախծալի ոճով նա կարդում էր իր ստեղծագործությունը: Նա ճարտար լեզվով շարադրել էր իր մտքերն ու զգացումները, չափի ու հանգի վերածել իր երգերը: Եվ այսպես էր նրա երգը. —

«Աշխարհում ամեն բանից վեր է մի անմահ անուն վաստակելը: Այն, ինչ պահում ենք մեզ, այն հավետ կորած է: Այն է հարստացնում մեզ, ինչ տալիս ենք ուրիշին: Ես գովեղբուն եմ այն հերոսին, որ կովում է իր հայրենիքի ու ժողովրդի համար, փառքով մահը գերազանցում է պարսավելի կյանքից: Ես երգում եմ այն սիրահարին, որ սիրո կրակը հավերժ թեժ է պահում իր սրտում: Եթե ես գանձեր

ունենայի, այն կտայի աղքատին ու շուենորին, կու-
րախացնեի որբին ու կարոտյալին և այս անցավոր
աշխարհը կդարձնեի երջանկության մի ծով»:

Ու թնդում էր բանաստեղծի երգը ավելի ու ավելի խը-
րոխտ ու համարձակ: Ով սեր ուներ դեպի խիզախությունը,
հերոսությունը, ով սիրում էր արդարությունը, բանաստեղ-
ծի խոսքը թռիչք էր տալիս նրա հոգուն, ցնծությամբ լցնում
էր նրա սիրտը և նա ուրախության արցունքներով փարվում
էր բանաստեղծին ու ավելի մեծացնում նրա փառքը: Ով
հոգով սարուկ էր ու վախկոտ, ով ուզում էր երջանիկ լինել
առանց կյանքին մի բան տալու, նա սմբում էր ինչպես նա-
պաստակը և հեռու էր քաշվում բանաստեղծից, որպեսզի
նրա հրաբորբ խոսքերը շանհանգստացնեին նրա վախկոտ
հոգին:

Եվ երբ բանաստեղծն իր խոսքը վերջացրեց, թագու-
հին, որ հերոսության ու փառքի սիրահար էր, մոտեցավ բա-
նաստեղծին և շնորհավորելով նրան իր չքնաղ պատմության ու
երգի համար, նվիրեց մի ոսկե մատանի:

Բանաստեղծը մատանին իր մատն անկացրեց ու նորից
խառնվեց խնձուկքին:

Նա փնտռեց իր Նաթելին, որպեսզի նրա հետ բաժանի
իր ուրախությունը, բայց Նաթելը ոչ մի տեղ չէր երևում: Բա-
նաստեղծն անհանգստացավ, ինչքան էլ իր ցատումնալից ու
հերոսական երգը մի պահ հանգստացրեց նրան, բարձրաց-
րեց նրա հոգին, բայց երբ քիչ հեռու նկատեց այն ճորտ
աղջկան, որ վաճառվեց իշխանին՝ սիրտը նորից անհան-
գստացավ, և հենց այդտեղ հղացավ իր նոր ու ավելի հո-
յակապ երկը, որ տուն գնալիս պիտի գրի առներ: Բայց
այժմ, գտնե՞ մի պահ, նա, Նաթելի հետ զվարճանալով, ուզում
էր մոռանալ այդ անախորժ դեպքը, մանավանդ որ թագու-
հուց մատանի էր ստացել և այդ մատանին այնքան կուրա-
խացնեի Նաթելին:

Խնձուկքը նորից բորբոքվել էր, նորից դինի և ուտելիք
էին բերում, նորից պարում էին կանաչք ու տղամարդիկ,
բայց Նաթելը և մի քանի այլ տիկնայք չկային:

Ճորտերի շարքում եղած երիտասարդ տղան, որ ամբողջ ժամանակ հետևում էր բանաստեղծի շարժումներին, կարծես հասկացավ թե ինչ է որոնում նա, մի պահ վարանեց, բայց վերջը սիրտ արավ և գաղտագողի մոտենալով բանաստեղծին՝ կանչեց ծառի մոտ:

Բանաստեղծը նայեց տղայի քնքույշ դեմքին, կարծես ինչ որ ծանոթ պատկեր հիշեց, բայց նայելով տղայի զգեստներին՝ անորոշությամբ ու թախիծով գլուխը շարժեց և հարցրեց.

— Ի՞նչ կա ով պատանի, ինչո՞ւ ինձ դուրս կանչեցիր:

— Կանչեցի, որովհետև, սիրտս ցավում է քեզ համար:

— Ինձ համա՞ր, քո սի՞րտը: Բայց ի՞նչ կարող ես անել դու ինձ համար:

— Ոչի՞նչ, ես կարծում էի, թե դո՞ւ շատ երջանիկ ես, բայց տեսնում եմ, որ այդպես չէ:

— Մի՞թե, դու այդ որտեղի՞ց գիտես:

— Մի բան գիտեմ:

— Ասա՛, ասա՛:

— Ասելիք չունեմ. արի գնանք այնտեղ, քեզ ցույց տամ, տե՛ս թե ինչպես քո երջանկությունը ուրիշն է համբշտակում:

— Ինչպե՞ս, այդ ինչե՞ր ես ասում:

— Գնա՛նք, գնա՛նք, — ասաց քնքշադեմ երիտասարդն ու առաջ ընկավ:

Բանաստեղծը հետևեց նրան:

Նրանք հեռացան խնճույքի վայրից. քիչ հեռու փոքրիկ անտառ կար և ծառերի արանքում տեղ-տեղ սարքված էին տաղավարներ:

Երիտասարդը բանաստեղծին անաշնորդեց մի տաղավարի մոտ և ասավ.

— Տե՛ս ու հիացիր:

Բանաստեղծը լուսամուտից ներս նայեց: Նայեց ու քաբայած մնաց տեղում. նրա կիներ, Նաթելը դավաճանում էր բանաստեղծին:

Նաթելը արաբ ստրուկի գրկումն էր:

Նրբ սրտակոտոր բանաստեղծը հետ դարձավ՝ երիտա-
սարդն արդեն շքացել էր:

Բանաստեղծը խփեց ճակատին, հուսահատ ու տրտմած
հոգով ասավ ինքն իրեն.

— Այլևս այտեղ, այս մարդկանց մեջ, այս շքեղու-
թյան մեջ ինձ անելիք չկա:

Եվ նա դուրս եկավ անտառից:

Խնճույքն արդեն վերջանում էր: Թաղուհին ու իշխանա-
վորները դեպի պալատ էին գնում, իսկ բանաստեղծն այլևս
պալատի կողմը չգնաց:

Նա դարձավ թափառաշրջիկ:

Պ.

Թափառում էր բանաստեղծը քաղաքում. շրջում էր ամե-
նուր, տեսնում էր մարդկանց թշվառությունը և նրա մեծ հո-
գին լցվում էր կարեկցանքով, իր ամեն օրվա ձեռք բերածը
նա բաժանում էր աղքատներին և ինքն էլ ապրում էր մի
աղքատիկ խցիկում:

Նա դայրացած էր Նաթելի վրա, բայց և դայրացած էր
այն երիտասարդի վրա, որ այդպես անողոր կերպով ցույց
տվեց նրան իր խաբվածությունը: Նրա կրքոտ հոգին կատա-
ղությամբ լցվեց երիտասարդի դեմ, բայց և այդ կրքոտու-
թյամբ նա հիշեց իր Սուսաննային:

Ա՛խ, Սուսաննան. ինչո՞ւ նա մերժեց բանաստեղծին, չէ՞
որ նա մաքուր էր ու անբիծ և նրա սերն իրեն թևեր կտար,
իսկ հիմա՛, ի՞նչ է ինքը, թևակոտոր մի արծիվ:

Նա մի քանի անգամ գնաց Սուսաննայի տան կողմերը,
բայց Սուսաննան չկար ու չկար: Նա լուսադեմին գնում էր
գետափ, նստում էր ծանոթ քարին, թերևս մեկ անգամ
էլ գար Սուսաննան, այո՛, նա նրան կպատմեր իր վշտի մա-
սին, և թերևս, այդ հանգստացյալներ իրեն: Բայց Սուսաննան
այդտեղ էլ չկար:

Եվ իր թափառումների մեջ, նա մի օր փողոցում տեսավ
մի ծանոթ դեմք: Այո, իսկ և իսկ այն օրվա երիտասարդն էր,

նույն քնքույշ դեմքը, նույն հետամտող աչքերը: Նա շնայած փնտռում էր նրան, բայց կուզեր շճանդիպել, որպեսզի նորից չվերանորոգեր իր սրտի վերքը:

Սակայն երիտասարդը համառ դանվեց, նա նկավ ու կանգնեց բանաստեղծի դիմաց, կանպնեց ու ասավ.

— Ո՛վ, մեծ բանաստեղծ, ասա՛, ի՞նչպես հավանեցիր քո կնոջ, Նաթելի դավաճանությունը:

Բանաստեղծը բռնկվեց կրքոտ դայրույթով. նա ոչ մի խոսք չասեց, անմիջապես հանեց դաշույնն ու խրեց երիտասարդի սիրտը:

— Վա՛խ, — մի ճիշ արձակեց երիտասարդն ու հետ գնալով ընկավ մեջքին:

Արյունը դուրս ժայթքեց երիտասարդի կրծքից:

Եվ արյուն տեսնելով՝ բանաստեղծի կիրքը հանգավ, նա մոտեցավ բաց անելու վերքը, տեսնելու, թե ինչքան խորն է, մահացո՞ւ էր արդյոք հարվածը:

Նա, դողոցով, ձեռքը տարավ դեպի երիտասարդի կուրծքը: Ձեռքը դիպավ երիտասարդի կրծքին թե չէ, բանաստեղծը ինքն էլ շանթահարի նման ընկավ վիրավորի կողքին և ազաշակեց.

— Մուսաննա՛:

— Այո՛, ես եմ, իմ սիրելի բանաստեղծ:

— Ասա՛, Մուսաննա, ասա՛, ինչո՞ւ արիք այդ ամենը. մի՞թե քեզ էր իմ վիշտը, որ ինձ ոճրագործ էլ դարձրիր:

— Ուզում էի քեզ մոտ լինել, դրա համար արի այդ բոլորը, իմ սիրելի, իմ անմոռանալի...

— Ուզում էիր մոտ լինե՞լ. չէ՞ որ դա իմ տենչանքն էր, իմ տարիների երազը: Ես հենց գիտեի, թե դու ինձ շեռ սիրում, չէ՞ որ դու մերժեցիր իմ ծաղիկները, իմ սերը:

— Չմերժեցի՛, ուզում էի, որ դու ավելի երջանիկ լինես, բայց տեսա, որ սխալված եմ, ես էլ երջանիկ չէի, քեզ էի կարոտում:

— Կարոտում էի՞ր, չէ՞ որ այն ժամանակ քո մեկ խոսքը, մեկ բառը ամեն ինչ կփոխեր:

— Ինձ հրապուրում էր քո մեծ հոգին, քո մեծ սերը, ես էլ ուզում էի քեզ տալ իմ սիրտն ու հոգին, իսկ իսկական սերը բառեր չունի, ո՛վ բանաստեղծ:

— Չունի՞, չունի՞, ես որ կարդում էի մարդկանց հոգին, ո՛վ իմ ազնիվ Սուսաննա, թույլ գտնվեցի քո հանդեպ, չկարողացա կարդալ քո հոգին:

Սուսաննան թուլանում էր և նվազած աչքերով նայում էր բանաստեղծին:

Բանաստեղծը մի բարի մարդ գտավ, որն առանց երկար հարց ու փորձի հասկացավ բանաստեղծի վիշտը: Եվ նրանք միասին մի պատգարակ սարքեցին ու Սուսաննային բանաստեղծի աչքատիկ տունը տարան: Նա սիրածին տեղավորեց անկողնում, իր ձեռքով կապեց նրա վերքը ու սկսավ անթաղ նայել իր սիրեցյալի քնքույշ և հավերժ սիրելի դեմքին:

Այդ րոպեին նա պատրաստ էր ամեն, ամեն ինչ զոհել,— այդ ամենի հետ նաև իր կյանքը, միայն թե փրկեր իր Սուսաննային:

Եվ նա, որ որոշել էր պալատ շմտնել, Սուսաննայի սիրուն շտապեց պալատ, որպեսզի այնտեղի լավ բժիշկներից մեկին կանչեր՝ փրկելու իր սիրեցյալին, զգալով, որ նրանից հետո իրեն այլևս կյանք չէր մնա:

Նա արագ հասավ պալատ, սակայն բացի ծառաներից ոչ ոք չկար՝ այնտեղ: Իմացավ որ թագուհին իր շքախմբով պնացել է անտառը որսի. նա շտապեց անտառ:

Այնտեղ էին իշխաններ, ճորտեր, որսի շներ: Նա նայեց այդ ամենին և տեսավ, որ դժվար; թե այնտեղ, այդ պահին մեկը լիներ, որ հասկանար իր վիշտը, ուստի խորին ատելությամբ մի աղեղ վերցրեց և նշան բռնեց այն արաբ ստրուկին, որի հետ նա թեղը դավաճանել էր իրեն:

Նշան բռնեց, բայց և իսկույն փոխեց մտադրությունը— Սուսաննայից հետո, ինչի՞ս է պետք վնասել այս ողորմելուն,— և վարժ ձեռքով նետն արձակեց ու թոցրեց միայն ստրուկի գլխարկը:

— Կեցցե՛ս,— բացականչեց թագուհին,— դու լավ նշան

խփող ես, քեզ նմանը դեռ չի եղել իմ թագավորութեան մեջ. բայց ո՛ւր ես գնացել, չէ՞ որ մենք քեզ այնքա՛ն սիրում ու գնահատում ենք:

— Դրանց ժամանակը չէ, ով ողորմած թագուհի,— ասաց բանաստեղծը,— դու այն ասա՛, ի՞նչ կարող էր անել իմ արժանավորութունն ունեցող մարդը, եթե նրա կիներ դավաճաններ նրան:

— Ես այդ մարդուն իրավունք կտայի բաժանվել իր անարժան կնոջից և ամուսնանալ այնպիսի մեկի հետ, որ իսկապես կսիրեր նրան,— պատասխանեց թագուհին:

— Ո՛հ, թագուհի մեծ է քո շնորհը,— իսկ եթե այդ արժանավոր մարդը չհավատալով կամ չհասկանալով իրեն իսկապես սիրողին՝ ամուսնացել է անարժանի հետ և հետո էլ պատահմամբ սպանել է իրեն իսկապես սիրող աղջկան. ինչպե՞ս պետք է վարվել այդպիսի մարդու հետ,— հարցրեց սրտակոտոր բանաստեղծը:

— Այդպիսի սխալմունքի համար,— պատասխանեց թագուհին,— պետք է, որ այդ մարդը գնա ճգնելու և քավի իր մեղքերը:

Բանաստեղծն այլևս ոչ մի խոսք չասեց. նա հասկացավ, որ ոչ ոք և ոչ մի բժիշկ չէր կարող փրկել իր Սուսաննային, ամենալավ բժիշկն ինքն էր լինելու, ուստի թողեց անտառը և շտապ վերադարձավ տուն:

Գնաց, շոքեց Սուսաննայի մահճի մոտ:

— Սուսաննա՛,— բացականչեց բանաստեղծը:

Սուսաննան ծանր բացեց աչքերը, և երբ տեսավ իր մոտ շոքած բանաստեղծին մի ժպիտ շառագունեց նրա դեմքը, բայց այդ ժպիտն այլևս կյանքի ժպիտ չէր:

— Ի՞նչ անել,— խորհում էր բանաստեղծը,— գնալ ճգնե՛լ, ո՛չ կյանքը սիրում եմ, այդ չեմ թաքցնում: Ինձ մնում է մնալ ու երգել հավերժական սիրո՛ւ երգը, Սուսաննայի անբիծ սերը:

— Սուսաննա՛,— կրկին բացականչեց նա:

Բայց Սուսաննան այլևս ձայն չէր հանում: Նա իր վերջին բուպեններն էր ապրում:

Այն ժամանակ բանաստեղծը հանեց իր մատից այն մատանին, որ թագուհին նվիրել էր իրեն իր լավ երգերի համար, հանեց ու, մի պահ հանդիսավոր պահելով, ասաց.

— Ո՛վ իմ ազնիվ Սուսաննա, այս մատանին ես նվեր ստացա այն երգերի համար, որոնք գրել էի քո ջերմ սիրով սողորված: Բախտը այնպես էր տնօրինել, որ այս անցավոր աշխարհում մենք մինչև այժմ չհասկանայինք իրար: Այժմ հասկացանք միմյանց, այժմ մենք կարող ենք հավիտյան ապրել միասին: Ահա՛, սա թող լինի մեր պսակի մատանին:

Եվ բանաստեղծն անհուն կարոտով, վերմակի տակից հանեց Սուսաննայի ձեռքը և մատանին հազցրեց նրա մատին:

Սուսաննան մի վերջին անգամ բացեց աչքերը, նայեց մատանուն, նայեց բանաստեղծին, ամեն ինչ հասկացավ ու երջանկության զգացումով փակեց աչքերը, փակեց հավիտյան:

Բանաստեղծը համբուրեց իր սիրեցյալի ճակատը, ապա համբուրեց նրա փակված շրթունքները և մրմնջաց.

— Սուսաննա՛, այլևս ո՛չ ոք մեզ չի բաժանի իրարից:

Եվ բանաստեղծը նստեց երկնելու իր հավերժական սիրո երգը:

Մի մեղմ քամի շոյում էր նրա դեմքը, առնում էր նրա ջերմ շունչը, տանում սփռում էր Սուսաննայի դեմքին և այդ սիրակարոտ շնչի տակ կարծես արթնանում էր Սուսաննան և հուշում էր բանաստեղծին իր կարոտալի խոսքերը:

1940

Երևան

ՄՆԱՆՈՒՆ ԱՂՋԻԿԸ

Իմ հետք, որին ես սիրում եմ ամբողջ
հոգով... հեծառտուրումն է:

Լ. ՏՈՒՍՏՈՅ

Ե.

Ամբողջ պալատը սուգի մեջ էր:

Առավոտ շուտ տարածվեց թագավորի մահվան լուրը:
Ողբում էին բոլորը, իշխանները, ավագները, կանայք
և նույնիսկ երեխաները:

Բայց ամենից շատ տխրել էր մեռած թագավորի եղբոր
որդին՝ Նարզասը: Հենց որ թագավորի մահվան բոթը լսեց,
նա վրայից հանեց, դեն նետեց իր ոսկեհյուս պատմուճանք
և հագավ մի սովորական շուխա, դեմքն առավ ափերի մեջ,
ընկավ սենյակի հատակին՝ գորգի վրա ու բարձրագոչ լավ
սկսեց:

Նարզասի ողբն այնքան ազդու էր, որ պալատական-
ներից շատերը մի պահ, կարծես արդեն մոռացան մեռած
թագավորին և շրջապատեցին նրան ու ցանկանում էին որևէ
կերպ ամոքել նրա վիշտը:

Սակայն, ինչքան շատ էին ձգտում ամոքել Նարզասին,
նա ավելի շատ էր կոծում և ավելի ողբերգական էր դառ-
նում նրա ձայնը:

Պալատականներից մեկը, Գարգեսը, որն ամենքից մոտ
էր համարվում Նարզասին, վերցրեց ոսկեհյուս պատմուճա-
նը, մոտեցավ նրան և վշտոտ ու աղաչական ձայնով ասաց.

— Ո՛վ պայծառանուն Նարզաս, դու սիրելիդ մեր ող-
բացյալ արքայի և հույսդ մեր աշխարհի. թոթափի՛ր քեզնից

վշտի ծանր զգացումը և առաջնորդ եղիր մեզ, մեր բուրբիս պարտքը կատարելու հանդեպ մեռած արքայի, նրան հավիտենական հանգիստը ուղարկելու:

Նարզասը գլուխը բարձրացրեց, նայեց Գարգեսին և իր մռայլ դեմքին զայրույթի այնպիսի արտահայտություն տրվեց, որ ներկա եղողները սարսափեցին: Նա աչքերը խուռեց և խեթ նայելով Գարգեսին գոչեց.

— Ո՛վ դու անիրավ, ինչպե՞ս կարող եմ ես ինձնից թոթափել վշտի ծանր զգացումը, երբ խավարել է մեր արևը: Կորի՛ր աչքիցս, անարժան մարդ. ես երեք օր պիտի կոծեմ, իսկ թաղե՞լ, ո՛հ, այդ արարողությունը ծանր, խիստ ծանր է ինձ համար: Իսկ այժմ, դու հեռու տար ինձնից այդ պատմուճանը և ինքդ այլևս չերևաս իմ աչքին, դու այլևս իմ մտերիմը չե՛ս:

Եվ այս ասելով Գարգեսին հրեց. Գարգեսն ընկրկեց՝ շփոթված ու մռայլ:

— Տեր իմ, այս ինչ փորձանքի մեջ ընկա,— մրմնջաց նա:

— Խոհեմությունը թելադրում է,— ասաց Գարգեսի ականջին մի պալատական,— որ դու հեռանաս պալատից ու այլևս չերևաս Նարզասի աչքին, այլապես նա կարող է քո պարանոցը թեթևացնել գլխիդ ծանրությունից:

Իսկ ուրիշները միմյանց ականջին ասում էին, բայց այնպես բարձր, որ լսում էր նաև Նարզասը.

— Ինչ սե՛ր դեպի հորեղբայրը, ինչ առաքինություն:

— Ինչ անշահախնդիր վի՛շտ,— ասաց մի պալատական, որին չարախոս մականունն էին տալիս:

— Հոգու ո՛րպիսի մեծություն:

Նարզասը շոյվում էր այն զգացումից, որ հասկանում են իրեն, ուստի և նա դառնալով դեպի պալատականներն ասաց.

— Արցունքը սպեղանի է մեր խորը վերքին. ողբանք մեր ծանր կորուստի համար: Իսկ ով որ ձեզնից ավելի արի է, ես կխնդրեի զնալ թագաժառանգի մոտ, արիացնել ման-

կանը, մինչև երեք օրն անցնի և, մենք խոնարհ ստրուկներս, նրան գահ բարձրացնելով՝ լույս տանք մեր աշխարհին:

Քաղաքառանգը դեռ ութամյա մի մանկիկ էր և ապրում էր մի դղյակում:

Պալատականներից մի քանիսը դուրս գնացին, հայտարարեցին, որ Նարզասի հրամանով սուզը տեկու է երեք օր, ապա իրենք գնացին թագաժառանգի մոտ նրան մխիթարելու:

Գարգեսը նույնպես դուրս գնաց պալատից:

Նրան տեսնողներն զգում էին, որ փորձված պալատականը շվար ու մոլոր տեսք է ստացել, կորցրել է իրեն հատուկ աշխուժությունը:

Մինչ այդ, պալատ եկան նոր ու նոր ողբասացների խմբեր, բարձրացրին լաց ու կահան և ամբողջ պալատը նորից ու նորից ողբաց իր թագավորի մահը:

Բ.

Երեք օրն անցավ:

Նարզասի հրամանով ամբողջ քաղաքը հավաքվել էր արքայի հուշարկիսավորությունը: Եկել էին բազմաթիվ իշխանավորներ արքայության բոլոր մասերից:

Հսկայական թափորը մեղմ ու հանդիսավոր քայլերով շարժվում էր դեպի արքայական գերեզմանոցը: Մեջ ընդ մեջ գնում էին ողբասացների խմբերը, որոնք իրենց լաց ու կոծով հարկադրում էին բոլորին մասնակցել սուգին:

Բայց ամենքի ուշադրության կենտրոնը Նարզասն էր: Նրա տխուր, մտահոգ դեմքը բոլորին մտածել էր տալիս: Տեսնես ի՞նչ նոր ձեռնարկումներ կանի նա, ինչպես կկառավարի երկիրը, ո՞ր պաշտոնյային կբարձրացնի, որի՞ն պաշտոնանկ կանի, չէ՞ որ նա դեռ մի քանի տարի լիակատար տեղ էր լինելու երկրին, մինչև ութամյա թագաժառանգը մեծանար: Բոլորի համար պարզ էր, որ Գարգեսի ապուրն արդեն եփված էր, այնքա՞ն անսպասեհ էր եղել

նրա միջամտութիւնը՝ Նարզասի վիշտն ամօքելու համար։ Եվ զանազան մտքեր ու դատողութիւններ, փսփսոցով, առաջին շարքերից գնում հասնում էին մինչև վերջին շարքերը։ Խոսում էին ամեն բանի մասին. նույնիսկ մեկ անգամ, երբ Նարզասն իր զգեստի ծալքն ուղղեց, մի պալատական շշնջաց մյուսի ականջին.

— Հուզվում է. զգեստները նեղում են նրան։

— Այո, եթե վիշտն այնպիսի ահռելի կերպարանք ունի արքայի եղբորորդու ներսում, ինչպես այդ երևում է նրա դեմքին, ապա ծանր է նրա վիճակը. նա երեք օր առաջ պատմութեանն հանեց, այսօր կուզեր պատառտտել զգեստները, — ասաց շարախոս պալատականը։

Մեկ ուրիշ պալատական, որ լսում էր նրանց, փսփսաց ընկերոջ ականջին իր մեկնաբանութեամբ։ Եվ երբ լուրը հասավ վերջին շարքերին, ապա այնտեղ արդեն միմյանց ասում էին։

— Այնքան է վշտացած արքայի եղբորորդին, որ վրայի զգեստը պատռել, դեն է նետել։

— Հապա ի՞նչ է մնացել հագին։

— Սո՛ւա, անպիտան, — սաստում էին անպատեհ հարց տվողին, — այդ արդեն մեր քննութեան առարկան չէ։ Աստուծո՛ւ և արքայի գործերն անքննելի են։

Սգավորները հող ու մոխիր ցանեցին իրենց գլխին. ողբասացների ձայնը երկինք հասավ։ Եվ արքայի մարմինը հանդիսավորութեամբ գերեզման իջեցրին։

Այնուհետև արքայական պալատի ընդարձակ բակում Նարզասի հրամանով բացվեց մեծ սեղան։ Պալատականներին, գործին ու ժողովրդին հոգեհաց տրվեց։ Մորթվեցին հարյուրավոր մանր ու խոշոր անասուններ։ Գինին հոսեց գետի նման։ Վերջում բոլորը, ննջեցյալի հոգուն հանգիստ մաղթելով, ցրվեցին։

Երբ Նարզասն ու ավագները սգի բոլոր արարողութիւնները վերջացրին, պալատական խորհուրդ հրավիրեցին, որ ութամյա թագաժառանգին գահ բարձրացնեն։

Արևն արդեն մայր էր մտել: Արքայական շքեղ դահլիճը, ուր փռված էին ամենաթանկագին գորգեր, լուսավորված էր հսկա ջահերով: Ոսկու և արծաթի փայլուն դարդերը պսպղում էին ջահերի լույսերի տակ և ամբողջ դահլիճը զրնգում էր պալատականների ձայնից: Որոշյալ ժամին Նարզասը պալատականների մի մեծ խմբի հետ դուրս եկավ դահլիճից:

Պալատի դռան կանգնած էին հարյուրից ավելի կառքեր: Կառքերին լծված էին կուշտ ու կուռ ձիեր, որոնք զվարթորեն դոփում էին գետինը և անհանդիստ կրծում էին պսպղուն սանձերը:

Մինչ Նարզասը և պալատականները կառքերը նստեցին, երկրի զորահրամանատարը, մի գնդի գլուխ անցած, հասավ թագաժառանգի բնակավայրը: Զորագունդը կանգնեց՝ սպասելով հրամանի, իր հպատակությունը հայտնելու թագաժառանգին:

Չիբրը կառքերը թուցրին և քիչ հետո կառքերի շարանը նույնպես կանգնեց թագաժառանգի դղյակի առաջ: Նարզասը պալատականների գլուխն անցած մոտեցավ թագաժառանգի տանը: Բայց զարմանքը, (ինչպես նկատեցին նրան շրջապատողները), պատեց խնամակալին: Թագաժառանգի սպասավորներից ոչ ոք չերևաց: Ավելին, թագաժառանգի տան մեջ չէր նկատվում ոչ մի հանդիսավորություն: Կանոնավոր լուսավորություն անգամ չկար բնակարանում:

Նարզասը շտապով առաջացավ, դուռը բացեց. նրա հտեից գնացին մի քանի պալատականներ և մինչ Նարզասն ուզում էր միջանցքով առաջանալ դեպի իրեն ծանոթ սենյակը, ուր ապրում էր թագաժառանգը, հանկարծ տան՝ զանազան սենյակներից դուրս թափվեցին սպասավորները, տան վերակացուն և լավեց աղիոզորմ ձիչ:

— Աղե՛տ, աղե՛տ, աղե՛տ:

Նարզասը համարյա թռիչքով, հասավ թագաժառանգի սենյակը և, երբ ներս մտավ, նրա առջև բացվեց սոսկալի տեսարան:

Թագաժառանգը, ութամյա երեխան, արյունշաղախ ընկած էր բեհեզածածկ թախտին:

Նարգասը երկու ձեռքերով խփեց գլխին և բացականչեց:

— Վա՛յ ինձ, անբախտիս, ո՛րպիսի շար խաղ է սկսել ճակատագիրը մեր աշխարհի հետ: Վրե՛ժ, վրե՛ժ... ո՛վ, դու սրբազան մանուկ, թող վկա լինեն երկիրնքն ու երկիրը, և ահա, ամբողջ այս ավագանին, որ ես չե՛մ հանգստանա, մինչև որ լույս աշխարհ հանեմ անարգ ոճրագործին և լուծեմ քո արգար վրեժը:

— Արգար է ցասումը վսեմափայլ Նարգասի, — ասին պալատականները:

Քիչ հետո վրա հասան պալատական բժիշկը, ապա զանազան կարգի ու աստիճանի արարողներ, որոնք քննեցին արքայորդու դեռևս շառած մարմինը, արձանագրեցին, թե ինչպես և ինչ ձևով կարող էր տեղի ունեցած լինել ոճիրը և որոշեցին, թե ինչպես շարունակել հետախուզությունը՝ ոճրագործին հայտնաբերելու համար:

Մինչ այդ, Նարգասը դառնալից ուղբում էր և վրիժառու խոսքերով նշավակում ոճրագործին:

— Ո՛հ, թող հավիտյան անիծյալ լինի այդ պիղծ մանկասպանը, — նորից սկսեցին խոսել պալատականները:

— Այո, այդպիսի նզովյալներն են, որ ստիպում են մարդկանց հանճարել տանջանքի նոր ու նոր տեսակներ:

— Այո, — խորհրդավոր քմծիծաղով ասաց շարախոս պալատականը, — ոճրի հատուցումը, եթե վաղուց պատրաստ չէ, ապա իրոք, որ այն շատ խիստ կլինի:

— Այս շարախոսն ուզում է իմաստուն ձևանալ, բայց միշտ մի անմիտ բան է ասում, — ասաց առաջին խոսողը:

— Խելոք բաներից միտքը հոգնում է և կյանքը կարճվում, — հարեց շարախոս պալատականը:

Բայց պալատականներն այլևս երկար չէին կարող խոսել. Նարգասի ողբը շատ էր սարսռագին և նրանք էլ տխուր դեմքերով մոտեցան ու լուռ շրջապատեցին Նարգասին. սա-

կայն ոչ ոք չհամարձակվեց որևէ խոսքով ամոքել նրան, քանի որ բոլորն էլ հիշում էին, թե ինչ բախտի արժանացավ Գարդեսը, երբ մի քանի օր առաջ ցանկացել էր սփոփել խոսք ասել նրան:

Նվ այսպես, մինչև լուս, Նարզասը և պալատականները կոծեցին խողխողված մանկան շուրջը: Կուսադեմին մեռածին լվացին, օծեցին անուշահոտություններով և փոխադրեցին պալատի սրահը, որպեսզի ժողովուրդն իր վերջին այցը տար թագաժառանգի մարմնին:

Ժողովուրդը խումբ առ խումբ գալիս էր տեսնելու ըսպանված մանկան: Գալիս էին ու ամեն մեկը ցանկանում էր որևէ լուր որսալ, որևէ բացատրություն ստանալ, թե այդ ինչ ազետալի շաբաթ էր տերության համար, երբ շաբաթվա սկզբին թագավորը մահացավ, իսկ շաբաթվա վերջին նրա որդին, բայց որևէ խելամիտ բան չսեղծվեց, բավականաճում էին մեկ անգամ արդեն օրենք դարձած բացատրությունը:

— Աստծու և արքայի գործերն անքննելի են:

Գ.

Մինչ այն, Նարզասը, հոգնած ու ջարդված, մի քանի պալատականների ուղեկցությամբ գնաց իր բնակարանը, մի շքեղ ապարանք, որը տարիներ առաջ նվեր էր ստացել իր արքա հորեղբորից:

Տուն հասնելով, Նարզասն արձակեց իրեն ուղեկցողներին և, որովհետև խիստ հոգնած էր, պառկեց քնելու: Նա երիտասարդ էր և ուժեղ, դրա համար էլ կարճ քնից հետո՝ կազդուրված վեր ելավ անկողնից: Նրա ընդարձակ պալատում, բացի մի քանի սպասավորներից ուրիշ ոչ ոք չկար, նա դեռ չէր ամուսնացել և ողջախոհ երեւալու համար չէր սիրում կանանց ընկերությունը, միայն, իր հավատարիմ պալատականի միջոցով, գիշերները մեկ-մեկ ընդունում էր կանանց այցելություններ:

Նա լվացվեց, գնաց իր սենյակը, ուզեց պճնվել. բայց

մեկ էլ կանգ առավ... ա՛խ, հիշեց, Չէ՛ որ անթաղ մեռել
 ունենք: Եվ նա, ոսկեզօծ, նրբահյուս պատմուճանը հետ դը-
 րեց պահարանը: Այդ պատմուճանը նրա համար առանձին
 խնամքով կարել էր տվել նույն այն մտերիմ պալատականը,
 որը հետին դռնից կանանց էր ներս թողնում իր մոտ: Այդ
 պալատականը Գարգեսն էր, որին այն օրն ինքն այնպես
 անարգեց մյուս պալատականների ներկայությամբ: Նար-
 զասը պատմուճանը ետ դրեց պահարանը, բայց ինչ որ
 երանելի բան հիշելով նորից ձեռք առավ այն, ուշադիր
 դիտեց, չափեց իր վրա ու դնաց դեպի լուսամուտը: Հեռվից
 լսվում էին անցնող մարդկանց տոնաձայներ, ու կառածիերի
 դուրյունը: Զանազան դասի մարդիկ շտապում էին սպանված
 թագաժառանգին վերջին հրաժեշտը տալու: Մի քանի ժամ
 հետո ինքն ևս նորից պիտի գնար այցի, ուստի և
 մտածում էր, թե ինչպե՞ս պետք է պահի իրեն, որ արժա-
 նավայել ու պատշաճավոր լինի: Նա թեք ընկավ լուսա-
 մուտին ու խորասուզվեց մտքի մեջ:

Զգիտեք, թե ինչքան էր մնացել այդ դիրքում, երբ մեկ
 էլ իր ուսերի վրա դգաց մատների շարժում ու ինչ որ փա-
 փուկ բան ծածկեց իր մեջքը: Նա ետ դարձավ:

Նրա դիմացը կանգնած էր Գարգեսը: Նա է՛ր, որ պահա-
 րանից վերցրել էր ոսկեզօծ պատմուճանը ու քցել Նարզասի
 ուսերին և այժմ կանգնած նրա դիմաց ժպտում էր:

— Ահա սիրելիդ իմ, եկավ ժամանակը: Երբ, երկու տարի
 առաջ, այնպես խնամքով կարել տվի այն պատմուճանը,
 քեզ ասի, որ ինքս, իմ ձեռքով կզցեմ քո ուսերին այն օրը:
 Երբ քեզ թագավոր հռչակեհք: Եկավ ժամանակը և դու թա-
 գավոր ես: Այժմ արդեն ես այլևս չեմ կարող առաջվա նը-
 ման քեզ հետ խոսել ինչպես իմ խնամյալի, դու տերն ես
 և ես քո ծառան: Արի ես իմը, արա դու քոնը:

— Ա՛հ, ո՛չ, դեռ ո՛չ, սիրելի Գարգես: Թող դեռ այս
 փոթորիկն անցնի, հետո նոր միայն ես քեզ հետ կխոսեմ
 արքայի և դու ինձ հետ իմ ամենասիրելի պալատականի
 տոնով: Մեհը այժմ մտերիմներ ենք, ինչպես եղբայրներ:

Ասա, ո՛րտեղ է հարմար քեզ ուղարկեմ: Չէ՛ որ այն օրից հետո, երբ ես քեզ պալատականների առաջ անգոսնեցի, մեր գործի հաջողութեան համար, այլևս անհարմար է, որ դու ինձ մտերիմ երևաս:

— Իրավացի ես, տեր իմ... Եվ բացի այդ կարող եմ հետքերը գտնել. այդ շարախոսն էլ շատ բան կարող է փրշացնել. եթե ես այստեղ չլինեմ, դու ավելի շուտ կարող ես տեսնել նրանց դատաստանը:

— Այո, Գարգես, այլևս ոչ ոքի չեմ թողնի կանգնի իմ ձամբին... բայց ասա, ասա, ինչպե՞ս արիր. ինչպե՞ս հարմարին էիր զարկել. ես տեսա, դաշույնը հենց ուղղակի սըրտին էր դիպել... հա՛-հա՛-հա՛. արբա, ութնամյա արբա՛:

— Ութնամյա արբա՛,— կրկնեց Գարգեսը և հեզնորեն ժպտաց:

— Բայց ասա՛, ասա՛, պատմության վախճանը հայտնի է. ինչպես էր նրա ընթացքը:

— Իմաստուն ես, ով տեր իմ... այն պահին, երբ դու կոծում էիր թագավորի դիակի վրա և իմ սփոփիչ խոսքերի վրա բացականչեցիր՝ հեռու տար ինձնից այդ պատմուճանը... դու այլևս իմ մտերիմը չես,— ես դուրս եկա... ինձ անարգել էր Նարզասը. այդ շա՛տ լավ ու շատ ձեռնտու էր մեր գործի համար: Բոլորն ինձ խղճում էին. ամեն մեկը ցանկանում էր մի որևէ սփոփիչ խոսք ասել, բայց ես, ոհ, շա՛տ ընկճված էի երևում նրանց աչքին. միայն այդ շարախոսը քմծիծաղ էր տալիս ու հեզնում և իր անմիտ փիլիսոփայությունը բարբաջում՝ թե Նարզասի բարկությունը այդ արդեն գրված թատերգության մի տրարվածն է:

— Ինչպե՞ս,— բարկացավ Նարզասը,— այդ ստոր իմաստակը մի՞թե կուհում է արդեն:

— Ով դիտե տեր իմ, բայց լավ է, որ նրան սրամտություններ անող անմիտի տեղ են դնում և ոչ ոք կարևորություն չի տալիս նրա խոսքերին:

— Ես արմատից կհանեմ այդ սրամիտ լեզուն... դե,

ասա՛, ես քեզ շեմ հարցնում, թե ինչ փիլիսոփայություններ էր բարբառում շարախոսը, դու ասա, ինչպե՛ս...

— Այո, տեր իմ, շատերն ինձ խղճում էին. և դա լավ էր. բոլորն էլ զբաղված էին արքայի թաղումով և ամենքը սուգի մեջ էին. իմ մասին կարծես մոռացել էին. ոչ ոքի մտքով չէր անցնում գալ ինձ այցի, և ես որոշեցի անհայտանալ. բայց ո՞ւր: Չէ՞ որ ես արքայորդուն էլ դես պետք է ուղարկեի հոր նտևից և ահա, ես զգեստներս փոխեցի թագաժառանգի մի սպասավորի հետ: Այդ սպասավորն ինձնից բավարարված էր և իմ լրտեսն էր թագաժառանգի տանը: Եվ մի ամբողջ արևի շրջան ես սպասավոր էի թագաժառանգին. ես դեմքս կիսով չափ կապել էի, իբրև թե ատամնացավ ունեմ և շեմ կարողանում խոսել. գործս հեշտացավ նաև նրանով, որ սպասավորներից երկուսն էլ իմ դավակիցները դարձան... ոսկին, տեր իմ, ոսկին ամենադուր է. և ահա, այն պահին, երբ թագաժառանգին պետք էր օծելին անուշահոտություններով իր գահն ընդունելու համար, ես ներս մտա և... դուք արդեն տեսաք, թե ինչ շեշտակի էր դիպել դաշույնս. ես լուսամուտից դուրս թռա ու ճամբաս բռնեցի դեպի քաղաքի խաղողի այգիները: Այնտեղ հնձանում գինի էին քամում, երևի թագադրության տոների համար. ես նորից զգեստներս փոխեցի, արյունոտ դաշույնը ուղեցի թողնել մի տեղ, բայց տեսա, որ մարդիկ են գալիս՝ նետեցի գինու մի կարասի մեջ և ինքս ինձ մի կերպ զցիցի քո պալատը: Ահա ամբողջ պատմությունը, տեր իմ:

— Սքանչելի է. բե՛ր, բե՛ր սեղմեմ այդ ձեռքդ, որ այդպես անվրեպ է աշխատել. ո՞հ, Գարգես, ասա՛, ինչպե՛ս, ինչո՞վ երախտապարտ լինեմ քեզ:

— Այդ մասին հետո, ինձ ոչինչ էլ պետք չէ. ես միայն գիտեմ, որ ամեն տեղ կփնտռեն թագաժառանգին սպանողին, բացի քո պալատից. այստեղ ես ապահով եմ, բայց երկար մնալ շեմ կարող. լավ է առժամ հեռանամ մայրաքաղաքից, որ ամեն կասկած վերացած լինի, իսկ մինչ այդ շարախոս պալատականին...

— Բավ է, գալիս են պալատականները, ես նորից պիտի գնամ կոծելու... դու այստեղ... և Նարզասը մի գաղտնի դուռ բանալով Գարգեսին ներս հրեց ու նորից դուռը կողպեց:

Քիչ հետո ներս եկան պալատականները և խոնարհ գլուխ տվին նրան:

Նարզասն այնպիսի վշտալի կերպարանք ստացավ, որ բոլոր պալատականները ետ-ետ դնացին և առանց ծրարուն հանելու գլուխները խոնարհեցին:

— Ի՞նչ լուր կարող ես հաղորդել ինձ,— դիմեց Նարզասը ամենաավագին, որը հանձն էր առել գտնելու ոճրագործին,— եղկելի հանցագործը ո՞ր գնդանումն ես արգելափակել. ասա՛, համբերությունս հատնում է. նախքան թագաժառանգին հողին հանձնելը, պետք է ոճրագործն իր տոհմով ու իր դավակիցներով զոհվի նրա սրբազան աճյունի առաջ:

— Ո՞վ մեծազոր Նարզաս,— խոսեց ավագ պալատականը,— մեծ ու արդար է ցասումը քո, խմաստուն է խորհուրդդ. այդպես են վարվել բոլոր մեծահոգի արքաները. զոհել ոճրագործին սպանվածի աճյունի պռաջ, ճիշտ այդպես: Թող սակայն ներողամիտ լինի վանձափաջ տերը, ոճրագործը խիստ է զգուշ ու խոքամանկ. ոչ մի հետք չի մնացել...

— Ի՞նչ,— սաստիկությամբ կտրեց պալատականի խոսքը Նարզասը,— ուրեմն ոճրագործը գեռ չի՞ գտնված:

Պալատականը պատասխանել չկարողացավ. նրա դեմքը դեղնեց և նա հազիվ կարողացավ իրեն պահել դողացող ծնկների վրա:

Նարզասը ցասկոտ հայացքով մի քանի անգամ գնաց եկավ սենյակում, ապա կարգադրեց բանտարկել ավագ պալատականին, որ թույլ էր գտնվել և մինչ այդ շէր կարողացել գտնել ոճրագործին. նրա հետ միասին կարգադրեց բանտարկել շարախոս պալատականին, որը պղտորում էր մարդկանց մտքերը և նոր մարդիկ նշանակեց ոճրագործին գտնելու:

Ապա Նարզասը դնաց պալատի սրահը, ուր դրված էր թագաժառանգի մարմինը: Կոժեց բարձրագույն և ուշ գիշերով իր մտերիմների թևերին ընկած վերագարձով տուն:

Նա նորից արձակեց բոլորին և երբ մենակ մնաց, բացեց դաշտնի սենյակի դուռը և իր մոտ կանչեց Գարգեսին: Գարգեսը եկավ ու փարվեց Նարզասի ծնկներին:

— Մեծ է իմաստությունդ, ով Նարզաս, — ասաց նա, — ես ամեն ինչ լսեցի:

— Բայց քո ներկայութունդ այստեղ վտանգավոր է թող ոչ մի կասկած չլինի, որ ես ձգտել եմ գահին:

— Հրամայիր, ինչպես կամիս:

— Դու վաղը ճամբա ընկիր երկրի խորքերը. հարմար ժամանակին խնդրագիր կուղարկես և կհայցես իմ շնորհը: Բացի այդ անհրաժեշտ է, որ դու իմանաս, թե այդ ժողովուրդն ի՞նչ է խոսում, ի՞նչ է մտածում թագաժառանգի մահվան և իմ թագավորության մասին:

— Խոնարհաբար լսում եմ:

Սակայն Գարգեսին դժվարացնում էր իր հզի կնոջ վիճակը: Նարզասը այդ մասին հոգաց. նրան առատ ոսկի ու արծաթ տվեց և ճամբի համար բոլոր անհրաժեշտ բաները: Գարգեսը կնոջը նստացրեց ուղտի վրա և ուղտի փափուկ ընթացքով մի սպասավորի հետ ճամբա ելավ:

Պ.

Հետևյալ օրը Նարզասը թագավոր հռչակվեց:

Նարզասն, արդեն իբրև թագավոր, արժանավայել կերպով թաղել տվեց թագաժառանգին: Նրա հիշատակի հավերժացման համար աղքատ երեխաներին ողորմություն բաժանեց ու մի քանի հարկատուների պարտքեր զիջեց:

Այն նոր մարդիկը, որոնց նա նշանակել էր թագաժառանգին սպանողներին գտնելու համար դարձյալ եկան և Նարզասին զեկուցեցին, թե ոճրագործի հետքերը չեն կարողանում գտնել: Նարզասը բարկացած մի քանի նոր կար-

գաղություններ արավ և հետո սկսեց իր պետական գործերը կարգավորել:

Նա նախ և առաջ գլխատել տվեց իրեն անհաճելի մի քանի պալատականների և նրանց համախոհներին: Առանձին սաստկությամբ նա հրամայեց դատաստան տեսնել չարախոս պալատականի հետ, բայց մեծ եղավ նրա զարմանքն ու կատաղությունը, երբ բանտապետը եկավ զեկուցեց.

— Ձերդ մեծություն, Մարկոսն անհայտացել է:

Մարկոսը չարախոս պալատականն էր:

Նարզասի երեսի գույնը փոխվեց, ուզեց բանտապետին գլխատելու հրաման տալ, բայց իր թագավորության առաջին ու երկրորդ օրերում արդեն մի տասնյակ պալատականի գլուխ կտրել էր տվել, ուստի նա զսպեց իրեն և բավականացավ բանտարկել տալով Մարկոսի մի քանի համախոհներին:

Բայց արդեն Նարզասի հանգիստը կորավ: Նա գիտեր, որ խոսքը բերնեբերան կդառնար գերան: Չարախոս պալատականը—Մարկոսը, ազատ մուտք ունենալով ժողովրդի մեջ, կարող է իր հանելուկային խոսքերով շատերի մտքերը պղտորել: Ու նա որոշեց վարվել իր երկրի հին սովորության համեմատ: Գարգեսին ճամբու գնելուց հետո, մի օր նա ծպտվեց, հագավ վաճառականի զգեստ և իր մի հավատարիմ սպասավորի հետ գնաց քաղաքն ու նրա շրջակայքը ման գալու:

Նա ցանկանում էր անձամբ ստուգել, թե իր հպատակներն ինչ կարծիքի են իր մասին, ի՞նչպես են ընդունում իր թագավորությունը և ո՞վքեր են այն մարդիկ, որոնք կարող են վտանգ սպառնալ իրեն ու իր գահին:

Մութը պատել էր, երբ նա մտավ մի սրճարան: Սրճարանի լայն թախտերի վրա ծալապատիկ նստած էին բազմաթիվ մարդիկ՝ վաճառականներ, արհեստավորներ, օտարականներ: Բոլորը, մի-մի բաժակ սուրճ առջևները դրած, զմայլված լսում էին աշուղին: Նարզասը սրճարանի հաճա-

խորդներից մեկից իմացավ, որ աշուղը նոր է լույս ընկել և իմաստալից խոսքերով շատ քաղցր երգեր է երգում: Նարգասն էլ իր ու իր սպասամորի համար մի-մի բաժակ սուրճ ուզեց և ինքն էլ սկսեց ունկնդրել աշուղին:

Աշուղի աչքից շէր վրիպում, թե ո՞վ է մտնում, ո՞վ է դուրս գալիս սրճարանից: Նա աչքի տակից նայեց նորեկին, իրեն հրամցված սուրճը խմեց և իր սազի սիմեթը լարելով սկսեց երգել:

Նա երգում էր բարձր ու ազդու ձայնով. երգի խոսքերը հնչում էին պարզ ու որոշ և ինքն էլ, նայած խոսքերի իմաստին, մեկ ոգևորվում էր, մեկ տխրում, մեկ էլ հանդարտվում, ինչպես արտերին հասած կարկաչահոս գետը ու էլի շարունակում իր երգը: Եվ նա իր երգն ավարտեց այս խոսքերով.

Այս անցավոր աշխարհում մարդը ուրախ պիտի ապրի,
Իսկ անիրավ գործերը միայն պատժի են արժանի:

Ուր անիրավ գործեր են կատարվում

Եվ չի պատժվում անիրավը,

Ո՛չ արքան է այնտեղ արքա,

Ո՛չ էլ աստվածն է աստված:

Ասաց աշուղը, մատը վերջին անգամ զարկեց սիմին և լուեց:

Բոլորը հավանական բացականչություններով գովարանեցին աշուղին:

Նարգասը, մյուսներից հետ շմնալու համար, նույնպես դրվատանքի մի քանի խոսքեր ասաց աշուղին, ապա հարցրեց.

— Ով իմաստուն աշուղ, դուրե՞կան է ձայնդ և մանավանդ խորն էր երգիդ միտքը, կարո՞ղ ես ասել, կատարվե՞լ է մեր աշխարհում, Նարգասի թագավորության մեջ մի անիրավ գործ, և հանցագործը չի պատժվել:

Աշուղը, որ սկզբից արդեն առանձին ուշադրություն էր

դարձրել վաճառականի դգեստով սրճարան եկած Նարզասին, պատասխանեց.

— Թագավորության մեջ շատ կան գանձեր. երբ արքան ցանկանում է, բաց է անում գանձարանի դռները և ոսկիները հանում, ծախսում է, երբ չի ցանկանում՝ գանձարանի դռները պինդ փակել է տալիս և ոչ ոք չի իմանում, թե ինչքան փող կա և ինչ տեսակ փող կա գանձարանում:

— Ինչ իմաստուն խոսք է,— ասաց մի արհեստավոր, ոտիս անունը չսելով:

Բայց Նարզասը, որ արդեն ինչ որ բան էր կռահում, դիմեց աշուղին:

— Ես գանձի մասին չեմ հարցնում, այլ...

— Ներեցե՛ք, տեր վաճառական,— խոսեց աշուղը,— հարցը կրկնելու կարիք չկա, ես ձեր հարցի պատասխանը տվի և կա մեկը, որ հասկացավ ինձ:

— Ո՞վ է այդ մեկը. ես չեմ տեսնում այդպիսին. մեկ-նիր ասածներիդ միտքը:

— Ես շատ խրթին բան չեմ ասել. դուք չեք տեսնում այդ հասկացողին, որովհետև հայելի շունք, իսկ ավելի պարզ կարելի է այսպես ասել, երբ թագավորության մեջ, պալատում, անիրավություն է կատարվում, և եթե պետք է անիրավին պատժել՝ անիրավ գործը հրապարակում են, իսկ եթե անիրավին պետք է պատիվ տալ, ապա այդ անիրավ գործը պինդ, ինչպես թանկագին գանձ պահում են գանձարանում և դռան վրա յոթը կողպեք դնում:

— Իսկ Նարզասի թագավորության մեջ ինչպե՞ս են գործերը, անիրավությունը թաքնված է թե՛ հրապարակված:

— Ես թագավորի գործերին չեմ խառնվում, մանավանդ որ հիմա թագավորի գանձարանի բանալին գտնվում է մի վաճառականի ձեռքում:

— Այդ ինչպե՞ս,— հարցրեց Նարզասը:

— Ի՞նչ է ասում. գուցե զրպարտում է թագավորին,— ասաց մի վաճառական:

— Քալ լիցի,— խոսեց հանդարտորեն աշուղը,— ես միայն ուզում եմ ասել, որ եթե անիրավ գործ էլ է կատարված՝ Նարզասը շղիտե, որովհետև գուցե այդ անիրավ գործը կատարել է մի վաճառական, որ այժմ նստած է մեր մեջ:

— Ա՛հ,— բացականչեցին մի քանիսը,— աշուղը ճիշտ է ասում, ասածու և թագավորի գործերն անքննելի են, նա ասում է, թե կարող է պատահել, որ այսինչ վաճառականը խարել է առևտրի մեջ, կամ այսինչ դերձակը գողացել է պատվիրատուի կտորից, և թող աստված հարամ անի նրանց գլխին այդ գողացած ապրանքը:

— Ճիշտ է: Ճիշտ է ասում:

Բայց Նարզասը շնանդարտվեց. նա նորից հարցրեց աշուղին.

— Դու ասացիր, թե գուցե այդ անիրավ գործը կատարել է մի վաճառական, որն այժմ նստած է մեր մեջ. չե՞ս կարող ասել, ո՞վ է այդ վաճառականը:

Աշուղը սղալեց բեխերը և առանց շփոթվելու ասաց.

— Ես այդքան իմաստուն չեմ, բայց այն մարդը, որ հիմա վաճառական է, մի ժամ հետո կարող է լինել արհեստավոր, հաշորդ ժամին իշխանավոր, թերևս նա է:

Նարզասն արդեն լրիվ հասկացավ աշուղի հանելուկային խոսքերի միտքը, ուստի այլևս հարցեր չտվեց:

Իսկ սրճարանի հաճախորդները ձանձրացած իրենց համար անհասկանալի գրույցից խնդրեցին աշուղին նոր երգ սկսելու:

Մինչ աշուղն սկսեց երգել, Նարզասը իր սպասավորի հետ դուրս եկավ փողոց:

— Տեր իմ,— դողալով խոսեց սպասավորը, որ Օխտիկ անունն էր կրում,— ճանաչեցի՞ր:

— Ինչպես չէ:

— Այդ ստահակ շարախոսը աշուղ է դարձել:

Նարզասը պալատ հասնելով հագավ իր արքայական զգեստները և կարգադրեց նորեկ աշուղին ձերբակալել:

Բայց աշուղը, որ երբեմնի պալատական Մարկոսն էր, անմիջապես դուրս էր եկել սրճարանից, զգեստափոխվել և անհայտացել:

Ե.

Հետևյալ առավոտ Նարզասը նորից ուզեց գնալ ժողովրդի մեջ, իմանալու, թե ինչ են խոսում իր մասին: Այս անգամ նա հագավ շրջիկ բժշկի զգեստ, վերցրեց մի քանի գործիք և Օխտիկի հետ դուրս եկավ պալատից: Այս անգամ նա ուզում էր գնալ մոտակա գյուղը:

Նա հասավ մի նեղ ճամբի, ուր երկու կողմից փարթամորեն բուսել էր խառը, խաղաղ ժամ էր և ոչ մի անցորդ չկար այնտեղ, միայն վերևում ծառից կատարներին թռչուններն էին ճուլողում, իսկ ներքևում մեղուներն էին բզզում: Քիչ էլ առաջ գնալով, Նարզասը նկատեց, որ դեմից դալիս են երկու հոգի՝ մի տղամարդ և մի աղջիկ: Երբ նրանք բավական մոտեցան, Նարզասը նկատեց, որ տղամարդը մի ամբակազմ ու պարթև երիտասարդ էր, իսկ աղջիկը մի շքեղ կնիք:

Նրանք երկուսն էլ այնքան սքանչելի էին, այնքան կախարդիչ, որ կարծես եթե չքանային, ապա կամայանաք նաև այդ շրջապատը, կլռեին թռչունները, կչորանաք բուսականությունը:

Նարզասը մոտեցավ նրանց և բժշկական աքցանը, որ դուրս էր ցցվել դոտիկի արանքից, ներս խրեց ու հարցրեց.

— Ո՞ւր բարին, շահելներ:

— Աշխարհ տեսնելու, — պատասխանեց երիտասարդը: Իսկ աղջիկը նայեց Նարզասին և իր շնորհալի գլուխը շարժեց, հավանություն տալով իր ընկերոջ ասածին:

Հարց ու փորձից պարզվեց, որ երիտասարդին կոչում էին Արզամ. իսկ աղջկա անունը Նարզասը ոչ մի կերպ իմանալ չկարողացավ: Արզամն ու այդ աղջիկը մտերմացել էին և պայմանավորվել միասին ման գալ, աշխարհ տեսնել: Արզամը հավատացնում էր, թե աղջկա մասին ինքը միայն

այսքանը գիտեմ, որ նա ծծկեր ժամանակ զրկվել է ծնողներից և չի հիշում, թե իրեն ինչ անուն են տվել հայրն ու մայրը, իսկ նա քանի որ ծնողներից շնորհված անունը չգիտեմ, նա առայժմ ուրիշ անուն չի ուզում ունենալ: Աղջիկը գլխի դրահան շարժումով հաստատեց Արգամի ասածը: Նարզասը մեկ էլ նայեց աղջկանը. նրա անունը... Ի՞նչ անուն կարող էր սազել այդքան շքնաղ մի աղջկա:

Այժմ Արգամն ու անանուն աղջիկը մտերիմ ընկերներ էին, բայց թե ինչ զբաղմունք ունեին, այդ մասին ոչինչ չասացին:

Նարզասը նկատեց որ երկուսն էլ առողջ էին, նրա կարիքը շունեին, բայց չէր ուզում նրանցից բաժանվել, մանավանդ շքնաղ աղջկանից, որը կախարհել էր նրան:

Նարզասի շրթունքները ակամա շշնջացին «Թագուհի» բառը, երբ նա նորից զմայլված նայեց անանուն աղջկան: Այո՛, արժանի էր այդ աղջիկը Թագուհի դառնալու: Բայց գուցե նա իրոք Թագավորական զարմից է,— մտածեց Նարզասը,— և այդ թաքցնում է. գուցե նա էլ իր նման ծալտվել է և այդ ձևով է ցանկանում աշխարհ տեսնել... այո, այս, այս սղան էլ այնպես խոնարհ է դեպի նա. գուցե նա արքայադուստր է, սա էլ նրա սպասավորը: Ոչ, պետք է ստուգել, թերևս այդ աղջիկն հենց Նարզասի համար է ոտք դրել նրա աշխարհը: Թագուհի, Թագուհի,— շշնջաց նա իր մըտքում, ապա դիմեց նրանց.

— Ո՞րտեղից եք գալիս. ո՞ւմն եք հանդիպել այսօր այս ճամբին:

— Մենք այսօր նոր ենք ճամբա ելել և առաջին մարդիկ, որոնց հանդիպում ենք, դուք եք,— պատասխանեց անանուն աղջիկը:

— Ուրեմն, ոչ ոքի չե՞ք տեսել:

— Ո՛չ,— հաստատեց Արգամը,— բայց...

— Բայց ինչ,— անմիջապես հարցրեց Նարզասը:

— Բայց իմ ընկերուհին իսկույն հասկացավ, թե այս ճամբով ովքեր են անցել այս գիշերը:

— Այդ ինչպե՞ս, — հետաքրքրվեց Նարզասը:

— Շատ պարզ, — պատասխանեց անանուն աղջիկը, — այստեղից անցել է մի ուղտ, որի մի աչքը կույր է եղել:

— Այդ ինչպե՞ս իմացաք, — զարմացավ Նարզասը:

— Տեսեք, — պատասխանեց աղջիկը, — սրանք ուղտի ոտքի հետքերն են. տեսեք նա ճամբի մի կողմի խոտերից կրծել է, մյուս կողմինը ոչ:

— Հա՛, — շրթունքները կրծեց Նարզասը, — հետո՞:

— Հետո ուղտի վրա բեռներ են եղել, մի կողմը մեղր, մյուս կողմը յուղ:

— Իսկ այդ ինչի՞ց իմացաք:

— Ճամբի մի կողմը յուղն է կաթիլ և տեսեք, թե ինչքան մրջյուններ են հավաքվել վրան, իսկ մի կողմն էլ մեղրն է կաթիլ, տեսեք, ինչքան մեղուներ են հավաքվել վրան:

— Զարմանալի է, — բացականչում է Նարզասը:

Նրանք արդեն բավական առաջ էին գնացել և հասել մի աղբյուրի:

— Զարմանալու ոչինչ չկա, — ասաց աղջիկը, — ուղտի վրա էլ նստած է եղել մի հղի կին:

— Ուրեմն դուք տեսել եք այդ ուղտին և նրա վրա նրստած կնոջը, ինչպես նաև նրանց հետ եղած մարդկանց:

— Ո՛չ:

— Հապա ինչպե՞ս իմացաք, որ ուղտի վրա կին է եղել, այն էլ հղի:

Անանուն աղջիկը նայեց բժշկին և իր խորաթափանց հայացքով նկատեց, որ նրան շատ է մտահոգում այդ հայտնությունը. բայց աշխատեց ցույց շտալ, որ հասկանում է նրա վրդովմունքը և հանդարտորեն բացատրեց.

— Ահա, տեսեք, սրանք ուղտի հետքերն են. այստեղ կինը իջել է աղբյուրից ջուր խմելու. խմելիս շոքել է, սրբանք ծնկների տեղերն են, իսկ բարձրանալիս ձեռքերը հենել է գետնին, որ հեշտ ոտքի կանգնի սրանք էլ ձեռքերի հետքերն են:

— Հը՛մ, հը՛մ, — արդեն յուրովի մուտում էր Նարգասը: Նա աղջկա ասածներից հասկացավ, որ այդտեղից անցել էր Գարգեսը:

Նա մի պահ նայեց չքնաղ աղջկան, ապա ինքն իրեն խոսեց, — այս աղջիկը, որ այսքան իմաստուն է, կարող է շատ օգտակար լինել իմ պալատի համար: Պետք է տղային էլ, աղջկան էլ պալատ տանել և այդ աղջկա միջոցով, մանավանդ, եթե նա թաղուհի դառնա, հայտնաբերել իմ բոլոր թշնամիներին, ոչնչացնել նրանց և ամրացնել իմ թագավորությունը:

Այս մտքով նա հրաժեշտ տվեց զույգին և Օխտիկի հետ շտապ վերադարձավ իր պալատը: Մի քիչ հետո մի խումբ ձիավորներ, Նարգասի համհարզի առաջնորդությամբ, եկան, գտան Արգամին ու անանուն աղջկան:

— Չեզ, թագավորն իր պալատն է կանչում, — ասաց հեծյալների գլխավորը:

— Իսկ ո՞վ է ձեր թագավորը:

— Այդ ի՞նչ անբարիշտ հարց է, — որոտաց գլխավորը, — թագավորը աստծու ընտրյալն է, այս աշխարհի տերը և մարդկանց ճակատագիրը որոշողը: Չեզ հրամայված է գալ պալատ, անսացեք այդ հրամանին, առանց դատելու:

— Մենք թափառում ենք քաղաքից քաղաք, գյուղից գյուղ, ի՞նչ գործ ունենք պալատի հետ: Ասեք թագավորին, որ շատ շնորհակալ ենք իր պատվից, — ասաց անանուն աղջիկն առանց կարևորություն տալու գլխավորի պերճախոսությանը:

— Այդ իմ գործը չէ, — զայրացավ գլխավորը, — հրամայված է, ուրեմն պիտի դաք պալատ:

Երբ Արգամն ու անանուն աղջիկն ընդդիմացան, նրանց սպառնալիքի տակ նստեցրին ձիերի վրա, ու տարան պալատ:

Արգամն ու անանուն աղջիկը նստած էին արքայական պալատի սենյակներից մեկում: Ի՞նչ էր սպասում նրանց նրանք դեռ ոչինչ չգիտեին: Խուզարկու մի աչք, կիսաբաց դռան արանքից, մեկ-մեկ նայում էր նրանց ու կրկին անհետանում:

Նարզասի սպասավորը, Օխտիկը, հրաման էր ստացել հսկել նրանց վրա և այդ նա էր, որ շէր հեռանում սենյակի դռներից:

Արգամն արդեն սրտնեղվում էր. նա ուզում էր ներս կանչել Օխտիկին և նրա միջոցով խնդրել արքային, որ իրենց ընդունե կամ արձակե, որովհետև մութն ընկնում էր և նրանք ճամբա ունեին կտրելու: Բայց անանուն աղջիկն հորդորում էր նրան շտապել:

— Այժմ, սիրելի Արգամ, — խոսեց աղջիկը, — երբ ընկանք այստեղ, պետք է գործինք համբերության զենքով. սպասե՛նք. արքաներին պատշաճ է մոռացկոտությունը. սակայն նա մեզ այստեղ նրա համար չի կանչել, որ մոռանա մեր գոյությունը:

— Ա՛խ, երանի թե մոռանար, — մրմնջաց Արգամը:

— Կարծում ես բարին այդ է, — կռահելով նրա միտքն սասց աղջիկը:

— Թերևս. նա հիշելով մեզ, կարող է մեզ բաժանել իրարից... քեզ, իմ սիրելիս, խլել ինձնից:

— Ես չեմ ուզում, որ դու այդպես խոսես:

— Հապա ինչպե՞ս:

— Ես նրան ցույց կտամ, որ նա ամենազոր չէ:

Արգամը մտածմունքի մեջ ընկավ:

Վերջապես սենյակի դուռը բացվեց և Օխտիկը ներս մտնելով հանդիսավոր եղանակով ասաց.

— Ով դու մեծապատիվ այր և դու շնորհաշուք աղջիկ, հասավ պատշաճ ժամը. այժմ դուք կարժանանաք մեր արև-

գակնային արքայի տեսությանը. գերհզորը ձեզ արժանաց-
նում է մեծ պատվի. հրավիրում է իր մոտ ճաշի:

Արգամն ու աղջիկը ոտքի կանգնեցին. աղջիկը հան-
դարտորեն ասաց.

— Բարի է արքայի կամքը:

Օխտիկի առաջնորդությամբ նրանք անցան պալատի
սյունազարդ միջանցքներից և մտան շքեղ ճաշասենյակը:
Տասնյակ սպասավորների կանգնած ճաշասեղանի շուրս բո-
լորը, աչքները հառած դռանը, սպասում էին թագավորի
մուտքին: Արգամն ու աղջիկը նույնպես կանգնած մնացին
մինչև արքայի գալը: Եվ քիչ անց բացվեց մի ուրիշ դուռ,
Նարգասը, շրջապատված շորս ալլ պալատականներով,
հերս մտավ:

Բոլորը խոնարհ գլուխ տվին: Գլուխ տվեց նաև Արգա-
մը, իսկ անանուն աղջիկը գլուխը խոնարհեց ոչ այնքան
պատշաճավորությունը պահպանելու համար, այլ նայելու, թե
ինչպես է քայլում թագավորը: Եվ նայելով թագավորի
քայլվածքին, մի ժպիտ շատագունեց նրա դեմքը. — «այս ար-
քան, որ քիչ առաջ բժշկի հագուստով էր, չի մտածել, որ
հագուստը կարելի է փոխել, դեմքին մազ ավելացնել կամ
պակասացնել, սակայն քայլվածքը բոլոր պայմաններում
նույնն է մնում»: Այսպես մտածեց աղջիկը և նրա համար
պարզվեց, որ այս արքան այն նույն ծպտված բժիշկն էր:
Նա վերհիշեց իր խոսակցությունը այդ բժիշկ արքայի հետ,
ուզտով ճամբորդող մարդու մասին. հիշեց, թե ինչպես մը-
տահոգվում էր նա՝ լսելով իր հայտնությունները, և շրթուն-
քը կծեց:

Թագավորը գլխի թեթև շարժումով ընդունեց սենյակում
հավաքվածների հպատակության արտահայտությունները,
սպա նստեց սեղանի մոտ, իրեն հատուկ տեղում և մյուս-
ներին էլ հրամայեց նստելու: Արգամն ու անանուն աղջիկը
նստեցին թագավորից աջ:

Սպասավորները փութաջան կերպով վազվզում էին խո-
հանոցից ճաշասենյակ և ահա նրանցից մեկը, մի մեծ

սկուտեղով փլավ բերեց, նախ մատուցեց արքային, ապա աստիճանավորներին, հետո մոտեցավ անանուն աղջկան: Աղջիկը մի գդալ փլավ վերցրեց, հոտոտեց ու անմիջապես ետ դրեց տեղը:

Նարգասը, որ ուշադիր հետևում էր աղջկա շարժումներին, դադարեց ուտելուց և դիմելով նրան հարցրեց.

— Ինչո՞ւ չկերար փլավը:

— Թագավորն ապրած կենա, — ասաց աղջիկը, — այդ փլավից մարդու դիակի հոտ է գալիս. ես, ա՛յ, այս բուսեղենից կուտեմ:

Պալատականները զայրացած նայեցին աղջկան, ապա քծնող հայացքով դարձան դեպի Թագավորը: Սակայն, Թագավորն, աշխատելով հանգիստ ձևանալ, հրամայեց սպասավորներին.

— Ուրիշ կերակուր տվեք այդ աղջկան, — և ինքն էլ դադարեց փլավ ուտելուց:

Սպասավորները մի խորոված գառ մատուցեցին:

Աղջիկը հոտոտեց գառը և ասաց սպասավորներին.

— Հետ տարեք:

— Իսկ դառան միսն ինչո՞ւ չկերար, — անհամբերությամբ հարցրեց Նարգասը:

— Թագավորի շնորհը թող անպակաս լինի. այդ գառը շան կաթ է ծծել:

— Ի՞նչ զրպարտություն արքայի սեղանին, — շնջացին միմյանց ականջին մի քանի պալատականներ:

Նարգասը, թեև նույնպես ուզում էր զայրանալ, բայց դարձյալ զւ պելով իրեն դիմեց աղջկան:

— Կալ, այսօր իմ ուտելիքն ապականված է ուրեմն, գոնե մի բաժակ գինի խմիր. անարատ է այս գինին:

Եվ Թագավորի մի ակնարկի վրա մատովակը ոսկե բաժակով գինի տվեց աղջկան: Աղջիկը վերցրեց գինով բաժակը մոտեցրեց շրթունքներին, բայց նախ քան խմելը հոտոտեց ու անմիջապես բաժակը վերադարձրեց մատովակին:

— Հապա գինին ինչո՞ւ չես խմում, — արդեն ակներև անհանգստությամբ հարցրեց Նարզասը:

Անանուն աղջիկը մազերը հետ տվեց և իր պայծառ դեմքի իմաստուն արտահայտությամբ՝ մեղմ, սակայն հատու տոնով ասաց.

— Ո՞վ մեծագուր արքա, ես այդ գինին չեմ կարող խմել, որովհետև այդ գինու մեջ մարդու արյուն կա:

— Ինչպե՞ս, — տեղից վեր կենալով բացականչեց արքան:

— Այս աղջիկն անամոթ բամբասող է, — նկատելով արքայի զայրույթը համարձակորեն խոսել սկսեցին պալատականները:

Արգամը անհանգիստ հայացքով նայում էր իր անանուն սիրեցյալին և շփտեր ինչ աներ, միայն զգում էր, որ եթե մեկն ու մեկը, թեկուզ արքան, որևէ քայլ աներ դեպի աղջիկը, ինքն իր կյանքով նրան կպաշտպաներ. աղջիկն այդ հասկանում էր, ուստի նա նշանակալից հայացքով հանգստացնելով Արգամին, դիմեց թագավորին:

— Թող արքան զսպի իր զայրույթը և հրամայե այստեղ կանչել շալթուկ ցանողին, հովիվին և գինեգործին — նրանք կհաստատեն իմ խոսքերը:

Նարզասը առանց երկար մտածելու հրամայեց մի պալատականի:

— Կանչել այստեղ աղջկա ասած մարդկանց:

Քիչ անց պալատ բերին շալթուկ ցանողին, հովիվին և գինեգործին: Թագավորն ինքը առաջինը դիմեց շալթուկ ցանողին:

— Ասա՛, որտե՞ղ ես ցանել շալթուկը:

— Թագավորն, որ ապրած կենա, մենք մեր հոգուն որ մեղք չանենք, պիտի ուղիղն ասենք, — խոսեց շալթուկ ցանողը, — հին գերեզմանոցը, որ անցած տարի քանդեցինք, տեղը հարթեցինք, լավ ջուր կապեցինք վրեն. շալթուկն էնտեղ ենք ցանել:

— Այ, թե որտեղից էր դիակի հոտը, — մտմտաց ինքն իրեն Նարզասը, ապա դիմեց հովվին.

— Այ հովվիվ, ասա տեսնենք, խոհանոցի համար այսօր ուղարկածդ գառը ի՞նչ կաթ է ծծել:

— Թագավորին, որ ասեմ, — խոսեց հովվիվը, դեպի ծոծրակը մղելով փափախը, — գառը, որ ծնավ, մերը խատավ. հենց էդ օրն էլ մեր շունը ծնեց. գառը պեցցի շան տակ. շունն էլ իր ձագերի հետ գառանը կաթ տվեց էնպես, որ...

— Էլ ինչ էնպես, որ... զայրացած խոսեց Նարզասը. և դարձավ գինեգործին, — հիմա դու ասա, այ գինիների վարպետ, մեր գինու մեջ ինչո՞ւ մարդու արյուն կա:

— Թող երկար ապրի թագավորը, — պատասխանեց գինեգործը, — այս առավոտ էլ կարասից սովորականի նման գինի լցրի ուղարկեցի պալատի համար: Մեկ էլ ինչ անցավ մտքովս, ասի տեսնեմ ինչքա՞ն գինի մնաց այդ կարասի մեջ. գավը կոխեցի, տեսնեմ գիտչում է կարասի հատակին. է՛, ասի, վաղը նոր կարասս պիտի բացել թագավորի սեղանի համար. մեկ էլ տեսնեմ դավս ինչ որ բանի դեմ առավ. ձեռքս տարա ու կարասի միջից հանեցի մի դաշույն:

— Դաշո՞ւյն, — հարցրեց Նարզասը:

— Այո, տեր իմ, դաշո՞ւյն. և դաշույնը արյունոտ էր եղել, քանի որ լերդացած արյունը դեռ տեղ-տեղ էլ կպել մնացել էր վրան. թե այդ տակառի գինին արնահամ է եղել, դրանից կլինի. ուրիշ արյուն չի թափվել:

Ներկա եղողներից միայն ինքը, Նարզասը գիտեր, թե դա ինչ դաշույն էր. բայց նա զայրանում էր այն մտքից, որ աղջիկը կարող էր նաև իմանալ, թե ինչ դործ էր կատարել այդ դաշույնը, ուստի նա դադարեցրեց ամեն հարց ու փորձ, հրամայեց, որ չալթուկ ցանողը, հովվիվն ու գինեգործը գնան իրենց աշխատանքին, արձակեց պալատականներից մի քանիսին, իսկ մի քանիսի հետ էլ խորհրդակցելուց հետո, մոտեցավ աղջկանն ու ասաց:

— Այժմ քեզ կտան քո հավանած անարատ ուտելիքը...
հետո քեզ հետ առանձին խոսելիք ունենմ:

Է.

Սվ մեկ ժամ հետո Նարզասը անանուն աղջկան կանչեց
իր մոտ: Աղջիկը սիրտ տվեց Արգամին, որ շահհանգստանա
և ինքը գնաց թագավորի սենյակը: Նարզասը բազմել էր
նրբահյուս գորգով ծածկված մի թախտի վրա և համրիչը
ձեռքից ձեռք նետելով գուշակութուններ էր անում:

Երբ աղջիկը ներս մտավ, Նարզասը նրան թույլ տվեց
նստել իր մոտ թախտի ծայրին՝ և մի պահ նայում էր նրա
դեմքին: Իսկ աղջկա դեմքը... Ո՞վ կարող էր նրա դեմքի
գովքն անել: Նարզասը գիտեր, որ իր ողջ թագավորության
մեջ չէր գտնի այդպիսի գուշակ աչքեր, որոնց ինքը, երկրի
տերն անգամ հանգիստ սրտով չէր կարողանում նայել: Սվ
նա նմանապես գիտեր, որ այդպիսի աստվածային շնորհնե-
րով լեցուն աղջիկ ո՛չ հղի էր, ո՛չ կար և ո՛չ էլ կլիներ իր
երկրում:

Սվ ահա, այժմ, Նարզասը երկար-երկար նայելով աղ-
ջրկան ասաց.

— Խոսի՛ր, չքնաղ աղջիկ, ո՞վ է քո հայրը, որ այդքան
իմաստութուն է տվել քեզ և ո՞վ է քո մայրը, որ այդքան
կախարդիչ է ծնել քեզ. մի բան ասա քո մասին... լո՞՞ւմ
ես... լավ, թող այդպես լինի: Քո անունն էլ չես ասում. թող
քո անունը թագուհի լինի. դուցե ասածու կամքով է, որ ես մինչ
այժմ ամուրի հմ մնացել. իսկ թագավորը չի կարող երկար ժա-
մանակ ամուրի մնալ... հղիք այս աշխարհի թագուհին, բա-
ժանիր ինձ հետ իմ թագավորությունը. դու կիշխես քո լսել-
քով, ես իմ ուժով. մենք աշխարհում ամենահզորը կլինենք.
մեր առաջ կխոնարհվեն բոլորը, բոլորը:

Երբ Նարզասն ավարտեց իր պերճախոսությունը, աղջի-
կը խորաթափանց մի հայացքով նայեց Նարզասին ու ա-
սաց.

— Դուք բոլորն ասացիք:

— Առայժմ, եթե կուզես այո՛, այժմ դո՛ւ ասա քո խոսքը. համաձայնի՛ր դառնալ թագուհի:

— Ես թագուհի եմ,— պատասխանեց անանուն աղջիկը:

— Ա՛խ, այո՞, դրա համա՞ր ես ծպտված ման գալիս. դրա համա՞ր շես ասում անունդ:

— Ո՛չ, ո՛չ. ես իմ սրտի և իմ հոգու թագուհին եմ:

— Ա՛հ,— հանգիստ շունչ քաշեց Նարզասը,— այդ մի թագավորութուն է, որ քեզ ոչինչ չի տալիս, հոգսից բացի. իսկ ես քեզ տալիս եմ և՛ սեր, և՛ իշխանութուն, և՛ հարստութուն:

— Սեր, իշխանութուն, հարստութուն. այդ բոլորը բավակա՞ն է մարդուն հողի վրա հաստատ քայլելու հա՞մար:

— Նաև գիտութուն: Չէ՞ որ դու արդեն ունես այդ շքնորհը:

— Այդ էլ գումարած նախորդների վրա դեռ բավական չէ այս աշխարհում ապրելու համար:

— Զարմանալի է,— բացականչեց Նարզասը և ներքնապես թեև զայրանում էր, բայց դարձյալ ուզում էր շարունակել զրույցն աղջկա հետ, ուստի նորից խոսեց,— ասա՛ ինձ, վերջապես ասա քո անունը. ես ուզում եմ քեզ կոչել քո անունով, դուցե այդպես մենք ավելի հեշտ հասկանանք միմյանց:

— Ես անուն չունեմ:

— Ես քեզ անուն կշնորհեմ:

— Ոչ, իմ անունը ինքս պիտի գտնեմ. ես փնտռում եմ աշխարհի մեկնալավ անունը և ով համաձայնի ինձ այդ անունով կոչել ես նրան պիտի պատկանեմ:

— Անվանիր քեզ. ինչ անուն էլ ցանկանաս, ես այդ անունով էլ կկոչեմ քեզ:

— Այդ դժվար է ասել կկոչես ինձ իմ ցանկացած անունով թե չէ. ես ուզում եմ իմանալ, թե աշխարհում մարդկանց և իմ երջանկության համար ի՞նչ անուն է հարկավոր կրել:

Նարզասը վեր ելավ թախտեց և անհանդիստ շարժումներով սկսեց հետ ու առաջ գնալ սենյակում, իսկ աղջիկը շարունակեց:

— Ես շատ աշխարհներ եմ ման եկել. այժմ հասել եմ քո աշխարհը, բայց դեռ չեմ տեսել, թե ինչ կանցնի կդառնա քո թագավորության մեջ. այժմ պետք է գնամ այդ էլ տեսնեմ և թերևս արդեն կարողանամ որոշել, թե ինչ անունով կոչեմ ինձ:

— Գնա, գնա տես, — բացականչեց Նարզասը և աղջրկանն առաջնորդելով դեպի լուսամուտը՝ ցույց տվեց նրան այնտեղից երևացող երկիրն ու ասաց, — տես իմ թագավորությունը՝ լա՛յն, արձա՛կ. թագուհի լինել այսպիսի երկրի՝... այդ հազվագյուտ շնորհ է:

Եվ Նարզասը պատմում էր, թե ինչ պերճանքներ կան իր թագավորության մեջ, ինչքան հարստություն և որքան հպատակներ և այդ բոլորի, բոլորի վրա իր հետ միասին կիշխեր նա, թագուհի դարձած աղջիկը: Նարզասը դեռ երկար կխոսեր, երբ հանկարծ նրանց ականջին հասավ մի երգի ձայն: Նարզասը սրեց լսողությունը, աղջիկը ևս. երգում էին հենց նրա լուսամուտի տակ. Նարզասի դեմքը վայրկենապես փոխվեց. նույն այն երգն էր, արդեն ծանոթ երգը:

Այն անցավոր աշխարհում մարդը ուրախ պիտի ապրի, իսկ անիրավ գործերը միայն պատժի են արժանի:

Ուր անիրավ գործեր են կատարվում

Եվ չի պատժվում անիրավը,

Ո՛չ արքան է այնտեղ արքա,

Ո՛չ էլ աստվածն է աստված:

Անանուն աղջիկը այնպես ձևացրեց, որ իբր թե չի նկատում Նարզասի վրդովմունքը. իր սովորական հանդիստ ձայնով միայն ասաց.

— Ես ուզում եմ տեսնել այդ երգը հորինողին:

Նարզասը մատը տարավ շրթունքին. — «լավ, — մտածեց յուրովի, — լավ, թող տեսնի: սա դրա շափ հմտություն ունի,

որ գտնի այդ շարախոս Մարկոսին. իսկ մենք, մարդիկ կընշանակենք, կհետեւենք... և շարախոսն այլևս չի փախչի իմ դատաստանից»։ Այս մտքով նա դարձավ աղջկան։

— Բարի ցանկություն է տեսնել երգը հորինողին, բայց նա այնպէս հեշտ չի երևում մարդկանց աչքին։ Այ, հիմա լսեցիր այդ երգը, բայց եթէ ցանկանաս երգողին կամ երգի հեղինակին տեսնել... ապարդշուն աշխատանք ... քամու պէս անհայտանում են։

— Թող հանգիստ լինի արքան. ես կգտնեմ երգիչներին էլ, երգի հեղինակին էլ։

— Այո՛ գտիր ու վերադարձիր. վերադարձիր արդեն քո անունով։

— Ես պարտավոր եմ վերադառնալ։ Այնտեղ, ուր մի անգամ արդեն եղել եմ, պետք է նորից մտնեմ։

Թագավորն հասկանում էր այս խոսքերն այնպես, ինչպէս նրանց ուղղակի իմաստն էր, իսկ անանուն աղջիկը, ուրիշ իմաստ էլ էր դնում այդ խոսքերի մեջ։

Երբ աղջիկը դուրս ելավ, Նարզասը նորից մի քանի անգամ դնաց-եկավ իր սենյակում։ Ապա կանչեց Օխտիկին, հրահանգներ տվեց որ նա իր մարդկանցով գաղտնի հետեւն աղջկան և Արգամին ու հենց որ աղջիկը հանդիպի ծպտված Մարկոսին, բռնեն այդ շարախոսին ու բերեն պալատ։ Հետո զգալով, որ ինքն առանց Գարգեսի կգժվարանա զլուխ հանել սկսված գործը հրաման տվեց, որ նա պալատ վերադառնա։

Ը.

Հրաժեշտ տալով Նարզասին, աղջիկը դնաց այն սենյակը, ուր նրան սրտատրոփ սպասում էր Արգամը։

— Ո՛հ, իմ կյանք,— բացականչեց Արգամը,— ես արդեն հուսահատվել էի։

— Թո՛ղ այդ խոսքերը, երբ ինձ հետ ես, ուրեմն չպետք է խոսես հուսահատության մասին։

Արգամը զմայլված նայեց աղջկան և, այլևս առանց որ-
ևէ խոսք ստեղծ, նրա հետ դուրս եկավ պալատից:

Մի քանի օրվա ընթացքում նրանք անցան շենից շեն,
շատերի հետ սեղան նստեցին շատերի հետ խոսեցին, շատ
ծիծաղ ու լաց լսեցին:

Եվ ահա, մի օր էլ, Երեկոյան դեմ նրանք հասան մի
շենի, որը կառուցված էր բարձր լեռան լանջին. շենի եզ-
րին, լեռներից հոսող առվի ափին բուսած ուռիների տակ,
տեսան հավաքված մի խումբ մարդկանց. նրանք բոլորվել
էին մի մարդու շուրջ, որը նրանց համար երգեր էր երգում:

Արգամն ու աղջիկը մոտեցան նրանց. բարև տվին,
բարև առան: Երգիչը մի պահ լռեց և ուշադիր նայեց եկող-
ներին:

— Ինչո՞ւ լռեցիր, — խոսեց աղջիկը, — հաճելի է քո եր-
գը, երգի՛ր. մենք էլ ենք ուզում լսել քո երգը:

Երգիչը նայեց աղջկան, ապա Արգամին ու ասաց.

— Իմ երգն այնպիսի երգերից չէ, որ ամենքին հաճելի
լինի:

— Ես նրանցից եմ, որին հաճելի կլինի քո երգը, — աս-
աց աղջիկը:

— Դե որ այդպես է ես նորից կերգեմ:

Ասաց երգիչն ու լարերին խփելով երգեց. երգեց այն
երգը, որ աղջիկը լսել էր Նարզասի պալատում եղած ժա-
մանակը: Եվ առանձին շեշտով երգիչը կրկնեց երգի վեր-
ջին խոսքերը.

Ուր անիրավ գործեր են կատարվում

Եվ շի պատժվում անիրավը,

Ո՛չ արքան է այնտեղ արքա,

Ո՛չ էլ աստվածն է աստված:

Երբ նա լռեց, աղջիկը հարցրեց.

— Ով երգիչ, իսկ ի՞նչ անիրավ գործեր են կատարվում
այս երկրում:

— Ի՞նչ... մի՞թե քեզ ոչինչ հայտնի չէ, — ձայնեցին
մի քանիսը:

— Ես կուզեմ ձեզնից իմանալ:

— Դե, մեր պատմությունը կարճ է, — խոսեց երգիչը, — այ, մենք էս մեր սարի ծերին մի քամու ջաղաց ունենք, առաջ մենակ աղունավարձ էինք տալիս, հիմա թե աղալու վարձն ենք տալիս, և թե քամու վարձը: Քամին, ասում են, թագավորական է և նրա վարձն էլ տանում են թագավորի խազնեն:

— Դրան էլ վարժվեցինք, — միջամտեց մի ծեր ունկընդիր, — երեկ էլ եկան տները՝ հաշիվ տեսան, թե ում երգիկն ինչքան լինք ունի, ում լուսամուտն ու դուռն ինչ չափսի են, որ հիմի էլ արևի հարկ վերցնեն:

— Այդ ինչպե՞ս, — հարցրեց աղջիկը:

— Այնպես. ասեցին, թե արևը թագավորական է, ում տունն ինչքան լույս է ընկնում, այն չափով էլ նա թագավորին խարջ պիտի տա: Եվ մենք ամենքից շատ ենք խարջ տալիս, որովհետև մեր տեղը բարձր է. քամին, ասում են ավելի շատ է, արևն էլ ամենից առաջ հո մեր սարի դագաթին է դիպչում:

— Է, թագավորը որ մանկասպան լինի մեր վիճակն էլ էս կլինի, — նորից խոսեց երգիչը, — Մարկոսն ավելի շատ բան դիտե. նա ամեն ինչ ձեզ կպատմի:

Հետո երգիչը պատմեց Մարկոսի մասին և տեսնելով, որ և՛ աղջիկը, և՛ Արզամբը համակրանքով են վերաբերվում իր երգին ու ցավակցում են ժողովրդին, ընկերացավ նըրանց ու անցնելով շենի ծուռ ու մուռ փողոցներով տարավ հասցրեց Մարկոսի թաքստոցը:

Մարկոսը դիմավորեց աղջկան իբրև հին ծանոթի. նա վաղուց էր լսել այդ աղջկա մասին և դիտեր, որ մի օր նա պետք է հասներ նաև Նարդասի երկիրը, դրա համար էլ նա ոտքի ելավ, խոնարհ գլուխ տվեց նրան ու հրավիրեց բազմելու իր սենյակի վերին մասում: Պատշաճ տեղ առաջարկեց նաև Արզամին:

Հետո Մարկոսը պատմեց, թե ինչ անցավ դարձավ պալատում:

—...եվ ութը տարեկան թագաժառանգին սպանեցին,—
եզրափակեց նա իր խոսքը:

— Եվ սպանողը դաշույնը նետեց գինու կարասի մեջ,—
վրա բերեց աղջիկը:

— Չեմ համարձակվում հարցնել, թե որտեղից գիտես, ով
իմաստության դուտոր,— ասաց Մարկոսը,— վասնզի ան-
բավ է քո շնորհը:

— Բայց ես կարող եմ ասել,— խոսեց աղջիկը և պատ-
մեց, թե ինչպես ինքը Նարգասի մոտ ճաշի կանչվեց և թե
ինչ տեղի ունեցավ այնտեղ:

Աղջկա պատմությունը լսելուց հետո, Մարկոսը հա-
ղորդեց այն նոր լուրերը, որ նա լսել էր.

— Այժմ թագավորը նորից հետ է կանչել այդ Գար-
գեսին և սպանում է նոր պատուհասներ հասցնել երկրին:
Նա կտրեց բոլոր ազնիվ ու ողջամիտ մարդկանց գլուխը:
Եվ ահա՛ ես փախա պալատից. փախա, որ ժողովրդին սո-
վորեցնեմ իմ երգը, որ դու արգեն լսել ես. և հիմա, իմ եր-
գիչները ամեն տեղ, գիշեր ու ցերեկ երգում են այդ երգը:
Երգում են ու այդ երգը ժողովրդի սիրտը լցնում է ցասու-
մով: Ցասումով ու հավատով, որ անօրեն գործերն անպա-
տիժ չեն կարող շարունակվել:

Ու Մարկոսը ոգևորված վերստին երգեց իր հորինած
երգը:

Այդ ժամանակ դուրը շոինդով բացվեց և մի խումբ
սպառազինված մարդիկ Օխտիկի գլխավորութայամբ ներս
մտան:

— Ա՛հ, վերջապես դու այստեղ ես, ծեր աղվես,— գո-
չեց Օխտիկը և սուրը մերկացնելով, հրամայեց Մարկոսին
հետևել իրեն:

Արգամբը, որ ամբողջ ժամանակ լինելով աղջկա հետ,
հարմար առիթ էր որոնում իր ուժը ցույց տալու, վեր թռավ
տեղից և շորերի տակից դուրս բաշելով սուրը, գոչեց.

— Չմոտենա՛լ:

Մի պահ նա և Օխտիկը նայեցին միմյանց, Օխտիկը,
որ իր լրտեսների միջոցով գաղտնի հետևել էր աղջկան ու

Արգամին, նրանց հետքերով գտել նաև Մարկոսին, նշան տվավ և նրա հետ եղած զինվորներից երեքն առաջ անցան և այն է, ուզում էին հարվածել Արգամին, երբ անանուն աղջիկը տեղից վեր ելավ և մոտենալով Օխտիկին նայեց նրան ոտքից մինչև գլուխ ու հանգարտ հարցրեց.

— Ի՞նչ գործ ունես այստեղ:

— Իմ գործը փախստական, շարախոս պալատական Մարկոսի հետ է. ես քեզ հետ գործ շունեմ և, առհասարակ, աղջիկների հետ շեմ սիրում գործ ունենալ: Թագավորական հրաման ունեմ:

Աղջիկը սպառնալից նայեց Օխտիկին և ասաց.

— Լսի՛ր, ով պոռոտախոս. այստեղ հրամայողը ես եմ:

— Դո՞ւք:

— Այո, ես. ե՛ս եմ այստեղ թագուհին:

— Մի՞թե սա ուրիշ թագավորության հող է:

— Այնտեղ ուր առատ է լույսը, այնտեղ ես եմ թագավորողը... չէ՞ որ քո թագավորի հարկահանները հաշվել են, որ այստեղ ավելի շատ է լուսավորում արևը. հենց այդ հաշվով էլ նա զրկել է իրեն այստեղ իշխելու իրավունքից. ես եմ տերն ու թագուհին այստեղ:

— Թագուհի՛,— բացականչեց Օխտիկը:

— Հրամայում եմ հետ դառնալ և զեկուցել իմ ասածները քո թագավորին:

Եվ այս խոսքերի հետ, աղջկա աչքերն այնպիսի փայլ արձակեցին, որ Օխտիկը չդիմացավ նրա նայվածքին և միայն կմկմաց իր սերտած բառերը:

— Թագուհու խոսքն օրենք է:

Եվ իր զինված մարդկանց գլուխն անցած, շտապեց ժամ առաջ հեռանալ այդ վայրից:

Թ.

Նարզասի հանգիստը խոռովել էր: Բազմած իր թախտին նա դեյլան էր ծխում և ունկնդրում Գարգեսին, որն արդեն

վերադարձել էր պալատ: Նարզասն անհանգստանում էր, որովհետև Գարգեսն սփոփիչ բաներ չէր ասում:

Եվ ամենից շատ Նարզասն անհանգստանում էր այն լուրերից, որ Գարգեսը հաղորդեց անանուն աղջկա մասին:

— Նրա ծագումը, — ազգն ու տոհմը հայտնի չէ, — տեղեկացնում էր Գարգեսը, — բայց ինչ թագավորության միջով նա անցնում է, բոլորը հմայվում են նրանով և նրան ավելի են մեծարում... լեզուս չի զորում ասել... քան թագավորին:

— Նա այնքան իմաստուն է, Գարգես, և այնքան ըսքանչելի, որ այո՛, նրան ամենքը կարող են մեծարել... բայց ավելի քան արքային... երբե՛ք:

— Հենց այդ է, ով տեր, որ անհանդուրժելի է:

— Գարգես, ով իմ սիրելիս, դու պետք է այստեղ լինեիր, որ քո իմաստուն խորհուրդներով օգնեիր ինձ. նա այնքան շնորհալի էր և այնտեղ դուրսը, երբ ես նրան իբրև բժիշկ հանդիպեցի, և այնքան խորամիտ, այստեղ պալատում, ճաշի ժամանակ, որ մտքովս անցավ նրան թագուհի ունենալ և այդ միտքն այնքան կախարդեց ինձ, որ ես ուրիշ բանի վերահասու չեղա: Նա շատ էր ուզում տեսնել այդ զայրացուցիչ երգի անամոթ հեղինակին: Հիմա Օխտիկը կբերի Մարկոսին. նրան կամ նրա գլուխը, այդ միևնույն է. իսկ աղջիկը խոստացել է գալ և ասել ինձ իր անունը, և եթե ես կոչեմ նրան իր անունով, նա կդառնա թագուհի:

— Զորաց տեր, դուք երբեք չեք կարող նրան կոչել իր անունով:

— Ինչո՞ւ, մի՞թե դու գիտես նրա անունը:

— Ո՛չ, ես չգիտեմ, բայց լսեցի, որ մի տեղ, մի արքայի նա ասել է իր անունը և արքան այդ անունը լսելիս... թող նորից ների ինձ գերհզորը... կորցրել է խոսելու ունակությունը:

— Ո՛հ, ինչ սրբապղծություն:

— Այո, նրա արարքները շատերին են զայրացրել. թագավորներից մեկը հրամայել է, նույնիսկ, գլխատել այդ

աղջկան, բայց ահա, ինչպէս տեսնում է արքան, նա ողջ և առողջ հասել է մեր երկիրը:

— Այն ինչ շի կարողացել անել այդ անպետք թագաւորը, ես կանեմ, եթե նա իմ երկրում ինձ հակառակ որևէ բայլ անի:

— Եվ դուք, այն ժամանակ, ով մեծազոր, կփառաբանւիք բոլոր ժամանակների, բոլոր արքանների մեջ... սակայն թող ներողամիտ լինի արքան, իր խոնարհ ստրուկի հանդեպ, եթե ասեմ, որ հարմար առիթը չպետք էր փախցնել, երբ նա արդեն այստեղ էր, պալատում:

— Իմ մարդիկ հարկ եղած դեպքում նորից նրան ու իր ընկերոջն այստեղ կրեբեն:

— Թող հավերժ ապրի իմաստուն արքան:

Ներս եկավ սենեկապետը և զեկուցեց, որ Օխտիկը վերադարձել է իր արշավանքից և սպասում է արքայի ընդունելությանը:

Նարգասը կարգադրեց անմիջապես ներս կանչել նրան: Օխտիկը ներս մտավ գունատ, ընկձված գեմքով և ծունկի իջավ արքայի առջև:

— Զեկուցի՛ր, — հրամայեց Նարգասը:

— Տեր արքա, սկզբում ամեն ինչ հաջող գնաց. իմ հաւատարիմները աննկատ կերպով հետևում էին անանունի և Արգամին մինչև Մարկոսի թաքստոցը:

— Իսկ Մարկոսը, ո՛ր է այդ խառնակիչը. նրա անունը լսում եմ, բայց զլուխը չեմ տեսնում, — բացականչեց Նարգասը:

— Ո՛վ ողորմած տեր, հենց այն է, ուզում էի ձերբակալել Մարկոսին այդ պահին առաջ եկավ թագուհին և հրամայեց ձեզ զեկուցելու...

— Ի՞նչ թագուհի, — զայրացած գոչեց Նարգասը:

— Անանուն աղջիկը հայտնեց, որ ինքը թագուհին է բոլոր լուսառատ բնակավայրերի, իսկ այդ բնակավայրը թագավորության ամենալուսառատ վայրն է...

— Անեծք քեզ, ողորմելի ստորուկ, դու չգիտե՞ս, որ տերութեան մեջ մենակ ես եմ հրամայողը:

— Թող հավերժ ապրած կենա արքան, իմ կարողութիւնից վեր էր հակառակ գնալ թագուհու կամքին:

— Ողորմելի արարած, բայց չէ՞ որ դու իմ հրամանն ունեիր կատարելու, իսկ իմ երկրում թագուհի՛... Ի՞նչ թագուհի:

— Նա այնպէս վեհատեսիլ էր և խոսքերն այնպէս ազդու, որ ծնկներս դողացին, տեր արքա և չէի կարող շանսալ նրա հրամանին:

Նարգասը կանչել տվեց դահիճին և հրամայեց գլխատել Օխտիկին:

Երբ Գարգեսի հետ մենակ մնացին, Նարգասը տազնասլով դարձավ դեպի նա:

— Այդ անանուն զարհուրելին այստեղ էլ իրեն թագուհի անվանեց... բայց բոլորովին այլ կերպ, թե ինքը իր սրտի և հոգու թագուհին է:

— Ո՛հ, դա ամենավտանգավորն է, ով արքա. այդ հիմար քարողը այժմ նա կարդում է ամեն տեղ և քո ամենաողորմելի հպատակն իսկ կարող է ասել, թե ինքը թագավոր է կամ թագուհի:

Ամբողջ գիշերը Նարգասը Գարգեսի հետ խորհրդակցում էր, թե ինչպէս վարվի այդ աղջկա հետ, որ ինքն իրեն լուսառատ վայրերի թագուհի էր հռչակել և այժմ ընկերացած շարախոս պալատական Մարկոսին սպառնալիք էր դարձել գահին: Կանչեցին նաև այլ պալատականների, նրբանց հետ և խորհրդակցելու: Վերջում Նարգասը կանչեց Հազարապետին և հրաման տվեց:

— Առ քո զորքը և բանակիր լուսառատի հովտում. եթե Մարկոսը, անանուն աղջիկն ու Արգամը իրրև հլու հպատակներ չներկայանան ինձ, ապա, ահա՛, այս սկուտեղի վրա ինձ կմատուցես նրանց գլուխները:

Հազարապետը խոնարհ գլուխ տվեց թագավորին և

դուրս դալով պալատից անցավ իր զորքի գլուխը և գնաց նրա հրամանը կատարելու:

Նարզասը սպասեց մեկ օր. դեռ որևէ լուր չկար Հազարապետից. երկրորդ օրն առավոտյան, երբ նա լուսամուտից դեպի դուրսն էր նայում, ցանկանալով ծծել վազորդյան զովացուցիչ օդը, տեսավ, որ հեռվից դեպի պալատ են գալիս մի խումբ ձիավորներ:

— Վերջապես, — բացականչեց նա համրիչը ձեռքն առնելով, և սկսեց գուշակութուններ անել:

Քիչ հետո Հազարապետը Գարգեսի ընկերակցութեամբ ներս մտավ և խոնարհ գլուխ տվեց արքային:

— Թող ապրած կենա լուսատու արքան, շարախոսը՝ Մարկոսը շղթայակապ նետված է զնդան:

Նարզասի դեմքին փայլեց ժպիտ և նա հրամայեց իրեն ներկայացնել անհնազանդ պալատականին: Անմիջապես կատարվեց նրա հրամանը: Եվ երբ Մարկոսը շղթայակապ կանգնեց նրա դիմաց, Նարզասը բավականութեամբ համրիչը շխկշխկացրեց ափի մեջ ու արհամարհոտ ասաց.

— Դու եկել ես թողութուն խնդրելու շարախոսութուններիդ համար:

— Ես չեմ եկել, ինձ բերել են, — նույնպես արհամարհանքով պատասխանեց Մարկոսը:

— Ուրեմն դու գերադասում ես փախստականի կյանքը պալատականի կյանքից:

— Բայց ես պալատական չեմ հիմա. ես... ու ցույց տվեց իր շղթաները:

— Այդ կախված է իմ արքայական շնորհից:

— Արքայական շնորհ. ո՞րն է այդ շնորհը, կամ ինչ արքա, որի թելադրանքով այսպիսի գարշելին (նա ցույց տվեց Գարգեսին), անպաշտպան երեխային դաշունահար է անում:

— Անպատկառ շարախոս... կտրե՛լ դրա լեզուն, — որոտաց Նարզասը:

— Ուշ է. այժմ ամենքը գիտեն. ես շատերին սովորեց-

րի, որ իրենց երեխաների կյանքը ապահով չի կարող լինել, քանի դու արքա ես, և քանի անիրավը չի պատժված:

— Կտրե՛լ լեզուն. ո՛չ, անմիջապես կախել:

Մարկոսն, առանց ուշադրություն դարձնելու Նարզասի սպառնալիքին, շարունակեց.

— Ես այժմ կարող եմ հանգիստ սրտով մեռնել. ես ուխտ ունեի տեսնել անանուն աղջկան. տեսա նրան: Նա կա, նա ապրում է, ուրեմն մեռնելն ինձ համար սարսափելի չէ. ես կարող եմ հիմա ազատ խոսել, առանց հանելուկների, առանց ծպտվելու: Երբ նա, այդ զարմանահրաշ աղջիկը կա, ոչ ոք անպատիժ չի մնա, ոչ դո՛ւ ո՛վ ստոր արքա և ո՛չ էլ քո կամակատարները, որոնք արևի լույսին էլ են ուզում տեր կանգնել, քամուն էլ: Կարող է պատահել, որ դուք ինձ սպանեք մինչև նրա գալը, բայց նա կգա. երբեմն նա ուշանում է, բայց միշտ էլ հասնում է:

— Տանե՛լ, հեռացնե՛լ, կախե՛լ,— որոտաց Նարզասը. և երբ Մարկոսին տարան, նա դարձավ Գարգեսին ու Հազարապետին:

— Ո՞վ, ո՞վ է վերջապես դա, այդ անանուն աղջիկը, որ այդպիսի լեզու է դնում այսպիսի ողորմելու բերանը: Ո՞ւր է նա կամ նրա գլուխը:

Հազարապետը զեկուցեց:

— Ո՛վ զորաց տեր. երբ ձերբակալեցի այդ շարախոսին նա հայտնեց, որ աղջիկն ու Արզամը մեկ օր առաջ գնացել են իր մոտից. հետապնդեցի, նրանք հեռու չէին կարողացնլ գնալ. մոտիկ գյուղում մարդիկ էին հավաքել իրենց գլխին ու այս Մարկոսի նման շարամիտ բաներ էին խոսում:

— Ի՞նչ արիր:

— Տեսա, որ ձերբակալելն անհնար է, քանի որ այդ անիծած Արզամը փորձված ուղղակի էր եղել և նա, մի խումբ մարդկանց գլուխ անցած, սկսեց դիմադրել: Շրջապատեցի ու բռնորին, անսալով ձեր իմաստուն հրամանին, ոչնչացրի:

— Աղջկան ևս:

— Այո, տեր արքա:

— Ո՞ւր է նրա դիակը. ուզում եմ տեսնել:

— Դիակը շփտանք, տեր իմ, բայց իմ հավատարիմ համհարզը անձամբ էր սուրբ խրել նրա կողը:

— Կա՞վ,— բացականչեց արքան, ապա պարզենք տրվեց Հազարապետին և առանձնանալով Գարգեսի հետ, ուրախության ժպտը դեմքին, խոսեց.

— Այժմ, իմ սիրելի Գարգես, մենք ապահով կարող ենք թագավորել մեր աշխարհում:

Յ.

Օրեր անցան: Մի առավոտ, երբ Նարդասը նոր էր անկողնից ելնում, ականջին հասան իրեն զայրացնող երգի հնչյունները. — «Եթե չի պատժվում անիրավը, ո՞չ արքան է այնտեղ արքա, ո՞չ էլ աստվածն է աստված»:

Կատաղեց Նարդասը վիրավոր գազանի նման, — ուրեմն այդ շարախոսը մեռավ, բայց նրա երգը կա: Եվ հրամայեց կտրել բոլոր երգիչների լեզուն: Ու նրա դահիճները անցնում էին գյուղից գյուղ, քաղաքից քաղաք և կտրում էին երգիչների ոչ միայն լեզուն, այլև գլուխները, սակայն ինչքան շատ գլուխ էին կտրում, այնքան ավելի շատ էին երգում. երգը լավում էր գիշեր, ցերեկ, արշալույսին ու վերջալույսին. լսվում էր քաղաքներում, դաշտերում, հարսանիքներին, մանկան օրորոցի մոտ և գալիս հասնում էր պալատ ու խրոսվում Նարդասի հանգիստը: Եվ սակայն Նարդասի համար ամենասարսափելին այն եղավ, որ եկան հազորդեցին, թե անանուն աղջիկը նորից բարձրացել է լուսառատ բնակավայրը և թագավորի բոլոր պաշտոնյաներին վռնդել է այնտեղից, և որ ժողովուրդը նրան է մեծարում, նրա գլխով է երգվում:

— Գարգես, ո՞վ Գարգես,— խոսեց Նարդասը իր հավատարիմ գործակցի հետ, — ի՞նչ պատիժ է այդ աղջիկը մեր գլխին: Չկտրե՞մ արդյոք այդ Հազարապետի գլուխը, որ խաբեց ինձ. աղջիկը չի սպանված:

— Տեր արքա, Հազարապետի գլուխը հարկ չկա կտրելու. դա չի օգնի գործին. ես ձեզ արդեն ասել եմ, որ հեշտ չէ այդ աղջկան սպանելը. մնում է ոչնչացնել այդ լուսառատ բնակավայրը, որ նա էլ հետը բնաջնջվի:

Եվ այդպես էլ արին: Առաջ սուրաց արքայի այրուծին, առաջ գնացին նետածիգններն ու թուր շարժողները: Քար ու քանդ արին, հողին հավասարեցրին լուսառատ բնակավայրը: Մարդկանց դիակներից դեզեր կազմվեցին: Եվ եկան զեկույցեցին արքային, թե լուսառատի բնակիչներից ոչ ոք չազատվեց, բոլորն սպանվեցին:

Այս անգամ անցավ մեկ շաբաթ, մեկ ամիս. սկզբում ամեն ինչ կարծես, թե լավ էր: Եվ ահա մի օր երեկոյան, երբ թագավորը պատրաստվում էր իր ծննդյան տարեդարձի խրախճանքը սարքել, նորից նրա ականջին հասավ իրեն այնքա՛ն անդուրեկան երգի ձայնը: Եվ ամենազարմանալիս այն էր, որ միաժամանակ եկան հաղորդեցին, թե մոտիկ մի բնակավայրում նորից ի հայտ է եկել անանուն աղջիկը և մարդիկ նրան պատիվ են տալիս ու նրա գլխով են երգվում:

Մինչ նարզասը պատրաստվում էր թագավորական ժողով անել, հրամաններ տալ աղջկան աշխարհի երեսից ջնջելու մասին, պալատի շրջակայքում լսվեց անսովոր աղմուկ, արքայական զորքը Հազարապետի գլխավորութամբ դիրքեր էր գրավում պալատը պաշտպանելու համար, սակայն տագնապը չէր մեղմանում:

Եվ ահա նարզասն իր պատշգամբից տեսավ անսովոր մի բան. աղջիկը, անանուն աղջիկը, ամբողջովին ճերմակ հագած, նստած էր մի շքեղ գահի վրա և բազմաթիվ մարդիկ, այդ գահն իրենց գլխավերևում բռնած, գալիս էին դեպի պալատ: Եվ ինչքան ճգնում էր Հազարապետը, ինչքան հրամաններ էր տալիս, ոչ ոք չէր մոտենում ու չէր համարձակվում անանուն աղջկա ճամբան կտրել:

Եվ աղջիկը երբ պալատի դռան հասավ, իջավ իր գահից և մենակ, առանց ուղեկցի ներս մտավ ու գնաց դեպի նարզասը: Նարզասը, այն սենյակում, ուր մի անգամ արդեն ըն-

դունել էր նրան, կանգնած էր, և ահա դուռը բացվեց ու աղ-
ջիկը հանդարտ քայլերով մոտեցավ նրան: Աղջկա դեմքը
փայլ ունեւ լուսնի պէս և նրա մազերի խուրձերը թափված
նրա ուսերին, ավելի վեհ էին դարձնում նրա չքնաղ կերպա-
րանքը:

— Ես եկա, ո՞վ Նարգաս. ես քեզ ասի, որ պետք է վե-
րադառնամ,— ասաց աղջիկը, կանգնեց նրա դիմաց և ծանր
հայացքով նայեց նրա դողահար դեմքին:

— Եկա՞ր,— կմկմաց Նարգասը,— եկար, որ ասե՞ս ա-
նունդ. այդպէս ասեցիր դու այն անգամ:

— Եկա՛, որ ասե՛մ անունս: Ես գտա իմ անունը: Ես
ման եկա քո թագավորութիւնը և տեսա, որ քո թագավորու-
թեան մեջ շատ բան կա, բացի մի բանից: Ծճմարտութիւն
չկա քո երկրում. անարդար գործերն անհամար են քո աշ-
խարհում: Բայց ամենամեծ անիրավութիւնը դու ես գոր-
ծել, ով մանկասպան Նարգաս. իմաստուն է ժողովրդի եր-
գը,— անիրավ գործը, թե անպատիժ մնա, ո՛չ արքան է
արքայ, և ո՛չ աստվածն աստված: Եվ տեսնելով քո երկրում
կատարվող բոլոր անարդար գործերը, ես իմ անունը կնքե-
ցի, լա՛վ լսիր, իմ անունը կնքեցի՝ Ծճմարտութիւն:

Նարգասը ընկճված նայեց Ծճմարտութեան աչքերին և
ոչ մի խոսք չսաց:

— Ծճմարտութիւն է իմ անունը. կարո՞ղ են քո շըր-
թունքներն արտասանել իմ անունը:

— Չէ՞ որ քեզ սպանեցին,— անսովոր ճիգ գործադրե-
լով, կրճտացնելով ատամները, մոմոաց Նարգասը:

— Ո՛չ, ինձ մահ չկա: Դու կուզեիր, ի հարկե ինձ սպա-
նել. ով չի կարող իմ անունն արտասանել, նա փորձում է
ինձ սպանել. բայց ինձ մեռցնել չի կարելի. ես հավերժ
ապրում եմ: Եվ արդ, քանի որ դու չես կարող իմ անունն
արտասանել, ուրեմն դու իրավունք չունես վայելելու արևի
լույսը, որը դու արգելում ես ուրիշներին վայելել:

Եվ երբ Ծճմարտութիւնը խոսում էր, նրա հրացայտ աչ-
քերից այնպիսի լույս առկայծեց, որ երեկոյան մութը փա-

րատվեց: Եւ այդ լույսի տակ նոր եռանդ ստացած, առաջ
եկավ Արդամը. Ճշմարտութունը թույլ տվեց, որ նա իր
ձեռքն համբուրի, և ասաց.

-- Ահա՛ և իմ արդար ուղեկիցը, ուժը:

Նարդասը չդիմացավ աղջկա աչքերից առկայծած լույ-
սին՝ կուրացավ, լեզուն կապվեց ու նա անշունչ փուլեց հա-
տակին:

Եկան երգիչները և լարելով իրենց փամբիռները, աղ-
ջրկա կենաց երգը երգեցին, աղջկա հավերժության գովքը
հնչեցրին:

1840

Երևան



Պատ. խմբագիր՝ ՀՐ. ԳՐԻԳՈՐՅԱՆ

ՎՁ 12281. Պատվեր 366. Տիրաժ 4000. 22 $\frac{1}{4}$ տպ. մամուլ.
Հեղ. 16,5 մամ.Ստորագրված է տպագրության 3/XI—46 թ.

ՀՍՍՌ Մինիստրների Սովետին կից Պոլիգրաֆ. և Հրատարակչ.
Վարչության № 1 տպարան, Երևան, 1946 թ.

lyne

2649